

Къуран-ы Керим Ышыгында Небилер Сильсилеси



Азрети  
Мухаммед  
Мустафа

-салляллаху алейхи ве селлем-

Осман Нурий ТОПБАШ

1  
[мекке  
деври]







**WORLD GRAPHICS**

**Адрес:** Bulgurlu Mah. Çiçek Sok. No:35  
Küçükçamlıca, Üsküdar, İstanbul/TÜRKİYE

**Почта:** rasimizm81@hotmail.com - [www.hudayiworldpress.com](http://www.hudayiworldpress.com)

**Тел:** (+90 216) 428 49 36 **Факс:** (+90 216) 428 49 36

**Дизайнер:** Анар Касумов - Расим Шакиров

Азрети  
Мухаммед Мустафа  
1

-салляллаху алейхи ве селлем-

Аллаһ Тааля буюра:

وَإِنَّكَ لَعَلَىٰ خُلُقٍ عَظِيمٍ

«(Эй, Расулим!) Шубесиз, Сен юдже бир ахлякъ узериндесинь!» (эль-Къалем, 4)  
لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُو اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا

«(Эй муминлер!) Ант олсын ки, Расулюллахта сиз ичюн Аллаһкъа ве ахирет кунюне къавушмакъны умуят эткенлер ве Аллаһны чокъ зикр эткенлер ичюн, гузель бир орынек бардыр». (эль-Ахзаб, 21)

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا

«Шубесиз Аллаһ ве мелеклери Пейгъамберге чокъ салават кетирирлер. Эй, муминлер! Сиз де онъа салават кетиринь ве там бир теслимиетнен селям беринь!» (эль-Ахзаб, 56)

وَمَا آتَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا وَاتَّقُوا اللَّهَ إِنَّ اللَّهَ شَدِيدُ الْعِقَابِ

«...Пейгъамбер сизге не берди исе, оны алынъ, сизге не ясакълады исе, ондан да сакъынынъ. Аллаһтан къоркъунъ. Чюнки, Аллаһнынъ азабы четиндир». (эль-Хашр, 7)

يَا أَيُّهَا الَّذِينَ آمَنُوا أَطِيعُوا اللَّهَ وَأَطِيعُوا الرَّسُولَ وَلَا تُبْطِلُوا أَعْمَالَكُمْ

«Эй, иман эткенлер! Аллаһкъа итаат этинъ ве Пейгъамберге итаат этинъ ки ишлериньизни бошуна чыкъарманъ». (Мухаммед, 33)

وَمَنْ يُطِيعِ اللَّهَ وَالرَّسُولَ فَأُولَٰئِكَ مَعَ الَّذِينَ أَنْعَمَ اللَّهُ عَلَيْهِمُ وَالشُّهَدَاءِ وَالصَّالِحِينَ وَحَسُنَ أُولَٰئِكَ رَفِيقًا وَالصَّادِّقِينَ مِنَ النَّبِيِّينَ

«Ким Аллаһкъа ве Расулине итаат этсе, иште, олар Аллаһнынъ озьлерине лютфлерде булунгъан пейгъамберлер, сыддыкълар, шейтлер ве салих инсанларнен берабердир. Булар не гузель достыр!» (эн-Ниса, 69)

أَلَمْ يَعْلَمُوا أَنَّهُ مَن يُحَادِدِ اللَّهَ وَرَسُولَهُ فَأَنَّ لَهُ نَارَ جَهَنَّمَ خَالِدًا فِيهَا ذَلِكَ الْخِزْيُ الْعَظِيمُ

«(Аля) бильмейлерми ки, ким Аллаһ ве Расулине къаршы чыкъса, эльбетте онынъ ичюн ичинде эбедий къаладжагъы джеэннем атеши бардыр. Иште, бу – буюк резилликтир». (эт-Тевбе, 63)

*Расулюллах -салляллаху алейхи ве селлем- буюра.:*

*«Муақъқақъ қи мен, гузель ахляқъны тамамламақъ ичюн ёлланылдым». (Муватта, Хуснуль-хулукъ, 8)*

*«Джинлер ве инсанларнынъ исянқярларындан башқъа, ерде ве қоқте олған бутюн варлықълар, меним Аллаһнынъ Расули олғанымны билелер». (Ахмед, III, 310)*

*«Сизге эки шей бырақъмақътам. Буларға сым-сықы сарылған муддетингиздже асла далалетке тюшмезсингиз: Аллаһнынъ «Қитаб»ы (Қъуран-ы Керим) ве Расулининъ «суннети». (Муватта, Къадер, 3)*

*Азрети Мевлянадан:*

*«Бу джан бу тенде олған муддетче Қъураннынъ қъулым; Мухаммед Мухтар -салляллаху алейхи ве селлем-нинъ ёлунынъ топрағыйым...*

*Бириси сёзлеримден, бундан башқъа бир сёз нақъыл этсе, о қишиден де шиқъетчийим, о сёзден де...»*





## СЁЗ БАШЫ

*Небилер сільсилесининъ ильқи ве сонъқи Алқрасы,  
Сеййидуль-Кевнейн, Расулюс-Сақфалейн,  
Имамұль-Харамейн, Варлықънынъ Нуры, алемлерге Рахмет*

### АЗРЕТИ МУХАММЕД МУСТАФА

*-салляллаху алейхи ве селлем-*

Бутюн махлюкътнынъ варлыгынынъ себеби нур-и Мухаммедий олгъанындан Азрети Пейгъамбер -салляллаху алейхи ве селлем-ни ве онынъ «Хабибим» хитабына лайыкъ оладжакъ бир шекильде яшагъаны мустесна ве орынек аятыны шу аджиз сатырлар мухтевасы ичинде толусынен ифаде этебильмек, асlyнда мумкюн дегиль. Анджакъ Оны анъламакъ ве анълатмакъ догърусында эр кеснинъ такъатына коре ёл ала бильмесининъ эсапсыз файдалары бар. Иште, буны дикъкъаткъа аларакъ, бир зерре къадар олса да, яза бильгенлеримизнен Азрети Пейгъамбер -салляллаху алейхи ве селлем-нинъ орынек шахсиетинден насиб алмакъ, Онынъ ахлякынен ахлякъланмакъ, бизлер ичюн шерефлернинъ энъ буюгидир. Ёкъса Оны лайыкъ дереджеде анълата бильмек иддасындан мумкюн дегиль. Бир лампа насыл бир къара без иле орьтюлип, ондан сонъ да бу без бир ийненен тешильгенде, ичеридеки айдынлыкътан тышкъа окъ киби ышыкъ чыкъкъаны киби, бизим сёзлеримиз де, Аллаһнынъ Расули-салляллаху алейхи ве селлем-нинъ мухтешем акъикъаты къаршысында о шекильде анълашылмалыдыр. Чюнки, къайнатнынъ Юдже Яратыджысынынъ:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا  
صَلُّوا عَلَيْهِ وَسَلِّمُوا تَسْلِيمًا

**«Шубесиз Аллаһ ве мелеклери Пейгъамберге (чокъча) салават кетирирлер. Эй, муминлер! Сиз де Онъа салават кетиринъ ве там**



**бир теслимиетнен селям беринь!»** (эль-Ахзаб, 56) буюраракъ, сайысыз мелеклеринен берабер, «саят ве селям» ёллагъаны ве **«Сенинь омрюнъе ант этем ки ...»** (эль-Хиджр, 72) буюраракъ, къадрини юджелъткен бу Пейгъамберлер Султанынынъ фазл-у кемалыны керек киби анълая бильмек, келимелернинъ сынъырлы имкянларынен асла мумкюн дегиль.

Дженабы Хакъ Севгили Пейгъамберине итаатны озюне итаат сайгъан, Онъа нисбетен япыладжакъ энъ кучюк бир урьметсизликнинъ, амеллернинъ бошуна кетмесине себеп оладжакъыны бильдирген ве Онъа урьметни гонъюллернинъ такъва имтиханы япкъан. Пейгъамберине уйгъунсыз хитапта булунмакъны буюк бир джаиллик оларакъ къабул эткен. Онъа даима саят ве селям кетирмемизни эмир этерек, Аллаһ Расули - салляллаху алейхи ве селлем-ни эр анъ хатырда тутмамыз кереклигини бильдирген. Атта эр кунъ намаз къылгъанда, тахийятта Расулюллах - салляллаху алейхи ве селлем- ге:

السَّلَامُ عَلَيْكَ أَيُّهَا النَّبِيُّ وَرَحْمَةُ اللَّهِ وَبَرَكَاتُهُ

деп, селям бермемизни истеген. Намаз къылгъан вакъытта бир инсангъа селям бермек, намазны бозаджакъ бир вазиет олгъаны алда, Аллаһнынъ Расулине селям бермекни намазнынъ ваджип бир шарты япкъан. Имам Гъазалий Азретлери бойле дегенлер:

«Намазнынъ тешеххудында<sup>1</sup> Пейгъамбер Эфендимизнинъ сурети ве керим шахсыны къальбинъде азыр эйле! «эс-Селяму алейке эйюхен-небийю ве рахметуллахи ве берекятух» де! Эмин ол ки, сенинь селямынъ Аллаһнынъ Расулине къавушыр ве О санъа даа яхшысы иле джевап берир». (Ихъя, I, 224)

Халид-и Багъдадий Азретлери де, «Мектюбат»ынынъ дёртюнджи мектюбинде улема Шихаб Ибн-и Хаджер эл-Меккийден шуларны икяе эте:

«Намазда окъулгъан Тахийятнынъ «эс-Селяму алейке» джумлесинде Пейгъамбер Эфендимизге хитап этильмекте. Бу, санки, Аллаһ Таалынынъ намаз къылгъан умметинден Эфендимизни хабердар этмесине ишарет-тир ки, бу шекильде Пейгъамбер -алейхисселям- намаз къылгъанларнынъ янында азыр олып, къыямет куню оларнынъ файдасына энъ фазилетли

1 Тешеххуд – Намазда «Эттехийят» дуасыны окъумакъ

амеллеринен шаатлыкъ япаджакъ. Айрыджа, Онынъ азыр булунувынынъ хатырлатылмасы хушунинъ<sup>2</sup> артмасына себеп олур».<sup>3</sup>

Бу дередже къадри юдже олгъан Сервер-и Алем –алейхиссалату ве селлем- Эфендимизни хакъкъы иле анълата бильмекнинъ къыйынлыгъы беллидир. Биз де, асыл акъикъатны сукютнинъ сонъсузлыгъынен ачыла бильген бу меселе акъкъында сёзлеримизни, садедже Онынъ исми иле дегерлендирип севиелендирмек ниети ве гъайретининъ шерефине талибмиз. Бунинъ ичюн окъуйджыларымызнынъ ифаделеримизни бу аджиз итирафымыз черчивесинде муталаа эйлемелерини риджа этемиз. Эльбетте, Онынъ идракъ этильмеси киби там оларакъ тасвир ве ифаде-синде де, тиллер мытлакъ бир аджизлик ичиндедирлер. О, озюне мухаббеттеки шиддет ве самимият нисбетинде улашылгъан сонъсуз бир нур ве сырлар алеמידир.

Онынъ мубарек ал ве давранышларыны идракъ гъайретинен ортагъа къояджакъ беянларымыз ичюн керем саиби Аллаһнынъ лютф ве ярдымыны\_беклемектемиз.

«Небилер сильсилеси» адлы 4 джылтлы китабымызнынъ дёртюнджи джылты олгъан бу эсернинъ кенишлетилерек, янъыдан эльге алынувында ихляслы гъайретгерине шаат олгъаным Мурат Къая ве дигер академик къардашлаларыма тешеккюр этип, Раббимден олар ичюн садакъаи джарие<sup>4</sup> олмасыны тилейим. Айрыджа, файдалангъанымыз эсерлернинъ му-эллифлерини де рахмет иле яд этем.

### Муваффакъият Аллаһтандыр.

Осман Нурий ТОПБАШ  
Чамлыджа, 2004

2 **Хушу** - Аллаһтан сакъынмакъ. Намазда садедже Аллаһны тушонмек.

3 Мектубаты Мевляна Халид, с. 118; *Рисалетур-рабита*, (Мевляна Сафиюдин, *Решахат* хамишинде) с. 225-226.

4 **Садакъаи джарие** – девам эткен садакъа. Киши вефат эткен сонъра, амель дефтерине севабы ызылгагъа девам эткен хайырлы иш.



## КИРИШ

### **Ислямнынъ анълашылмасы ве яшанмасында Пейгъамбер аятынынъ эмиети**

Инсаннынъ догъувындан итибарен, тербие ве окъума, язмасына те-сир эткен пек чокъ амиллер бар. Илк оларакъ инсан, эр бир саада орь-нек ве ребер бир шахсиетке мухтаджтыр. Чюнки о, тиль, дин, ахлякый сыфатлар, алышкъанлыкълар ве яшайышыны шекиллendirген бутюн фикир, инаныш ве фаалиетлерини эп озюне косътерильген орьнеклер ве олардан алгъан теэсюратларнен мейдангъа келир. Базы кучюк истис-налар олса да,г умумен бу бойледир. Месея, бир баланынъ, ана-бабасы анги тильде лакъырды этсе, анджакъ оны огренир. Даа сонъра да башкъа мисаллернен экинджи, учюнджи ве дёртюнджи тиллерни огрене билir.

Бу амиллернинъ эмиетлилеринден бири де, инсаннынъ затен озюнде табий оларакъ мевджут олгъан такълитчилигидир. Бу себептен, инсан-нынъ тербиеси де, мусбет я да менфий шейлерни такълит эттирмектен башкъа бир шей дегильдир. Бойледже, инсан, элинде оськен анасындан, бабасындан, къоранта азаларындан ве ниает, яшагъан чевресинден тесир-лер алыр, ве бу такълитлердеки къабилиетине коре, яхшы я да фена бир шахыс оларакъ джемиетке къошулыр.

Анджакъ инсаннынъ, лаф эткен тили ве бунъа бенъзеген тышкъы хусусларны огренмеси умумен, буюк бир сыкъынты тешкиль этмесе де, онынъ диний, ахлякый ве маневий дюньясынынъ шекилленимсинде буюк ве джиддий маниялар ортагъа чыкъар. Чюнки, иляхий ираденинъ инсан-гъа имтихан макъсадынен берген ве инсанны ич де терк этмеген, «нефис» ве «иблис» киби эки мания бу киби фазилетлерни такълит этюв хусусында инсаннынъ чокъ керелер акс тарафкъа янтаймасына себеп олур.

Дигер тарафтан, диний, ахлякый ве маневий алем, кямиль ве устюн шахсиетлер, яни Пейгъамберлер ве Хакънынъ достлары тарафындан шекилленимгендже, инсанлар, гъафлет, далялет ве исьянгъа сюйрекле-нир, ве бойледже, оларнынъ эбедий саадетлери аджджы бир бахтсыз-



лыккъа чеврилир. Шунунъ ичюн, инсаниет эр вакъыт индже рухлы, назик ве йымшакъ юрекли реберлерге мухтадждыр. Шунунъ ичюндир ки, инсанлар -яхшы я да ярамай - ребер къабул эткен кимселерине мефтюн олур, ве бегенген бу инсанларны, кучълери еткени къадар, такълит этмеге тырышырлар. Бугунъ ашшагъылыкъ ичерисинде яшагъан кимселерни озълерине орьнек саяракъ, оларгъа ошамакъ ичюн озълерининъ эбедий саадетлерини телюкеге аткъанларнынъ вазieti не къадар къоркъунчлы бир инсан исрафыдыр. Бу къоркъунчлы вазьет, эсасында бош быракъылгъан гонъюль тахтынынъ, толдырылмасы ичюн янълыш кимселерге такъдим этилерек, зиян этильмесинден башкъа бир шей дегиль. Мевляна бу аджайип ве шашыладжакъ алны бойле мисальнен анълата:

*«Къозунунъ къашкъырдан къачмасына шашылмаз. Чюнки, къашкъыр, къозунунъ душманы ве авджысыдыр. Лякин шашыладжакъ шей – къозунунъ къашкъыргъа гонъюль бермесидир.»*

Къашкъыргъа гонъюль берип фена бир акъибетке тюшмемек ичюн, Дженабы Хакънынъ къуллаарына «**Усве-и Хасене**» яни энъ гузель орьнек шахсиет оларакъ косътерген Сервер-и Алем, Сеййидуль-Мурселин Мухаммед Мустафа Эфендимизге -салляллаху алейхи ве селлем- ашкъ ве севги иле таби олмалы ве Оны гонъюль тахтымызнынъ екяне султаны ве аятымызнынъ ребери япмалымыз. Чюнки, оны севмек бизге фарз къылынган. (эт-Тевбе, 24) Аллаһу Таала:

النَّبِيُّ أَوْلَىٰ بِالْمُؤْمِنِينَ مِنْ أَنفُسِهِمْ

**«Пейгъамбер муминлерге озъ джанларындан даа якъындыр».** (эль-Ахзаб, 6) буюргъан. О бизге озъ джанларымыздан даа да якъын ве даа да огдедир.

Хадиси шерифте де Расулюллах -салляллаху алейхи ве селлем- ге севги акъикъий иманнынъ шарты оларакъ зикр этильген.

*«Нефсим, къудрет элинде олгъан Аллаһкъа емин олсын ки, сизден бирингиз, мени озъ анасындан, озъ бабасындан, озъ эвлядындан ве бутюн инсанлардан даа да чокъ севмегендже, акъикъий манада иман эткен олмаз».* (Бухари, Иман, 8).



Башкъа бир Хадиси шерифте исе, иманнынъ лезетини, анджакъ учъ хусусиетни ташыгъан инсан татмасы мумкюндир, ки булардан бири де: «*Аллаһ ве Расулини эр шейден даа да чокъ севмек*», деп айтыла. (Бухари, Иман, 9, 14; Муслим, Иман, 67)

Абдуллах бин Хишамнынъ анълаткъан шу ривает, Расулюллахкъа севгининъ насыл дереджеде олмасы кереклигини косътерюви нокътаи назарындан чокъ маналыдыр.

«Бир дефасында Расулюллах -салляллаху алейхи ве селлем- нен берабер эдик. Расули Экрем о ерде булунгъанлардан Азрети Умернинъ элини авучынынъ ичине алып отура эди. О сырада Азрети Омер -радиаллаху анх:

– «Эй, Расулюллах, Сен манъа джанымдан башкъа эр шейден даа севимлисинъ», – деп, Расулюллахкъа олгъан севгисини ифаде этти. Онынъ бу сёзюне къаршылыкъ Расулюллах Эфендимиз:

– *Ёкъ, мен санъа джанынъдан да севимли олмакъ кереким*, – буюрды.

Азрети Омер -радиаллаху анх- аман:

– Сени джанымдан да чокъ севем, эй Расулюллах! – деди. Бунынъ узерине Расулюллах -салляллаху алейхи ве селлем- :

– *Иште, шимди олды*, – буюрды. (Бухари, Эйман,3).

Севгининъ шарты ве биринджи мейвасы севильген кишини унут-мамакъ, онъа сёзде, амельде, алда, фикирде уймакътыр. Пейгъамбер Эфендимизнинъ севгисинен толу бир къальпке сахип ола бильмек ичюн, эвеля онынъ суннет-и сениййесини<sup>5</sup> бутюн инджеликлеринен огренип, ал ве давранышларгъа кечирмек керек, юректе дуйгъу теренлиги ве севги ичинде тадбикъ этмелидир. Чюнки, Онынъ аяты билинмеден, къальплер онынъ севгисинен толмадан, истенильген Ислямий бир яшайышнынъ керчеклешмеси мумкюн дегиль. Бунынъ керчеклешмеси де Пейгъамберимизнинъ аятындан орънек алынмасында, хассасиет ве дуйгъу теренлигини къазанмагъа багълыдыр. Оны танымадан, акъикый севгиге иришмек, онъа севгиде энъ юксек дереджеге иришмеден, акъикый имангъа наиль олмакъ мумкюн дегиль. Аллаһкъа севги биле онъа таби олмагъа багълыдыр. Расулюллах -салляллаху алейхи ве селлем- Эфендимиз иште бу себептен, севги узеринде бу къадар дикъкъатлы эди

5 Суннет-и сенийе – макътавлы суннет, Пейгъамберимизнинъ аят тарзы.

ве исарнен севги иле багылы инджеликлерни анълатмакъ ихтияджыны ис эте эди.

Пейгъамберлер сервери Азрети Мухаммед -салляллаху алейхи ве селлем- Эфендимизнинъ яшайышы санки терен бир дерья кибидир. О, риваетке коре, озюнден эвель кельген 124 бинъ пейгъамбернинъ билинген ве билинмеген бутюн васыфларынынъ эписинден даа да чокъуна саип олгъан, гузель ахлякъ ве табиятларнынъ энъ юксек дереджесине иришкен. О, озь деврине къадар, инсанлыкънынъ тефеккюр ве яшайыш итибары иле къайд эткен инкишафкъа иляве оларакъ, къыяметке къадар ортагъа чыкъа биледжек ихтияджларыны да къаршылайджакъ орънек бир шахсиет олып, ахыр заман пейгъамбери оларакъ ёлланылгъандыр; О, Хатемун-Небийиндир<sup>6</sup>.

Бунъа иляве оларакъ, тарихте бутюн аятыны энъ индже нокъталарына къадар теспит этильген тек Пейгъамбер ве тек инсан да, Азрети Мухаммед -салляллаху алейхи ве селлем- Эфендимиздир. Пейгъамберлер зынджырынынъ инсанлыкъны Хакъкъа ве хайыргъа ёнельтеджек бирер орънек ола биледжек давраныш мукеммелликлеринден кунюмизге къадар анджакъ белли бир микъдарда хатыра етип кельгендир. Албуки, ахыр заман Пейгъамбери -салляллаху алейхи ве селлем- Эфендимизнинъ энъ садеден энъ муреккеп ве мукеммеллине къадар, бутюн ишлери, сёзлери ве ифадеге акс эткени къадар гонъюль алеми эр анъ такъип этильген ве тарихке бир шереф левхасы алында къайд этильгендир. Бундан да гъайры, булар Аллаһнынъ лютфинен, асырлар отесинден къыяметкедже келеджек сонъки инсангъа къадар етишмек шерефине ириштирилгендир.

Бизлер бирер инсан оларакъ, аятнынъ чешит белялары ве сюрпризлери къаршысында, озюмизни фитнелерден къорчалай бильмек ичюн шукюр, тебеккюль, такъдирге разылыкъ, беляларгъа сабыр, азимет, джесарет, федакарлыкъ, къанаат, гонъюль зенгинлиги, башкъаларыны тушюнмек, джумертлик, алчакъ гонъюллик киби юксек ахлякый васыфларгъа саип ола бильмекнен берабер, вакъиаларнынъ фуртуналары къаршысында мувазенесини джоймамакъ борджлумыз. Бутюн бу хусусларда энъ гузель орънек олмасы ичюн, Аллаһнынъ бутюн инсаниетке багъышлагъан

6 **Хатемун-Небийиндир** – Пейгъамберлернинъ сонъунджысы. Ахир заман пейгъамбери Мухаммед Мустафа -салляллаху алейхи ве селлем-.





энь буюк Муршид-и Кямиль<sup>7</sup>, зариф, темиз ве орьнек яшайышы олгъан АзретиМухаммед -салляллаху алейхи ве селлем- Эфендимиздир.

Топлумнынъ бир-бирине зыт нокъталарында булунгъанларгъа биле энь мукеммель орьнек Расулюллах -салляллаху алейхи ве селлем- дир. Месея, бир махкюмнинъ аяты хакимге, хакимнинъ аяты да махкюмге мисаль ола бильмез. Айны шекильде бутюн омюри маишет къавгъасы ве ёкъсузлыкъ ичинде кечкен бир фукъаренинъ вазияти де, варлыкъ ичинде ялдагъан бир байгъа нумюне оламаз. Азрети Пейгъамбер -салляллаху алейхи ве селлем-нинъ яшайышы исе, эр эки тарафкъа да энь гузель бир орьнектир. Зира, Дженабы Хакъ оны инсан топлулыгъы ичинде ад-жизлик нокъта-и назарындан, энь ашагъы олгъан «Оксюз балалыкъ»тан башлатып, яшайышнынъ бутюн басамакъларындан кечирип, къудрет ве салахият тарафындан энь юксек нокътагъа, яни Пейгъамберлик ве девлет реислигине къадар юксельткендир. Эфендимизнинъ омюр бою яшагъан девирелер – инсан аятындаки эр чешит эниш ве чыкъышларда пек чокъ гузель давраныш орьнеклери нумайыш эте. Бу себептен, Онынъ яшайышы анги дередже ве вазиятте олса-олсун, инсанларгъа кучъ ве къабилиетлерине коре, такълид эте биледжек ишлери,джанлы ве мукеммель бир мисаль олгъан. Яни Ислям эр севиюдеки инсаннынъ раат-раат анъламасы ичюн, Онынъ мубарек аятында тедебикъ олгъандыр.

Дженабы Хакънынъ бу сынъырсыз керемине нисбетен бизим вазифе-миз – маневият толу бир гъайретнен Алемлеринъ Фахри Эбедийсининъ мубарек ве темиз аятыны, яни Сийер-и Небийни энь гузель шекильде огренмектир.

Дигер тарафтан, Пейгъамберимизнинъ аяты Къуран Азимушшанны анълап, макъсатларына барып етмек ве онынъ рухына ашналыкъ къазанмакъ нокътасындан да буюк бир эмиетке саиптир. Зира, аети керимеде:

نَزَلَ بِهِ الرُّوحُ الْأَمِينُ عَلَى قَلْبِكَ لِتَكُونَ مِنَ الْمُنْذِرِينَ بِلِسَانٍ عَرَبِيٍّ مُبِينٍ

**«(Расулим!) Оны (Къуранны) Рух-и эмин (Джебраил) тенбиджилерден олурсынъ деп, ап-ачыкъ арап тилинен сенинъ къальбинге эндиргендир.»** (Шуара 193-195) буюрылгъан ве Къурани Керим Эфендимиз -салляллаху алейхи ве селлем-нинъ 23 йыллыкъ Пейгъамберлик аятынен

7 Муршид-и Кямиль – Мукеммель аят ребери.

фиилий оларакъ (яшаяракъ) пек гузель бир тефсир этильгендир. Бу себептен, бир мусульманнынъ Пейгъамбер Эфендимизнинъ хадислерини ве аятыны гузель бир шекильде огренмеден, Къурани Керимни анълай билъмеси мумкюн дегильдир.

Айны заманда, бир мусульман, Ислям медениетине, анджакъ Фахри Кяинат -салляллаху алейхи ве селлем-нинъ 23 йыллыкъ пейгъамбер аятындан илъхам алып яшаса, бунынъ нетиджесинде, дуйгъу теренлиги къазанып, догъру бир шекильде анълай билир. Гонъюль алемини, Аллаһ Расулиндан кельген ве «фейз» оларакъ тариф этильген мусбет энергиянен толдырмакъ суретинен кемалгъа ирише билир. Зира, Ислям пренциплерининъ ве укумлерининъ энъ индже нокъталарына къадар нумаиш этильгени тек джанлы мисаль Варлыкъ Нуры -салляллаху алейхи ве селлем-нинъ пак яшайышыдыр.

Инсанларгъа хузур ве саадет толу бир аят эдие эткен Ислям низамына чагъыргъан даветчи ве муаллимлернинъ де, акъыл ве къальп уйгъунлыгъы ичинде окъунаджакъ сийер ильминден<sup>8</sup> марум къалувы тюшюнильмез. Зира, Расулюллах -салляллаху алейхи ве селлем- талим ве тербие тарафындан да джанлы ве энъ гузель бир мисальдир.

Къыскъасы, догъру ве эмин олмакъ истеген бир генч (эркек я да къадын), Аллаһкъа даветни озюне ёл оларакъ сечкен, икмет ве гузель огютнен теблигъде<sup>9</sup> булунгъан бир теблигъджи, девлетини адалет ве фазилетнен идаре этмек истеген бир девлет реиси, гузель бир муамеледе орьнек бир къоранта башы, балалары ве къадынына нисбетен шефкъат ве мерхаметни эльден быракъмагъан бир баба, къабилиетли, идареджилкини билъген уста бир къомандан, къыскъасы, эр яш ве севиедеки мусульман ичюн энъ гузель ве дегишмеген юксек олъчулер, Пейгъамберимизнинъ аятында сергиленгендир.<sup>10</sup> Бу себептен, Ислямны бутюн тарафларындан

8 **Сийер ильми** – Азрети Пейгъамберимизнинъ яшайышыны инджелеген ве араштыргъан илим.

9 **Теблигъ** – ислам динини яймакъ.

10 Буны бир гъарп феилесуфы, шу сёзлернен итираф этмек меджбуриетинде къалгъандыр: «Ич кимсе Азрети Мухаммеднинъ къойгъан шартларындан даа да илери адым атамаз. Аврупанынъ къазангъаны бутюн мувафакъиетлерге рагъмен, къойгъанлары къанун ве низамлар Ислам медениетине коре эксиктир. Биз Аврупа миллетлери, медений имкянларымызны къулланып Азрети Мухаммеднинъ сонъ басамагъына баргъан мердивеннинъ даа ильк басамагъындамыз. Шубе ёкъ ки, ич кимсе бу мусабакъада оны кечемейджектир. Ве бу китап (Къуран) да сонъ дередже амелий олгъаны ичюн, эбедиен тесирини джоймайджакътыр ве башкъа миллетлерни этрафында топлайджакътыр». (Иоганн Вольфганг фон Гёте)

анълап, тедбикъ этмек ичюн, Расулюллах -салляллаху алейхи ве селлем-нинъ аятыны энъ гузель шекильде огренмек зарурдыр.

Шубесиз, Расулюллах -салляллаху алейхи ве селлем-нинъ аятыны яшааракъ огренмек ве огретмек, инсанлыккъа чокъ гузель бир аят бахш этеджектир.

### **Ислямнынъ догъувында Арабистаннынъ бешик оларакъ сечилювининъ икмети**

Ислямнынъ догъувында Арап ярым адасынынъ бир бешик, яни ильк тедбикъ ери оларакъ сечилювининъ икметини анлай бильмек ичюн, эвеля арапларнынъ о кунъки сыфатларыны ве Ислямдан эвельки табиятларыны бильмек, бунъа иляве оларакъ, яшагъан больгенинъ географик хусусиетлеринен берабер, сиясий ве ичтимаий вазиетлерини де бильмек керектир.

О девирлернинъ эки буюк кучлю девлети олгъан Византия ве Иран, Арапларнынъ къомшусы эди.

Византия, мустемлекеджилик анълайышынен, аким олгъан мемлекетлеринде мейдангъа кельген диний ихтилафлар себебинден, сыкъынты ичинде эди. Идареджилер, христианлыккыны озъ арзу ве истеклерине алет этерек, оюнджакъ алына кетирген эдилер. Консиллерде истеген китапларыны мукъаддес деп илян эте, истемегенлерини укъомден чыкъара, дин акъаидини истеклерине коре тесис эте эдилер. Янъы укъомдар эвелькисини къафир – динден чыкъмыш илян эте, истеген шекильде диннинъ эсарларыны дегиштире эди. Онъа табийлерге арткъач вергилер идареджилекте яхшы ерлешкен къабар ве ахлякый чёкюв, Византияны ичинден ашап, келеджегини ёкъ эте эди.

Иран эм сиясий, эм де ахлякый оларакъ, буюк къарышыкълар ичинде эди. Инсаннынъ озъ анасы, атта къызынен эвленювине мусааде эткен, инсанлыкъ шерефини гъайып эткен бир аят анълайышы аким эди. Пек чокъ янълыш ве сапыкъ фикирлерни ичине алгъан «Маздекджилик» ава, атеш ве сув насыл ортакъ къулланылса, бу ортакълыкъ эр шейде олмакъ кереклигини айтаракъ, бутюн къадынларны эял ве бутюн малларны ортакъ эял илян эткенлер.

Юнан медениети бозукъ бир даире алына кельген фелсефий мунакъаша ве хурафатларнынъ фесады ичинде богъулгъанда, Инд медениети



де, ахлякый ве ичтимаий нокъта-и назардан энъ иптидаий деврини яшамакъта эди.

Араплар исе, бутюн бу фитне-фесаттан узакъ, этрафы чёллернен сарылы, бутюн аскерий ве медений уджюмлерден кьорчалангъан бир больгеде, сукюнет ве эминлик ичерисинде яшай эдилер. Ич бир вакъыт эсирлик деген ашагъылыкъны татмадылар. Араплар эр анги бир шекильге киререк, бозулмагъан хам мадде киби эди. Яратылышларындаки темизликни сонъуна къадар гъайып этмеген эдилер. Айрыджа, иффет, созюнде турмакъ, джумертлик, вефа, садакъат, сабыр ве мертлик киби макътаныхладжакъ васыфларгъа саип эдилер. Факъат бу васыфлар оларда ифрат ве тефритлернен<sup>11</sup> толу, еринден тайпынгъан бир вазиятте эди. Бу себептен, олар акикъатны косътереджек бир реберден марум, джеалет къаранлыкъы ичерисинде яшай эдилер. Иште, бу джеалет ве нефислерине уймакъ, нетиджеде, яратылышларында сакълы бу гузель аслетлери ёлларындан саптыра, иффет ве шерефлерини кьорчаламакъ макъсадында, кучюк къыз балаларыны, аналарнынъ юреклерини парчалап ольдюрмек киби бир фенолыкъкъа, джумертликлерине тоз кьондырмамакъ ичюн, керкли малларыны биле телеф этмек киби бир ёкъсуллыкъкъа, йигитлик ве мертлик дуйгъусунунъ тесиринен де, озъ араларында узун йыллар девам эткен къанлы дженклер чыкъармагъа давет эте эди. Ислямнынъ келювинен, джахиликтинъ ахлякий васыфлары белли бир мана деъишмесине огърап, ерине отурып, кемалет алыны тапкъан эди. Яни Пейгъамбер Эфендимизнинъ келювинен, эски муруввет анълайышы бутюн зарарлы ашырылыкълардан арындырылгъан ве медений бир алгъа кельгендир.

Арабистаннынъ сечилювинде бир башкъа икмет де, Пейгъамбер Эфендимизнинъ пейгъамберлиги акъкъында кимсенинъ юрегине бир шубе тюшмесине имкян бермемектир. Араплар окъума-язма бильмеген, уммий<sup>12</sup> бир миллет эди. Бу себептен, кьомшу миллетлернинъ фитне-фесат медениет ве фелсефелеринден тесирленмедилер.

Расулюллах -салляллаху алейхи ве селлем- уммий бир кимсе дегиль де, кьомшу девлет ве мемлекетлернинъ тарих ве медениетине, эски семавий китапларны бильген бир кимсе оларакъ, пейгъамберлик вазифесинен инсанлыкънынъ узоруна чыкъса эди, эльбетте ки, инсанларнынъ, онынъ кетиргенлерини иляхий бир вахий оларакъ къабул этювлери бу къадар

<sup>11</sup> Ифрат ве тефрит – Ашырылыкъ.

<sup>12</sup> Уммий – окъумагъа-язмагъа бильмеген.



къолай олмаз эди. Ислям давасы айны шекильде Юнан, Византия я да Иран киби, мединиетте белли бир севиеге иришкен миллетлерден бири-синде ортагъа чыкъса эди, инсанларнынъ Ислямнынъ эсасларыны къабул этювде зорланаджакълары муакъкъакъ эди. Чюнки, бу сефер де, Ислям низамынынъ иляхий олгъаны бельки де къабул этильмейип бу медениеттен чикъкъаны тюшюнджеси мейдангъа келеджек эди. Бу нокъта-и назардан, Ислямнынъ илахий олгъанынынъ аксине бир тюшюндженинъ хатыргъа кельмемеси ичюн, Пейгъамбер Эфендимиз уммий бир джемиетке уммий бир Пейгъамбер оларакъ ёлланылгъандыр.

Арап Ярымадасы, Асия, Африка ве Авропа къыталарынынъ бирлешкен бир нокътада ве чешит девлетлернинъ там ортасында ер алгъаны мунасебетинен, Ислямнынъ яйылмасында географик бир устюнликке де саип эди. (Мухаммед Ильяс Абдулгъаний, Тариху Мекке 612-13).

Ислямгъа бешик оларакъ сечильген Мекке, Къурани Керимде «Зираат япылмагъан бир вадий» оларакъ танытыла (Ибрахим, 37). Бу себептен, о ерде ялынъыз тиджаретнен огърашылгъан. Зираатнен мешгъуль олгъан инсанлар топракъкъа багълы, чокъ узакъ ерлерге кетмеге алышмагъан кимселердир. Айны шекильде, зенаат эхли эснафлар да, меслеклери иджабына коре, арекетлиликтен узакътырлар. Анджакъ тиджарет адамлары узун сеятларгъа къатланмакъ, мемлекетлеринден узакъ ерлерге кете бильмек ве фаркълы инсанларнен корюше бильмек имкянлары арткъачтыр. Ислямны теблигъ этмек гъаесинен фетихлерде булунмакъ, арекетли бир яшайыш талап эткени ичюн, Дженабы Хакъ бу васыфларгъа саип олгъан Мекке халкъыны Ислямнынъ ильк мухатаплары къылгъан.

Иляхий такъдир, Ислям даветининъ тили, Аллаһ келямынынъ терджиманы ве теблигъ вастасы олмакъ шерефини арапчагъа берген. Бутюн миллетлернинъ тиллери арасында бир къыяслама япыладжакъ олса, арапчанынъ аэнк, келиме къурулушы ве келип чыкышы, фииль тюрлениши ве теляфуз къаиделери киби пек чокъ хусусиетлеринен, башкъа тиллерден устюнлиги корюле. Арапча энъ уфакъ бир айрынтыны биле зая этмеден, маналы ве озьгюн ифаделерге имкян берген бир тильдир. Лугъат саасындаки зенгинлиги саесинде, бу тиль, эр чешит фикрни такъдир этиледжек бир инджелик ве гузелликнен ифаде эте бильмектедир. Он беш асырдан берли, бу тилнинъ къаиделеринде ич бир денъишикликнинъ олмагъаны да, арапчанынъ, даа о вакъытларда истикърар къазангъан ве мукеммеллешкен бир тиль олгъаныны косътере. Бу алынен, ер юзюнде о



заман мевджут олгъан тиллер арасында садедже арапча, Иляхий ирадени ичине ала биледжек ве ифаде эте биледжек бир кенишлик ве мукеммелликке саип эди.

Арап ярым адасы ялынъыз Ислямнынъ дегиль, пек чокъ хакъ диннинъ зуур этип кельген берекетли бир мекаяндыр. Пейгъамбер Эфендимизнинъ атасы Ибрахим -aleyхисселям- бу ерде яшагъан ве Кябени къургъан. Меккелилер де бунынъ шуурынен озьлерини Ибрахим ве Исмаил -aleyхисселям- нынъ маневий вариси къабул эте эдилер. Бунынъ ичюн Ислямнынъ бойле бир мекаянда зуур этюви, онынъ къабулы ве анълашылмасыны къолайлаштыраджакъ эди.

Инсанлыкъ тарихынен яшдаш диний бир меркез олгъан Кябенинъ бу ерде булунувы да, энъ муим себеплердендир.

Бутюн булардан башкъа, бизим билип оламагъанымыз даа башкъа икметлернинъ барлыгъы да, бир акъикъаттыр. Иляхий ирадени бир такъым икметлернен тайиъ этмек ве сынъырландырмакъ мумкюн дегиль. Бу себептен, **اللّٰهُ اَعْلَمُ بِمُرَادِهِ**: «Аллаһ нени мурад эткенини энъ яхши билиджиدير», диерек, сёзюмизни битиремиз.

### Уммуль-Къура:<sup>13</sup> Мекке

Мекке Къурани Керимде «Бекке», «Уммуль- Къураа» ве «эль-Беледуль-Эмин» адларынен де зикр этиле. Мекке ве Бекке Бабиль тилинде «эв» манасында олып, амаликалылар тарафындан бу ернинъ ады оларакъ къулланылгъан.

Мекке – дженюпте Йеменге, шимальде Акъ денъизге, шаркъта Басра корфезине, гъарпта Къызыл денъиз лиманы Джиддагъа къомшу олып, Африка бетке кеткен ёлларнынъ кесишме нокътасында, икътисадий тарафтан чокъ эльверишли бир ерде булунмактадыр. Шеэр къурулгъан къысмына «Батн-ы Мекке», Месджиди Харам олгъан ерге исе, «Аль-Батха» дениле.

Ибрахим -aleyхисселям- нынъ Саре анамыздан баласы олмагъан эди. Саре анамыз джариеси Хаджерни азат этип, Ибрахим -aleyхисселям- нен эвлендирди. Бу эв依ликтен Азрети Исмаил дюньягъа кельди ве Мухаммединур Исмаил -aleyхисселям- гъа кечти. Саре анамыз бу нурнынъ озюнден кечмегени ичюн ынджынды. Ибрахим -aleyхисселям- дан Хаджер анамыз-

13 Умм-уль Къура – «Шеэрлернинъ анасы», Меккеге берильген бир исим.



ны башкъа бир больгеге алып кетмесини истеди. Ибрахим -алейхисселям- да Аллахнынъ эмиринен Хаджер анамызны ве огълу Азрети Исмаилни кимсесиз бир ер олгъан Меккеге кетирди. Джебраил -алейхисселям- Онъа реберлик япа эди. Мекке олгъан ерге кельгенлеринде:

— Эй, Ибрахим, къорантанъны бу ерге ерлештир!» — деди. Азрети Ибрахим:

— Бу ер не зирааткъа, не де айванджылыккъа эльверишли дегил! - дегенде, Джебраил -алейхисселям- :

«Эбет, ойледи, факъат бу ерде сенинъ огълунъ несилинден Умми Пейгъамбер чыкъаджакъ ве «эль-Келиметуль-Улья: энъ юдже сёз олгъан тевхид» Онынънен тамамладжакъ» - буюрды. (Ибн-и Сад, I, 164).

Абдуллах бин Аббас<sup>14</sup>-радиаллаху анхума- шойле ривает эте:

*«Ибрахим -алейхисселям- Хаджер анамызны ве даа эмизикли Исмаил -алейхисселям- ны Меккеге алып барды. Илериде фышкъыраджакъ «Зем-зем» къюсунынъ янында бир терекнинъ астына быракъты. Янларына ичи хурма толу бир сепет ве ичи сув толу бир тестни къойды. Сонъра артына къайтты. Хаджер анамыз аркъасындан сесленди:*

*«Бизни бу ерге быракъманъны Аллах мы эмир этти?»- Ибрахим -алейхисселям- :*

*«Эбет!»- деп джевап берди. Хаджер анамыз буюк бир тевеккюль ве теслимиетнен:*

*«Ойле исе, Раббим бизни къорчалар, зайы этмез!»- деди. Исмаил -алейхисселям- нынъ янына къайтты.*

14 **Абдуллах ибн Аббас** –радиаллаху анх-, Аллах Расули –саллаллаху алейхи ве селлемнинъ эмджеси Азрети Аббаснынъ огълудыр. Анасы, Азрети Хатиджеден сонъра мусульман олгъан Уммунъ Фадл Любабедир. Ибн-и Аббас хиджреттен учъ йыл эвель Меккеде догъды. Догъганынен оны Азрети Пейгъамбернинъ къуджагына бердилер. Расулюллах –саллаллаху алейхи ве селлем мубарек агъызында бир хурма чайнап онынъ агъызына сюрди. Ибн-и Аббас, «тахник» ады берильген бу вакъиа себебинен, сахабилер арасында чокъ буюк бир мевкъийге саип олгъан. Даа сонъралары Пейгъамберимиз –саллаллаху алейхи ве селлем- онъа эки кере дуа эткен эди. Бу дуаларнынъ биринде, «Аллаһым! Оны буюк дин алими (факъих) яп ве онъа Къуранны огрет!» буюргандыр. Бу себепнен о, Къурани Керимни энъ яхшы бильген сахаби олгъандыр. Онъа «Терджиман-уль Къуран» лагъабы берильгендир. Умметнинъ энъ бильгили адамы манасына кельген «Хибр-уль Умме» лагъабы берильди. Текрарларынен берабер Пейгъамберимизден 1660 хадис ривает эткен. Аятынынъ сонъ йылларында козылерини гъайып этти, 68/687 сенесинде де Таифте 71 яшында вефат этти..



*Ибрахим -алейхисселям- Хаджер анамыз ве Исмаил -алейхисселям- дан узакълашып, козьден гъайып олгъандан сонъ, эллерини ачты ве Раббине бойле дуа этти:*

رَبَّنَا إِنِّي أَسْكَنْتُ مِنْ ذُرِّيَّتِي بِوَادٍ غَيْرِ ذِي زَرْعٍ عِنْدَ بَيْتِكَ الْمُحَرَّمِ رَبَّنَا لِيُقِيمُوا  
الصَّلَاةَ فَاجْعَلْ أَفْئِدَةً مِنَ النَّاسِ تَهْوِي إِلَيْهِمْ وَارْزُقْهُمْ مِنَ الثَّمَرَاتِ لَعَلَّهُمْ يَشْكُرُونَ

«Эй, Раббимиз! Намазны дос-догъру къылмалары ичюн мен неслимден бир къысмыны сенинъ Бейт-и Харамынънынъ (Кябенинъ) янында зираат япылмагъан бир вадиге ерлештирдим. Артыкъ сен де инсанлардан бир къысмынынъ гонъюллерини оларгъа мейль этиджи яп ве мейвалардан буларгъа рызыкъ бер. Умют этилир ки, бу нметлерге шукюр этерлер». (Ибрахим, 37); (Бухари, Энбия 9).

Бир данечик яврусыны ве къадыныны кимсесиз бир чёльге быракъкъан Ибрахим -алейхисселям- онлар ичюн айрыджа шу дуаны да япты:

رَبِّ اجْعَلْ هَذَا بَلَدًا آمِنًا وَارْزُقْ أَهْلَهُ مِنَ الثَّمَرَاتِ مَنْ آمَنَ مِنْهُمْ بِاللَّهِ وَالْيَوْمِ الْآخِرِ

«Эй, Раббим! Бу ерни эмин бир шеэр яп, халкъындан Аллаһкъа ве ахирет кунюне инангъанларны чешит мейваларнен рызыкъландыр». (эль-Бакъара, 126).

Дженабы Хакъ Азрети Ибрахимнинъ иман эткенлер акъкъында япкъан дуасыны къабул этти. Артындан кяфир олгъанларны къоркъузып, шойле буюрды:

قَالَ وَمَنْ كَفَرَ فَأُمْتُمْ قَلِيلًا ثُمَّ أَضْطَرُّهُ إِلَى عَذَابِ النَّارِ وَبِئْسَ الْمَصِيرُ

«Ким инкяр этсе, оны аз бир муддет (дюнья нийметлеринен) файдаландырыр, сонъра оны джеэннем азабына сюйреклерим. Не фена барыладжакъ ердир о ер!» (эль-Бакъара, 126).

Бу дуалар весилесинен Аллаһу Таала, хадж ве умре япкъан муминлернинъ гонъюллерини Мекке-и Мукерремеге нисбетен севгинен толдырмакъта, рухлар о ерде хузур ве сукунгъа къавушмакътадыр.





Чокъ кечмеден, Ибархим -алейхисселям- нынъ янларына быракъ-къан бир тести сув биткен эди. Хаджер анамыз сув тапмакъ ичюн Сафа ве Мерве тёпелери арасында еди кере чапып кетип-кельди. Бу эки тёпенинъ арасы дёрт юз метр къадардыр. Хаджер анамыз бир тарафтан чапа, бир тарафтан да, Азрети Исмаилге бакъа эди. О ерде бир инсан дегиль, учкъан бир къуш биле ёкъ эди. Ич бир ерде аятнынъ изи козге илишмей эди. Азрети Хаджер Мерве тёпелигине чыкъкъан сонъ, бир сес эшитти. Озь-озюне «Сус! Динъле?» деди. Сонъра яхшыджа динъледи, айны сесни бир даа эшитти.

«Олды, сесинъни дуйдырдынъ. Япа бильсенъ, бизге ярдым эт!» -деп сесленди. Бир де бакъты ки, зем-зем олгъан ерде бир мелек, топугъынен я да къанатынен ерни къазмакъта!

Ниает, сув корюнди. Буюк бир севинч ичерисинде Раббине шуюкор этти. Хаджер, акъып кетмесин, деп сувнынъ этрафыны эллеринен чевирмеге, сувны авучлап сауткъа толдырмагъа башлады. Сувгъа да «Токъта, Токъта!» манасында «Зем, Зем» деди. Хаджер сувны авучлагъан сайын, бир риваетке коре, авучлагъаны къадар, ерден къайнап чыкъар эди.

Расулюллах -салляллаху алейхи ве селлем- шойле буюргъан:

*«Аллаһ Исмаилнинъ анасы Хаджерге рахмет эйлесин! Эгер о зем-земни озь алына быракъып, сувнынъ этрафыны чевирмесе эди, муакъ-къакъ ки, Зем-зем девамлы акъкъан бир чокъракъ олур эди».* (Бухари, Энбия, 9)

Ана-огъул, къургъакъ ве кимсесиз, бош бу ерде аятларыны ялынъыз Зем-земнен девам эттире эдилер. О ерден кечкен Джурхум къабилеси бир къушнынъ эр вакъыт бир ерге догъру тюшкенини ве сонъра текрар авалангъаныны корьдилер. Бунынъ бир аят изи ола биледжегини тюшюнюп, о ерге эки адамны ёлладылар. Кельгенлер Зем-зем сувыны корьгенлеринен, Хаджер анамыздан:

«Бу ерге ерлешсек олурмы?» – деп, изин истедилер.

Хаджер анамыз, «сувгъа мулькиет идда этмемек» шартынен, изин берди. Бойледже, Меккеге ильк ерлешкен къабиле Джурхумийлер олды.

Заманынен, Мекке инкишаф этти ве бир шеэр девлети алына кельди. Йеменден кочкен Хузаалылар Джурхумийлерден ерлешмек изини истедилер. Истеклери къабул этильмеген сонъ, оларнен дженклешерек,



шеэрни 207 сенесинде эльге кечирдилер. Исмаилогъуллары бу дженкте тарафсыз къалгъанлары ичюн Хузаалылар оларгъа токъунмадылар.

Хузаалылар Меккеге узун бир муддет аким олдылар. Вакъты иле ич-рисинде Ибрахим-алейхисселям-нынъ дининден буюк ольчюде саптылар ве путперестликнинъ яйылмасыны теминлеп инсанларны янълыш ёлгъа сыйрекледилер. Хубель адында бир пут яып, онъа табындылар. Азрети Исмаилнинъ сою олгъан Къурейш къуветленгенинен, Къусайнынъ башчылыгъында арекетке кечип, 440 сенеси Хузааларны шеэрден узакълаштырдылар.

Къусай, Мекке шеэр девлетининъ парламенти киби олгъан Дарун-Недвени къурды ве джемиетнинъ идареси, диний вазифелернинъ эдасынен багълы муэссиселер мейдангъа кетирди. Дарун-Недвенинъ реислиги, дженк байрыгъы. мухафызлыгъы (къыяде), Кябенинъ хизметлери (сидаане, хиджаабе), хаджыларгъа сув икрам этмек (сикъае) ве вергилерден эльде этильген келирден хаджыларгъа аш-сув бермек (ридаане) киби вазифелер шахсен Къусай тарафындан ерине кетириле эди. Вефат эткен вакъытта бу вазифелернинъ дёрт огълундан экиси – Абдуд-Даар ве Абду Менафкъа къалмасыны весиет этти. Бу вазифелер бабадан огъулгъа кече эди. (Ибн-и Хишам 1, 135-142).

Меккенинъ къыркъ яшыны толдыргъан бутюн сакинлери меджлис топлашувларында иштирак эте биле эдилер. Анджакъ белли къоранта башлары ве къабиле реислеринден башкъасынынъ бу топлашувларгъа иштираки корюльмез эди. Не языкъ ки, бу Дарун-Недве узун вакъыттан сонъ, Расулюллах -салляллаху алейхи ве селлем-нинъ даветине мани олмакъ ичюн япылгъан топлашувларгъа сана олгъанлар.

Дарун-Небве ве мааллий топлашув ерлери олгъан «Нади»-лер сиясий ве аскерий къарарлар берильген ерлер олмакънен берабер, ичтимай фаалиетлернинъ де юргизильген мекянлар эди.

Меккели мушриклер Аллахны, эр шейнинъ яратыджысы олгъаныны къабул этмекнен бирликте, бир чокъ меселеде путларны Онъа ортакъ къошар эдилер.

Мекке зираатке уйгъун олмагъаны ичюн, халкъ кечинишини тиджарет фаалиетлеринен темин эте эдилер. Бу себептен, Меккенинъ Арабыстан ярым адасында эм диний, эм де тиджарий тарафтан муим ве меркезий бир



ери бардыр. Меккедеки тиджарий фаалиетлер яз-кыш девам эте эди. Яз сеферлери Сурие тарафларына, кыш сеферлери исе Йемен тарафларына япыла эди. Тешкиль эткен керванларында маллар девелернен ташыныр эди, базы вакытларда девелернинъ сайысы 2500-ге ете эди. Бу тиджарет керванлары Мекке ичюн о къадар эмиетли эди ки, Аллах Таала буларны хатырлатаракъ, Къурейшлилерни имангъа ве ибадетке давет этмектедир:

لَا يَلَافُ قُرَيْشٌ إِيْلَافَهُمْ رَحْلَةَ الشِّتَاءِ وَالصَّيْفِ فَلْيَعْبُدُوا رَبَّ هَذَا الْبَيْتِ الَّذِي  
أَطْعَمَهُمْ مِنْ جُوعٍ وَأَمَّنَّهُمْ مِنْ خَوْفٍ

**«Къурейшке къолайлаштырылгъаны, эбет, кыш ве яз сеятлары оларгъа къолайлаштырылгъаны ичюн, олар озьлерини ачлыкътан тоюргъан ве эр чешит къоркъудан эмин къылгъан шу эвнинъ (Кябенинъ) Раббине къуллыкъ этсинлер.»** (Къурейш, 1-4).

Сиясий акимияттен махрум ве къарышыкълыкъ ичиндеки Арап Ярым адасындаки бу чешит икътисадий тешеббюслерни, хавфсыз бир шекильде япмакъ баягъы агъыр олмакънен бирликте, арам айларда бу хавфсызлыкъ там оларакъ темин этильмекте эди. Меккенинъ бу хусуста биле фаркълы вазияти олгъаны корюльмектедир. Зира, дигер бутюн ярмалыкълар ичюн садедже Реджеп айы арам къабул этилир экен, Мекке «Эшхуруль-хурум: арам олгъан дёрт ай»нынъ эписине саип эди. Айрыджа, Басл адындаки муэссисе иле Меккедеки базы аилелернинъ маллары секиз ай девамында къорчалав алтына алынган эди. (Хамидуллах, 1, 24-25).

Мекке дживарында Укъаз, Медженне ве Зуль-меджаз ярмалыкълары къурулып, булар тиджаретнинъ джанланмасына ве Меккели туджарларнынъ болджа къазанмалырына имкян бере эди. Джахилие девиринде де ибадет олгъан хадж заманында къурылган бу ярмалыкълар чокъ къалабалыкъ олур эди.

Меккенинъ джографий ери эскиден берли этрафындаки девлетлернинъ дикъкъатыны озюне чекмекте эди. Бейтуллах булунган ер олгъаны себебинден де, буюк бир эмиети бар эди. Мекке, бир чокъ тешеббюслерге рагъмен, къомшу девлетлер тарафындан ишгъаль этилемеген ве тарих боюнджа мустакъиллигини муафаза эткен. Византиялылар да Мекке узе-

ринде нуфуз кърмакъ ичюн, девамлы гъайрет сарф эткенлер, анджакъ муваффакъ оламагъанлар.



### Кябенинъ тарихы ве мукъаддеслиги

Лугъатта «куб шекилиндеки шей» манасы берильген Кябе, Къурани Керимде эки ерде зикр этильмектедир. Аетлерде Бейт, Бейтуллах, Бейтуль-атикъ, Бейтуль-харам, Бейтуль-мухаррам, Месджидуль-харам

киби чешит исимлернен де анъылган Кябеге халкъ арасында Кябе-и Муаззама денилир.<sup>15</sup>

Азрети Адем ер юзине эндирилгенде Меккеде Бейтуллахнынъ булунган ерде бир ибадетхане инша этмекнен вазифелендирилген эди. (Таберий, Тарих, 1, 124).

Аллаһ Таала шойле буюра:

إِنَّ أَوَّلَ بَيْتٍ وُضِعَ لِلنَّاسِ لَلَّذِي بِبَكَّةَ مُبَارَكًا وَهُدًى لِّلْعَالَمِينَ

«Шубесиз, алемлерге берекет ве хидает чокърагъы оларакъ инсанлар ичюн къурулган ильк эв (ибадетхане) - Меккедеки (Кябе)дир.» (Али Имран, 96).

- 15 **Бейтуллах** – 1,5 метр къадар кенъликте олган темеллер узерине къурулгандыр. Мекке дживарындан кетирилген базальт ташларындан япылган Кябенинъ диварларында чешит буюкликте ташлар булунмакътадыр. Шаркъ кошесинде ерден 1,1 м. юксекликте кумош къорумалыкъ ичинде «Хаджер-и Эсвед» булунмакъта ки, о, тавафнынъ башлама ве битиш нокътасына ишарет этмектедир. Кябенинъ шаркътаки кошесине **Руки-и Хаджер-и Эсвед** я да **Руки-и Шаркъый**, шималъ кошесине **Руки-и Иракъый**, гъарп кошесине **Руки-и Шамий** ве дженюп кошесине **Руки-и Йеманий** денильмекте. Кябенинъ устуне ягъган ягъмур сувларынынъ акъкъаны олукъ (**Мизаб-ы Кябе**), «**Алтын Олукъ**» исми иле билинмектедир. Кябенинъ шимал-и гъарп диварынынъ (Руки-и Иракъый иле Руки-и Шамий арасы) къаршысындаки ерден 1,32 м. юксеклик ве 1,55 м. къалындлыгында яры тегерек шекилиндеки дивар иле чеврили ернинъ, Кябеден итибарен ильк уч метролыкъ къысмына **Хатим** денильмекте. Ибрахим -алеихисселям-нынъ япкъаны Кябе бинасына бу къысым да кире эди. Къурейш тарафындан Кябе тамир этильгени заман къурулуш мальземеси етмегени ичюн бу къысым тышарыда быракъылган эди. Къалган 5,46 метрлик къысым исе **Хиджр-и Кябе**, **Хиджр-и Исмаил** я да **Хатира** деп исимлендирилген. Ибрахим -алеихисселям-, Аджер анамыз ве огълу Исмаил ичюн бу ерге «эрак» терегининъ далларындан бир кольгелик япкъан эди. Азрети Аджер иле огълу Исмаил -алеихисселям- **Хиджр** больгесинде дефин этильгени ривает этиле. Тавафнынъ Хиджрнинъ ташындан япылмасы ваджип корюльгендир. (Кямил Мирас, Теджрид Терджимеси, VI. 17-20). Кябенинъ къапысы, бинанынъ шимал-и шаркъында 2,25 м. юксекликтедир. Диварнынъ, къапы иле Хаджер-и Эсвед арасында къалган къысмына «**Мультезем**» денильмекте. Кябенинъ юксеклиги 14 метрдир. «Мультезем» тарафындан узунлыгы 12,84 м., Хатим тарафындан узунлугъы 11,28 м., Хатим иле Руки-и Йемани арасы 12,11 м., Руки-и Йемани иле Хаджер-и Эсвед арасы 11,52 метрдир. Кябенинъ ичинде, таванны туткъан уч тиреме бар. Бу тиремелер ортада дженюптеки дивардан хатимге догъру сыраланганлар. Къапыдан киргенде сагъ тарафта таванга чыкъкъан бир мердивен бар. Мердивеннинъ киришинде де «**Тевбе Къапысы**» оларакъ исимлендирилген бир къапы бар. Кябенинъ ич диварлары ве таваны ипектен япылган ешил бир орто иле ортолидир. (Мухаммед Ильяс Абдульганий, с. 33-66.)

Расулюллах -салляллаху алейхи ве селлем- де Эбу Зер<sup>16</sup> -радиаллаху анх- нынъ суалине джевап оларакъ ер юзюнде ильк къурулгъан месджит-нинъ «Месджид-и Харам», экинджи инша этильгени исе, «Месджид-и Акъса» олгъаныны беян эткен. (Бухари, Энбия, 10).

Корюльгени киби, Мекке вадиси ильк инсаннен берабер, сечилип, мукъаддес къылынгъандыр.

Кябе, Нух туфанындан сонъ, узун бир муддет къумлар астында къалды. Азрети Ибрахим, йылардан сонъ, ханымы ве огълы Азрети Исмаилни къалдыргъаны Меккеге кельгенде, Исмаил –алейхисселям- гъа:

«- Раббимнинъ эмири бар. Бир бейт къураджакъмыз. Сен де манъа ярдым этеджексинъ!» – деди.

Азрети Исмаил иле Джебраил –алейхисселям- таш ташыды; Азрети Ибрахим де бейтнинъ диварларыны инша этти. Макъам-ы Ибрахим деп билинген ве устуне Ибрахим -алейхисселям- нынъ аякъ изи булунгъан мермер де, Кябе диварлары инша этильгенде басамакъ вазифесини япты<sup>17</sup>. Аети керимеде буюрыла:

وَإِذْ يَرْفَعُ إِبْرَاهِيمُ الْقَوَاعِدَ مِنَ الْبَيْتِ وَإِسْمَاعِيلُ  
رَبَّنَا تَقَبَّلْ مِنَّا إِنَّكَ أَنْتَ السَّمِيعُ الْعَلِيمُ

16 Эбу Зер Азретлерининъ асыл исми Джундеб бин Джунадедир ве Гъифар къабилисине менсуптыр. Бу себепнен Эбу Зер эль-Гъифари деп нам къызангъандыр. Исламны къабул эткен инсанларнынъ бешинджисидир. Зухд, такъва, къанаат ве шукюр эткен бир кимсе эди. Бу себепнен Аллаһ Расулининъ онъа «Исламнынъ Исасы» (Месих-уль Ислам) лагъабыны бергени бильдирилъмекте. Исламнынъ яйылмасы ичюн буюк гъайрет сарф эте. Даима Азрети Пейгъамбернинъ янында булунып, ондан файдалана эди. Огрение ишинде буюк арзу ве истеге бар эди. Бильмедиги эр шейни Расулюллах -салляллаху алейхи ве селлем- ден сорай эди. Азрети Али онынъ ичюн «Илим менбасы» деген эди. 281 хадис ривает эткендир, хиджрий 31 сенесинде Мекке этрафындаки Ребезеде вефат этти. О ерден кечмекте олгъан кучюк бир групп тарафындан дженазе намазы къылынып дефин этильди.

17 Саид Бекташ, Фадлюль-Хаджериль-Эсвед ве Макъамы Ибрахим -алейхисселям-, с. 108; Мухаммед Ильяс Абдульгъаний, с. 71-73. Бир риваетке коре Ибрахим -алейхисселям- даа сонъ бу макъамнынъ узринде юкселип, инсанларны хаджгъа давет эткен. (Саид Бекташ, с. 111) Аллаһ Таала Макъамы Ибрахимнинъ фазилетини бильдирип, шойле буюрмакъта:

وَأَذِجْعَلْنَا الْبَيْتَ مَنَابَةِ لِلنَّاسِ وَأَمَّا وَاتَّخِذُوا مِنْ مَّقَامِ إِبْرَاهِيمَ مُصَلًّى

«Биз Бейтни (Кябени) инсанларгъа топланма меяяны ве ишанчлы бир ер яптыкъ. Сиз де Ибрахимнинъ макъамындан бир намаз ери этининъ (о ерде намаз къылынъ)...» (эль-Бакъара, 125)



**«Бир заманлар Ибрахим Исмаилнен берабер Бейтуллахнынъ темеллерини юкселтип, (ве шойле дей эдилер): Эй, Раббимиз! Бизден буны къабул буюр, шубесиз сен эшитиджисинъ, билиджисинъ».** (эль-Бакъара, 127), (Бухари, Энбия, 9).

Ибрахим -алейхисселям- инсанларнынъ Кябени тавафкъа башламаларына бир аямет олсын деп, Хаджер-и Эсведни Кябенинъ бир кошесине ерлештирди, Расулюллах -салляллаху алейхи ве селлем-нинъ бильдиргенине коре, таш дженнеттен чыкъкъан вакътында сюттен ве къардан даа без олгъаны алда, инсанларнынъ гуняхлары онынъ къарармасына себеп олгъан.<sup>18</sup> (Тирмизий, Хадж, 49/877; Ахмед, 1, 307). Джахилие ве Ислям девирлеринде бир-бири артындан чыкъкъан янгынларнынъ оны даа да къара бир алгъа кетиргени ривает этилир.

Анджакъ бу сияхлыкънынъ садедже корюнген къысмында олгъаны, Хаджер-и Эсведнинъ Кябе диварына комюли къысмынынъ аля даа без олгъаны бильдириле. Муджахид шойле деген:

«Абдуллах бин Зубейр, - радиаллаху анх- Бейтуллахны янъыламакъ ичюн йыкъкъанда, Хаджер-и Эсведге бакътым, Бейтнинъ ичинде къалгъан къысмы без эди».

Къарматийлер еринден сокюп алып кеткен Хаджер-и Эсведни 339 сенеси къайтарып бергенлери заман, ерине къоюлмадан эвель, Мухаммед бин Нафий эль-Хузайи оны тешкерген ве шойле деген:

«Хаджер-и Эсведни еринден сокюльген алында инджеледим, сияхлыкъ садедже баш тарафында эди, дигер тарафлары исе без эди».

Кене хиджрий 1039 сенесинде Кябени буюк бир сель йыкъкъан эди. Янъыдан къурулгъан эснада о ерде булунгъан Имам Ибн-и Аллан эль-Меккий, иншаатны темаша этип, тефсилатынен къайд эткен ве Хаджер-и Эсвед акъкъында шуларны сёйлеген:

«Хаджер-и Эсведнинъ Кябе ичинде орътюли къалгъан къысмынынъ ренки Макъам-ы Ибрахим киби бездыр». (Саид Бекташ, с. 36-38; Др. Мухаммед Ильяс Абдулгъаний, с. 43).

<sup>18</sup> Алимлер дегенлер ки: Гунахлар бир ташкъа биле бу дередже тесир этип оны къарартса, къальп узериндеки тесири даа буюк ве даа шиддетли олур. О алда гунахлардан бутюн кучюмизнен узакъ турмакъ керекмиз.



Кябенинъ кьурулувы биткенинен, Азрети Ибрахим ве Исмаил -алейхиселям-, Аллахкьа шойле дуа эттилер:

رَبَّنَا وَاجْعَلْنَا مُسْلِمِينَ لَكَ وَمِنْ ذُرِّيَّتِنَا أُمَّةً مُّسْلِمَةً لَّكَ وَأَرِنَا  
مَنَاسِكَنَا وَتُبْ عَلَيْنَا إِنَّكَ أَنْتَ التَّوَّابُ الرَّحِيمُ. رَبَّنَا وَابْعَثْ  
فِيهِمْ رَسُولًا مِنْهُمْ يَتْلُوا عَلَيْهِمْ آيَاتِكَ وَيُعَلِّمُهُمُ الْكِتَابَ وَالْحِكْمَةَ  
وَيُزَكِّيهِمْ إِنَّكَ أَنْتَ الْعَزِيزُ الْحَكِيمُ

«Эй, Раббимиз! Бизни Санъа теслим олгъанлардан кьыл! Неслимизден де Санъа итаат эткен бир уммет чыкъар, бизге ибадет усулларымызны косьтер, тевбемизни кьабул эт; зира, тевбелерни чокъча кьабул этиджи, чокъ мерхаметли ялынъыз Сенсинъ». Эй, Раббимиз! Оларгъа араларындан Сенинъ аетлеринъни кендилерине окъуйджакъ, оларгъа китап ве икмет огретеджек, оларны темизлейджек бир пейгъмбер ёлла. Чюнки, устюн келиджи эр шейни ерлериндже япыджы ялынъыз Сенсинъ». (эль-Бакъара, 128-129).

Кябенинъ иншасы биткен сонъ, Аллах Таала Ибрахим -алейхисселям- гъа бутюн инсанларны хаджгъа давет этмесини эмир этти:

وَأَذِّنْ فِي النَّاسِ بِالْحَجِّ يَأْتُوكَ رِجَالًا  
وَعَلَى كُلِّ ضَامِرٍ يَأْتِينَ مِنْ كُلِّ فَجٍّ عَمِيقٍ

«Инсанларны хаджгъа давет эт; джаяв я да зайыфлагъан айванлары устюнде (узакъ ёллардан) эр терен вадийни ашып, санъа кельсинлер». (Хадж, 27).

Бу иляхий талимат узерине Азрети Ибрахим Эбу Къубейс дагъына чыкъаракъ я да Макъам-ы Ибрахим узерине котерилерек, дёрт бир таракъа сесленди ве Аллахнынъ Кябени хадж этмекни инсанларгъа фарз кьылгъаныны бильдирди. (Кямиль Мирас, Теджерид терджимеси, VI, 20-21; Саид Бекташ, с. 111).

Ибрахим -алейхисселям- бу илянынъ япкъан сонъ, Джебраил -алейхисселям- келерек, онъа Сафа иле Мервени ве Харем-и шерифнинъ сынъ-





ырларыны косьтерди, алямет олмакъ узьре де, бирер таш къоймасыны сёйледди. Даа сонъра хаджнынь бутюн фарзларыны огретти.

Бундан сонъ якъын ве узакъ больгелерден зияретчилер Хиджазгъа келерек, Бейтуллахны зиярет этмеге башладылар. Кябе муим бир диний меркез алына келерек, инсанларны этрафына топламагъа башлады.

Бу себепнен Кябе, онынъ мукъаддеслигини къызгъангъан пек чокъ мушрик къавмынынъ уджюмине огърагъан. Йемен укумдары Эбрехенинь чиркин уджумьндан эвельки асырларда, путперест олгъан Йемен укумдарларындан учю даа, Кябени йыкъмакъ истеген эди. Бу уджумлардан бирисинде, Хузейогъуллерындан базы кимселер, Туббагъа<sup>19</sup> Кябени йыкъмасы ве о ердеки хазинени алмасы ичюн баскъы яптылар. Оны бойле чиркин бир уджумгъа ёнелтмелерининъ себеби, Туббадан къуртулмакъ истегенлери эди. Зира, Хузейогъуллеры Кябенинь мукъаддеслигине инана ве тарихий теджрибелерине таянаракъ, онъа нисбетен япыладжакъ эр анги бир суикъастнынъ кесен-кес элякетке себеп оладжагъыны биле эдилер.

Кябени йыкъмакъ ичюн ёлгъа чыкъкъан Тубба ве джемааты ёлда къумгъа батып къалгъанынен, Туббагъа аякъдаш олгъан алим кимселернинъ хабери ве догъру ёл косьтерювлери саесинде, Тубба Кябеге къаршы фена ниетлеринден вазгечти. Бейтуллахкъа урьмет косьтерип, Мекке халкъына да иззет-икрамда булунаджагъыны ахд этти, ве бойледже, элякеттен къуртулды. (Ибн-и Хишам, I, 19-20; Абдураззакъ, V, 153).

Бу вакъиадан сонъ Кябенинь Хакъ къатында къадр-къыймети ачыкъча белли олды, бунынънен берабер халкъ индиндеки къыймет ве итибары да артты. Кябе, Мекке ве Къурейшлилернинъ иляхий муафаза алтында олгъанлары инанчы Арабистан эалиси тарафындан къабул этильди.

Азрети Ибрахимден сонъ Бейтуллахта ибадет, путперестликнинъ башлагъаны замангъа къадар тевхид эсасларына мувафыкъ оларакъ девам эткен. Анджакъ Меккеде путперестликнинъ башламасынен берабер, мушриклер тарафындан Кябенинь ичине ве этрафына бир чокъ пут тикленген эди. Бунъа рагъмен, Кябе ич бир заман путларгъа нисбет этильмеген, даима Бейтуллах исминен яд олунгъан.<sup>20</sup>

19 **Тубба** – Йемен укумдарларына берильген исимдир. Падишах, Султан маналарына кельмектедир.

20 Инсанлар ширкке сапланып пек чокъ ташкъа ве агъачкъа ибадет эткенлер. Амма бунъа

Меккенинъ фетхинде, ичиндеки путлар кырылгъанынен, Кябе, Пейгъамбер Эфендимизнинъ незаретинде, ичи ве тышы Зем-земнен ювулды. О кунъден берли Кябе Къурбан байрамы арефесинде Зем-зем ве гуль сувынен ювулып темизленир, миск-у амбернен къокъуландырылып ве ортюси де, денъиштирилир.

Джахилие девринде Муаллякъат ус-Себа киби мушриклернинъ чокъ къыймет берген эдебий эсерлерининъ ве мусульманларгъа эр тюрлю инсаний алякъаларыны кесмек къарары берген бойкотларынынъ метни киби муим сиясий весикъаларнынъ Кябенинъ диварына асылувы, онынъ эр джеэттен не къадар буюк бир эмиетке саип олгъаныны косътермектедир.

Кябе иле алякъадар, инша этильген кунюнден итибарен япылып кельген бир такъым хусусий вазифелер бар эди ки, буларны ильк заманлар Азрети Исмаил -алеихисселям- идаре эткен эди. Ондан сонъ, бу ульвий вазифелер Исмаил -алеихисселям- нынъ огълуна кечкен, сонъ Джурхумилерге ве олардан да чешит къабилелерге кечерек, ниаат Къурейшке кельген эди. Даа сонъунда къурулгъан Мекке шеэр девлетинде итина иле ерине кетирильген бу вазифелер шулар эди:

1. Сидане я да Хиджабе: Кябенинъ пердедарлыгъы, анахтар къорчалайыджылыгъы иле ортюджюлюк вазифеси эди».<sup>21</sup>

2. Сикъайе: Хаджыларгъа татлы сув икрам этмек ве Зем-зем къуюсы иле алякъалы вазифе.

рагъмен Кябе, Хаджеруль Эсвед ве Макъамы Ибрахимге чокъ къыймет бергенлер и алда, ич бир заман ибадет этмегенлердир. Бу Аллах Тааланынъ хусусий бир муафазы ве къорчалавыдыр.

- 21 Кябеге ильк дефа ортю ортъкен кишининъ Исмаил -алеихисселям- олгъаны бильдириле (Абдурреззакъ, V, 154). Ислам тарихында Кябенинъ ортюси буюк бир укюмдар, Халифе я да Мекке валиси тарафындан яптырыла эди. Ич ве тыш олмакъ узьре эки парча яптырылгъан Кябенинъ ортюси, 1517 йылында хиялафетнинъ Османлыларгъа кечмеси иле бир муддет даа Мысырда тикильмеге девам эткен. Къануний Султан Сулейман девринде ич ортюси Истамбулда тикильмеге башлады, Султан 3-джи Ахмед заманында исе эм ич, эм де тыш ортю къумашлары Истамбулда тикильмеге башланды. Османлы Девлети тарафындан азырлангъан эн сонъ ортю 1916 сенесинде ёлангъан ве бу тарихтен сонъра Шериф Хусейн арекети себебинен алып барылмагъандыр. Даа сонъра бир муддет Мысырда азырланып алып барылгъан ортю, бугюн Меккеде тесис этильген хусусий бир фабрикада ималь этильмектедир.



3. Ридане: Факъыр хаджыларгъа аш-сув икрам этмек, оларны мисафир этме ве алякъа косътерме вазифеси. Бу вазифелерни бойнуна алмакъ энъ буюк шериф сайыла эди.

Бу хызметлер Аср-ы Сеадетте Меккенинъ илери кельген аилелери арасында пайлашылгъан эди. Азрети Омер халифелиги заманында бу хызметлер ичюн девлет азнесинден бир пай айыргъан эди. Азрети Муавиеден итибарен де, бу ишлер бир низамгъа къоюлгъандыр. Османлы идаресинде исе, Кябе хизметлерине эр йыл Харамейн<sup>22</sup> акъчасындан пай айырылгъандыр.

### **Кябенинъ иляхий къорчалавда олгъаныны косътерген ибретли бир адисе: Филь вакъиасы**

Юдже Аллахнынъ эмиринен япылгъан Кябе, эп Дженабы Хакънынъ муафазасында олгъан. Буны ортагъа къойгъан ибретли мисаллерден бири де, «Филь вакъиасы» оларакъ билинген адиседир. Йемен валиси Эбрехе Рома императорынынъ ярдымынен Санада яптыргъан кильсеге инсанлардан беклеген рагъбетни коръмегени ичюн, сонъ дередже сингирленди. Артындан арапларнынъ эвельден берли къудсиетини къабул этерек, зиярет этип кельген Кябени йикъмагъа къарар берди. Арасында, кунюмизнинъ танклары сайылгъан филлернинъ де булунгъан буюк бир орду азырлаяракъ, Меккеге юрьди. Бойлеликле, инсанларнынъ дикъкъатларыны озюнинъ яптыргъан кильсесине чевиреджек эди.

Эбрехе бу иште о къадар къарарлы эди ки, зорнен къолундан алынган девелерини къайтарып алмакъ ичюн кельген Абдулмутталибге шашаракъ:

«Мен Кябени йикъмагъа кельдим. Сен исе, девелерингни тюшюнесинъ!» - деген ве Абдулмутталибнинъ Кябе ичюн:

«Онынъ саиби бар! О, оны къорчалар!» ифадесине мукъабиль кибирнен:

«Мангъа къаршы оны къорчалайджакъ ёкътыр!» - сафсатасында булунгъан эди.

Меккеге якъынлашкъан ордусына Кябеге арекет эмирини бергенинен, филлер юрмедилер. Кок юзю эбабиль къушларынен толды. Олар

22 Харамейн - Эки месджид, Месджид-и Харам ве Месджид-и Небевий.

аякъларында кетирген пишкен толадан япылгъан ташларны Эбрехе ор-дусынынъ узерине, бурчакъ данелери киби, бошатмагъа башладылар. Бу ташлар кимге исабет этсе, оны эляк этмекте эди. Меккенинъ огю бир анда инсан ве филь мезарлыгъына чеврильди. Уфачыкъ къушлар, тонналар агъырлыгъындаки филлерни эзип, ерге сердилер. Бу къоркъунчлы иля-хий муджизе джерьян эткен йылгъа «Филь йылы» денильди.

Аллаһ Таала бу адисени Къурани Керимде шойле анълата:

أَلَمْ تَرَ كَيْفَ فَعَلَ رَبُّكَ بِأَصْحَابِ الْفِيلِ أَلَمْ يَجْعَلْ كَيْدَهُمْ فِي تَضْلِيلٍ. وَأَرْسَلَ عَلَيْهِمْ طَيْرًا أَبَابِيلَ. تَرْمِيهِمْ بِحِجَارَةٍ مِنْ سِجِّيلٍ. فَجَعَلَهُمْ كَعَصْفٍ مَأْكُولٍ

**«Раббининъ филь саиплерине нелер япкъаныны корьмединъми? Оларнынъ фена ийлелерини бошуна чыкъармадымы? Узерлерине эбабиль къушлары ёллады. О къушлар оларнынъ узерлерине пиш-кен чамурдан япылгъан ташлар ата эдилер. Ниает, оларны ашалып, тапталгъан экинге чевирди».** (Филь, 1 - 5).

Чюнки, Кябе Дженабы Хакънынъ эвр-и иляхисинен инша эттирген «Хане-и Бирр»<sup>23</sup> эди. О ер, Аллаһкъа къуллыкъ мекаяны оларакъ мукъад-дес ве мубарек къылынган эди. Бунынъ ичюн иляхий муафаза алтына алынган эди.

Эбрехенинъ ибадетханеге нисбетен япкъан бу сайгъысызлыкъкъа къаршы берильген джеза исе, къыяметке къадар айны шекильде япылад-жакъ дигер арекетлер ичюн де, бир техдид маиетини ташымакътадыр .

Бир башкъа аети керимеде шойле буюрыла:

وَمَنْ أَظْلَمُ مِمَّنْ مَنَعَ مَسَاجِدَ اللَّهِ أَنْ يُذْكَرَ فِيهَا اسْمُهُ  
وَسَعَى فِي خَرَابِهَا أُولَئِكَ مَا كَانَ لَهُمْ أَنْ يَدْخُلُوهَا إِلَّا خَائِفِينَ  
لَهُمْ فِي الدُّنْيَا خِزْيٌ وَلَهُمْ فِي الْآخِرَةِ عَذَابٌ عَظِيمٌ

**«Аллаһнынъ месджитлеринде Онынъ ады анъылувына мани олгъан ве оларны харап этмеге тырышкъан кимседен даа залым ким**



**ола билир! Буларнынъ о ерлерге ялынъыз къоркъаракъ кирмелери керек. (Башкъа тюрю кирмеге акълары ёкътыр). Булар ичюн дюньяда бир резиллик, ахиретте де буюк азап бардыр.** (эль-Бакъара, 114).

Зулумены эйидже шиддетлендирген Эбрехе, нетиджеде озюнде сонъсыз бир къувет ве азамет олгъаны фикирине къапылгъан эди. Бунъа мукъабиль Аллах Таала оны, чёллердеки арслан, къаплан, зеэрли йылан киби, дешет бериджи махлюкъларгъа дегиль де, кучъсиз ве зайыф варлыкълар олгъан Эбабиль къушлары ве нохуттан кучюк ташларнен эляк этти. Бойледже, Аллах Таала Фираун. Немрут, Джалут киби кибирленгенлерни эп кучюк варлыкъларнен эляк этерек, оларнынъ кибирлерининъ манасызлыгъыны ве аджизликлерини ортагъа къойгъан.

Эбрехе де, буюк бир азамет ве кибирнен чыкъкъан Йеменге яра-парча бир беденнен, чокъ зелиль ве перишан бир вазиетте, сюрюнерек дёне бильди. Онынъ бу алы, кибирилиернинъ дюньяда олгъанда биле резиль олгъанларыны косътериджи энъ ачыкъ бир ибреттир.

«Филь йылы» Къурейшлилер арасында бир чешит тарих башлангъычы оларакъ къуullanылды. Ашагъыдаки ривает бунынъ гузель бир мисалидир. Къубаш бин Ушейм:

«Мен ве Пейгъамбер -салляллаху алейхи ве селлем- филь йылында догъдыкъ,»- деген эди. Осман бин Аффан онъа:

«Сен даа буюксинъми, ёкъса Пейгъамбер -салляллаху алейхи ве селлем- даа буюктирми?» - деп сорады. Мубарек сахаби шу индже ве эдеп толу джевапны берди:

«Пейгъамбер -салляллаху алейхи ве селлем- менден чокъ буюктир. Догъумда исе мен даа къартым!<sup>24</sup> Мен филлернинъ кубресини ешилъ ве денъишкен алда коръдим.» (Тирмизи, Менакъиб, 2).

### **Ибрахим -алейхисселям- ве ханифлик**

Меккеде умумен путперестлик аким олмасына рагъмен, тевхиднинъ излери де тамамен илинмеген эди. Азрети Ибрахимнинъ талим эткен

24 Асхаб-и кирам, бу риваетте олгъаны киби, даима Расулюллах -салляллаху алейхи ве селлем-нинъ энъ устюн ве энъ юдже макъамда олгъаныны биле эдилер. Бойлеликнен, бу хусуста буюк бир хассасиет косътере эдилер. Онынъ тенине токъунгъан киши, бундан буюк бир гъурур дуйуп: «Иште, шу эки элимнен Расулюллахкъа бейат эттим» деп эллерини косътере эди. (Ибн-и Сад, VI, 306; Хейсеми, 8, 42).

тевхид дини, аз да олса, бир кысым инсанлар тарафындан девам эттирилмекте эди.

«Аллаһнынъ досту» аңламына кельген «Халилуллах» васфына саип олгъан Ибрахим -aleyхисселям» - Улюль-азм»<sup>25</sup> пейгъамберлерден бири-дир. Пек чокъ пейгъамбернинъ ве хусусан Расулюллах Эфендимизнинъ атасыдыр. Аллаһ Таала, Ибрахим -aleyхисселям- гъа он саифелик бир вахий лютф эткен.

Азрети Ибрахимнинъ исми Къурани Керимде йигирми беш суреде алтмыш докъуз кере кечмекте, **Эввах** (чокъ ах эткен), **Халим**, **Муниб** (Аллаһкъа сыгъынгъан), **Ханиф**, **Къанит** (Аллаһкъа къуллыкъ эткен), **Шакир** киби чешитли исим ве сыфатларнен зикр этилerek макъталгъандыр.

Ибрахим -aleyхисселям- нынъ динине «**Ханифлик**» денильген. Ханиф сёзю лугъатта эгриликни быракъып, догърулыккъа кеткен, истикъамет узеринде олгъан, башкъа динлерден, батыл инанчлардан къачып, ялынъыз бир Аллаһкъа иман этиджи «Муваххид» демектир. Дженабы Хакъ Къуран-и Керимде шойле буюра:

وَقَالُوا كُونُوا هُودًا أَوْ نَصَارَى تَهْتَدُوا قُلْ بَلْ مِلَّةَ إِبْرَاهِيمَ حَنِيفًا  
وَمَا كَانَ مِنَ الْمُشْرِكِينَ

«(Еудийлер ве христианлар мусульманларгъа:) **Еудий я да христиан олунъ ки, догъру ёлны тапарсынъыз, дедилер. (Эй Хабибим!) Де ки: Ёкъ! Биз ханиф олгъан Ибрахимнинъ динине уярмыз. О мушриклерден дегиль эди.**» (эль-Бакъара, 135).

مَا كَانَ إِبْرَاهِيمَ يَهُودِيًّا وَلَا نَصْرَانِيًّا وَلَكِنْ كَانَ حَنِيفًا مُّسْلِمًا  
وَمَا كَانَ مِنَ الْمُشْرِكِينَ

25 Улюль-азм - Азим саиби, пек чокъ мешакъкят корьген ве буларгъа даянгъан 5 пейгъамберге берильген сыфат. Азрети Нух, Азрети Ибрахим, Азрети Муса, Азрети Иса ве Азрети Мухаммед –aleyхим-ус салату ве-с селям-.



**«Ибрахим не еудей, не де христиан эди; факъат О, Аллахны бир таныгъан дос-догъру бир мусульман эди; мушриклерден де дегиль эди.»** (Ал-и Имран, 67).

Джахилие девиринде эр тюрю сапыкълыкътан ве путперестликтен юз чевиререк, Хакъкъа ёнелген, Азрети Ибрахимнинъ динине талип оларакъ, ялынъыз бир Аллахкъа инангъан кимселерге де ханиф дениле эди. **Варакъа бин Невфель, Абдуллах бин Джахш, Осман бин Хувейрис, Зейд бин Амр, Кусс бин Сааиде** киби шахыслар ханифлерден базыларыдыр. Олар джансыз, тильсиз, ич бир шейге кучълери етмеген путларнынъ огюнде эгильмекни, оларгъа ялвармакъны чиркин «сая эдилер. Ибн-и Омер<sup>26</sup> - радиаллаху анхума- шойле анълата:

«Пейгъамбер Эфендимиз нубуветтен эвель, Бельдахнынъ<sup>27</sup> ашагъы къысмында Зейд бин Амр бин Нуфейльге расткельди. Алемлернинъ Эфендисине бир софра къурулды, ашлар ичинде эт де бар эди. Фахри Кяинат Эфендимиз аштан ашамагъаны киби, Зейд де ашкъа эль узатмады:

26 **Абдуллах бин Умер** -радиаллаху анх- пейгъамберликтинъ учюнджи сенесинде догъды. Бабасы Азрети Умер иле бирликте хиджрет эттилер. Эбу Эйюб эль-Энсарининъ де булунгъаны Истамбул сеферине къошулды. Абласы Азрети Хафса, Расулюллах - саллаллаху алейхи ве селлем-нинъ ханымы олгъаны ичюн, Пейгъамбер Эфендимизнинъ якъын этрафында булунма имкъанына саип эди. Текрарларынен берабер 2630 хадис ривает этип, Эбу Хурейреден сонъ энъ чокъ хадис ривает эткен, еди сахабининъ (Муксирун) экинджиси олды. Ибн-и Умер айны заманда энъ чокъ фетва берген еди сахабиден бири эди. Аллах Расулининъ аят тарзына ариф-арифине уйма ве онынъ эмирлерини айнен ерине кетирме мевзусында онъа бенъзеген ёкъ эди. Расули Экремининъ вефатындан сонъра онъа олгъан муаббетининъ джошкъунлыгъы себебинден, Расулюллах –алеихисселлям-нынъ намаз къылгъан ерлерини огренип, о ерлерде намаз къылар, юрьгени ёлларда юрер, кольгеленгени тереклернинъ астында отурур, къурумасынлар деп о тереклерни суварар эди. (Бухари, Салят 89; Ибн-и Хаджер, эль-Исабе, II, 349). Бир кунъ аягъынынъ синъирлери топланып къасылгъан эди. Янынъда булунгъан Абдурахман ибн-и Сад: «Энъ чокъ севдигинъ инсаннынъ адыны анъ!» деди. О да «Я Мухаммед!» деди ве о анъда аягъы ёйилешти. (Ибн-и Сад, 5, 154). Ибн-и Умер, асхабы киранынъ илери кельген зенгинлеринден эди. Серветининъ чокъ топланмасыны истемез, элине кечкенини ёкъсулларгъа дагъыта эди. Саип олгъаны шейлер ичинде энъ чокъ бегенени Аллах ёлунда къурбан этмек ве садакъа оларакъ бермек узьре айырыр эди. Яхшы арекетлер якъаныны корьсе ве хусусан намаз къылгъаныны огренгени бутюн хызметчилерни азат эте эди. Достларындан бири онъа эвельден хабер эткенине коре, хызметчилерден базылары ялынъыз азат этильмек ичюн джамиге кете экенлер. Азрети Абдуллах къальбиндеки Аллахкъа севгини косътерген шу джевапны берди: «Биз Аллах иле алдатмакъ истегенлерге алданмагъа разымыз». Мухтелиф себеблернен Абдуллах, бинъден зияде хызметчи азат этти. 73/692 сенесинде сексен беш яшында экенде Меккеде вефат этти.

27 **Бельдах** – Меккенинъ якъында бир вадийдир.



«Мен сизнинъ путларыньыз адына сойгъан этинъизден ашамам. Мен садедже Аллаһнынъ ады зикр этилerek союлгъанындан ашарым,» - деди.

Зейд, Къурейшнинъ айванларыны путларнынъ адына сойгъанларыны айыплап, бойле дер эди:

«Къоюнны Аллаһ яратты. Онынъ ичюн коктен ягъмур ягъдырды, ерден де отлар чыкъарды. Амма сиз оны Аллаһнынъ исмини зикр этмеден соймакътасыныз.» (Бухари, Менакъибул-Энсар, 24; Зебаих, 16).

Бир башкъа ривает исе шойледир:

«Зейд бин Амр, Варакъа бин Невфелъни де янына аларакъ, акъикый динни сорап, онъа табий олмакъ узере, Шамгъа барды. О ерде бир еудий алиmine расткельди. Онъа динлери акъкъында суаль берди ве:

«Бельки дининъизге кирерим, манъа онынъ акъкъында бильги беринъ,» - деди. Еудий:

«Сен, Аллаһнынъ гъадабындан насибинъни алмагъандже, динимизге кирamazсынъ!» - джевабыны берди. Зейд:

«Мен Аллаһнынъ гъадабындан къачаракъ, бу ерлерге кельдим, (гъадаб дегиль, риза ве рахмет арайым). Аллаһнынъ гъадабындан эр анги бир пай алмагъа асла ниетим ёкъ. Сен манъа башкъа бир дин косътер (де онъа барайым)!» - деди. Еудий алим:

«Мен Ханифликтен башкъа бир дин бильмейим!» - джевабыны берди. Зейд:

«Ханифлик недир?» - деп сорады. Еудий алим:

«Азрети Ибрахимнинъ динидир. О, не еудий, не де христиан эди, Аллаһтан башкъа бир шейге де табынмай эди,» - джевабыны берди.

Зейд онынъ янындан чыккъанынен, христиан алиmlеринден биринен расткелишти. Онъа да айны шейлерни сёйледди. О да:

«Сен Аллаһнынъ лянетинден насибинъни алмагъандже, бизим динимизге киралмазсынъ,» - деди. Зейд онъа да:

«Мен затен Аллһнынъ лянетинден къачаракъ, бу диярларгъа кельдим. Элимден кельгени къадар ич бир заман Аллаһнынъ лянетинден бир шей алмайджам. Сен манъа башкъа бир дин косътерирсинъми?» — деди.





О алим де, еудий алими киби, ханифликтен баас этти. Зейд оларнынъ Азрети Ибрахим акъкъындаки сёзлерини эшиткенинен, о ерден айырылды. Тышкъа чыкъкъанынен, эллерини котерип:

«Аллаһым, Сени шаад этем, мен Ибрахим -алейхисселям- нынъ дини узериндем! –деди. (Бухари, Менакъибуль-Энсар, 24).

Эсма бинт-и Эбу Бекир -радиаллаху анхума- дей ки, Зейд бин Амирнинъ Кябеге таянып, шойле дегенини эшиттим:

«Эй Къуреиш джематы! Валлахи, менден башкъа, ич биринъиз Ибрахим -алейхисселям-нинъ дининден дегильсиниз!»

Зейд тирилейин топракъкъа комюледжек къызларны (къуртарып) ая-тыны багъышлар эди. Къызыны ольдюрмеге истеген адамгъа:

«Оны ольдюрме, онынъ кулфетини мен устюме алам,» - дер ве къызны алып эди. Къыз буюген сонъ, бабасына:

«Истесенъ, оны санъа теслим этейим, истесенъ итияджларыны корьмеге девам этейим,» - дер эди. (Бухари, Менакъибуль-Энсар, 24).

Аллаһнынъ Расули -салляллаху алейхи ве селлем- ханифлерден Варакъа акъкъында:

«Оны дженнетнинъ ортасында, узеринде сюндюстен урбалары олгъан алда корьдим», Зейд ичюн де: «О, къыямет кунюнде, мен иле Иса –алейхисселям- арасында айры бир уммет оларакъ тирильтиледжек», - буюргъан. (Хейсемий, IX, 416).

Баас этильген бу ханифлер, эвельки мукъаддес китаплардан аз-чокъ хабердар олгъанлары ичюн, сонъки Пейгъамбернинъ вакъты якъынлашкъаныны биле ве Оны беклей эдилер.

Ислям алимлерининъ чокъуна коре, Пейгъамбер -салляллаху алейхи ве селлем-нинъ анасы ве бабасы Меккедеки ханифлерден эди.

Ханифлик, Ислямнынъ тевхид инанчындан башкъа бир шей дегиль-дир. Бу себеп иле Дженабы Хакъ, Пейгъамбер Эфендимизге ханиф олгъан Ибрахим -алейхисселям-нинъ динине табий олмакъны, шойле эмир эткен:

ثُمَّ أَوْحَيْنَا إِلَيْكَ أَنْ اتَّبِعْ مِلَّةَ إِبْرَاهِيمَ حَنِيفًا وَمَا كَانَ مِنَ الْمُشْرِكِينَ

**«Сонъра да эй Хабибим санъа: «Догъру ёлгъа ёнелерек, Ибрахимнинъ динине уй! О, мушриклерден дегиль эди, деп вахий эттик» (Нахль, 123).**

Бу себептен, ханифлик, Ислям ичюн дахи къулланылгъан ве самимий, ихляслы бир мусульмангъа да «ханиф» васфы берильген. Пейгъамбер Эфендимиз :

«Мен, мусамахакар ханиф динни (*эль-Ханифийе эс-Семха*) иле ёлланылдым», - деп буюргъан. (Ахмед V, 266.).





*Ҳейъатбериктен эвель*  
*Азрети Мухаммед*

*-салляллаху алейхи ве селлем-*



БИРИНДЖИ БОЛЮК





## АЗРЕТИ ПЕЙГЪАМБЕРНИНЪ ДОГЪУМЫ ВЕ БАЛАЛЫГЪЫ

### Мухаммедий Нур

Аллаһ ичюн заман ве мекия тюшюнильмез. О, юдже варлыкъ, заман ве мекидан мунеззехтир<sup>28</sup>. Эзельде ялынъыз озю бар олгъан ве бар олмакъ ичюн, башкъа бир яратыджыгъа мухтадж олмагъан Дженабы Хакъ, билимекни ве бу бильгининъ кереги оларакъ, ибадетлернен урьмет корюп юджельтильмекни истегени ичюн, «алем-и кесрет» (чокълукъ алеми яни кяинат) денильген масиваллаһны<sup>29</sup> яраткъандыр. Бу яратышта энъ башта мейдангъа кельген, бир «нур»дыр. О нур исе, «Акыкътат-ы Мухаммедие»нинъ озю, аслы ве маясыдыр.

Насыл кыйметли бир муджевхер, чыплакъ бир суретте дегиль де, Гузель бир къуту ичинде такъдим этильсе, бутюн варлыкълар да «Нур-и Мухаммеди»ге нисбетен о мевкъидедир. Онынъ шеревине яратылгъандыр. Бунъа коре, барлыкънынъ ильк себеби, Дженабы Хакънынъ улу заты, экинджи себеби исе, «Нур-и Мухаммеди»ни, шеревеи ве кыймети себебинден, дигер варлыкъларнен зарфландырмакъ<sup>30</sup> ве дюльберлештирмек заруретидир.

Башкъа бир ифаденен айтаджакъ олсакъ, Ислям инанджына коре, барлыкъларнынъ пеш-пешине яратылып, мейдангъа кетирильмесинде ильк башлангыч, Фаил-и Мухтар (тилегенини япмакъта сербест) ола-

28 **Мунеззех** - бир шейден узакъ олмакъ, ондан темиз олмакъ. Инсан мийи исе яратылышы итибары иле заман ве мекия шартынен тюшюнип олгъан бир васыфтадыр. Мушаххас (козьнен корюлип, къолнен тутулгъан) алемден алгъаны тезсуратларны къулланып -белли бир нисбетте олса биле- акыкътаткъа къавушыр. Мушахаде саасы тышында къалгъан, корюнмеген алемге аит акыкътатлар ичюн корюнген алемден алгъан тезсуратларны къулланмакъ меджбуриетиндидир. Метафизик (физиканынъ тышындаки) керчеклер ичюн исе, маналарыны ве адларыны тайын этмек ичюн меджазий ифаделер къулланмагъа меджбурдыр.

29 Масиваллаһ - Аллаһнынъ тышында ве инсанларны Ондан мен эткен эр шей ичюн къулланылгъан бир табирдир.

30 Зарфландырмакъ – заман ве мекия хусусиетлеринен донатмакъ..



ракъ, Дженабы Хакъ; себеп ве весиле де «Нур-и Мухаммеди»дир. Яни яратылышта о, ильктир. Ислямгъа коре, кяинат, бир чокъ фельсефеджининъ къабул эткенининъ аксине «къâдим»<sup>31</sup> дегиль «хâдис»тир. Яни сонърадан бар олгъандыр. Къâдим садедже Дженабы Хакътыр. Сонърадан яратылгъанларнынъ илькиси исе, «Нур-и Мухаммеди»дир. Бу себептен, Аллаһнынъ Расули<sup>32</sup> -салляллаху алейхи ве селлем- :

*«Адем рух иле джесед арасында экенде, мен неби»<sup>33</sup> эдим», - буюргъан. (Тирмизий, Менакъиб, 1).*

Яни Азрети Пейгъамбер, нурынынъ яратылышы ве пейгъамберлик берильмеси итибары иле Азрети Адемден эвельдир. Джисманиет къазанып, алемимизде пейда олмасы итибарынен исе, пейгъамберлик такъвимининъ сонъки япрагъыдыр. Зира, рисалет такъвими, варлыкънынъ эвели олгъан «Нур-и Мухаммеди» иле башлады; сонъки япрагъы да, «Джисманиет-и Мухаммеди» иле ниаетини булды.

**«Варлыкъ нуры»** исе, озюнинъ шерефи ичюн яратылгъан буюн махлюкъатнынъ<sup>34</sup>, о ильки яратылгъан варлыкъ олгъан «Нур-и Мухаммеди»ге нисбетини ифаде этер. Бу, варлыкъларда бизатихи (озь-озюнден) бир шереф мевджут олмайып, олар къыйметлерини **«Нур-и Мухаммеди»**ге багълы оларакъ къазанырлар, демектир.

Шу Хадиси шерифлер бу акъикъатнынъ энъ гузель ифадесидир:

*«Адем -алейхисселям- дженнеттен чыкъарылмасына себеп олгъан янълыш аракетни якъан сонъ, хатасыны анълап:*

*«Я Рабби! Мухаммед акъкъы ичюн Сенден мени багъышлангъанынъ истейим,» - деди.*

*Аллаһ Таала:*

*«Эй, Адем! Даа яратмагъаным Мухаммедни сен къайдан билесинъ?» - деп буюрды.*

*Адем -алейхисселям- :*

31 Къâдим – эзелий, башлангъыджы олмагъан.

32 Расул – янъы къанун ве китап иле йиберильген пейгъамбер.

33 Неби – эвельки пейгъамбернинъ къанунларыны джанландырмакъ ичюн йиберильген пейгъамбер.

34 Махлюкъат – яратылгъан эр шей.



*«Я Рабби! Сен мени яратып, манъа рухынъдан уфлегенинъде, башымны котерип бакътым ве аринынъ сутунлары устюнде «Ля иляхе илляллах, Мухаммедун Расулюллах» язылгъаныны корьдим. Анъладым ки, Сен, озъ адынънынъ янына анджакъ яратылгъанларнынъ энъ сеvimлисини къоярсынъ!» - деди.*

*Бунынъ узерине Аллаh Таала:*

*«Догъру сёйлединъ, эй, Адем! Акъкъатен, о, манъа коре, махлюкъ-атнынъ энъ сеvimлисидир. Онынъ акъкъы ичюн Манъа дуа эт. (Мадем ки, дуа эттинъ), Мен де сени багъышладым. Эгер Мухаммед олмаса эди, сени яратмаз эдим!» - буюрды. (Хаким, II, 672).*

*Ибн-и Аббастан –радияллаху анхума- шойле накъль этилир:*

*«Аллаh, Иса -алейхисселям- гъа вахий этти ве шойле буюрды:*

*Эй, Иса, Мухаммедге иман эт ве умметинъден Онъа етишкенлерге Онъа иман этмелерини эмир эт! Эгер Мухаммед олмаса эди, Адемни яратмаз эдим! Мухаммед олмаса эди, дженнет ве джезэннемни де яратмаз эдим. Арины сув узеринде яраткъанымда сарсылмагъа башлады, узерине «Ля иляхе илляллаh, Мухаммедун Расулюллах» язгъанымнен, сакинлешти. (Хаким, II, 672).*

*Бир кунъ Джабир -радияллаху анх- Пейгъамбер эфендимизге келип:*

*«Анам, бабам санъа феда олсун, я РасулАллаh! Манъа ильк яратылгъан шейнинъ не олгъаныны бильдирсинъми?» - деп сорады.*

*Расулюллах -салляллаху алейхи ве селлем- :*

*«Эй, Джабир! Аллаh Таала эр шейден эвель, сенинъ пейгъамберининъ нурыны, затынынъ нурындан яраткъандыр...» - джевабыны берди. (Бакъ. Аджлуний, I, 265).*

*Ибн-и Арабий азретлери бу хусуста шу фикирлерни юрсете:*

*Аллаh Таала Мухаммед -салляллаху алейхи ве селлем- ге пейгъамберлигини муджделегени вакъытта Адем -алейхисселям- даа ёкъ эди, сув иле чамур арасында эди... Бойледже, небий ве Расуллар вастасынен ортагъа чыкъкъан бутюн шериятларнынъ эвели ве сонъу олмакъ укми,*



Аллаһ Расули ичюн керчеклешти. Пейгъамберимиз даа о вакъытларда шерият саиби эди, чюнки хадисте: *«Адем рух иле джесед арасында экенде, мен небий эдим»*, - деп буюрылгандыр. «Мен инсан эдим» я да «Мен мевджут эдим», - деп айтмагъан. Нубуввет анджакъ Аллаһ тарафындан онъа берильген бир шериятнен мумкюн ола билир. (Ибн-и Арабий, эль-Футухат II, 171; IV, 66-67).

Ибн-и Арабий *Фусусу-ль Хикем* адлы эсеринде исе, бойле дей:

Расулюллах -салляллаху алейхи ве селлем- инсанлар арасында варлыкнынъ энъ мукеммелидир. Бунынъ ичюндир ки, пейгъамберлик онынънен башлады ве онынънен ниаетке иришти. (Ибн-и Арабий, Фусус, IV, 319).

Сулейман Челеби де Мевлид-и шерифлеринде Нур-ы Мухаммедини шу сёзлернен анъа:

*Мустафа нуруны эвель къылды бар ,  
Севди аны ол Керим-у Гирдигяр.*

Манасы: О яраткъан ве Керим олгъан Аллаһ Таала, башта Мухаммед Мустафа -салляллаху алейхи ве селлем- нинъ нуруны яратты ве оны севди.

Сулейман Челеби дигер бейитлеринде, Азрети Пейгъамбер -салляллаху алейхи ве селлем- нинъ варлыкъ нуру олмасыны ве кяинатнынъ Нуры Мухаммеди урьметине бар этильгенини не къадар къыска ве ачыкъ-айдын бир шекильде ифаде эте:

*Хакъ онъа берди мукеммель эйледи  
Яратылгъанлардан муфаддал эйледи  
Андан олду эр нихан-у ашшяр  
Ари-у фери-у ерде кокте не ки бар  
Гер Мухаммед олмая эди аян  
Олмайи серди земин-у асуман  
Эм весиле олдугъы ичюн ол Расул  
Адемин хакъ теъбесини къылды къабуль  
Гер Мухаммед кельмесе эди алемге  
Тадж-и иззет иришмез эди Адемге  
Нух анынъчюн булды эм гъаркътан  
неджат  
Дагъы догъмадан корюнди муджизат*

*Джумле анын достлугъына адына  
Бунджа иззет къылды хакъ эджададына  
Джеседи олдугъычюн анынъ эм Халил  
Нары дженнет къылды онъа ол Джелил  
Эм дахи Муса элиндеки аса  
Олду онынъ урьметине эждерха  
Ольмейип Иса кокке булды ёл  
Умметинден олмакъ ичюн иди ол  
Керчек ким булар биле мюрсельдурур  
Лик Ахмед экмелю эфдальдурур  
Чюн теменни къылдылар Хакътан бунълар  
Ким Мухаммед умметинден олдылар  
Суннетин тут уммети ол уммети  
Та насиб ола санъа Хакъ рахмети*

Манасы:

*«Аллаһ, онъа лютуфта булунуп оны мукеммель къылды ве дигер махлюкълар арасында фазилетли эйледи.»*





*«Ари ве фершите, яни ерде ве кокте гизли ве ачыкъ не бар исе, эписи онын весилесинен мейдангъа кельдилер.»*

*«Эгер Мухаммед Мустафа -салляллаху алейхи ве селлем- олмаса эди, шу ерлер ве коклер олмайджакъ эди.»*

*«Эм о улу Расул себепчи олгъаны ичюн Аллаһ Таала Азрети Адемнинъ теvbесини къабул этти.»*

*«Эгер Мухаммед Мустафа -салляллаху алейхи ве селлем- алемге кельмесе эди, Адем (а.с.)гъа иззет таджсы кийдирильмез эди.»*

*«Азрети Нух, онынъ саесинде богъулмакътан къуртулды. О даа догъмадан бойле нидже муджизелер мейдангъа кельди.»*

*«Юдже Аллаһ, урьметине онынъ эджададына сонъ дередже иззет эйледди.»*

*«Джелил олгъан Мевля, онынъ атасы олгъаны ичюн Азрети Ибраим-ге атешини гуль бахчасына чевирди.»*

*«Эм Азрети Мусанынъ элиндеки асасы да онынъ урьметине эдждер-ха олгъандыр.»*

*«Азрети Иса да онынъ умметинден олабийлемек ичюн ольмейип ко-клерге юксельгендир.»*

*«Бу сайгъанларымыз да пейгъамберлердир, амма Ахмед, оларнынъ энъ мукеммели ве энъ фазилетлисидир.»*

*«Окъадар ки, олардан эписи Мухаммед умметинден олмакъ истеги ичинде олдылар.»*

*«О алда онынъ суннетини (мисаль яшайышыны) аяткъа кечирмек суретинен уммети олмагъа арекет эт ки, Хакъ Таалаынынъ мерхамети санъа насиб олсун...»*

Акыкъат-и Мухаммедие оларакъ да исимлендирильген Нур-ы Мухаммеди, бир нур, бир Акыкъат я да бир джевхердир ки, Расулюллах -салляллаху алейхи ве селлем-нинъ маневий шахсиетини темсиль этер. Аллаһ къатында энъ севимли ве энъ къыйметли одыр. Мевджудатнынъ бар олгъанынынъ себеби – Дженабы Хакънынъ, яратылышта ильки олгъан Нур-ы Мухаммедиге мухаббетидир<sup>35</sup>. Бу себептен бутюн кяинат Нур-ы Мухаммедининъ шерефине ве онъа бир мазруф олмакъ<sup>36</sup> узъре яратылгъандыр. Яни бутюн кяинат онынъ акыкъатыны ачыкъламакъ ве беян этмек ичюн яратылгъандыр. Бунынъ ичюн, насыл бир бардакъкъа

35 **Мухаббет** – севги.

36 **Мазруф олмакъ** – этрафыны сармакъ, азыр ер ве заман олмакъ.

бир денъизни сыгъдырмакъ мумкюн дегиль исе, Нур-ы Мухаммедини де лляйкъ олгъаны киби идракъ этмек де, мумкюн дегиль.

### Пейгъамбер эфендимизнинъ пак сою

Пейгъамберимизнинъ бабасы Абдуллах, анасы Аминедир. Онынъ мубарек сою Азрети Исмаилнинъ огълу Къайзар сюлялесининъ энъ ше-рефлиси олгъан Аднангъа къадар узаныр.<sup>37</sup>

Пейгъамберимизнинъ буюк атасы Аднан, Исмаил -алейхисселям-нынъ союздандыр. (Ибн-и Хишам, I, 1,5). Аднаннынъ огълу Меадднынъ Иса -алейхисселям-нынъ асырдашы олгъаны накъль этилир.

Расулюллах -салляллаху алейхи ве селлем- Къурейш къабилеси ичинде эм баба, эм де ана тарафындан, энъ темиз ве энъ шерефли бир къорантагъа менсюптир. Аллаһ Расули -салляллаху алейхи ве селлем- не-себининъ темиз, пак олгъаны акъкъында шойле буюргъандырлар:

*«Мен, джахилие деврининъ чиркинликлеринден ич бир шейге булаш-мадан, ана ве бабамдан мейдангъа кельдим. Мен, та Адемден бабама ве анама къадар эп никях махсулы оларакъ мейдангъа кельдим, асла зинадан мейдангъа кельмедим!» (Ибн-и Кесир, эль-Бидае, II, 260).*

Онынъ бир исм-и шерифи де **Мустафа**дыр. Бу исим шу тарихий се-чилип сюзюльмекни ифаде этер.

Азрети Пейгъамбер -салляллаху алейхи ве селлем-нинъ менсюп ол-гъан топлулыгъы не заман экиге айырылса, Аллаһ Таала, Расулини энъ хайырлы тарафта булундыргъандыр. Онынъ, бутюн барлыкъны айдын-латкъан нуры Азрети Адем -алейхисселям- дан берли энъ темиз ана ве бабалардан кечип, озюне келип еткендир. (Ахмед, I, 210). Ибн-и Аббас аз-ретлери, Шуара суресининъ 219-ынджы аетини, бу мананы ифаде этерек, шу шекильде тefsир эткен:

«Сен, яни нурынъ, эп седжде эткенлерден долаштырылып, сангъа кельгендир». (Къуртубий, XIII, 144; Хейсемий, VII, 214).

37 Расуллаһ -салляллаху алейхи ве селлем-нинъ несеби шерифлери шойледир: Мухам-мед бин Абдуллах бин Абдульмутталиб бин Хашим бин Абди Менаф бин Кусай бин Киляб бин Мюрре бин Кяб бин Люэй бин Гъалиб бин Фихр бин Малик бин Надр бин Ки-нане бин Хузейме бин Мудрике бин Ильяс бин Мудар бин Низар бин Меадд бин Аднан. (Бухари, Менакибуль Энсар, 28; Ибн-и Хишам, I, 1-3; Ибн-и Сад, I, 55-56)



Фахри Кяинат<sup>38</sup> -салляллаху алейхи ве селлем- бу хусусны Хадиси шерифлеринде бойле ифаде эткен:

*«Мен Адем огъуллаарынынъ энъ хайырлы ве энъ темизлеринден, девирден девирге, къорантадан къорантагъа кечип, ниаат шу, ичинде булунгъаным аиледен вуджуткъа кетирильдим!» (Бухари, Менакъиб, 23).*

*«Аллаһ Тааля Ибрахимогъуллаарындан Исмаилны сечти. Исмаилогъуллаарындан Кинане огъуллаарыны сечти. Кинанеогъуллаарындан Къурейшни сечти. Къурейшитен Хашимогъуллаарыны сечти. Хашимогъуллаарындан Абдулмутталиб огъуллаарыны сечти. Абдулмутталиб огъуллаарындан да, мени сечти». (Муслим, Фезаиль, 1; Термизий, Менакъиб, 1).*

Буюк Ислям алими Ибн-и Халдун, Пейгъамбер эфендимизнинъ несебининъ бу къадар ачыкъ-айдын ве тафсилатлы бир шекильде билинмеси ве асалетнен девам этип кельгени акъкъында бойле деген:

«Азрети Мухаммед -салляллаху алейхи ве селлем- ден башкъа ич бир къулнынъ, не себеби бу дередже къатий билинмектедир, не де Адем –алейхисселям- дан, озълерине къадар сой асалети аралыкъсыз девам эткендир. Бу Аллаһ Таалянынъ Хабиб-и Эдибине<sup>39</sup> хусусий бир икрамыдыр». (Ибн-и Халдун, I, 115).

### **Азрети Пейгъамбернинъ бабасы Абдуллах иле анасы Аминенинъ эвленюви**

Азрети Пейгъамбернинъ вазифелендирильмесине якъын девирде тевхид<sup>40</sup> инанчы джоюлгъан, Кябе къавм ве къабилелерге аит путларнен толдырылгъан, Зем-зем къуюсы да, гъайып этильген алда эди.

Пейгъамбер эфендимизнинъ къартбабасы Абдулмутталиб, Хиджрде юкълагъанда тюшюнде онъа Зем-зем къуюсыны къазмасы айтылды. Даа сонъра да бир ишарет иле къазмасы керек олгъан ер онъа косътерильди.

Абдулмутталиб къазув ишине башлагъанда, Къурейшлилер:

« -Месджидимизнинъ яныны къаздырмамыз», - деп, кедер эттилер.

38 **Фахр-и Кяинат** – кяинатын гъуруры, яни Пейгъамберимиз -салляллаху алейхи ве селлем-.

39 **Хабиб-и Эдиб** – Аллаһнынъ пек эдепли севгилиси демек, яни Пейгъамберимиз -салляллаху алейхи ве селлем-.

40 **Тевхид** – Аллаһны бирлемек, Онынъ бир тек илях оларакъ къабул этмек ве садедже Онъа ибадет этмек.

Бунинъ узерине Абдулмутталиб, Аллаһ он эвлят берир ве олар да озьлеринини къорчалайджакъ яшкъа етселер, олардан бирисини Кябенинъ янында къурбан этмекни адады.

Бир муддеттен сонъ, Къурейшлилер, Абдулмутталибде корьген базы алельхусус ал ве ишаретлер себебинен, юмшадылар ве онъа мусааде эттилер. Абдулмутталиб къуюны къазды ве Зем-земни мейдангъа чыкъарды. Вакътынен он эвляды дюнъягъа кельди ве озьлерини къорчалайджакъ яшкъа эттилер. Бунинъ узерине тюшюнде:

«Адагъынъны ерине кетир», - денилerek, йыллар эвель Аллаһкъа берген сёзю озюне хатырлатылды. Адагъыны ерине кетирмек ичюн, сырасынен къочкъар ве сыгъыр сойгъан Абдулмутталибден эр сеферинде даа буюги истенильди. О:

«Даа буюги недир?» – деп сорагъанынен:

«Огъланларындан бирисини къурбан этмекни адагъан эдинъ!» - денильди. Бунинъ узерине эвлятларыны топлагъан Абдулмутталиб, Аллаһ ичюн япкъан адакъны ерине кетирмек ичюн, оларны итааткъа давет этти. Олар да, къаршы чыкъмадан:

«Сен адагъынъны ерине кетир, истегенинъни яп!» - дедилер.

Абдулмутталиб къура чекеркен:

«Аллаһым! Мен эвлятларымдан бирисини Санъа къурбан этмекни адагъан эдим. Араларында къура чекеджем, олардан истегенинъни ал», - деп дуа этти.

Къура Пейгъамбер эфендимизнинъ бабасы Абдуллахкъа чыкъты. Абдулмутталиб, къурбан чалмакъ узьре огълуны Кябеге алып кеткенде, меккелилер, эвлят къурбан этмекнинъ адет алына келеджегинден къоркъып, оны токътаттылар. Абдулмутталибни икъна этерек, бир алимге алып бардылар. Алим:

«Сизде бир инсаннынъ диети<sup>41</sup> не къадар?» - деп сорады.

«Он деве», - деп джевап бердилер. Бунинъ узерине алим:

«Ойле исе, Абдуллах иле он деве арасында къура чекинъ, къура Абдуллахкъа чыкъса, он деве даа къошып, йигирми деве иле Абдуллах

41 Диет – бир инсан джанына къаршылыкъ кельген мал микътары.



арасында текрар кѳура чекинъ. Бу ракъамны, кѳура девелерге чыкъкъан-  
гъа къадар онар-онар арттырынъ!» –деп тевсиеде булунды.

Он деве иле Абдуллах арсында кѳура чекильгенде, кѳура Абдуллахкъа чыкъты. Он деве даа иляве этип, кѳураны текрарладылар, кене Абдуллахкъа чыкъты. Девелернинъ сайысы юзге еткенгедже бу шекильде девам этильди. Сайы юзге баргъанынен, кѳура девелерге чыкъты. Абдулмутталиб эмин олмакъ ичюн кѳура чекювини учъ кере даа текрарлады. Бу эснада аякъкъа къалкъып, огълунынъ кѳуртулмасы ичюн Аллаһкъа дуа эти. Эр кересинде де кѳура девелерге чыкъкъаныны корьгенинен, о ердекилер, севинчлеринден «Аллаһу Экбер» диерек, текбир кетирдилер. Сонъра Абдулмутталиб девелерни кѳурбан чалып, этлерини халкъкъа дагъытты. (Ибн-и Хишам, I, 163-168; Ибн-и Сад, I, 83-85; Хаким, II, 604-4036).

Бугунъ, Ислям шериятында, ольдюрильген бир инсаннынъ диетининъ юз деве я да бунынъ бедели оларакъ тайин этильгени, бу тарихий адисеге эсаслангъандыр.

Расулюллах -салляллаху алейхи ве селлем- Эфендимиз, атасы Исмаил -алейхисселям- нынъ ве бабасы Абдуллахнынъ кѳурбан ичюн сечильгенлерине ишарет этип:

*«Мен эки кѳурбанлыкънынъ огълуйым»,* - дей эдилер. (Хаким, II, 604-4048).

Бу себептен, Аллаһ Расули «Ибн-и Зебихайн – эки кѳурбанлыкънынъ огълу» деп зикр этилир эди. (Хаким, II, 609-4036).

Азрети Абдуллах, эм озъ кѳардашларынынъ, эм де дигер бутюн Кѳурейш яшларынынъ беден ве ахлякъ тарафындан энъ гузели эди. Акъыл, зекилик ве тербие тарафындан да, кене оларнынъ энъ устюни эди. (Халебий, I, 51-62). Бу себептен, Кѳурейшнинъ бутюн кызлары онынънен эвленмеге истей эдилер. Атта Варакъа бин Невфельнинъ кыыз кѳардашы Рукъыйе Абдуллахнынъ манълайындаки нурны корьгенинен бунынъ пейгъамберлик нуры олгъаныны анълагъан эди. Беклеген сонъ пейгъамбернинъ анасы олмакъ шерефине къавушмакъ ичюн, Азрети Абдуллахкъа, озюнен эвленмесине кѳаршылыкъ юз деве теклиф эткендир. (Ибн-и Хишам, I, 168-169).



Абдулмутталиб, огълуна Бени Зухре къабилесининъ буюги Вехб бин Абди Менафнынъ кызы Аминени истеди. Къурейшнинъ несеб ве шериф тарафындан энъ устюн кызы олгъан Амине бу теклифке сыджакъ бакъкъанынен, нияхлары кыйылды.

Азрети Пейгъамбер -салляллаху алейхи ве селлем-нинъ анасы Азрети Аминенинъ сою, Вехб бин Абд-и Менаф бин Киляб бин Мурре шеклиндедир. Зухре, Хашим огъуллаарынынъ аталары олгъан Къусай бин Килябнынъ къардашы олгъанындан, Азрети Аминенинъ сою Азрети Абдуллах иле Килябда бирлешир. (Ибн-и Сад, I, 59-60).

Расулюллах ана рахмине тюшкенинен, Абдуллахнынъ мангълайында олгъан нур Азрети Аминеге кечти. (Ибн-и Хишам, I, 170).

### **Пейгъамбер Эфендимизнинъ бабасы Абдуллахнынъ вефаты**

Пейгъамбер эфендимизнинъ бабасы Абдуллах, эвлилигинден кыска бир муддет сонъра Къурейшнинъ бир тиджарет керванынен Шамгъа кеткен эди. Тиджаретини битирип къайткъанда, ёлда хасталанды. Мединеге кельгенинен, аркъардашларына:

«Мен бу ерде дайыларым Неджджарогъуллаарынынъ янында бираз къалайым», - деди ве бир ай анда къалды.

Дайылары не къадар гъайгет этсе де яхшы оламады ве о ерде вефат этти. Мединеде комюльди. Абдуллах вефат эткен вакъытта 25 яшында эди. (Ибн-и Сад, I, 99).

Амине, къоджасы Абдуллахнынъ вефаты хаберини алгъанынен, пек янды-якъылды ве кунълер бою козяш текти, онынъ киби бирисининъ тапыламайджагъыны, эр кес тарафындан пек севильгенини, чокъ джумерт ве мерхаметли олгъаныны ифаде эткен мерсиелер сёйледди. (Ибн-и Сад, I, 100).

### **Пейгъамберимизнинъ келишини мудждедеген хабер ве адиселер**

О, догъмадан эвель, бир чокъ иляхий теджеллилер<sup>42</sup> мейдангъа кельген. Бутюн кяинат онъа асретлик чеке эди. Чюнки, о яратылышнынъ себеби эди.

42 Иляхий теджеллилер – Аллахнынъ мейдангъа кетиргени бир такъым адиселер. (Ал-



Эвеля Аллах Тааля, даа эвельки пейгъамберлерден, Расулюллах -салляллаху алейхи ве селлем- ге иман этип, ярдымджы олмаларына даир ахд ве мисакъ<sup>43</sup> алгъан эди. Бу онынъ мейдангъа чыкъаджагъынынъ энъ буюк муджделеринден биридир. Аети Керимеде бойле буюрыла:

وَإِذْ أَخَذَ اللَّهُ مِيثَاقَ النَّبِيِّينَ لَمَا آتَيْنَاكُمْ مِنْ كِتَابٍ وَحِكْمَةٍ ثُمَّ جَاءَكُمْ رَسُولٌ مُصَدِّقٌ لِمَا مَعَكُمْ لَتُؤْمِنُنَّ بِهِ وَلَتَنْصُرُنَّهُ قَالَ أَأَقْرَرْتُمْ وَأَخَذْتُمْ عَلَىٰ ذَٰلِكُمْ إِصْرِي قَالُوا أَقْرَرْنَا قَالَ فَاشْهَدُوا وَأَنَا مَعَكُمْ مِنَ الشَّاهِدِينَ

«Аллах, бир вакъыт пейгъамберлерден: «Мен сизге Китап ве икмет бергенден сонъ, нединъиздекилерни тасдикъ эткен бир пейгъамбер кельгенде, онъа мытлакъа инанып ярдым этеджексинъиз», деп сёз алгъан, «Къабул эттинъиз ве бу ахтымны бойнунъызгъа алдынъызмы?», дегенде, «Къабул эттик», джевабыны бергенлер. Бунынъ усьтюне Аллах: О алда шаат олунъ; мен де сизнен бирликте шаатлыкъ эткенлерденим, буюргъан». (Ал-и Имран, 3/81).

Азрети Ибрахим иле огълу Азрети Исмаил, Кябени къурып битирген сонъ, эллерини кокке котерип, Пейгъамбер -салляллаху алейхи ве селлем- ичюн бойле дуа эткен эдилер:

رَبَّنَا وَابْعَثْ فِيهِمْ رَسُولًا مِنْهُمْ يَتْلُو عَلَيْهِمْ آيَاتِكَ وَيُعَلِّمُهُمُ الْكِتَابَ وَالْحِكْمَةَ وَيُزَكِّيهِمْ إِنَّكَ أَنْتَ الْعَزِيزُ الْحَكِيمُ

«Эй, Раббимиз! Оларгъа араларындан Сенинъ аетлеринъни озьлерине окъуйджакъ, оларгъа китап ве икметни огретеджек, оларны темизлейджек бир пейгъамбер ёлла. Чюнки, усьтюн келиджи, эр шейни ерли-ериндже япыджы ялынъыз Сенсинъ». (эль-Бакъара, 2/129).

Азрети Иса-алейхисселям-дапейгъамберлигини Исраилогъуллаарына бильдиргенде, Варлыкъ Нурыны муджделей эди:

лахнынъ сыфатларынынъ озюни костерюви).

43 Мисакъ – ант, емин, еминли сёз.

وَإِذْ قَالَ عِيسَى ابْنُ مَرْيَمَ يَا بَنِي إِسْرَائِيلَ إِنِّي رَسُولُ اللَّهِ إِلَيْكُمْ مُصَدِّقًا لِمَا بَيْنَ يَدَيَّ مِنَ التَّوْرَةِ وَمُبَشِّرًا بِرَسُولٍ يَأْتِي مِنْ بَعْدِي اسْمُهُ أَحْمَدُ...

«Хатырла ки, бир заманлар Мерьем огълу Иса: Эй, Исраилогъуллаһы! Мен сизге Аллаһнынъ эльчисийим, менден эвель кельген Тевратны догърулайыджы ве менден сонъ келеджек Ахмед адында бир Пейгъамберни де, муджделейиджи оларакъ кельдим, деген эди.» (Саф, 61/6).

Анасы Амине, Варлыкъ Нурына юклю олгъанынен ильк куньлерде бир тюш корьди. Тюште онъа:

«Эй, Амине! Сен бу умметнинъ эфендисине юклюсинъ! Дюньягъа кельген вакътында: «Эр кунджининъ шерринден оны тек олгъан Аллаһкъа авале этем», - деп дуа эт ве онъа «Мухаммед» адыны бер!» - деп сесленильгенини эшитти. (Ибн-и Хишам, I, 170).

Шунынъ ичюндир ки, Аллаһ Расули -салляллаху алейхи ве селлем-бойле буюрган:

«Мен, атам Ибрахимнинъ дуасы, къардашым Исанынъ мудждеси ве анамнынъ руясийым». (Хаким, II, 453; Ахмед, IV, 127-128).

Бунынънен бирликте, Аллаһ Расули -салляллаху алейхи ве селлем-нинъ ады ве сыфатлары, Теврат ве Инджильде язылы олып, еудий ве христиан алимлери бу хусуста там бир бильгиге саип эдилер. Бу себептен, олардан инсафлылары акъкъында Къурани Керимде бойле буюрыла:

الَّذِينَ يَتَّبِعُونَ الرَّسُولَ النَّبِيَّ الْأُمِّيَّ الَّذِي يَجِدُونَهُ مَكْتُوبًا عِنْدَهُمْ فِي التَّوْرَةِ وَالْإِنْجِيلِ

«Янларындаки Теврат ве Инджильде язылы булгъанлары о эльчиге, о уммий Пейгъамберге уйгъанлар (бар я), иште...» (Араф, 7/157).





Атта эхл-и китап, Пейгъамбер Эфендимизни, озь эвлятларыны таныгъанлары киби таныр эдилер:

الَّذِينَ آتَيْنَاهُمُ الْكِتَابَ يَعْرِفُونَهُ كَمَا يَعْرِفُونَ أَبْنَاءَهُمْ وَإِنَّ فَرِيقًا مِنْهُمْ لَيَكْتُمُونَ  
الْحَقَّ وَهُمْ يَعْلَمُونَ

«Озьлерине китап бергенимиз кимселер оны (о китаптаки Пейгъамберни) озь огъуллаарыны таныгъаны киби танырлар. Бунъа рагъмен, олардан бир къысмы биле-биле акъикъатны гизлер». (эль-Бакъара, 2/146).

Еудийлернинъ энъ буюк алимлеринден мусульман олгъан Абдуллах бин Селям<sup>44</sup>:

«Мен, Расулюллах -салляллаху алейхи ве селлем- ни озь огълумдан даа яхшы танийым!» – деген вакътында, Азрети Омер:

«Эй, Ибн-и Селям! Бу насыл олур?» - деп сорады. О:

«Мен Мухаммед -алейхисселям- нынъ акъикъатен Расулюллах олгъанына кесен-кес шаатлыкъ этем. Онынъ пейгъамбер олгъанына ич шубе эт-мем! Чюнки, онынъ Аллаһ тарафындан ёлланылгъан пейгъамбер олгъаны ве васыфлары китабымызда булунмакътадыр...», - деди.

Бунунъ узерине Азрети Омер:

«-Эй, Ибн-и Селям! Аллаһ сени акъикъаткъа мувафыкъ къылгъан!» -деди ве онынъ манълайындан опти. (Вахидий, с. 47; Разий, Тефсир, IV, 116).

44 **Абдуллах бин Селям** -радиаллаху анх-нынъ лагъабы – Эбу Юсуф олып, Юсуф (а.с.)-нынъ неслиндendir. Асыл ады Хусейн эди, Пейгъамбер (а.с.) онынъ адыны Абдуллах оларакъ деньиштирди. Бени Къайнука еудийлерининъ алимлеринден бири эди. Эфендимиз Меккеден Мединеге хиджрет эткени вакъыт Къуба коюне баргъанда, Абдуллах Пейгъамберимизнинъ янына кельген ве базы суаллер сорагъан эди. Пейгъамберимизнинъ о суаллерге берген джеваплары узерине, бу джевапларны анджакъ бир пейгъамбер берип оладжагъыны айтып Исламгъа кирди. Сонъра да бутюн эв халкъынынъ ве базы акърабалаарынынъ да Исламгъа кирмелерини теминледи. Пейгъамбер эфендимизнинъ дженнет иле мудждегени Абдуллах -радиаллаху анх-, сахабе арасында урмет косътерильген бир кимсе эди. Ахкъяф суресининъ, 10-джи ве Рад суресининъ, 43-джи аетлери онынъ акъкъында энгени сёйленир. 25 хадис ривает этти. Муавинининъ халифелиги эснасында 43/663 сенесинде Мединеде вефат этти.

Аети Керимеде, Теврат ве Инджильде Пейгъамбер эфендимиз ве ас-хабынынъ васыфларынынъ, ал ве шанларынынъ бойле беян этильгени бильдериле:

مُحَمَّدٌ رَسُولُ اللَّهِ وَالَّذِينَ مَعَهُ أَشِدَّاءُ عَلَى الْكُفَّارِ رُحَمَاءُ بَيْنَهُمْ تَرَاهُمْ رُكَّعًا  
سُجَّدًا يَبْتَغُونَ فَضْلًا مِنَ اللَّهِ وَرِضْوَانًا سِيمَاهُمْ فِي وُجُوهِهِمْ مِنْ أَثَرِ السُّجُودِ  
ذَلِكَ مَثَلُهُمْ فِي التَّوْرَةِ وَمَثَلُهُمْ فِي الْإِنْجِيلِ كَزَرْعٍ أَخْرَجَ شَطْأَهُ فَآزَرَهُ فَاسْتَغْلَظَ  
فَاسْتَوَى عَلَى سُوقِهِ يُعْجِبُ الزُّرَّاعَ لِيُغَيِّظَ بِهِمُ الْكُفَّارَ وَعَدَ اللَّهُ الَّذِينَ آمَنُوا  
وَعَمِلُوا الصَّالِحَاتِ مِنْهُمْ مَغْفِرَةً وَأَجْرًا عَظِيمًا

«Мухаммед Аллаһнынъ эльчисидир. Янындакилер де, кяфир-лерге нисбетен четин, озь араларында мерхаметлидирлер. Оларны рукугъа баргъанда, седжде эткенде корерсинъ. Аллаһтан лютф ве ризалыкъ истерлер. Оларнынъ бельгилери – юзьлериндеки седжде изидир. Бу, оларнынъ Тевраттаки васыфларыдыр. Инджильдеки васыфлары да бойледир: Олар филисини ярып чыкъяргъан, кеттикче оны къуветлендиререк, къалынлашкъан, кевдеси узеринде тургъан бир осюмликке бенъзерлер ки, бу, зираатчыларнынъ да ошуна кетер. Аллаһ бойледже, оларны чокълаштырып къуветлендирмекнен, кяфирлерни ачувландырыр. Аллаһ олардан инанып, яхшы ишлер япкъанларгъа магъфирет ве буюк мукафат ваде эткендир». (Фетх, 29).

Абдуллах бин Аббас -радиаллаху анхума- бир кунь Азрети Кабгъа:<sup>45</sup>

«Тевратта Расулюллах -салляллаху алейхи ве селлем-нинъ васыфлары насыл анълатыла?» - деп соргъан вакъытта, Азрети Каб:

«Онынъ Тевраттаки васфы шойледир:

«Мухаммед бин Абдуллах Меккеде догъаджакъ, Табеге (Мединеге) хиджрет этеджек, Шамгъа аким оладжакъ. О, не фена сёз сёйлер, не де базарларда юксек сеснен лаф этер. Феналыкъкъа феналыкънен къаршылыкъ бермез, аксине афу этер ве багъышлар. Уммети де боллукъта, тар-

45 Каб эль-Ахбар, табиинден олып Бени Исраиль акъкъында риваетлеринен мешур олгъан. Азрети Эбу Бекир девринде мусульман олып Хиджрий 32 йылында вефат эткендир.



лыкъта ве эр ерде Аллахъа хамд этер, Оны юджелтирлер. Беллерине изар багъларлар. Къолларыны йикъарлар (абдест алырлар). Дженкте саф олгъанлары киби, намазларында да, саф тутарлар. Месджитлеринден балкъуртнынъ увылтысы киби (Къуран ве зикр) сеслери келир. Эзан сеслери коклернинъ бошлугъыны толдырыр», - деп язылдыр» денген. (Даримий, Мукъаддеме, 2).

Ата бин Есар –рахимехуллах- аньлата:

«Абдуллах бин Амр<sup>46</sup> -радиаллаху анхума- гъа расткельдим ве:

«Расулюллах -салляллаху алейхи ве селлем-нинъ Тевратта зикр этильген васыфларыны мангъа айтырсынъмы?» - дедим. Бунынъ узерине шойле деди:

«Яхшы! Аллахъа емин олсун, о Къуранда кечкен базы сыфатларынен Тевратта да васыфландырыла. (О ер бойле буюрыла): «Эй, Пейгъамбер! Биз Сени инсанларгъа шаат, мудждеджи, тенбидежи ве уммийлер ичюн къорчалайдыджи оларакъ ёлладыкъ. Сен Меним къулым ве Расулимсинъ. Мен сени **Мутевеккиль** деп адландырдым... Аллах, бозулгъан динни, инсанларнынъ «ля иляхе иллАллаһ» дегенинен, тюзельтмеден ве о дин иле коръ козьлерни, сагъыр къулакъларны, тотлангъан юреклерни ачмадан, онынъ рухыны чекип алмаз.» (Бухари, Бую, 50; Тефсир, 48/3).

Расулюллах -салляллаху алейхи ве селлем- ни бутюн васыфларынен бильген еудийлер, онынъ келеджек вакътыны беклей эдилер. Бойледже, мединали путперест Эвс ве Хазредж къабилелеринен еудийлер не вакъыт бир-бири иле аньлашамайып, къавгъа этселер, еудийлер:

«Шу сыраларда бир пейгъабер ёлланмакъ узьредир. Онынъ кельмеси пек якъындыр. О пейгъабер кельгенинен, биз онъа уяджакъ, Ирем ве Ад

46 **Абдуллаһ бин Амр бин Ас** -радиаллаху анхума-, бабасы Амр иле бирликте хиджретнинъ единджи йылында Мединеге хиджрет этти. Эски медениетлерни бильген, окъугъан ве язгъан бир сахаби эди. Расулюллах -салляллаху алейхи ве селлем-ден эшиткен хадислерни яза эди. Бу мевзуда Расули Экремден хусусий изин алгъан эди. Абдуллаһ, кеньиш хадис ве фыкъых бильгиси себебинен сахабе арасында «**Абдиле**» деп мешхур олгъан дёрт Абдуллахтан бириси олды. Бабасы Азрети Амр иле бирликте Шамнынъ фетхинде ве Ермук харбинде булунды ве бу дженкте бабасынынъ байракътарлыгъыны япты. Мысырнынъ фетхи узерине бабасы иле бирликте Мысыргъа ерлешип о ерде яшады. Бабасындан эвель мусульман олгъан Абдуллаһ, 72 яшында Мысырда вефат этти. Къабри, Къахиредеки Амр бин Ас Джамисиндедир.

къавмлары киби, сизни ольдюрп, тамырынъызны къурутаджакъмыз!» –дей эдилер. (Ибн-и Эсир, эль-Кямилъ, II, 95-96).

Пейгъамбер Эфендимизнинъ зевджеси Сафие бинт-и Хуей -радиаллаху анха- нынъ накъл эткенине коре, Расулюллах -салляллаху алейхи ве селлем- хиджрет эснасында Куба коюне кельгенде, бабасы еудий Хуей бин Ахтабнен эмджеси Эбу Ясир аман анда кетелер, кунеш батаяткъанда да, пек ёргъун ве чырайлары къачкъан алда эвге къайтып келелер. Эбу Ясир къардашына:

«Бу зат келюви бекленильген Пейгъамберми?» - деп сорады. Хуей:

«Эбет, Валлахи о!» - деди. Эбу Ясир:

«Бунынъ о Пейгъамбер олгъанына эминсинъми? Яхшыджа эсединъми?» - деп сорады. Хуей:

«Эльбетте!» - джевабыны берди.

«О алда, онъа нисбетен юрегинъде не бар?» - деп сорагъанынен де, Хуей:

«Валлахи аятта олгъаным муддетче онъа эп душманлыкъ беслейджем!» - деди. (Эбу Нуайм, Делаил, I, 77-78).

Еудийлер кельмесини беклеген сонъки пейгъамбернинъ Исраилогъууларындан олмасыны арзу эте эдилер. Аллаһ Расули -салляллаху алейхи ве селлем- Исмаил –алейхисселям- нынъ неслиндеки араплардан олгъаны ичюн, еудийлер асед этерек, онъа иман этмеген эдилер. (Ибн-и Сад, I, 155).

Бу акъикъатны, Ибн-и Аббас -радиаллаху анхума- нынъ шу риваети де ортагъа къоя:

Хайбер еудийлеринен Гъатафан арасында дженк кете эди ве эр бир къаршылашувда еудийлер енъиле эдилер. Сонъунда:

«Эй, Аллаһымыз! Ахыр заманда ёлламагъа ваад эткен, сёз берген о уммий пейгъамберинъ акъкъы ичюн, Сенден бизни музаффер къылманъны тилеймиз», - дуасына сыгъынмакъны къарарлаштырдылар. Гъатафа иле къаршы къаршыгъа кельгенде де, бу дуаны яптылар. Дженкнинъ не-тиджесинде гъатафанлыларны дарма-дагъын эттилер. Аллаһ Таала дуаларында весиле оларакъ къуулангъанлары Азрети Мухаммедни -салляллаху алейхи ве селлем- пейгъамбер оларакъ ёллагъанынен, онынъ пейгъамберлигини инкъяр эттилер. Бунынъ узерине Аллаһ Таала:



وَكَانُوا مِنْ قَبْلُ يَسْتَفْتِحُونَ عَلَى الَّذِينَ كَفَرُوا فَلَمَّا جَاءَهُمْ مَا عَرَفُوا  
كَفَرُوا بِهِ فَلَعْنَةُ اللَّهِ عَلَى الْكَافِرِينَ

«... Даа эвель (о пейгъамбернинъ адыны къулланып, онынъ акткъы ичюн дейип) **кяфирлерге къаршы зафер истеп тургъанларда, о танып бекленген (Пейгъамбер) оларгъа кельгенде, бу сефер оны инкяр эткенлер. Иште Аллахнынъ лянети<sup>47</sup> бойле кяфирлернинъ узуринедир.**» (эль-Бакъара, 89) аетини эндирген. (Къуртубий, II, 27; Вахийид, с. 31).

Фахри Кяинат Эфендимизнинъ келеджегини муджделемеси акткъында шу адисе чокъ диккъат чекиджидир:

Сейф бин Зи Езен, Кисра тарафтан Йемен укъумдарлыгъына тайин этильгенинен, эр тарафтан араплар келип, оны тебрик этилер. Меккеден кельген он кишилик эйтнинъ башында да, Пейгъамберимизнинъ дедеси бар эди. Укъумдаргъа:

«Эй, укъумдар! Бизлер, Аллахнынъ токъунылмаз эткен Харемининъ халкъы ве Бейтуллахнынъ хизметчилеримиз. Укъумдарлыгъынъны тебрик этмек ниетнен кельдик!» - деди.

Йемен укъумдары оларны гузель бир шекильде къаршылады ве узун бир заман мусафир этти. Бир муддет Абдулмутталибни янына чагъырып, онъа бойле айтты:

«Эй, Абдулмутталиб! Мен санъа бир сыр эманет этеджем ки, о сырны башкъасы олса эди, ачмаз эдим. Факъат мен онынъ маденини сенде корьдим. Шунунъ ичюн, оны санъа ачыкълайджам. Аллах Таала изин бергенге къадар бу сыр сенде гизли къалсын. Шубесиз, Аллах эмирини ерине кетирир. Озюмизге ачыкъ башкъасына гизли туткъанымыз Китапта ойле муим бир хабер бардыр ки, аятнынъ шерефи, олюмнинъ фазилети ондадыр; бутюн инсанларны, эйет аркъадашларынынъ, алельхусус сени чокъ якъындан меракъландырмакътадыр!» - деди.

47 Къурани Керимде ве Расулуллах - салляллаху алейхи ве селлем-нинъ хадислеринде умумиетнен шахыс айтылмадан, гюнахкярларгъа лянет этильмектедир. Ахлякый, итикий адий ве икътисадий джезттен буюк хаталары олгъан анълайыш ве арекетлер лянетленгендир. Аллах Расулининъ, «Мен лянетчи дегиль, рахмет оларакъ ёлланьдым.» (Муслим, Бирр, 87) буюргъаны алда, базы арекетлерни япкъанларгъа лянет этмеси, бу давранышларнынъ Исламнынъ ичтимаий низамына ве инсаннынъ яшайышына чокъ джиддий ве менфий тесир эткени ичюн.

Абдулмутталиб:

«Эй, укумдар! Бутюн кочебе халкы санъа феда олсун! О буюк ве шанлы хабер недир?» - деп сорады.

Укумдар:

«Тихааме больгесинде бир бала догъаджак. Алямет оларакъ, Онынъ эки куреги арасында бир бенъ булунаджакъ. Къыямет кунюне къадар, озюнде имамлыкъ (реислик), сизде де сеййидлик<sup>48</sup> оладжакъ,» - деди.

Сейф бин Зи Езен шойле девам этти:

«Бу заман – онынъ догъаджакъ заманыдыр. Бельки де, догъгъандыр. Онынъ ады **Мухаммед**дир. Бабасы ве анасы ольген оладжакъ. Оны къартбабасы ве эмджеси бакъаджакъ. Аллах оны ап-ачыкъ теблигъ эткен пейгъамбер япаджакъ. Бизден бир къысым инсанларны Онъа энсар (ярдымджылар) япаджакъ. Оларгъа достларыны азиз, душманларыны да резийл тутаджакъ. О арзнынъ энъ къыйметли ерлерини фетх этежек. Онынъ догъувынен, атешке табынувлар сонеджек. Бир олгъан Рахмангъа ибадет этиледжек. Куфюр ясакъланаджакъ, путлар къырыладжакъ, шейтан таш боранына тутыладжакъ. Онынъ сёзю хакъ иле батыл арасыны айыраджакъ. Укми адалетли оладжакъ. О эр заман яхшылыккыны эмир этеджек, фена ишлерни ясакълайджакъ ве бу ишлерни ёкъ этеджек,» - деди.

Абдулмутталиб:

«Омюринъ узун, шан ве шерефинъ буюк, салтанатынъ девамлы олсун! Бу баас эткенинъ меним неслимдир. Аджeba, укумдар бу хусуста бираз даа изаат беререк, мени севиндирмеге лютф эте билirmi?» - деди.

Сейф:

«Ортулерге бурюнген Бейтуллахкъа, муджизелерге ве семавий китапларгъа емин олсын ки, эй, Абулмутталиб! Ич ялан дегиль, сен Онынъ атасысынъ!» – дегенинен, Абдулмутталиб севинчинден ерге къапанды.

Укумдар:

48 **Сейид** – Пейгъамберимизнинъ союндан ве хусусан буюк торуну Азрети Хасаннынъ союндан кельген инсанларгъа берильген умумий ад.



«Башынъны ерден котер! Юрегинъ ферах, омюринъ узун, шанынъ юдже олсун! Санъа анълаткъан аляметлеримден корьген бир шейинъ бар-мы?» - деди.

Абдулмутталиб:

«Эбет, эй, уюмдар! Меним чокъ севгили бир огълум бар эди. Онъа къавмынынъ шеревфилеринден олгъан Аминенен эвлендирдим. Амине дюньягъа бир эвлят кетирди. Онынъ адыны **Мухаммед** къойдым. Эки ку-регининъ арасында да бир бенъ бар. Сенинъ анълаткъан аляметлерининъ эписи онда мевджут. Онынъ бабасы ве анасы да вефат этти. Онъа бакъув-ны мен ве эмджеси устюмизге алдыкъ,» - деди.

Бунынъ узерине уюмдар Сейф:

«Огълунъны яхшы къорчала! Еудийлерге нисбетен дикъкъатлы ол! Чюнки, еудийлер онъа душмандырлар. Факъат Аллах бу хусуста оларгъа фырсаат бермейджек. Бу сёйлегенлеримни сакъын аркъадашларынъа айт-ма! Сизге насип олгъан устюнликни кунълеп, торунунъызнынъ башына белялар ачмайджакъларына эмин дегилим. Эгер онынъ пейгъамбер ола-ракъ ёлланылмасындан эвель ольмейджегимни билъсе эдим, суварийле-рим ве пияделеримнен бирликте барып, Есрибни (Мединени) хиджрет юрту, девлетиме пайтахт япар эдим. Оны афат ве белялардан мен къорча-лагъан олсам не яхшы олур эди. Бир йылдан сонъ, манъа онынъ акъкъын-да хабер кетир!» - деди.

Чокъ языкъ ки, Сейф бин Зи Езенни бир сене кечмеден ольдюрди-лер<sup>49</sup>. (Ибн-и Кесир, *эль-Бидае*, III, 26-28, Диарбекрий, I, 239-241).

49 Теврат ве Инджильде Азрети Пейгъамбернинъ келеджеги ве белли васыфлары ачыкъ-лангъаны ичюн Теврат ве Инджильдеки уюмлернинъ бугунъ кечерли олмагъаны алда, мусульманлар оларгъа къаршы урьметсизлик къоьтермезлер. Теврат ве Инджильде ол-гъаны киби Зердюштлики, Хиндуизм ве Буддизм киби шаркъ динлерининъ мукъаддес китапларында да Расулюллах -салляллаху алейхи ве селлем-нинъ келеджеги язылгъан-дыр. Зердюштликинъ мукъаддес китабы Зенд Авестада Азрети Пейгъамбернинъ ады «Соешьянт» оларакъ кече. «Алемлерге рахмет» манасына кельмектедир. Бутюн инсан-ларгъа ёлланылгъан пейгъамбер оладжакъы билъдирильмекле берабер башкъа васыф-лары да анълатылъа. Хиндуизмнинъ мукъаддес китабы олгъан Ведалар, Упанишадлар ве Пураналарда, Хатемуль Энбиянынъ – сакъалны суннет къыладжакъыны, домуз этини ясакълайджакъыны ве башкъа васыфлары билъдирильмектедир. Будданынъ китапларында да Аллах Расули -салляллаху алейхи ве селлем-нинъ пейгъамберлигини хабер берген ве васыфларыны анълаткъан бир чокъ ер бардыр. (Ремзи Къая, *Иляхий Китап-ларда Азрети Мухаммед*, с. 221-239; А. Х. Виярти (Viyarhi) - У. Али, *Догъу къутсал метинлерде Азрети Мухаммед*, Истанбул, 1997; Ибрахим Джанан, XIV, 79-81)

Пейгъамбер Эфендимизнинъ къартбабасы Абдулмутталибге торунунъ келеджеги акъкъында берильген бир муджде де шойледир:

Расулюллах -салляллаху алейхи ве селлем- бир кунь балаларнен ойнагъанда, Редм махаллесине къадар кеткен эдилер. Анда Мудлиджогъуллаарындан бир джемаат Пейгъамбер Эфендимизни янарына чагъыраакъ, аякъларына бакътылар ве аякъ изини тешкердилер. О арада Абдулмутталиб кельди. Онен къучакълашып:

«Бу бала сенинъ неслинъденми?» - деп сорадылар. Абдулмутталиб:

«Меним огълум,» - деди.

Мудлиджогъуллаары:

«Оны яхшы къорчала! Чюнки, биз Макъам-ы Ибрахимдеки аякъ изине бу баланынъкинден даа чокъ бенъзеген бир аякъ изи коръмедик!» - дедилер.

Абдулмутталиб, огълу Эбу Талибге:

«Бакъ! Булар не сёйлейлер, динъле!» - деди. Бунинъ ичюн Эфендимиз -салляллаху алейхи ве селлем-нинъ эмджеси Эбу Талиб, торунуны яхшы къорчалай эди. (Эбу Нуайм, *Делаиль*, I, 165; Ибн-и Сад, I, 118).

О догъмадан эвель, бутюн алем, маневий тарафтан мутхиш бир къаранлыкъ ичинде эди. Инсанлар ниает дереджеде бахтсыз бир джеалет батакълыгъында богъулмакъта эдилер. Инсаниет шерев ве сайгъысыны джойгъан эди. Айванлар биле, инсанларнынъ вахшет ве зулумындан зияде буналгъан эди. Аят яшанылмаз алгъа кельген эди. Алем кедерли, варлыкълар сыкъынтылы, гонъюллер чаресиз эди. Зайыф ве кучсюзлер кульмекни унуткъан эдилер. Яшамакъ акъкъы кучлюлерге аит эди. Акифнинъ ифадесинен:

*Сыртланларны кечкен эди бешер йыртыджылыкъта,  
Кучсюзми бир инсан, оны къардашлары ашарды.*

Къураны Керим бу акъкъатны шойле беян эте:

ظَهَرَ الْفَسَادُ فِي الْبَرِّ وَالْبَحْرِ بِمَا كَسَبَتْ أَيْدِي النَّاسِ

Бу вазият Инджиль ве Тевратнынъ тахриф (бозулгъан) этильген олса биле иляхий менбалы олгъаныны косьтермектедир.





**«Инсанларнынъ якъан ишлеринден къарада ве денъизде фесат ортагъа чыкъты. (Рум, 41).**

Ульвий тешриф якълашкъанда, эр кес, атта эр шей, даа бир шевкъ ве асрет ичинде О юдже нурнынъ имдаткъа етишип, оларны къаранлыкъ-тан къуртараджагъыны беклей. О аб-ы аятнынъ<sup>50</sup> оларгъа икрам ве ихсан этильгенини арзулай эди. Бутюн инсаниет оны беклей эди.

Бунынъ муджде ве ишаретлерни алгъанлар ве вакъты-вакътынен ала эдилер. Сулейман Челеби Мевлид-и Шерифинде кунешнинъ биле Азрети Пейгъамбер –салляллаху алейхи ве селлем- ге ашыкъ олып, Онынъ этрафында перване киби чевирильгенини бойле ифаде эте:

*Деди: корьдим ол Хабибин анеси,  
Бир аджеп нур ким кунеш перванеси.  
Индилер коктен мелеклер саф-у саф,  
Кябе киби къылдылар эвим таваф.  
Дедилер: Огълунъ киби ич бир огъл,  
Ярадылалы джиан гелъмиш дегиль...  
Бу гелен ильм-у ледун султаныдыр,  
Бу гелен тевхид-у ирфан кянидир.*

**Ульвий тешриф ве бу эснада юзь берген алельхусус аллар**

Ниает, бекленильген Нур милядий 571 сенесининъ апрель 20-сине догъру кельген Ребиуль эвель 12-си, базартеси сабасында, Аминенинъ куджагъында дюньямызны шерефлендирди.

Бу тешриф иле бутюн варлыкълар тильге келип:

**«Хош кельдинъ, я Расулюллах!»** деп, къуванчкъа толдылар.

Сулейман Челеби кяинатта бутюн варлыкъларнынъ бу тешриф иле догъгъан севинчини шу сёзлернен ифаде эткен:

*Мерхаба, эй, али султан, мерхаба,  
Мерхаба, эй, кян-ы ирфан, мерхаба!  
Мерхаба, эй, сырр-ы Фуркъан, мерхаба,  
Мерхаба, эй, дерде дерман, мерхаба!  
Мерхаба, эй, Рахметен лиль алемин,  
Мерхаба, Сенсинъ шефиуль музнибин!..*

50 Аб-ы аят – аят сувы, Пейгъамберимиз къаст этильмекте.



Онынъ дюньягъа кельмесинен, Аллаһнынъ рахмети бу алемде джошып ташты. Сабалар ве акъшамлар ренк деньиштирди. Дуйгъулар къуветленди. Сёзлер, субетлер, лезетлер теренлешти; эр шей айры бир мана, айры бир летяфет къазанды. Путлар сарсыларакъ ерге девирильди. Кисралар<sup>51</sup> мемлекетинде олгъан Медайин сарайларында сутунлар ве къулелер йыкъылды. О заман инсанлар мукъаддес сайгъан Савве голю<sup>52</sup>, зулум батакълыгъы олгъан алда куруды. (Ибн-и Кесир, *эль-Будае*, II, 273).

Гоньюллер фейз ве берекетнен ташты.

Чюнки, алемдеки межан ве заманда керчеклешкен бу тежелли, о шерефли варлыкънынъ берекети эди. Бу берекет бутюн кяинатны къушатты. О сенеге боллукъ сенеси денильди. Бунынъ ичюн гоньюль инсанлар тарафындан, Къадыр геджесинден сонъ, энъ къыйметли гедже, Расулюллахнынъ догъгъан гедже къабул этильген.

О гедже бир гуль киби ачылгъан алемлернинъ Эфендисине ишарет оларакъ, тиллер артыкъ шойле демеге башлагъан эди:

Суя вирсун багъбан, гуль-зары захмет чекмесун,

Бир гуль ачылмаз, юзун тек вирсе бинъ гуль-заре сув.

«Бахчеван гуль бахчасыны сувармакъ ичюн (бошуна) захмет чекмесин! (Зира), бинъ дане гуль бахчасы суварса (Я РасулАллаһ кене де) Сенинъ юзинъ киби бир гуль (ич бир заман) ачылмаз!..»

О гуллер гулюнынъ бу ульвий тешрифинен эр шейнинъ вазияти деньишти. Аллаһнынъ рахмети инджи данелери киби, кяинаткъа сепильген ве нургъа асретлик чеккен гоньюллер севинчке толды.

Ибн-и Аббас -радиаллаху анхума- дан шойле ривает этильген:

«Пейгъамбер -салляллаху алейхи ве селлем- базартеси куню догъды, базартеси куню пейгъамбер олды, базартеси куню Меккеден Мединеге хиджрет этти, базартеси куню Мединеге кельди. Базартеси куню вефат этти. Базартеси куню (Кябеде акемлик япаракъ) Хаджер-и Эсведни ерине къойды, базартеси куню Бедир заферини къазанды. Базартеси куню **الْيَوْمَ أَكْمَلْتُ**

51 **Кисра** – Иран падишахларына берильген умумий ад.

52 **Савве голю** – Хемдан иле Къум шеэрлери арасында, Техрандан 125 км. дженюб-ы гъарпта бир гольдир. Сув ёкъ олгъан сонъ, ерине Саве шеэри къурулды.



لَكُمْ دِينُكُمْ «Бугунъ сизге дининъизни тамамладым» (эль-Маиде, 3) аети назил олды.» (Ахмед, I, 277; Хейсемий, I, 196).

Онынъ догъувы, пейгъамберлиги, хиджрети ве вefаты иляхий бир теджелли олып, эр базартеси кунюне расткельмеси, бу куннинъ мукъад-деслигининъ ве эмиетининъ нишанесидир. Джемал ве джелял теджелли-си оларакъ, севинч эеджанынен, гъам-кедернинъ аджджылыгъы берабер яшанмакътадыр. Гонъюльде байрам нешесинен, еринден айрылмакъ эемлери зыт бир иссиет бераберлиги ичиндедир.

Бу мубарек геджеде, Расулюллах -салляллаху алейхи ве селлем-нинъ киянатны тешрифи иле базы алельхусус вакъиалар юзь берген. Бу муджи-зелерден бир къачы шойледир:

Азрети Аминенинъ бильдиргенине коре, о не юкюлиги, не де до-гъум эснасында ич бир захмет чекмеген ве Аллах Расули дюнъягъа ке-лиркен, шаркъ ве гъарп арасыны айдынлаткъан бир нурнынъ озюнден чыкъкъаныны корьген. Пейгъамбер -алейхисселям- темиз бир шекильде, эллерини ерге таяяракъ, догъгъан ве башыны семагъа котерген. (Ибн-и Сад, I, 102, 150).

О анда шейтан, аятында къопаргъан энъ буюк фигъанлардан бирини къопаргъандыр. (Ибн-и Кесир, *эль-Бидае*, II, 271).

Иран баш къадысы ве дин адамы Мубезан тюшюнде бир такъ-ым кийик девелернинъ бир сюрю джюйрик атларны оглерине алыпyp, Диджле озенини кечип, Иран топракъларына яйылгъанларыны корьген. Семаве<sup>53</sup> вадисини сув баскъан. Кисранынъ сарайында 14 сутун йыкъыл-гъан. Иранлыларнынъ, табынакъларында бинъ йылдан берли янып тур-гъан атеш сёнген! (Ибн-и Кесир, *эль-Бидае*, II, 273).

Айше -радиаллаху анха- нынъ анълаткъанына коре, Меккеде тид-жаретнен мешгъуль бир еудий, Расулюллах -салляллаху алейхи ве сел-лем- догъгъан гедже, Аллах Расулининъ дюнъягъа кельгенини косътерген йылдызнынъ догъгъаныны корьген, Къурейш меджлислеринден бирине барып:

53 **Семаве** – Куфе иле Шам шеэрлери арасында, Багъдатнынъ 235 км. дженюб-ы шаркъта, Кельб аразисинде ташсыз бир чёльдир.

«Эй, Къурейшлилер! Ичинъизде бу гедже баласы догъгъан бармы?» - деп сорагъан эди.

«Валлахи бильмеймиз!» - дедилер. Бунынъ узерине еудий:

«Эй, Къурейш джемааты! Сизге сёйлеген шейимни яхшы анъланъыз! Бу гедже ахыр заман умметининъ пейгъамбери догъды. Оннынъ эки куреги арасында, узеринде тюклери олгъан къара-сары къарышыкъ бир бенъ бар,» - деди.

Меджлистекилер, еудийнинъ айткъанына айретленген алда дагъылдылар. Эвлерине баргъанларынен, еудийнинъ сёзлерини аилелерине анълаттылар. Бир къысмынынъ аилеси:

«Абдуллахнынъ бир огълу догъды. Онъа Мухаммед исмини бердилер!» - деди. Бунынъ узерине олар еудийнинъ эвине барып:

«Меккеде бир бала догъгъан, хаберинъ бармы?» - дедилер. Еудий:

«Мен сизге хабер бергенден сонъми, ёкъса эвельми?» - деп сорады.

«Эвель догъгъан, исми де Ахмед!» - дедилер.

Риджасы узъре, оны Азрети Аминенинъ эвине алып бардылар. Азрети Амине мубарек огълуны оларгъа косътерди. Еудий, Фахри Кяинат -салляллаху алейхи ве селлем-нинъ сыртында пейгъамберлик муурини коръгенинен, байылды. Айынгъан вакътында, онъа:

«Не бар, не олды?» дедилер. Еудий:

Валлахи, артыкъ Исраилогъуллерындан пейгъамберлик кетти! Эллеринден китап да кетти! Сонъки пейгъамбернинъ, Исраилогъуллерыны ольдюреджеги ве дин адамларынынъ итибарыны тюшюреджеги язылдыр. Араплар пейгъамберликнен буюк бир иззет ве шерефке иришеджеклер. Эй, Къурейш джемааты! Севининъиз, Валлахи, сиз, хабери гъарптан шаркъкъа къадар етишежек бир къуветке малик оладжакъсынъыз! - деди. (Ибн-и Сад, I, 162-163; Хаким, II, 657/4177).

Расулюллах -салляллаху алейхи ве селлем-нинъ догъувына бутюн Мекке халкъы севинген эди. Атта Эбу Лехеб, мубарек торунынынъ догъгъаныны хабер эткен джарнеси Сувейбени, азат этип мукафатландыргъан эди. (Халебий, I, 138).



АЗРЕТИ ПЕЙГЪАМБЕРНИНЪ ДОГЪУМЫ ВЕ БАЛАЛЫГЪЫ

Бу адисенен алякъалы оларакъ, сонъундан Аббас -радиаллаху анх-шуларны анълата:

Ольгенден бир йыл сонъ Эбу Лехебни тюшюмде корьдим. Ярамай бир алда эди.

«Санъа насыл муамеле япылды?» - деп сорадым.

Эбу Лехеб:

«Мухаммеднинъ догъгъанына севинип, Сувейбени азат эткеним ичюн базартеси кунълери азабым бираз хафифлетиле. О куню, баш пармагъымнен ишарет пармагъым арасындаки шу кучюк деликтен чыккъан сувнен серинлейим,» - джевабыны берди. (Ибн-и Кесир, *эль-Бидае*, II, 277; Ибн-и Сад, I, 108, 125).

### Пейгъамбер Эфендимизнинъ исимлери

Расулюллах -салляллаху алейхи ве селлем-нинъ бир чокъ мубарек ады бар. Буларнынъ энъ башта кельгенлери Къуранда ифаде этильген «Мухаммед» ве «Ахмед»дир. Мухаммед, чокъ макътангъан; Ахмед исе, чокъ хамд этиджи демектир.

Къурани Керимде Мухаммед исми дёрт кере, Ахмед исми бир кере кече. Инджильде исе, айны манадаки «Фараклит» келимеси къулланылгъан. Озю бир Хадиси шерифинде бойле буюра:

«Мен Мухаммедим ве Ахмедим.

Мен о Махийим<sup>54</sup> ки, Аллаһ меним нубуветимнен куфюрни ёкъ этеджек.

Мен о Хаширим ки, (Къыямет кунюнде) инсанлар мени такъип этерек, хашр<sup>55</sup> олунаджакъ.

Мен Акибим, Хатему-ль Энбияйым, менден сонъ ич кимсе неби олмайджакъ.» (Бухари, Менакиб, 17; Муслим, Фезаил, 125).

Расулюллах -салляллаху алейхи ве селлем-нинъ мубарек исим ве сыфатлары бир чокъ эсерлерде зикр этильгендир. Булардан «Деляил-и Хайрат» адлы эсерде эки юз къадары беян этильген. Бугунь Равза-и

<sup>54</sup> **Махи** (المحي) – махв эткен, ёкъ эткен.

<sup>55</sup> **Хашр** – къыямет куню инсанларнынъ эсап бермек ичюн Аллаһнынъ огюнде топланмалары.

Небининъ къыбле диварыны нефис ве мукеммель языларнен сюслеген бу мубарек исим ве сыфатлар шойледир:

Ахмед, Мухаммед, Махмуд, Хамид, Хамîд, Бешир, Незир, Бурхан, Эмин, Эвель, Ахир, Духа, Хабибуллах, Хади, Хатем, Мухтар, Мустафа, Мутаххар, Муджтеба, Неби, Нур, Рауф, Рахим, Расулюллах, Расулис-Секъалейин, Рахметен лиль-Алемин, Сеййиду-ль Мурселин, Сеййиду-ль Кевнейн, Иمامу-ль Харамейн, Иمامу-ль Муттакъин, Шефиу-ль Музнибин, Шемс, Tâ-Xâ, Уммий, Йâ-Син...

### Сют анасына берильмеси

Варлыкъ Нуры, дюньягъа етим оларакъ коьзлерини ачкъан эди. Буны ифаде этмек узьре аети керимеде Дженабы Хакъ шойле буюра:

أَلَمْ يَجِدْكَ يَتِيمًا فَآوَى

«О, сени бир етим булуп да барындырмадымы?» (Духа, 6).

Фахри Кяинат Эфендимизни, ильк бир къач кунь Азрети Амине эмизди. Даа сонъра Сувейбе къадын, огълу Месрухнен бирликте, Аллаһнынъ Расулине сют аналыгъы япты<sup>56</sup>. (Ибн-и Сад, I, 108).

Бир вефа мисали олгъан Расулюллах -салляллаху алейхи ве селлем-де, аятында сют анасы Сувейбеге даима дикъкъат айырыр ве алякъа косъ-терир эди. Меккеде олгъанда эм Аллаһнынъ Расули эм де Хатидже валидемиз, онъа яхшылыкъ ве икрамда булуна эди. Варлыкъ Нуры Мединеге хиджрет эткенинен, Сувейбе къадынгъа даима урба ве ашайджагъыны ёллап, ихтияджларыны къаршылагъандыр. Хиджретнинъ единджи йылында Хайбер сеферинден къайткъанда, онынъ вефат эткенини хабер алгъанынен:

«Огълу Месрух не япа?» - деп сорады.

«О анасындан эвель вефат этти!» - дедилер.

Бунынъ узерине Расулюллах -салляллаху алейхи ве селлем- онынъ акърабаларыдан сагъ къалгъан кимсенинъ олып олмагъаныны сорады ве кимсенинъ къалмагъаныны бильди. (Ибн-и Сад, I, 108, 109).

56 **Сувейбе Хатун** – Азрети Хамза ве Эбу Селемени де эмизгени ичюн, бу сахабилер Аллаһ Расулининъ сют къардаши олдылар. (Ибн-и Сад, I, 108-110)



Пейгъамбер Эфендимизнинъ Сувейбе хатунгъа япкъаны бу яхшылыгы, февкъаладе бир къадыр-шынаслыкъ мисалидир.

Алемлернинъ Эфендисине сют анасы олмакъ шерефи Сувейбе къадындан сон, Алиме хатунгъа кечти.

О девирде арапларнынъ бир адети бар эди. Янъы догъгъан балаларны сют эммелери ичюн чёльде яшагъан къабилелерге бере эдилер. Чёль авасы инсанларны даа сагълам ве даа джесур алгъа кетиргени киби, андаки инсанларнынъ къонушмалары даа догъры ве эдебий эди. Бойледже, балалар даа сагълам ве эдебий лаф эткен бир кимсе оларакъ етише эдилер.

Бу мубарек явру да, арап адети себебинен, сют анасы Алиме хатунгъа берильди. Чюнки, Бени Сад къабилеси арап къабилелерининъ энъ эдебий лаф эткени эди. Бу весиленен Расулюллах -салляллаху алейхи ве селлем- энъ эдебий ве догъру лаф эткенлерден олгъан, арап эдебиятынынъ зирвеси олгъан Аллаһнынъ келямыны теблигъ ве беян этмек вазифеси ичюн балалыгъындан итибарен азырлангъан эди. Бунынъ ичюн де, Азрети Эбу Бекир -радиаллаху анх:

«Я Расулюллах! Сенден даа эдебий лаф эткен бир кимсени мен корьмедим,» - дегенде, Аллаһнынъ Расули -салляллаху алейхи ве селлем:

*«Мында шашылыджакъ не бар! Мен Къурейш къабилесине менсубым ве Сад огъууларына сют анасына берильдим,»* - дегенлер. (Али эль Муттакъий, VI, 174/15247).

Алиме бинт-и Харис -радиаллаху анха- , алемлернинъ Султанына сют анасы олувы адисесини бойле анълата:

«Къытлыкъ укюм сюрген йыл эди. Беяз бир эшекке минип, Садогъууларындан базы къадынларгъа сют эмиздириледжек бала тапмакъ ичюн, Меккеге догъру ёлгъа чыкътыкъ. Ашайджакъ бир шейимиз къалмагъан, янымызда ыргъачы ве къарт бир деве бар эди, амма онынъ бир дамла сютю биле ёкъ эди. Бир де баламыз бар эди. Не менде, не де деве онъа етеджек бир сют олмагъаны ичюн, баланынъ агълав сесинден юкълап оламайджакъ алгъа кельдик. Ниает, Меккеге етиштик. Мухаммед -салляллаху алейхи ве селлем- такъдим этильмеген ич бир къадын къалмады, факъат кимсе Оны къабул этмеди. Чюнки, эр кес бабасы сагъ олгъан бир бала къыдыра эди. Албуки, о бир етим эди. Дегенде менден



башкѡа эр кес эмизеджек бир бала тапты ве алып кетти. Мен де бир бала алмадан, артыма кѡайтмакѡ истемедим. Акѡайыма дедим ки:

«Мытлакѡа барып, шу етим баланы аладжам!»

Бойледже, бардым, Оны алдым ве чадырыма кѡайттым. Акѡайым:

«Оны алып яхшы яптынь. Ким биле, бельки, Аллах бу бала себебинен бизге хайыр ве берекет берер,» - деди.

Валлахи, бу баланы кѡуджагѡыма алып-алмаз, сютлерим толып ташты. Оны эмиздим, тойды; Сют кѡардашыны да эмиздим, о да кѡана-кѡана ичип тойды. Гедже олгѡанынен, акѡайым кѡарт девемизнинъ янына барды, бир де не корьсин, сютлери толып ташкѡан! Истегенимиз кѡадар сагѡдыкѡ, кѡана-кѡана ичтик ве тойдыкѡ. О гедже не ачлыгѡым не де сувызлыгѡымыз кѡалды. Балаларымыз да раат бир шекильде юкѡладылар. Акѡайым:

«Валлахи, чокѡ мубарек бир бала алдынь!» - демектен озюни тутып оламады.

Эшекке минип, ѓлгѡа чыкѡтыкѡ. Эвельде энъ артта кѡалгѡан эшек бутюн айванларны кече, оны зорнен баш эте эдим. Эр кес шашып, бойле сорай эди:

«О, кельгенде мингениньиз эшек дегильми?»

«Эбет» дедим. Ниает, больгемизге кельдик. О чоракѡ бир ер эди. Бизим кѡюонлар яйылгѡан ерлеринден мемелери сютке толгѡан алда кѡайта эдилер. Башкѡа инсанларнынъ кѡюонлары ѓргѡун, ач ве сувсагѡан алда келе эдилер. Эр кеснинъ кѡюонлары сютсюз олгѡанда, биз кѡюонларымызны сагѡып, бол-бол сют иче эдик. Мал саиплери чобанларыны сѡгерек:

«Языкѡ сизлерге! Айванларымызны Алименинь чобаны отлаткѡан ерлерде отлатмайсызмы?» – дей эдилер.

Эбет, акѡлы эдилер, айны ерлерде отлата эдилер, факѡат оларнынъ кѡюонлары ач ве сютсюз келир экен, бизимкилерининъ мемелери сютке толып-таша эди.

Мухаммед -салляллаху алейхи ве селлем- бир кунѡде, башкѡа балаларнынъ бир айда буюгенлери кѡадар буюди. Бир айда бир сенелик бала





АЗРЕТИ ПЕЙГЪАМБЕРНИНЪ ДОГЪУМЫ ВЕ БАЛАЛЫГЪЫ

къадар буюди. Бир яшына кельгенде, баягъы балабан корюне эди. Оны анасына кетиргенде, сют бабасы Аминеге:

«Огълумны манъа къайтарыңыз. Меккедеки веба баскъысындан къоркъамыз,» - деп исрар этти. Айны вакъытта, Онынъ берекетинден марум олмакъ да истемеймиз. О къадар исрар эттик ки, анасы:

«Айды оны текрар алып кетиниз!» - демеге меджбур олды.» (Хайсемий, VIII, 221; Ибн-и Кесир, *эль-Бидае*, II, 278-279).

Сют анасынынъ янында олгъанда, бир кунъ Варлыкъ Нуры, сют къардашы Шейманен уйле сыджагъында къозуларнынъ янына бардылар. Къайткъанларында Алиме къызына:

«Бойле шиддетли сыджакъта не ичюн тышкъа чыкътынъыз?» - деди.

Къызы да яшагъан иляхий лютюфни бойле ифаде этти:

«Аначыгъым! Биз Кунешнинъ якъыджы сыджакълыгъыны ич де ис этмедик. Къардашымнынъ башы узеринде девамлы бир булут тура, бизни кольгелендире эди...» (Ибн-и Кесир, *эль-Бидае*, II, 279; Ибн-и Сад, I, 112).

Алиме хатун анълатмагъа девам этти:

«Бизде эки ай даа яшады. Мейдангъа кельген базы алельхусус аллар себебинен, башына бир шей келеджегинден къоркъып, Оны алып, аман ёлгъа чыкътыкъ. Меккенинъ юкъары тарафында къалабалыкъ арасында Оны джойдыкъ. (Ибн Хишам, I, 179; Ибн-и Сад, I, 112). Меккелилерни буюк бир теляш сарды, эр кес О масум явруны къыдырмагъа башлады. Анджакъ тапамадылар. Абдулмутталиб Кябеде дуа эте эди. О эснада коктен бир сеснинъ:

«Эй, джемаат, ферьяд этменъиз! Ич шубесиз Мухаммеднинъ Рабби бардыр. Оны ярдымсыз къалдырмаз ве зая этмез!» – деп сесленгенини эшиттик.

Абдулмутталиб:

«Эй бизге сесленген! Онынъ къайда олгъаныны да хабер бер!» - деди.

О сес:

«О, Тихаме вадисинде сагъдаки терекнинъ къатындадыр,» - деп хабер берди.

Бунинъ узерине Абдулмутталиб аман о тарафкъа догъру кетти ве торунуны тапты. (Диярбекрий, I, 228).

«Джаным санъа феда олсун! Мен Сенинъ деденъ Абдулмутталибим,» - деди. Оны опти, къучакълады ве кокрегине басты. (Халевий, I, 154).

Духа суресиндеки:

وَوَجَدَكَ ضَالًّا فَهَدَىٰ

**Сени (балалыгъынъда) шашыргъан вазиятте тапып, догъру ёлга эриштирмедими?»** (эд-Духа, 7) аети керимесининъ бу адисеге ишарет эткени ривает этиле. (Замахшерий, VI, 240).

Алиме хатун адисенинъ девамыны бойле анълата:

«Анасынынъ янына баргъанымызда:

«Исрарнен алып кеттинъиз, шимди де не ичюн къайтарып кетирдинъиз?» - деди.

«Ёкъ, Валлахи, биз вазифемезни яптыкъ, узеримизге тюшкенини эксиксиз ерине кетирдик. Сонъунда башына кельген адиселерден къоркътыкъ да, алып барып къорантасына теслим этейик дедик,» дедим. Анасы:

«Риджа этем, Онынъ башына кельген шейлерни манъа анълатынъыз?» - деди.

О къадар исрар этти ки, анълатмагъа меджбур олдыкъ. Анълаткъанламыз шейлерге ич де шашырмады. Бизге:

«Затен меним бу огълумнынъ, инсанны шашыртаджакъ пек чокъ аллары олгъан эди. Шунинъ ичюн ич къасеветленменъиз. Мен де сизге Онен алякъалы корьгенлеримни анълатайым,» - деди ве догъгъаны вакъыт олгъан алельхусус аларны анълатты. Сонъ да :

«Айды, Оны къалдырынъ ве гонъюль узурьнен юртунъызгъа къайтынъ!» - деди. (Хайсемий, VIII, 221; Ибн-и Кесир, *эль-Бидае*, II, 278-279).

Алиме хатун дей ки:

«Абдулмутталиб, мени энъ гузель эдиелернен озгъарды. Мен юртума тариф этип оламайджакъ къадар чокъ ве къыйметли малларнен къайттым.



АЗРЕТИ ПЕЙГЪАМБЕРНИНЪ ДОГЪУМЫ ВЕ БАЛАЛЫГЪЫ

Мухаммед къартбабасынынъ янында къалды. Абдулмутталибге Онынъ башындан кечкен эр шейни анълаттым. Абдулмутталиб Оны багърына басып, агълады ве:

«Эй, Алиме! Ич шубесиз огълумнынъ шаны чокъ юдже оладжакъ. Мен о замангъа етишмекни не къадар арзу этем!» – деди». (Бейхакъий, Деляиль, I, 145).

Пейгъамбер -алеихисселям- сют акърабаларына нисбетен омюр бою вефакар олды. Алиме хатунны эр корьгенде: «Аначыгъым! Аначыгъым!» дер, онъа джандан севги ве урьмет косьтерир, ридасыны (устъ урбасыны) ерге яйып, усьтюне отуртыр, бир истеги олса, ерине кетирир эди. (Ибн-и Сад, I, 113, 114).

Алиме хатун, бир кунъ Пейгъамбер Эфендимизни корьмек ичюн Меккеге кельген эди. Эфендимиз о вакъыт Азрети Хатидженен эвли эди. Алиме хатунны мусафир эттилер ве сайгъы косьтердилер. Азрети Алиме, яшагъан юртларында къургъакълыкъ ве ачлыкъ олгъаныны ве айванларнынъ зайыфлап олгени акъкъында дертини тѣкти. Фахри Кяинат Эфендимиз Азрети Хатидженен лаф этти. Хатидже анамыз онъа, къыркъ къоюннен, миньмек ве юклерини ташымакъ ичюн бир де деве эдие этти. (Ибн-и Сад, I, 114).

Меккенинъ фетхи эснасында Расулюллах -салляллаху алейхи ве селлем- Эбтах вадисинде олгъанда, Алиме хатуннынъ къыз къардашы Оны зиярет этмеге кельген эди. Бир богъчаджыкъ ичинде пенир ве ягъ киби шейлер эдие эткен эди. Аллах Расули ондан аман сют анасыны сорады. Вефат эткенини айткъанынен, Пейгъамберимизнинъ козьлери яшнен толды. Кимлернинъ сагъ къалгъаныны сорады. Даа сонъра да бу къадынгъа урба кийдирильмесини, бир деве ве эки юз дирхем кумюш пара берильмесини эмир этти. Къадынчыкъ севинерек, юртуна къайтыр экен:

– Сен, бала олгъанынъда да, буюгенден сонъ да, не гузель кефиль олунгъан ве бакъылгъанлардансынъ!» демекте эди. (Вакъидий, II, 869; Белязурий, I, 95)

### **Биринджи Шерх-и Садр: Юрегининъ ачылмасы адисеси**

Аллах Таала, иляхий сырларнынъ ала бильмеси ичюн, Расулюллах -салляллаху алейхи ве селлем-нинъ кокреги бир къач кере ачылгъан, ичи



темизлеп раатлыкъ, сукюнет, мерхамет, шевкъат, иман ве икмет киби ульвий хаслетлернен толдырылгъандыр. Буларнынъ ильки сют анасынынъ янында олгъанда керчеклешкен эди. Адисени Фахри Кяинат Эфендимиз озьлери анылаткъанлар.

Бир адам Расулюллах -саллалаху алейхи ве селлем- ге:

«Пейгъамберлигинъизнинъ энъ биринджи аляметлери не эди?» - деп сорагъанда, Аллаһ Расули -салляллаху алейхи ве селлем- бойле буюрды:

*«Меним сют анам Сад бин Бекр огъулларындан эди. Мен ве сют къардашым айванларымызны алып кеттик. Янымызгъа ич бир ашалад-жакъ шей де алмагъан эдик. Дедим ки:*

*«Къардашым, айды, бар, анамдан бираз аш ал да кель!»*

*О кетти, мен айванларнынъ янында къалдым. Чокъ вакъыт кечмеден, безз урбалы эки мелек кельди, бири дигерине:*

*«Бу, Одырмы?» - деп сорады.*

*Дигери де:*

*«Эбет,» - деди.*

*Аман яныма кельдилер, мени сыртустю яткъыздылар, кокрегимни ачтылар. Сонъра юрегимни чыкъардылар, оны ярып, ичинден эки къара къан пыхтысы чыкъардылар.*

*Сонъра бири обирине:*

*«Айды, бар, манъа къар сувы кетир!» - деди.*

*Онен ичимни ювдылар. Сонъра кене:*

*«Айды, шимди де бурчакъ сувы кетир!» - деди. Кетирди, онен де юрегимни ювдылар. Сонъра: «Айды шимди раатлыкъ ве сукюнетни кетир!» - деди.*

*Оны юрегиме ерлештирдилер.*

*Даа сонъра бири обирине:*

*«Айды, къапат ве Оны пейгъамберлик муурунен муурле!» - деди.*

*Мелек де юрегимни къапатты ве нубуввет муурунен муурледи... Даа сонъра кеттилер, чокъ къоркъкъан эдим. Сонъ эвге къайтып бардым ве башыма кельген шейлерни бирлей-бирлей сют анама анылаттым...* (Ахмед, IV, 184-185; Ибн-и Кесир, эль-Бидае, II, 280; Хайсемий, VIII, 222).



## АЗРЕТИ ПЕЙГЪАМБЕРНИНЪ ДОГЪУМЫ ВЕ БАЛАЛЫГЪЫ

Базы къайнакъ китапларында бильдирильдигине коре, бу адисе, Варлыкъ Нуры дёрт яшында экенде юзь берген. (Ибн-и Сад, I, 112).

Энес -радиаллаху анх-:

«Мен Аллах Расулининъ коксюндеки о яра изини эп коре эдим,» - деген эди. (Муслим, Иман, 261).

Шанлы Расулюллах Эфендимизнинъ кокюси ярылмасындаки икметлерден базылары шулардыр:

Аллах Таала, бу суретнен Расулининъ ал ве шаныны бутюн инсанларгъа бильдирген ве Оны балалыгъындан итибарен вахий ичюн азырлагъандыр. Маневий бир темизлик амелияты олгъан шерх-и садр адисесининъ, инсанлар мушааде эте биледжек бир шекильде мейдангъа кельмеси де, Онынъ рисалетине иман ве тасдикъыны теминлемек икметине эаслангъандыр.

### Медине ёлджулыгъы ве анасынынъ вефаты

Алты яшында олгъанда, анасы Азрети Амине, бабасынынъ джарисе Умму Эйменни де янына алып, «Варлыкъ Нуры»ны бабасы Азрети Абдуллахнынъ къабрини зиярет этмек ичюн, Мединеге алып барды. Мединедеки дайыларынынъ эвинде бир ай яшадылар.

Аллах Расули -салляллаху алейхи ве селлем- Мединеде дайыларынынъ балаларынен ойнады, атта ялдамагъа да бу зияретинде огренди. (Ибн-и Сад, I, 116).

Фахри Кяинат Эфендимиз о куньлернинъ хатыраларыны бойле анълата эди:

*«Еудийлерден бир такъым кимселер яныма келир, манъа бакъып турар эдилер. (Ибн-и Сад, I, 116) Кене бир кунь еудийлерден бир адам манъа нек дикъкъатлы бакъкъан сонъ, къайтып кетти. Тек башыма олгъаным бир кунь текрар яныма келип:*

*«Эй, бала! Сенинъ адынъ недир!» - деп сорады.*

*«Ахмед!» - дедим.*

*Сыртыма бакъкъанынен:*

*«Бу бала, бу умметнинъ пейгъамберидир!» - деди.*



*Дайыларым бу алны анама анълаткъанынен, анам къоркъмагъа башлады. Бойледже Меккеге къайтмакъ ичюн аман ёлгъа чыкътыкъ. (Эбу Нуайм, Делаиль, I, 163-164).*

Азрети Амине ёлда хасталанды ве Эбва денильген ерде, отуз яшында вефат этти. О ерге дефн олунды. Ольмеден эвель, етим яврусина севги ве шефкъат толу козьлеринен терен-терен бакъты, Оны багърына басаракъ, мубарек огълуна шуларны айтты:

«Аллаһ Сени мубарек эйлесин! Эгер руяда корьгенлерим догъру чыкъса, Сен Джелал ве Икрам саиби Аллаһ тарафындан Адем огъулла-рына эял ве арамын бильдирмек ичюн ёлланыладжакъсынъ. Аллаһ Сени путлардан ве путпересликтен къорчалайджакъ. **Эр аят саиби оледжек. Эр янъы эскиреджек. Эр буюген сонъ буладжакъ, ёкъ оладжакъ. Мен де оледжем, амма эбедиен хатырланаджам. Чюнки, темиз бир эвлят дюньягъа кетирдим ве артымда хайырлы бир хатыра къалдыраракъ кетем!...**» (Диярбекрий, I, 229-230; Кямилъ Мирас, Теджрид терджимеси, IV, 549).

Бу акъикъатны анълагъан шаир Ариф Нихат Асыя Азрети Аминеге бойле хитап эте:

*Эй, Эбвада яткъан олю,  
Бахченъде ачты дюньянынъ  
Энъ гузель гулю!..*

Варлыкъ Нуры бу шекильде анадан да оксюз къаларакъ, Умму Эймен иле Меккеге къайтты.

Расулюллах -салляллаху алейхи ве селлем-, омюри боюнджа бакъ-ыджысы Умму Эйменни сыкъ-сыкъ зиярет этер ве онъа : «Эй, ана!» деп хитап этер эди. Онъа: «Анамдан сонъра меним анам!» я да «Бу, меним къоранта азаларымдан сагъ къалгъан бир кишидир!», - деп ильтифат этер, урьмет ве севги косьтерер эди. (Ибн-и Эсир, Усудуль-гъабе, VII, 303-304; Ибн-и Сад, VIII, 223).

### **Къартбабасы Абдулмутталибнинъ имаеси<sup>57</sup>**

Аллаһ Таала, башта бабасыны сонъра да, анасыны гъайып эткен Хабиб-и Эдибини къорчалайыджысыз къалдырмады. Мубарек Етимни, къартбабасы Абдулмутталиб багърына басты. Эвлятларындан ич бирине косьтермеген шефкъат ве севгини Онъа косьтерди.

<sup>57</sup> Имае, имае этмек – эр шейден къорчаламакъ.



Абдулмутталиб юкълагъанда я да одасында ялынъыз олгъанда, янына ич кимсе киралмаз эди. Лякин, Эки Джихан Кунеш, къартбабасындан ич айырылмаз, одасында ялынъыз олгъаны, атта юкълагъан вакъытта биле, янына сербест кирип чыкъа эди. (Ибн-и Сад, I, 118).

Кябенинъ кольгесинде яткъан ве Абдулмутталибге аит миндернинъ устюне, бабаларына сайгъы себебинден, огъуларындан ич бириси отурмаз эди. Олар бабаларынынъ этрафында аякъта тура эдилер, Фахри Кяинат Эфендимиз исе, келип дедесининъ миндерине раатча отура эди. Оны миндерден тургъызмакъ истеген эмджелерине Абдулмутталиб:

– «Быракъынъыз огълумны! Валлахи, онынъ шан ве шерефи юксек оладжакъ!» - дер, миндерининъ узеринде янына отуртып, аркъасыны сыйпар эди. Гузеллер гузели торунунынъ япкъан эр шейни дедеси бегене эди. (Ибн-и Хишам, I, 180).

Абдулмутталиб, Алемлернинъ Эфендисе оладжакъ кучюк торуны софрагъа кельмегендже, аш ашамаз, «Огълумны яныма кетиринъыз!» дер эди. (Ибн-и Сад, I, 118). Аш кетирильген вакъытта да, Оны янына алып, базан да тизине отуртып, ашнынъ энъ гузель ве лезетли ерлерини Онъа ашата эди. (Беязурий, I, 81).

Къытлыкъ ве къургъакълыкъ укъом сюрген, инсанлар буюк бир сыкъынты ичинде олгъан куньлерде меккелилер ягъмур дуасы ичюн Эбу Къубейс дагъына чыкъкъан эдилер. Абдулмутталиб де, еди яшын-даки Хабиб-и Экрем Эфендимизни омузына аларакъ, дагънынъ тепесине чыкъты. Джемаат онынъ янынла сырланды. Абдулмутталиб, омузында Варлыкъ Нуры олгъан алда эллерини котерип дуа этти. Инсанлар тургъан ерлеринден даа айырылмагъан эдилер ки, санки кок ярылып, сувыны бошатмагъа башлады ве Мекке вадиси рахмет дерьясынынъ ичинде къалды. (Ибн-и Сад, I, 90; Ибн-и Эсир, Усудуль-гъабе, VII, 112; Диярбекрий, I, 239).

Расулюллах -салляллаху алейхи ве селлем-, секиз яшына кельгенде, дедеси Абдулмутталиб де вефат этти.

Бу шекильде бутюн кечиджи ве корюнген дестеклер битти. Бундан сонъ Онынъ саиби, къорчалайджысы ве тербиеджиси ялынъыз Рабби эди. Аятынынъ энъ зайыф вакътында корюльген бу кечиджи ве корюнген дестеклер, Онынъ эр тюрлю арекетинен инсаниетке къабил-и такълид ве мукеммель бир орьнек олмасы икметине таяна эди.

Азрети Пейгъамбер -салляллаху алейхи ве селлем-нинъ бир замандан сонъ ана-баба имаесинден махрум быракъылмасынынъ да бир чокъ икметлери бардыр. Бу икметлернинъ энъ муими, пейгъамберлик ве давет иле алякъалы эсасларны, бабасындан я да дедесинден огренди шеклинде, илери суюле биледжек иддаларгъа имкян бермемектир.

Айрыджа, Аллаһ Расули ана-баба ве дедесинден айырылмакънен, бабадан огъулгъа кечкен джахилие урф-адет ве ананелеринден къорчалангъан, инсан эли тиймеден, тамамен Раббининъ тербиесинен етишкендир. Бунынъ ичюн бир Хадиси шерифлеринде:

«Мени Раббим тербие этти ве тербиемни де пек гузель япты» буюргъанлар. (Суютий, I, 12)

Дигер тарафтан, Пейгъамбер Эфендимизнинъ ана-баба тербиесинден узакъ олгъанынен берабер, ульвий бир ахлякъ узъре етишмеси, Онынъ нубувветининъ делиллеринден биридир.

Онынъ етим оларакъ буюмесининъ башкъа бир икмети де, къальбининъ даа индже ве дуйгъылы алгъа кельмеси ве ялынъыз Аллаһкъа тевакъюль этме дереджесине иришмесидир. Фахри Кяинат -саллалаху алейхи ве селлем-, етимликнинъ ве зайыф олмакънынъ аджджысыны бутюн шиддетинен таткъаны ичюн, аяты бойунджа эп зайыф инсанларнынъ къорчалайыджысы олгъан. Бир хадислеринде:

*«Озь етимини я да башкъасына аит бир етимни къорчалагъан кимсенен мен, дженнетте шойле ян-янаша оладжакъмыз», буюргъан ве ишарет пармагъынен орта пармагъыны косътерген.* (Муслим, Зухд, 42; бакъ. Бухари, Эдеб, 24; Таякъ, 14).

Бир башкъа икмет де шудыр ки: Аллаһ Таала аятнынъ эр дереджесиндеки инсаннынъ Расулюллах -салляллаху алейхи ве селлем- ден орнек ала бильмеси ичюн, Оны энъ зайыф ал олгъан етимликнен аяткъа башлаткъан, чешит мертебелерден кечиререк, девлет реислигине къадар юксельткен.

### Эмджеси Эбу Талибнинъ имаеси

Расулюллах -салляллаху алейхи ве селлем-нинъ дедеси Абдулмутталиб, вефат этеджеги заман бутюн эвлятларынынъ топлады. Оларгъа, ялынъыз торунуна пек яхшы бакъмаларынъы васиет





этти. Зубейирнен Эбу Талиб, Фахри Кяинат Эфендимизнинъ бабасы Абдуллахнен бир анадан олгъанлары ичюн, къура чектилер. Къура Эбу Талибге чыкъты.

Эбу Талиб, Пейгъамберимизге нисбетен, эмджелерининъ энъ мерхаметлиси ве энъ шефкъатлысы эди. (Ибн-и Эсир, *Усудуль-гъабе*, I, 22). Онынъ бир къач деведен башкъа малы ёкъ эди, къорантасы исе чокъ балалы эди. Бу фукъареликке бакъмадан, Эбу Талиб Къурейшнинъ эфендисы эди. Сёзю динълене, эмирлерине къаршы келинмей эди. Бабасы Абдулмутталиб киби, о да, агъызына ички къоймаз эди. (Халебий, I, 184).

Эбу Талиб, мубарек торуны узерине титрер, Оны озъ эвлятларындан даа чокъ север эди. Алемлернинъ Эфендисини янына алмагъандже юкъламаз, не заман бир ерге кетеджек олса, Оны да озю иле берабер ала эди.

Варлыкъ Нуры -алейхи-с саяяту ве-с селям- олмадан, аш ашагъанларында тоймаз эдилер, лякин Онынънен бирликте ашагъанлары вакъыт тояр, атта ашлары да артар эди. Софрагъа ялынъыз бир кишиге етеджек микъдарда къюлгъан сюттен, эвель мубарек етим ичип, даа сонъ башкъаларына бергенинде, эписи де бу сюттен тойып-тойып ичер эди. Бу себепнен, Эбу Талиб аиле азаларына:

—«Токътанъыз! Эвлядым кельсин!» - дер эди. (Ибн-и Сад, I, 119-120, 168).

Эбу Талибнинъ къадыны Фатыма хатун, сонъ дередже фазилетли ве яхшы къальпли бир ханым эди. Фахри Кяинат Эфендимиз, мусульман олып Мединеге хиджрет эткен бу мухтерем къадынны, сагъ олгъан муддетче барып зиярет этер, онынъ эвинде къушлыкъ юкъусыны юкълар эди. (Ибн-и Сад, VIII, 222).

Фатыма хатун вефат эткенде, Аллаһ Расулининъ козьлеринден яшлар акъкъан, «Бугунъ анам вефат этти!» буюрып, кольмегини онъа кефин эткен, дженазе намазыны къылдырып, къабринде бир муддет узангъан эди. Бу япкъанларынынъ себебини сорагъанларгъа исе, шойле джевап берген:

*«Эбу Талибден сонъ, бу къадын къадар манъа яхшылыкъ япкъан ич кимсе ёкътыр! Ахиретте дженнет урбалары киймеси ичюн, онъа кольмегимни кефин яптым. Къабирге алышмасы ичюн де, онынъ устюне бир аз узандым!»*

Расулюллах -салляллаху алейхи ве селлем-нинъ бу къадар кедерленгенине тааджип эткенлерге:



*«О меним анамдан сонъ анам эди. Озь балалары ач тургъанларында, о эвеля меним къарнымны тойдырыр, сачымны тарар ве гуль ягъынен ягълар эди. О, меним анам эди!»* - буюргъан. Сонъра да онынъ ичюн бойле дуа эткен:

*«Аллаһ сени магъфирет<sup>58</sup> этсин ве хайырнен мукафатландырсын! Аллаһ санъа рахмет этсин, аначыгъым! Сен меним анамдан сонъра анам олдынъ! Озюнь ач олгъанда, мени тойдырдынъ! Озюнь киймез, мени кийдире эдинъ! Энъ лезетли ашларны манъа таттырдынъ, озюньни махрум эте эдинъ! Буны да, ялынъыз Аллаһ ризасы ве ахирет юртыны умят этип япа эдинъ!...»* (Хаким, III, 116-117; Хайсемий, IX, 256-257; Якъубий, II, 14).

### **Экинджи Шерх-и Садр: Неби юрегининъ мерхамет, шефкъат ве рахметнен толдырылмасы**

Эбу Хуреيرة<sup>59</sup> -радиаллаху анх-, Пейгъамбер Эфендимиз -салляллаху алейхи ве селлем-ден ич кимсенинъ сорап олмагъан шейлерни сорамакъ хусусында сонъ дередже джесюр арекет эте эди. Бир кунъ Фахри Кяинат Эфендимизге:

*«Я Расуллаллах! Нубувветнен алякъалы ильк корьген аляметинъ недир?»* - деп сорады.

Эки джиан саадет ребери олгъан Аллаһ Расули шойле буюра:

*«Эй, Эбу Хуреيرة, мадем ки, сорадынъ, айтайым. Мен он яшларында олгъанда бир кунъ чельде эдим. Башымнынъ усьтюнден кельген бир сестен сескендим. Бир адам башкъасындан сорады:*

<sup>58</sup> **Магъфирет** – гунахларнынъ багъышланмасы.

<sup>59</sup> **Эбу Хуреيرة** -радиаллаху анх-нынъ Исламдан эвельки Ады Абдушемс эди. Мусульман олгъан сонъ Абдурахман адыны алды. Бир кунъ урбасына сарып, бир мышыкъ алып кете эди. Расуллаллах -салляллаху алейхи ве селлем- буны корип:

*«- О недир?»* деп сорады. Эбу Хуреيرة де:

*«- О бир мышыкъ»,* деди. Бунынъ ичюн Аллаһ Расули онъа «Мышычыкънынъ бабасы» манасына кельген «Эбу Хуреيرة» деп шакъа эткен эди. О кунъден сонъ Абдурахманнынъ асыл ады унутылгъан ве о эп бу лагъапнен танынгандыр. Озь адындан даа чокъ, Пейгъамберимизнинъ бергени бу лагъапнен чагъырылмасыны истегендир. Эбу Хуреيرة -радиаллаху анх-, хиджрий единджи сенесинде Мединеге кельген эди. Месджид-и Небининъ ичинде ер алгъан ве Суффа денильген ерде факир сахабилернен яшагъандыр. Гедже-кунъдюз Пейгъамберимизден айрылмадан, ондан эшиткен хадислерни огренмеге тырыша эди. Пейгъамберимизнинъ озонден ве сахабилеринден эшиткен, текрарларынен берабер 5374 хадис-и шериф накъл эткендир. Бойледже, асхабы кирамдан энъ чокъ хадис ривает эткен сахабе олды. Хиджрий 59 сенеси Мединеде, 78 яшында Аллаһнынъ рахметине къавушты.

*«Бу, Одырмы?» - Обири джевап берди:*

*«Эбет, бу Одыр.»*

*О замангъа къадар кимседе корьмегеним бетлерни, кимседе къаршылашмагъаным рухлар, ич кимседе корьмегеним урбаларнен къаршыма чыкътылар. Юрип мангъа догъру кельген о эки адамдан эр бири, бир элимден тутты, факъат токъунгъанларыны ис этмедим. Бири аркъадашына:*

*«Айды, Оны ерге яткъыз!» - деди.*

*Мени узатып ерге яткъыздылар, мен ич бир къыйынлыкъ ве кучьлюкнен къаршылашмадым. Кене бири дигерине:*

*«Айды, коксюни ач!» - деди ве о да ачты. Факъат не къан корьдим, не де бир аджджы дуйдым. Онгъа кене шойле деди:*

*«Айды, о ердеки кин ве аседни чыкъар!»*

*О да коксюмден къан пыхтысы киби бир шей чыкъарды. Сонгъ оны фырлатып атты.*

*«Айды, шимди онынъ ерине шефкъат ве мерхамет ерлештир!» - деди. Чыкъаргъан шейлери буюклигинде ве кумюшке бенъзеген бир шей къойгъанларыны корьдим. Сонгъ сагъ аягъымнынъ баш пармагъыны тутуп ойнатты ве:*

*«Айды, селяметнен кет!» - деди.*

*Мен турып кеткенде, ичим шефкъат ве мерхамтнен толу эди. Ондан сонгъра да эп кучюклерге нисбетен шефкъат, буюклерге нисбетен де мерхамет ис эттим.» (Ахмед, V, 139; Хайсемий, VIII, 223).*



## АЗРЕТИ ПЕЙГЪАМБЕРНИНЪ ЯШЛЫГЪЫ

### **Пейгъамбер Эфендимизнинъ иляхий къорчалавнен буюмеси**

Аллаһ Таала, Расулюллах -салляллаху алейхи ве селлем-ни пейгъамберликнен шерефлендиреджеги ичюн, оны джахилие деврининъ бутюн феналыкъларындан къорчалагъандыр. Онынъ етим ве оксюз балалыгъынен яшлыгъы, темиз ве энъ парлакъ бир келеджекке ляйыкъ олгъан бир ульвиет ичинде кечкендир. Эр девир ичюн айырыджы васфы, эль-Эмин ве эс-Садыкъ олгъандыр.

Аллаһ Расули -салляллаху алейхи ве селлем- нубувветтен эвель де муруввет итибаринен, къавмынынъ энъ усьтюни ве гузель ахлякълысы, сой итибаринен, энъ шерефлиси, къомшулыкъ акъкъына энъ зияде дикъкъат эткени, йымшакълыкъ ве садакъатте энъ усьтюни, эминлик ве ишанчлы олмакъта энъ илери кельгени, инсанларгъа яманлыкъ ве эзиет этмектен энъ узакъ тургъаны эди. Ич кимсени утандырып айыплагъаны, ич кимсенен мунакъаша эткени корюльмегендир. Бойледже бутюн яхшы сыфат ве алышкъанлыкъларнынъ онда топлангъаны ичюн, къавмы онъа «эль-Эмин» васфыны берген. (Ибн-и Хишам, I, 191; Ибн-и Сад, I, 121).

Расулюллах -салляллаху алейхи ве селлем-ге бир кунъ:

*«Я Расулюллах! Аллаһтан баикъасына ич ибадет эттинъизми?» - деп соралды.*

*«Ёкъ!» джевабыны берди.*

*«Ич ички ичтинъизми?» - деп сорадылар.*

*«Ёкъ! Мен Китап ве иманнынъ не олгъаныны бильмегенимде биле, оларнынъ якъан шейлерининъ куфюр олгъаныны биле эдим», буюрды. (Диярбекрий, I, 254-255).*

Аллаһ Расули -салляллаху алейхи ве селлем-, балалыгъында Аллаһ Тааланынъ оны насыл къорчалагъаныны бойле анълата:



*«Къурейш балаларынен берабер оюн ойнагъанымызда бир ерден бир ерге таш ташый эдик. Балалар, изарларыны (аст урбаларыны) котерип, омузларына аткъан, ташларны онынъ узеринде къойып кете эдилер. Омузымнынъ аджытмасын деп мен де олар киби япмакъ истегенимде, корьмедигим бир къувет манъа джанымны якъкъан бир юмрукъ уруп:*

*«Изарынъны белинъе багъла!» - деди.*

*Мен де аман изарымны белиме багъладым. Аркъадашларым арасында, ялынъыз мен, изарым белимде олгъаны алда, омузымда таш ташидым.» (Ибн-и Хишам, I, 197)*

Фахри Кяинат Эфендимиз Кябе янъыдан къурулгъанда эмджеси Аббаснен берабер таш ташый эди. Аббас -радиаллаху анх-, ташларнынъ чыпмакъ омузыны агъыртмасы ичюн, Аллах Расулине:

*«Изарынъны омузынъа къой!» - деди. Варлыкъ Нуры изарыны омузына къоймакъ истеген сырада ерге йыкъылды ве козылерини кокке тикерек, эмджесине:*

*«Манъа изарымны косътер!» деди. Аман оны алып, устюне ортти. (Бухари, Хадж, 42).*

О заманки джемиетте урбасыз долашмакъ гъает адий къабул этильмесине рагъмен, Аллахнынъ Расули -салляллаху алейхи ве селлем- ич бир вакъыт эдеп худутлары тышында бир ал косътермей эди. Хадисте де къайд этильгени киби, эмджесининъ сёзюне уйып бойле бир алнен къаршы-къаршыгъа къалгъанда исе, Аллах Таала тарафындан къорчалангъандыр.

Расуллоллах -салляллаху алейхи ве селлем-, он эки яшында бир бала экенде, онъа Рахиб Бахиранынъ:

*« -Яврум, Лат ве Узза акъкъы ичюн сорайым, джевап бер!» - дегени узерине:*

*«Лат ве Узза адына емин этип, менден бир шей сорама! Валлахи, Мен, булардан нефрет эткеним къадар ич бир шейден нефрет этмем!» деген. (Ибн-и Исхакъ, с. 54; Ибн-и Сад, I, 154; Айрыджа бакъ. Ахмед, V , 362).*

Умму Эймен -радиаллаху анха- шойле анълата:

*«Къурейш мушриклері йылда бир кунъ, тазим ичюн Буване пугынынъ янында топлана эдилер, геджеге къадар къурбан чалмакъ, сач*

кестирмек ве итикъафкъа кирмек суретинен, мерасим япа эдилер. Эбу Талиб де бу байрам ичюн азырлангъан эди.

Варлыкъ Нуры оларгъа къошулмагъа истемегени ичюн, эмдже ве алалары онъа олдукъча ачувлангъанларыны корьдим.

Алалары:

«Иляхларымызгъа къаршы чыкъкъанынъ ичюн, бир феякетке огъ-райджагъынъдан къоркъамыз!» – деп, о къадар исрар эттилер ки, Фахри Кяинат Эфендимиз оларнен берабер бармагъа меджбур олды.

Бир муддет козьден гъайып олды, сонъ къоркъудан сараргъан бир алда, къайтып янымызгъа кельди.

Алалары:

«Санъа не олды?» – деп, теляшнен сорадылар.

О да:

«Манъа джин токъунаджагъынъдан къоркъам! - деди.

Алалары:

«Аллаһ Сени шейтангъа мубтеля къылмаз! Сенде эр тюрюл гузель ва-сыф бар. Сёйле, бакъайыкъ, корьген шейинъ недир?» - дедилер.

Пейгъамберимиз:

*«Мен путнынъ янына эр якълашкъанымда, безъ ве узун бир адам ко-рюнип:*

*«Эй, Мухаммед! Кери къайт, сакъын онъа тийме!» - диерек багъыра эди!» – буюрды.*

Бундан сонъ Варлыкъ Нуры, озюне пейгъамберлик вазифеси бериль-генге къадар, оларнынъ байрам ве мерасимлерине ич бир вакъыт къошул-мады. (Ибн-и Сад, I, 158).

Азрети Алининъ ривает эткенине коре, Расули Экрем Эфендимиз бойле буюргъанлар:

*«Мен, джахилие инсанларынынъ якъанларыны эки кере япмагъа аре-кет эткен эдим. Анджакъ Аллаһ, мени олардан къорчалады.*



*Бир гедже, Меккенинъ юкъары тарафларында, Къурейшли бир къач яшнен къоюнларымызны отлата эдик. Аркъадашым:*

*«Эгер къоюнларыма бакъаджакъ олсанъ, мен де башкъа яшлар киби, Меккеге барып, гедже субетлерине къошулур эдим,» - дедим. Аркъадашым:*

*«Олур, насыл истесенъ ойле яп!» - деди. Бунынъ узерине ёлгъа чыкътым. Меккеге якълашкъан вакътымда, деф, къавал ве ысылкъ сеслерини эшиттим.*

*«Бу недир?» - деп сорадым.*

*«Фелян эркекнен фелян къадын эвлене!» - дедилер.*

*Аман отурып, о тарафкъа бакъмагъа башладым. О эснада Аллаһ -джелле джелялюху- къулакъларыма бир агъырлыкъ берди ве о ерде юкълап къалдым. Аллаһкъа емин этем ки, узериме кунеш догъгъангъа къадар уянамадым. Аман къайтып аркъадашымнынъ янына кельдим.*

*«Не яптынъ?» - деп сорады.*

*«Ич бир шей япамадым!» - дедим ве башымдан кечкенлерни онъа анълаттым.*

*Башкъа бир гедже айны шей текрарланды. Мен кене Меккеге гедже субети ичюн кеткенде, Аллаһ Таала тарафындан къулакъларыма чёккен агъырлыкънен кунеш догъгъангъа къадар юкъладым. Къайтып аркъадашымнынъ янына кельдим.*

*Раббим мени пейгъамберликнен шерефлендиргенге къадар, булардан башкъа, ич бир ярамай шейге мейиль этмедим!» (Ибн-и Исхакъ, с. 58-59; Ибн-и Кесир, эль-Бидае, II, 292).*

### **Пейгъамберимизнинъ къой бакъувы**

Варлыкъ Нуры, эмджеси аятта олгъанда ве тиджаретке башламадан эвель, бир муддет «чобанлыкъ» япкъан. Бу вазифе, араплар арасында къолай, сырадан бир зенаат дегиль эди. Шерефли ве зенгин инсанларнынъ балаларынынъ да япкъанлары бир иш эди. Айрыджа, чобанлыкънен аман-аман бутюн пейгъамберлер мешгъул олгъанлар. Бунынънен Аллаһ

Таалы, оларгъа теблигъ вазифесини бермеден эвель, идареджилликте керек олгъан бир такъым хусусиетлер къазандыргъандыр.

Расулюллах -салляллаху алейхи ве селлем- бир кунь:

*«Аллаһ Тааланынъ ёллагъаны эр бир пейгъамбер, къоюн бакъкъандыр,» - буюрды. Бунунъ узерине сахабилер:*

*«Сиз де къоюн бакътынъызмы, я Расулюллах?» - деп сорадылар.*

Сервер-и Алем -салляллаху алейхи ве селлем- Эфендимиз:

*«Эбет, уджрет къаршылыгъында<sup>60</sup> халкънынъ къоюнларыны отлата эдим,» - деди. (Бухари, Иджаре, 2, Энбия, 29; Ибн-и Маадже, Тиджарет, 5).*

*Бир башкъа Хадиси шерифлеринде де бойле буюргъанлар:*

*«Муса -алеихисселям- пейгъамбер оларакъ ёлланылгъан эди, о къоюн бакъты, Давуд -алеихисселям- пейгъамбер оларакъ ёлланылгъан эди, о да къоюн бакъа эди. Мен де пейгъамбер оларакъ ёлланылдым ве Эджяда аилемнинъ къоюнларыны бакъа эдим. (Ибн-и Сад, I, 126).*

Рахмет Пейгъамбери о девирлерде 20 яшында эди.

Фахри Кяинат -салляллаху алейхи ве селлем- Эфендимиз:

*«Энъ хайырлы маишет ёлуны туткъан кимсе, бир тёпенинъ башында я да бир вадининъ ичинде къоюнларыны отлаткъан кимседир. Бу инсан, намазыны къылар, зекятыны берир, олюмюне къадар Раббине ибадет этер ве инсанларгъа девамлы яхшылыкъ япар», (Муслим, Имарет, 125; Ибн-и Мадже, Фитен, 13) буюраракъ, чобанлыкънынъ фазилетини беян эткен.*

Чобанлыкъ япкъан кимселерде тефеккюр уфкъы, вакъар ве мерхамет дуйгъусы кенъишлер. Аллаһ Расули бунъа ишаретнен: «Сюкюнет ве вакъар чобанлыкъ япкъанлардадыр», деп буюргъанлар. (Бухари, Менакъиб, I; Муслим, Иман, 84/52). Қоюнларны идаре этип, йыртыджы айванлардан къорчаламагъа аркет этмек, инсанда сабыр ве бир шейни саипленме дуйгъусыны тербие этер. Зира, яратылмышларгъа мерхамет этмек, оларнынъ къаба ве анъламсыз алларына сабыр этмек – пейгъамберлернинъ энъ чокъ мухтадж олгъан хусусиетлердендир.

<sup>60</sup> Хадис-и шерифте кечкен «*Къарарит*» келимеси, Меккеде бир ернинъ адыдыр, анджакъ акъча оларакъ къулланылгъан «*Къырат*» келимесининъ чокълугъы оларакъ да анълашылмасы мумкюндир. Экинджи корюшке коре исе Пейгъамберимиз -салляллаху алейхи ве селлем-, эр кунь Мекке халкънынъ къойларыны отлаткъаны ичюн бир къой башына динарнынъ 1/20 боллюги олгъан бир къырат акъча алгъаныны билдиргендир.





### Эмджелеринен берабер ёлджулыкълары

«Варлыкъл нуры» он эки яшында олгъанда ильк оларакъл, эмджеси Эбу Талибнен берабер Суриеге сеят эткен эди. Экинджи тиджарет ёлджулыкъл он алты яшында Йеменге олгъан эди.

Къурейшлилер Шамгъа кетмеге азырлана эдилер. Эбу Талиб де бу тиджарет кербанына къатылмагъа истей эди. Ёлгъа чыкъыладжакъл вакъытта, бутюн эркек ве къыз къардашлары Эбу Талибни озгъармагъа кельдилер. Эбу Талиб севимли торунуна:

«Сен де меннен берабер барарсынъмы?» - деп сорады.

Эмджелери ве алалары, Аллаһнынъ Расулининъ яшы кучюк олгъаны ичюн, ёлда хасталана биледжегини илери сюререк, къаршы чыкътылар. Эбу Талиб оны Меккеде быракъмагъа къарар бергенинен, Пейгъамбер Эфендимиз оксюнди ве агълады. Эбу Талиб:

«Эй, къардашымнынъ огълу! Не олды? Сени алып бармагъаныма агълайсынъмы?» - деди.

Эки джиан Кунеши Эфендимиз онынъ девесининъ юларындан тутып:

«Эмджеджигим! Мени кимге таишлайсынъ? Меним не бабам бар, не де анам бар!» - деди.

Эбу Талибининъ юреги юмшап:

«Валлахи, Сени де алып бараджам! Не сен менден, не де мен Сенден ич бир заман айрылмайджакълмыз!» - деди. (Ибн-и Исхакъл, с. 53; Эбу Нуайм, Делаиль, I, 168).

Даа сонъра, Алемлернинъ Эфендиси он алты яшында экенде, эмджеси Зубейрнен Йеменге кетти. Зубейр Варлыкъл Нуры Эфендимизнинъ берекетинден файдаланмакъ истей эди. Бу себепнен, Эбу Талибден мубарек торунуны озюнен бирликте ёлламасыны риджа этти. (Диярбекрий, I, 260)

Тиджарет кербаны ёлда девам эткенде, бир вадиден кече эдилер ки, къызгын эркек бир деве о ерден кимсени кечирмей эди. Керван арткъа къайтмагъа истегенинен, Алемлернинъ Эфендиси:

«Мен онынъ акъкъындан келирим!» - деп кербанынъ огъуне кечти.

Къызгын деве Пейгъамберимизни корьгенинен, сакинлешти.

Фахри Кяинат Эфендимиз девесинден тюшип, онынъ устюне минди. Вадини кечкенден сонъ, оны бош быракъты.

Сеферден къайткъанларында исе, сель сувларынен толып-ташкъан бир вадиге расткельдилер ве кечип оламадылар. Пейгъамбер Эфендимиз:

«Сиз меним артымдан келинъиз!» - деди. Керван онынъ артындан кетерек, селяметликнен кечтилер. Санки Юдже Аллах о сувларны къурыткъан ве ёл алына кетирген эди. (Ибн-и Кесир, *эль-Бидае*, II, 282).

### **Рахип Бахиранен къаршылашувы ве Бахиранынъ тасдикълары**

Эбу Талиб Къурейш буюклеринден бир группа иле Шамгъа кеткен эди. Пейгъамбер Эфендимиз де онен берабер эди. Ёлда рахип Бахиранынъ Монастырине якълаштылар. Ве о монастырине якълаштылар ве онынъ якъынында къонакъладылар. Бахира о замандаки христианларнынъ энъ алими эди.

Бахира керван келеяткъанда, бир булутнынъ ичлеринде бир кишини кольгелендиргенини, терекнинъ кольгесине отургъанларында да, терек далларынынъ о кишининъ узерине догъру эгильгенини коре. Бунынъ узерине кервангъа якълашты ве:

«Эй, Къурейш джемааты! Мен сиз ичюн аш азырладым. Кучюк-буюк, къул-урь... эпинъизни бу софрагъа давет этем,» - деп хабер ёллады.

Албуки, Бахира даа эвельки келишлеринде, янларына огърамаз, оларнен алякъадар олмаз эди. Кервандакилернинъ эписи софрагъа кельген, ялынъыз Кяинатнынъ Эфендиси эшьяларнынъ янында къалгъан эди. Бахира кельгенлерге бирер-бирер бакъты китапларында окъугъан сыфатларны ич биринде коръмеди.

«Эй Къурейш! Керванынъызда олып да, бу ерге кельмеген кимсе бармы?» - деп сорады.

Къурейшлилер:

«Эй, Бахира! Бир баладан башкъа кимсе къалмады. Арамызда энъ генчимиз олгъаны ичюн, оны эшьяларымызнынъ янында быракътыкъ,» - дедилер.



Бахира:

«Оны да чагырынъыз, бу ашта о да булунсын,» - деди.

Мухаммедуль-Эминни кетирип, софра башына отурттылар. Рахип оны корер-корьмез, дикъкъатлы-дикъкъатлы бакъмагъа ве баштан аякъ-къа сюзмеге башлады. Даа сонъра да, элинден тутып:

«Бу, Алемлернинъ Эфендисидир! Бу, Алемлернинъ Раббининъ Расулидир! Аллах Оны Алемлерге рахмет оларакъ ёллайджакъ!» - деди.

Къурейш буюклери онъа:

«Буны не ерден билесинъ?» – деп сорадылар.

«Мен онынъ васыфларыны бизге эндирилъген китапта окъудым. Бойледже, Сиз якълашкъан вакътынъызда, онъа седжде этмеген не таш, не терек къалды, эписи де седжде эттилер. Бу джансыз шейлер ялынъыз бир пейгъамберге седжде этерлер. Мен Оны айрыджа Пейгъамберлик муури иле де таныдым. Бу муур курек кемиклери арасындадыр,» - деди.

Бахира Пейгъамберимизге ве эмджесине базы суаллер берди ве алгъан джевапларынынъ бильгилери иле догъру кельгенини корьгенинен, къанааты къавилешти. Эбу Талибге чевирилип:

«Турунуны аман мемлекетинъе алып къайт! Еудийлернинъ онъа зарар бермелеринден сакъын! Валлахи, олар оны корюп танысалар, оны ольдюрмеге къалкъарлар. Бу бала араплардандыр. Албуки, еудийлер келеджек пейгъамбернинъ Исраилогъуллаарындан олмасыны истерлер. Сенинъ торунунынъ ал ве шаны пек буюк оладжакъ,» - деди.

Эбу Талиб де рахип Бахиранынъ тевсиеси узерине, мубарек торунуны аларакъ, аман Меккеге къайтты. (Ибн-и Исхакъ, с. 54-55; Ибн-и Сад, I, 153-155; Термизий, Менакъиб, 3)

Бу адисенен алякъалы, христиан мушриклер, Ислямны лекелемек ичюн, Азрети Пейгъамбер -салляллаху алейхи ве селлем-нинъ Бахирадан телкъинлер алгъаныны сёйлерлер. Бу исе, тамамен акъикъаткъа терстир. Къуран ве тевхид акъидесине<sup>61</sup> зыттыр. Зира, Бахира христиан бир папаз эди. Къурани Керим, тахриф этильген Теврат ве Инджильнинъ хаталары-

61 Акъиде – Иман эсаслары.

ны догърулап тургъанда, Аллаһнынъ Расули бу бозулгъан бир дининъ менсубындан телькъин алгъаны насыл тюшюнилир?!

Дигер тарафтан, Бахиранынъ дини христианлыкъта, Аллаһ анълайышы антропоморфик, яни инсаний сыфатларгъа саип олгъан бир танъры анълайышы къаршымызгъа чыкъмакътадыр. Амма, Аллаһнынъ Расули -салляллаху алейхи ве селлем- кетирген Ислям дини, тевхид темеллери узерине Хакъ тарафындан ёлланылгъан ачыкъ бир диндир. Аллаһ – мутеаль, яни идракъ тышында ве эр тюрлю эксик сыфатлардан ве маддий анълайыштан узакъ бир танърыдыр.

Бу акъикъаткъа таянып, Къурани Керим, Эхли Китапнынъ<sup>62</sup> пейгъамберлигинден эвель де олса, догъры ёлдан сапмагъанларнынъ къуртулушкъа ирише биледжеклерни бойле бильдире:

إِنَّ الَّذِينَ آمَنُوا وَالَّذِينَ هَادُوا وَالنَّصَارَى وَالصَّابِّينَ مَنْ آمَنَ بِاللَّهِ وَالْيَوْمِ الْآخِرِ  
وَعَمِلَ صَالِحًا فَلَهُمْ أَجْرُهُمْ عِنْدَ رَبِّهِمْ وَلَا خَوْفٌ عَلَيْهِمْ وَلَا هُمْ يَحْزَنُونَ

**«Шубесиз, иман эткенлер яни еудийлерден, христианлардан ве саабийлерден Аллаһкъа ве ахирет кунюне, хакъкъынен инанып, салых амель ишлегенлер ичюн, Рабблери къатында мукъяфатлар бар. Олар ичюн ич бир къоркъу ёкътыр. Олар гъам чекмейджеклер.»** (эль-Бакъара, 62)

Расулюллах -салляллаху алейхи ве селлем- бутюн заман ве мекянарларгъа сонъ пейгъамбер оларакъ ёлланылгъаны ичюн, озюнден эвель кельген бутюн динлер укюмсюздир, яни кечерликлери къалмагъандыр. Бунынъ ичюн Аллаһкъа иман этип, Азрети Пейгъамбер -салляллаху алейхи ве селлем-ге иман этмек куфюрдир. Бу себепнен, бугуныки Эхли Китапнынъ диндар инсанлары юкъарыдаки аети керименинъ тышындадыр.

Акъидеден сонъ, бир динни яшаткъан дигер хусуслар ибадет аяты ве муамелятгъы<sup>63</sup>. Ислям дини низамлы бир ибадет аятыны кетирди, инсанлара мунасебетлерни (муамелят) акъ, адалет ве ахлякъ темеллери узерине текрар къургъан ве джезаларны да ичине алгъан бир укьюкъ мейдана ке-

62 Эхли Китап – Еудий ве Христианлар.

63 Муамелят – къуллар арасындаки мунасебетлерни тертиплеген Исламий къанунлар.



тиргендир. Бахиранынъ дини христианлыкъта исе, ибадет аяты денъиштирилген. Муамелят ве укъубат<sup>64</sup> исе, мевджут дегильдир.

Дигер бир хусус, Пейгъамберимиз, Къураннынъ бильдиргени ве тарихнынъ да шаат олгъаны узьре, «Уммий» эди, яни окъума-язма бильмей эди. Аети керимеде бойле буюрыла:

وَمَا كُنْتَ تَتْلُو مِنْ قَبْلِهِ مِنْ كِتَابٍ وَلَا تَخُطُّهُ بِيَمِينِكَ إِذَا لَأَزْتَابَ الْمُبْطِلُونَ. بَلْ هُوَ آيَاتٌ بَيِّنَاتٌ فِي صُدُورِ الَّذِينَ أُوتُوا الْعِلْمَ وَمَا يُحْجَدُ بِآيَاتِنَا إِلَّا الظَّالِمُونَ

«Сен бундан эвель не бир язы окъур, не де элинънен оны язар эдинъ. Ойле олса эди, батылгъа уйгъанлар шубе дуяр эдилер. Ёкъ, о (Къуран) озьлерине илим берильгенлернинъ юреклеринде (ерлешкен) ап-ачыкъ аетлердир. Аетлеримизни анджакъ залымлар биле биле инкяр этерлер». (эль-Анкебут, 48-49).

Фахри Кяинат -салляллаху алейхи ве селлем-, Бахира иле корюшкенде, он эки яшында эди. Бахиранынъ янында пек аз бир заман къалгъан ве пек аз корюшкен эди. Бу алда, уммий бир баланынъ, алты бинъден чокъ аетни къыска бир заманда эзберлеп, йигирми секиз йыл афызасында тутмасы ве къыркъ яшындан сонъ, бир анда буларны анълатмагъа башламасы мумкюн дегильдир. Кене бу шартларда Ислям киби мукеммель ве алемшумуль бир динни огренип, о диннинъ ибадет, муамелят, укъубат ве ахлякъ низамларыны ортагъа къоймасынынъ мумкюн олмагъаныны эр бир акъыл саиби къолайлыкънен къабул этер.

Шаат Бахира бу акъикъатларны биле эди исе, не ичюн озю теблигъ этип, пейгъамберлигини илян этмеди ве бу ич танымагъаны бир балагъа быракъты.

Айрыджа, Бахиранынъ тили ибранийдже, Къурани Керим исе, эдебий ве ачыкъ арапчадыр. Аллах Таала бу киби тюшюнджелер акъкъында бойле буюра:

وَلَقَدْ نَعْلَمُ أَنَّهُمْ يَقُولُونَ إِنَّمَا يُعَلِّمُهُ بَشَرٌ لِّسَانُ الَّذِي يُلْحِدُونَ إِلَيْهِ

64 Укъубат – джезалар укъукъы.

أَعْجَمِي ۖ وَهَذَا لِسَانُ عَرَبِيٍّ مُبِينٌ

**«Шубесиз, биз оларнынъ: «Къуранны онъа анджакъ бир инсан огрете», дегенлерини бильмектемиз. Озьлерине нисбет эткен шахысларнынъ тили ябанджыдыр. Албуки, бу (Къуран) ап-ачыкъ бир арапчадыр».** (эн-Нахль, 103)

Айны заманда, Къурани Керим бу тильдеки устюнлигинен, джахилие шаирлерине мейдан окъуйджакъ къадар, илери бир севиедедир. Затен, Ибра суресининъ 88-инджи аетинде бойле дениле:

قُلْ لِّئِنْ اجْتَمَعَتِ الْإِنْسُ وَالْجِنُّ عَلَى أَنْ يَأْتُوا بِمِثْلِ هَذَا الْقُرْآنِ لَا يَأْتُونَ  
بِمِثْلِهِ وَلَوْ كَانَ بَعْضُهُمْ لِبَعْضٍ ظَهِيرًا

**«Де ки: Ант олсун, бу Къурангъа бир бенъзегенни ортагъа къоймакъ узьре, инсу джин бир ерге кельселер, бир-бирилерине дестек олсалар да, онъа бенъзегенни ортагъа кетирип олмазлар».** (эль-Ибра, 88)

Бунынънен берабер, Расулюллах -салляллаху алейхи ве селлем-нинъ Бахиранен корюшмеси эснасында, янларында пек чокъ Къурейшли мушрик бар эди. Эгер де шаркъиятчыларнынъ бу фикирлеринде азачыкъ акъикъат пайы олса эди, пейгъамберликнинъ ильк кунълеринден итибарен, аятларыны Аллахнынъ Расули -салляллаху алейхи ве селлем-ни инкяр ве Онъа душманлыкъкъа адагъан мушриклернинъ, бу адисени илери суре-рек, итираз этювлери иджап этер эди. Албуки, Къурейшли мушриклер бу хусуста бир сёз биле сёйлемегенлер. Чюнки, бу идданынъ ич бир аслы ве акъикъаты олмагъаныны чокъ яхшы билине эди.

### Хильфуль фудуль

Арам айларда япылгъан дженклерге араплар арасында «Фиджар Дженклери» дениле эди. Фиджар дженклери дёрт дефа олгъан эди. Къурейш ве Кинане къабилелеринен, Хевазин арасында мейдангъа кельген дёртюджи Фиджар дженкинде Пейгъамбер -салляллаху алейхи ве селлем- де булунгъан эди.

О, эр заман ялынъыз Хакънынъ, акълынынъ ве мазлумнынъ янын-да ер алгъандыр. Бу муаребеге, йигирми яшларында экенде, эмджеле-



ринен берабер иштирак эткен, факъат ич кимсенинъ къаныны тѣкмеген. Ялынъыз душман сафларындан атылган окъларны топлагъан ве эмджелерине берген. (Ибн-и Хишам, I, 198; Ибн-и Сад, I, 126-128).

Бу дженктен къайткъан сонъ, арам айлардан бири Зилькъаде айында, йеменли Зубейд къабилесинден бир адам, сатмакъ макъсадынен, Меккеге тиджарет малы кетирген эди. Къурейш илери кельгенлеринден Ас бин Ваиль бу малны о адамдан сатын алды, анджакъ парасыны бермеди. Бу адам Абдуддар, Махзум, Джумах, Сехм ве Адий б. Къаб огъуллаы киби Меккенинъ илери кельген аилелерининъ буюклерине мураджат этип, ярдым этмелерини истеди. Факъат олар, бу мазлумгъа ярдым этеджек ерде, Ас бин Ваильни къорчалап, адамны азарладылар.

Чаресизлик ичинде къалган адам, Къурейшнинъ илери кельгенлерининъ Кябенинъ чевресинде отургъан бир вакъытта, Эбу Къубейс дагына чыкъаракъ, багыра-багыра шиир окъуды, огърагъан зулум ве акъсызлыкъны илян этерек, ярдым истеди. Ярдым ичюн биринджи арекет эткен зат Пейгъамбер Эфендимизнинъ эмджеси Зубейр олды. Къурейшнинъ илери кельгенлеринен бирликте, Абдуллах бин Джуданнынъ эвинде топландылар.

Абдуллах оларгъа софра азырлады. Сонъра *«Ким олса-олсун, Меккеде зулумгъа огърагъан кимселернинъ акъкъыны алгъангъа къадар, залымгъа къаршы мазлумны къорчаламакъ»* акъкъында ахтлаштылар. Деньизлерде бир къыл парчасыны ыслатаджакъ къадар сув булунгъадже ве Хира ве Себир дагълары еринде тургъанджа, бу ахтларына садыкъ оладжакъларына емин эттилер.

Хильфуль-фудуль джемиети, ильк оларакъ, Ас бин Ваильден Зубейдли адамнынъ акъкъыны алмакънен арекетке башлады. Даа сонъра да Меккеде зулумгъа ве акъсызлыкъкъа огърагъан пек чокъ кимсенинъ ярдымына къошты, адалетни тиклемек ичюн, гъайрет этти. (Ибн-и Кесир, *эль-Бидае*, II, 295-296; Ибн-и Сад, I, 128-129).

Расулюллах -салляллаху алейхи ве селлем-нинъ джахилие девринде бегенип, къатылган бир джемиет «Хильфуль-фудуль»дир. Чюнки, бу, бир адалет джемиети эди. Зулум ве акъсызлыкъкъа мани олмакъ ичюн къурулган эди. Бу джемиет акъкъында нубувветтен сонъ, бойле буюрдылар:



*«Абдуллах бин Джуданынъ эвинде эмджелеримнен бирликте Хильфуль-фудульде азыр булундым. О меджлистен о къадар мемнюн олдым ки, онынъ ерине манъа кызыл девелер (арап ичюн дюньяда энъ кыйметли шей) берильсе, о къадар севинмез эдим. О анълашмагъа шимди чагъырылсам, кене иджабет этер эдим».* (Ибн-и Кесир, *эль-Бидае*, II, 295).

### Расулюллах Эфендимизнинъ тиджарий аяты

Меккелилер аятларыны тиджаретнен огърашаракъ кечире эдилер. Тиджарет керванлары иле къомшу мемлекетлерден кетирген малларыны Меккеде откериьген аджылыкъ ярмалыкъларында сатар, Меккеде етиштириьген малларны да къомшу мемлекетлерге алып барып, сата эдилер.

Аллаһнынъ Расули -салляллаху алейхи ве селлем-, яшлыгъында эмджелеринен берабер тиджарет керванларына къатылгъан, Сурие ве Йеменге ёлджулыкъ эткен эди. Пейгъамбер Эфендимиз даа сонъра, Азрети Хатидженинъ малларыны Йеменнинъ «Джуреш» базарына эки кере тиджарет сефери япкъан ве эр сефер ичюн онъа уджрет оларакъ, бирер яш ве эркек деве берильген эди. (Хаким, III, 200/4834).

Варлыкъ Нуры, Азрети Хатидженинъ керваныны Тихамедеки «Хубаше» базарына да алып баргъан эди. Бу ёлджулыккъа Азрети Хатидженинъ хизметчиси Мейсеренен чыккъан эдилер, о ерден Тихаме къумашы кетирип, Хаким бин Хизамгъа саттылар ве бол къазанч эльде эттилер.

Аллаһнынъ Расули -салляллаху алейхи ве селлем-:

*«Мен Хатиджеден даа хайырлы бир ортакъ коръмедим»,* - деп, оны макътап, япкъан ишининъ къаршылыгъыны зиядесинен бергенини ифаде эткен. (Халебий, I, 221, Айний, X, 104).

Эмджеси Эбу Талиб, бир кунъ Пейгъамбер Эфендимизге:

*«Эй, къардашымнынъ огълу! Мен факъыр бир адамым. Кытлыкъ ве къургакълыкъ бизде не сермия, не де тиджарет быракъты! Бир тиджарет керваны Шамгъа кетмеге азырлана. Хатидже бинт-и Хувейлид де бу керваннен бирликте малларыны алып кетеджек бир адам кыдыра экен. Онынъ, сен киби, эмин, темиз ве вефакяр бир инсангъа чокъ ихтияджы бар. Сени тиджаретине векиль япмасы ичюн озюнен лаф этсек, яхшы олур. Садакъатынынъ себеби иле, Сени башкъасындан устюн*





тутаджагыны тюшюнем. Аслында Шам тарафларгъа кетменьни де истеймейм. Еудийлерден бир зарар келювинден къоркъам. Анджакъ, башкъа чаремиз де ёкъ,» - деди.

Варлыкъ Нуры иле эмджесининъ арасында олып кечкен субет, Азрети Хатиджеге етишкенинен:

« -Мен Мухаммеднинъ буны истейджегини бильмей эдим!» - деди. Аман Алемлернинъ Эфендисине хабер ёллайып, башкъаларына бергенинден даа зияде уджрет къаршылыгъанда тиджарет малыны Шамгъа алып кетмесини теклиф этти.

Зира, Азрети Хатидже, Эфендимиз -салляллаху алейхи ве селлемнинъ сонъ дередже ишанылгъан, догъру сёзлю ве гузель ахлякъ саиб бири инсан олгъаныны чокъ яхшы биле эди. (Ибн-и Хишам, I, 203; Ибн-и Сад, I, 129; Ибн-и Кесир, *эль-Бидае*, II, 297).

Хидает нуры Эфендимиз -салляллаху алейхи ве селлем, Хатидженинъ ярдымджысы Мейсере иле бирликте ёлгъа чыкъты. Азрети Хатидже Мейсереге:

«Мухаммедге ич бир хусуста итираз этме! Сёйлегенлерининъ ич бирине къаршы чыкъма!» – деп, тенбиеде булунды.

Ёлда мал юклю девелерден экиси ёрулып, артта къалгъанынен, Мейсере девелернинъ вазиятинден къоркъты. Чапаракъ Фахри Кяинат Эфендимизнинъ янына барып, вазияттен хабер берди. Сервер-и Алем Эфендимиз эллерини девелернинъ аякълары узерине къойып, сыйпагъан сонъ, девелер чапмагъа башладылар ве бокюререк, кervаннынъ огюне кечтилер.

Кервандакилер буны корьгенлеринен, Эфендимизнинъ хизметине ве оны къорчаланмасына чокъ дикъкъат косьтердилер. (Диярбекрий, I, 262).

Султануль-Энбия -алейхи экмелют-техая- Эфендимиз, аяты боюнджа тиджарий мунасебетлердеки ортакъларына ве дигер инсанларгъа нисбетен сонъ дередже дюрюст даврагъандыр. Бир кимсеге сёз бергенде, оны не фияткъа олса-олсун, ерине кетиргендир. Ибн-и Аббас -радиаллаху анхума-, Эфендимизнинъ аятыны энъ индже нокъталарына къадар бильген бир киши оларакъ, бойле деген:



«Расулюллах -салляллаху алейхи ве селлем- бир шей сойлегенинде, оны муакъкъакъ япар эди.» (Бухари, Шехадат, 28).

Саиб бин Эбис-Саиб -радиаллаху анх- да бойле анълатмакътадыр:

«Аллаһ Расулининъ янына бардым. Асхаб-ы Кирам мени макътамагъа ве акъкъымда гузель шейлер айтмагъа башладылар. Расулюллах -салляллаху алейхи ве селлем-:

«Мен оны сизден даа яхшы таныйым!» - буюрды.

Мен де бунынъ узерине:

«Догъру сёйлединъ! Анам, бабам санъа феда олсун. Сен меним ортагъым эдинъ, эм де не яхшы ортакъ эдинъ! Не къаршы къояр эдинъ, не де мунакъаша этер эдинъ!» - дедим.» (Эбу Давуд, Эдеб, 17/4836; Ибн-и Мадже, Тиджарет, 63).

Онъа эль-Эмин ве эс-Садыкъ сыфатларыны бердирген пек чокъ адисе ве мисаллерден бирини Абдуллах бин Эбиль-Хамса -радиаллаху анх- бойле анълата:

«Пейгъамберликтен эвель Расулюллах -салляллаху алейхи ве селлем- иле бир алыш-вериш япкъан эдим. Онъа борджландым, бираз беклесе, аман кетиреджегиме сёз берип, о ерден айырылдым. Факъат берген сёзюмни унуткъаным. Анджакъ учъ кунъ сонъ, берген сёзюмни хатырлап, анълашкъан еримизге бардым, оны о ерде беклеген вазиетте корьдим.

Эминлик ве садакъатнынъ аддине барылмаз уфкъынынъ зирвесинде олгъан Расули зи-шан -салляллаху алейхи ве селлем-, мени азарламайып, садедже:

*«Эй, деликъанлы! Манъа захмет бердинъ! Учъ кунъдир мында сени беклейим,»* - деди. (Эбу Давуд, Эдеб, 82/4996).

Онынъ даа нубуввет кельмеден эвель косътергени бу ве бунъа бенъзеген ульвий хусусиетлер, бир-биринден гузель, ибретли ве икметлидир. Затен, булар анджакъ бир пейгъамбер намзетинде корюне билир эди.

Аллаһ Таала тилесе эди, Хабиб-и Эдибине балалыгъындан итибарен рызыкъ пешинде къошмадан, бир аят яшата билир эди. Факъат икмет-и иляхий, Аллаһ Расулининъ озъ эль эмегинен рызкъыны къазанаракъ, аятыны девам эттирмесини ве умметине орьнек олмасыны истегендир.



## АЗРЕТИ ПЕЙГЪАМБЕРНИНЪ ЯШЛЫГЪЫ

Бунынъ ичюн, Пейгъамбер -салляллаху алейхи ве селлем- де:

*«Ич бир кимсе асла озъ къазанчындан даа хайырлы бир рызыкъ аша-  
магъандыр», буюргъанлар. (Бухари, Бую, 15; Энбия, 37).*

Айрыджа, инсанларгъа ребер оладжакъ бир шахсиет кечимини, этра-  
фындакилернинъ береджек бахшыш ве эдиелерге багълы къалынджа, да-  
васынынъ инсанлар назарында ич бир тюрлю къыймети олмаз.

Затен, Аллах бутюн пейгъамберлерине:

وَمَا أَسْأَلُكُمْ عَلَيْهِ مِنْ أَجْرٍ إِنْ أَجْرِيَ إِلَّا عَلَى رَبِّ الْعَالَمِينَ

**«Бунъа къаршы сизден ич бир уджрет истемейим. Меним эд-  
жримни береджек анджакъ алемлернинъ Раббидир»,** демелерини  
эмир эткен. (эш-Шуара, 109, 127, 145, 164, 180; Юнус, 72; Худ, 29).

Шаир бойле дер:

*Кимсенинъ лютфине олма талиб,  
Бедели – джевхер-и урриеттир.*

Хабиб-и Экрем -салляллаху алейхи ве селлем- исе, озъ къазанчынен  
аятыны девам эттиргени ичюн, инсанларнынъ энъ урь ве энъ сербести эди.

### Рахип Настуранынъ Тесбити

Азрети Пейгъамбернинъ ичинде булунгъан тиджарет керваны, Шам  
топракъларындан Бусрагъа кельген эди. Салляллаху алейхи ве селлем  
Эфендимиз Бусра базарында рахип Настуранынъ монастыры якъынла-  
рында бир зейтун тереги астында къонакъладылар. Настура Мейсерени  
таный эди. Онъа:

«Эй, Мейсере! Шу терекиннъ алтындаки зат кимдир?» - деп сорады.

Мейсере:

«Бу Къурейш къабилесинден бир заттыр!» - деди.

Рахип:

«Козълеринде бираз къырмызылыкъ бармы?» – деп сорады.

Мейсере:



«Эбет, козылеринде девамлы кырмазылык булуң!» - деди.

Настура:

«Иште О, пейгъамберлернинъ сонъкисидир! Кешке мен онынъ пейгъамбер оларакъ ёлланыладжакъ замангъа етише бильсе эдим!» - деди. (Ибн-и Сад, I, 130-156; Ибн-и Кесир, *эль-Бидайе*, II, 297-298).

Керван Меккеге къайтмакъ узьре Бусрадан чыкъты. Мейсере, сыджакъ шиддетленген вакытларда, эки мелекнинъ Пейгъамбер Эфендимизни кунештен кольгелендиргенине корьди. Нетиджеде буюк бир кярнен Меккеге къайттылар. (Ибн-и Сад, I, 130, 156-157)

### Азрети Хатидже иле эвилиги

Мейсере, Шам ёлдулугъы эснасында корьгени аলেখусус вакъияларнен, Пейгъамбер Эфендимизнинъ сурет ве алларыны, къайтып кельгенде Азрети Хатиджеге тафсилатлы бир шекильде анылатты. Буннынъ узерине Хатидже валидемиз де Алемлернинъ Эфендисини иле эвленмеге истеди.

Азрети Хатидженинъ аркъадашы Нефисе бинт-и Умеййе, бу эвилигининъ насыл олгъаныны бойле анылатыр:

«Хатидже бинт-и Хувейлид беджерикли, гъайретли, сагълам характерли ве шерефли бир ханымдыр. Къавмининъ эркеклери онынънен эвленмек ичюн джан атар эди. Лякин Азрети Хатидже, Фахри Кяинат-салляллаху алейхи ве селлем- Эфендимизнинъ характер ве шахсиетине хайран эди. Азрети Мухаммед -алейхисселям- Шам тиджаретинден къайткъан сонъ Хатидже, озюнен эвленмек истейип истемейджегини аныламакъ макъсадынен мени Онъа йиберди:

«Эй Мухаммед! Сен не ичюн эвленмейсинъ?» деп сорадым.

«*Мадди имкяным ёкъ экенде насыл эвлене билирим?*» деди.

«Эгер имкянынъ олса мал, шереф ве гузеллик саиби бир къадыннен эвленирсинъми?» деп сорадым.

«*Ким бу къадын?*» деди.

«Хатидже!» дедим.

«*Санъа коре бу мумкюнми?*» деди.



«О ерини манъа быракъ!» дедим.

«О алда, мен де сенинъ дегенини япарым!» деди.

Аман кетип вазиятни Хатиджеге бильдирдим.» (Ибн-и Сад, I, 131)

Азрети Хатидже, Нефисе Хатуннынъ муджеси узерине Расули Экрем -салляллаху алейхи ве селлем- Эфендимизге эвlenme теклифинде булунды. Алемлернинъ Эфендисе бу вазиятне эмджеси Эбу Талибге хабер берди. Эбу Талиб, Азрети Хатидженинъ эмджеси Амр бин Эседге кетти ве къудалыкъ этти.

Эбу Талиб ве Азрети Хатидженинъ эмдже огълу Варакъа бин Невфель, къаршылыкълы никях хутбеси окъудылар. Даа сонъра Амр, аякъкъа турып:

«Эй Къурейш джемааты! Шаат олунъыз ки мен Хатидже бинт-и Хувейлидни Мухаммед бин Абдуллахкъа никяхладым!» деди. (Диярбекри, I, 264; Якуби, II, 20)

Расулюллах -салляллаху алейхи ве селлем- Азрети Хатиджеге мехир оларакъ 20 дане яш деве берди. (Ибн-и Хишам, I, 206; Ибн-и Эсир, *Усдуль-гъабе*, I, 23)

Варлык Нуры, эвленгенинде 25 яшларында эди. Шерефли ханымы Азрети Хатидже, малы ве джаны иле Онъа янъы бир кучъ къайнагъы олды. Бахытлы къадын Азрети Хатидже, Варлыкъ Нурындан он беш яш буюк, балалы-чагъалы ве тул бир къадын эди.

Шерефли бир къорантагъа менсюп олгъан Азрети Хатиджеге, юксек ахлякъы себебинден, Ислямдан эвель «Афифе» ве «Тахире», Ислямдан сонъра да, «Хатиджетуль-Кубра» денильген эди. (Ибн-и Сад, VIII, 14-15.)

Аллах Расули -салляллаху алейхи ве селлем-: «(Ахиретнинъ) энъ хайырлы къадыны Меръем бинти Имрандыр. (Дюнъянынъ) энъ хайырлы къадыны исе, Хатидже бинти Хувейлиддир», деп буюргъан. (Бухари, Менакибуль-Энсар, 20; Муслим, Фезаилуль-Сахабе, 69).

Расулюллах -салляллаху алейхи ве селлем-нинъ бу эвлилигинден, онынъ нефсаний арзу-истеклерине мейиль берген бир инсан олмагъаныны, атта оларгъа ичде дегер бермегени анълашыла. Ойле олса эди, Аллаһ Расулининъ озюнден буюк, тул бир къадыннен дегиль, даа яш бир кимсеге эвленмеси керек олып эди. Анджакъ, Аллаһнынъ Расули эвленеджек

къадында яшлыкъ, гузеллик киби фаний шейлер ерине, шеревф, фазилет ве ахлякъ киби ульвий сыфатлар арагъан.

### Аллаһ Расулининъ бирден зияде эвленюви ве бунынъ икметлери

Расулюллах -салляллаху алейхи ве селлем- элли беш яшларындан сонъ бирден чокъ къадыннен эвленгендир. Онынъ эр бир эвлигиининъ пек чокъ себеп ве икметлери бар. Дженабы Хакънынъ:

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُو اللَّهَ  
وَالْيَوْمَ الْآخِرَ وَذَكَرَ اللَّهَ كَثِيرًا

«Ант олсын ки, Расулюллах, сиз ичюн, Аллаһкъа ве ахирет кунюне къавушмакъны умуот эткенлер ве Аллаһны чокъ зикр эткенлер ичюн, гузель бир орынектир.» (эль-Ахзаб, 21.) деп такъдим эткен бир инсан акъкъында, су-и-занда булунмакъ ве атта ифтиралар атмакъ, джаилликтен башкъа, фена ниет ве динден узакъ булунмакънынъ аляметидир.

Зира Раббимиз, бизге Севимли Пейгъамберимизни эр бир хусуста орынек косьтергендир. Буларнынъ энъ башында кельгени ве энъ муими аиле аятыдыр. Биз бу ерде Пейгъамберимизнинъ эвлилик аятынынъ бутюн сааларыны ве дигер бутюн ханымларыны аньлатаджакъ дегильмиз. Бу, бир инсан оларакъ бизим кучюмизнинъ устюнде оладжагъы киби, сатырларымыз да бунынъ ичюн етмез. Ялынъыз бу эвлиликлернинъ белли башлы васыфларыны сайсакъ етерли ве догъру бир къанаатке эришермиз.

— Расулюллах -салляллаху алейхи ве селлем- яшлыкъ девринен алякъалы иффет ве намустан башкъа бир шей билинмемектедир. Бу, Мекке халкъы тарафындан къоюлгъан «Эль-Эмин»<sup>65</sup> исминде къолай аньлашыла билir. Кене мушриклер, Пейгъамбер олгъаныны сойлегенинден итибарен, вефат эткенге къадар, ич бир вакъыт Аллаһ Расули акъкъында бойле чиркин бир ифтирада булунмагъанлар. Пейгъамбер Эфендимиз, Мекке деври боюнджа бир кере эвленген. Азрети Хатидже анамызнен олгъан бу эвлилик вакътында Пейгъамберимиз 25 яшында, Азрети Хатидже анамыз да 40 яшында, тул ве эвлят саиби эди. 25 йыл девам эткен бу эвлилик

65 Эль-Эмин – ишанчлы, эмниетли, эмин киши. Пейгъамбер эфендимизнинъ лакъабы.



аяты боюнджа Аллах Расули башкъа бир къадыннен эвленмеди. Албуки, арапларнынъ урф-адетлеринде башкъа къадынларнен эвленмесине изин бар эди.

– Пейгъамберимизнинъ экинджи эвлилиги Хатидже анамызнынъ вефатындан сонъ, кене ихтияр ве тул бир къадын олгъан Азрети Севденен олды. Азрети Севденинъ къоджасы, Хабешистан иджретинден сонъ, о ерде вефат эткен ве Азрети Севде ялынъыз къалгъан эди. Акърабалары да мусульман олгъаны ичюн, онъа баскъы япа эдилер. Пейгъамбер Эфендимиз, ялынъыз къалгъан бу мухтереме ханымны къувандырмакъ макъсадынен онынънен эвленген.

– Мединеге иджретнен яп-янъы бир девир башламакъта эди. О, -салляллаху алейхи ве селлем- бир Пейгъамбер олмакънен берабер, янъы къурулгъан девлетнинъ башы ве къоманданы эди. Девирлерге ве эр чешит инсанларгъа даветини энъ гузель шекильде етиштирмеси керек олгъан бир тербиеджи эди. Бу васыфларнынъ эвлиликлерине де тесир эткени, чокъ къолай бир шекильде фаркъ этилир. Онынъ эвлиликлери диний, ичтимаий, икътисадий ве ахлякий бир чокъ себеп ве икметлерге эсаслана эди.

– Пейгъамберимизнинъ къадынлары арасында ялынъыз Азрети Айше яш ве бакире эди. Яшы кучюк олгъанына бакъмадан, чокъ зекый ве анълайышлы олгъан Айше анамыз саесинде, къадынларгъа аит фыкъхий къаиделер огрениледжек, Пейгъамберимизнинъ вефатындан тахминен элли-алтмыш йыл кечкенге къадар бу фыкъхий меселелер биринджи агъыздан асхаб-ы кирамгъа, оларнынъ къадын ве къызларына, атта торунларына етиштириледжек эди. Салляллаху алейхи ве селлем Эфендимиз: *«Динимизнинъ учте бирини Айшенинъ эвинден огренинъ!»* (Дейлемий, II, 165/2828) буюраракъ, бу акъикъяткъа ишарет эткен. Чюнки, Пейгъамберимизден энъ чокъ хадис ривает эткен (муксирун) 7 адамдан бири Азрети Айше, 2210 хадис ривает эткендир. Булардан 194-и эм Бухари, эм де Муслим тарафындан бирликте (Муттефекъун алейх оларакъ) икяе этильген.

Айрыджа, Расулюллах –салляллаху алейхи ве селлем-, саесинде, бу эвлилик весилесинен, достлукълары чокъ эвеллерден башлангъан, Азрети Эбу Бекирнен бир акърабалыкъ багъы да къураджакъ эди.

– Тыпкъы бу ёлнен, Пейгъамберимиз Азрети Умернинъ къызы Азрети Хафса иле эвлилигинде де, бу акърабалыкъ багъыны козьде тут-

къан эди. Азрети Омер, къоджасы Бедирде яраланып шейт олгъан Хафса валидемизни, сырасынен Азрети Эбу Бекир ве Азрети Османнен никях-ламакъ истеген, факъат оларнынъ бу теклифи къаршылыкъсыз къалдырылгъаны ичюн, ынджынгъан эди. Ниает, иджретнинъ учюнджи йылында Пейгъамберимиз Азрети Хафсанен эвленди. Ве бу эвлилик эски достларнынъ арасыны да тюзельтти.

– Пейгъамбер Эфендимизнинъ Азрети Зейнепнен эвлиликке исе, энъ чокъ тартышылгъан ве пек чокъ икметлери олгъан бир эвлиликтир. Чюнки, Пейгъамберимиз, аласынынъ къызы Зейнепни, онынъ чокъ гонгли олмагъанына рагъмен, азат къулы Зеиднен эвлендирген ве, бойледже, «зенгин-факъыр, асиль-къул» айырувыны йыкъып, инсанларнынъ бир таракънынъ тишлери киби олгъаныны, энъ якъын инсанлар вастасынен косътерген. Даа сонъра бу эвлилик, Зейнеп валидемизнинъ ве сой-сопла-рынынъ исрарлы къаршы чыкъмаларынен даянылмайджакъ алгъа кельген эди. Къоджасы Зейд, айырылмакъ ичюн Аллах Расулине япкъан мураджааты нетиджесиз къалгъан эди. Анджакъ, Зейд бу алгъа даянамайып, сонъунда Зейнептен айырылгъан эди.

Даа сонъра кунълернинъ биринде назиль олгъан аетлерде (эль-Ахзаб, 37) аласынынъ къызы Зейнепнен Пейгъамбер Эфендимизнинъ эвленюви эмир этильген. Бойлеликнен Пейгъамберимиз, джахилие деврининъ «эвлятлыкънынъ къадынынен эвленмек ясагъы»ны, бу татбикъатнен ортадан къалдыргъан ве «озъ эвлят»нен «эвлятлыкънынъ» бир-биринден фаркълы олгъаныны ортагъа къойгъан.

Бу адисе акъкъында «Азрети Пейгъамбер Зейнепнинъ гузеллигине мефтун олып, онынънен эвленгендир» шеклинде эмиш-демишлер шу хусусларны коръмезден кельмектедир:

а) Зейнеп, Пейгъамберимизнинъ аласынынъ къызыдыр. Балалыгъындан берли оны дефаларджа коръген.

б) Пейгъамберимиз, Зейд иле эвлендирмеден эвель эвлилик теклиф этсе, Зейнеп валидемиз буны севе-севе къабул этер эди ве эвленмесине де, ич бир мания ёкъ эди. Аксине, Варлыкъ Нуры, оны башкъа бирисинен эвлендирди ве Зеиднинъ айрылма талапларыны да дефаларджа ред эткен эди.

Къыскасы, Ислям укъукъынынъ базы къаиделери, Пейгъамбер –салляллаху алейхи ве селлем-нинъ уйгъуламасына бинаен къурулмасы





ичюн ве бу къаиделер акъкъында диний бир делиль олмасы ичюн бутюн бу вакъиалар олмасы керек экен.

– Хайбердеки Еудий буюгининъ къызы Сафие валидемизнен эвлилиги исе, еудийлернен мевджут мунасебетлерни, бир акърабалыкъ багъы къуураакъ тюзельтмек ичюндир. Яни сиясий бир гъаеге багълыдыр.

– Бир къабиле буюгининъ къызы олгъан Джувейрие –радиаллаху анха- нен эвлилиги де бинълернен дженк эсирининъ бир анда урриетке къавушмасына ве бу весиле иле хидаетлерине себеп олгъандыр.

– Аллах Расулининъ Эбу Суфьяннынъ къызы Умму Хабибенен эвлилигинде исе, бу дертли мумине ичюн бир лютфтир. Зира, Умму Хабибенинъ къоджасы Хабешистанда динден дѣнген ве озю де чокъ къыйын шартлар алтында къалгъаны алда, динини къорчалагъан ве о заман Меккенинъ лидери олгъан бабасы Эбу Суфьянгъа мураджаат этмеген эди. Пейгъамбер -салляллаху алейхи ве селлем- Эфендимиз оны имаесине алып, онынънен эвленген ве бу шекильде оны имаесиз къалуудан къуртаргъан. Айны вакъытта бу эвлилик себебинден, Мекке мушриклеринен мусульманлар арасындаки душманлыкъ да азалгъан эди.

Расули Экрем, ялынъыз шехветий арзуларыны къандырмакъ ичюн эвленген олса эди, Мединеде мухаджир ве энсарларнынъ етишкен ве чокъ дюльбер къызлары бар эди. Эр мусульман, къызыны Пейгъамберге бермекни шериф саяр, къызлар да «Пейгъамбер зевджеси» ве «мусульманларнынъ анасы» олмагъа джанларыны берир эди. Факъат Расули Экрем бу ёлгъа ич мураджаат этмеген эди.

Иште, бутюн бу ве бунъа бенъзеген бир чокъ диний, ахлякий, ичтимай ве сиясий себеplerден ве Ислям укъукъында къадынларны алякъадар эткен хусусларда етерли дереджеде бильгили, теджрибели, пишкин инсанларгъа олгъан ихтиядж себебинен, Аллах Расули Дженабы Хакънынъ изини ве эмиринен, бирден зияде къадынгъа эвленгендир.

Зира, базы фыкхий меселелерде ялынъыз бир къадыннынъ къанааты етерли олмай. Бутюн икълим, тарих ве заманларны ичине аладжакъ олгъан Ислямнынъ, хусусан, къадын ве аиленен багълы укъукъ къаиделери бир инсандан там оларакъ бизге келип етамаз эди. Бунынъ устюне о къадыннынъ Пейгъамбер -салляллаху алейхи ве селлем- Эфендимизден эвель вефат этмейджеги хусусында да, кимсе кефиллик бералмаз эди. Бу

ал исе, Ислямда къадын укьукьынынъ там манасынен мейдангъа келип оламайджагъыны косьтере эди.

Пек чокъ меселе бар ки, къадынлар буны эркектен сорамагъа ута-ныр; факъат айны меселени бир апайгъа раатлыкьнен сорар. Бу себеппен Ислям джемиетининъ эр вакъыт етишкен, бильгили, мусульман къадын-ларгъа ихтияджы бар. Аджеба Пейгъамбер -салаллаһу алейхи ве селлем-нен бирликте яшагъан, меселелерни догъру Ондан огренген ве Онынъ ильтифатлы назарларына мухатаб олгъан зевджелеринден даа бильгили бир къадын олурмы?

Бутюн булардан башкъа, бу къадынларнынъ зухд ве такъва<sup>66</sup> аятлары бизге ве балаларымызгъа энъ гузель орьнектир.

«Расулюллах -салляллаху алейхи ве селлем-нинъ чокъ эвлилиги шимдики инсанлар ичюн бир орьнек олурмы?» шеклинде бир суаль берильсе, бунъа бойле джевап бериле билир:

Пейгъамбер Эфендимизнинъ озь шахсынен алякъалы базы дав-ранышлары, умметине мисаль дегильдир. Чюнки О, бир диннинъ ильк темсильджиси, къуруджусы, уйгъулайджы ве Аллаһнынъ эльчиси ола-ракъ чокъ фаркълы бир мертебеде эди. Бу себеппен, башкъа инсанлар-дан фаркълы бир шекильде ялынъыз, озюне хас оларакъ, эр гедже текед-жудке турмасы фарз къылынган. Бир къач кунъ ифтар этмейип, ораза тутмасына (савм-ы висал) изин берильген, О ве къорантасынынъ зекят къабул этмеси ясакъланган эди. Бутюнлей диний, ичтимаий ве сиясий себеплерден япкъаны 4-тен зияде эвлиликлер де, Ислям алимлерининъ бераберликте къабул эткенлерине коре, умметине орьнек дегильдир.

Теаддуд-и зевджат<sup>67</sup> акъкъында динимизнинъ укюмине кельгенде:

Эвеля шуны ифаде этмек керек ки, чокъ эвлиликни Ислям башлат-магъан, анджакъ мевджут низамгъа, белли сынъырлар къойган ве тю-зельткендир. Ислямдан эвель, эвлиликте сайы оларакъ сынъырлав ёкъ эди. Ислям буны эсас къаиде оларакъ «дёрт»нен сынъырлагъан. Адалетнинъ темин этильмейджегинден сакъынгангъа исе, «бир» къадыннен эвлен-мекнинъ даа яхшы олгъаныны бильдирген.

66 **Зухд** – алчакъ гонъюллилик, я да дуньядан вазгечмек, дунья нийметлерине эмийт бер-мемек. **Такъва** – Аллах къоркъусы.

67 **Теаддуд-и зевджат** – бирден чокъ къадыннен эвленмек.



Экинджиси, дёрт къадыннен эвленмек, бутюн муминлер ичюн бир «эмир» дегиль, базы алларда танылгъан бир рухсеттир.<sup>68</sup> Бу рухсет, дженк, хасталыкъ, сакъатлыкъ, узун заманлы айрылыкълар, имаете ве башкъа бир чокъ себеп нетиджесинде къоранталарнынъ парчаланмамасы, къадынларнынъ саипсиз ве хамийсиз къалмамасы ичюн тадбикъ этильмектедир. Месея, бала догъурмагъан я да физик-биологик оларакъ догъурамайджакъ бир къадыннен эвленген бир киши, о къадыннен айрылмайып, экинджи бир къадын даа ала билир. Бойле заруретлер девам этмесинен, къоранталар чокълаша биле, амма бу сайы «дёрт»нен сынъырлангъандыр. Бойледже, бир къорантанынъ йыкылувындан чыкъаджакъ маддий ве маневий зарарлар энъ азгъа тюшюрьлген.

Актыкъатен дженк корьген бир мемлекетте, бирден чокъ эвриликини тешвикъ этмек, азалгъан сайыны чокълаштырмакъ ве фаишликнинъ огюни къапатмакъ ичюн, бир зарурет алына келе билир. Бунынъ мисаллери кечмиште корюльгени киби келеджекте де ортагъа чыкъа билир. Инсан огълу яшагъан вакъытча онынъ саадет ве селяметини темин этмекнен мукеллеф олгъан Ислямда, бу шекильде кечиджи себеплернинъ ортагъа чыкышынен, кечиджи укюмлернинъ тадбикъ имкяны, бу «рухсат»лар ёлунен ачылгъандыр. Бу къаиденинъ аятны раатлаткъан ве табиий шекильде девам этмесине себеп олгъан тесири, ялынъыз эврилики ичюн дегиль, эр саада кечерлидир.

Иште бу кейфийет, Ислямнынъ эр вакъыт ве эр ерде аятый заруретлерни къаршылай биледжек бир васыфта олгъаныны косътермектедир.

Бирден чокъ (дёртке къадар) эвленген эркеклерге де къадынлары арасында «адалетни темин этмек» вазифеси юкленгендир. Акс алда, Аллахнынъ азабындан хабердар этильгенлердир. Чюнки, аети керимеде:

وَإِنْ خِفْتُمْ أَلَّا تُقْسِطُوا فِي الْيَتَامَىٰ فَانكِحُوا مَا طَابَ لَكُمْ مِنَ النِّسَاءِ مَثْنَىٰ وَثُلَاثَ

68 Эльмалылы Мухаммед Хамди Эфенди бу хусусны бойле ачыкълар: «Бирден чокъ къадыннен эвленмеге келиндже: Бунынъ эсас итибарынен ялынъыз бир рухсет олгъаны ве мубах кылынган корюнмектедир. Акъсызлыкъ этиледжек олса исе мекрух оладжагъы хусусунда да сойленеджек бир сёз ёкыт. Бунынънен берабер ает, бирден чокъ къадыннен эвленменинъ базен мендуб ве атта ваджип олгъаныны бильдирмектен де узакъ дегильдир. Буны да истер эркеклер ве истер къадынлар ичюн фухуш ве зина къоркъусынынъ оладжагъы алларда арамакъ керек.» (Хакъ Дини Къуран Дили, II, 1290).

وَرُبَّاعٍ فَإِنْ حِفْتُمْ إِلَّا تَعْدِلُوا فَوَاحِدَةً أَوْ مَا مَلَكَتْ أَيْمَانُكُمْ  
ذَلِكَ أَذْنَىٰ إِلَّا تَعُولُوا

«Эгер (велиси олгъаныңыз мал саиби) етимлеринъизнинъ акъ-ларына риает эталмамакътан къоркъсанъыз (оларнен эвленменъиз де), бегенгенинъиз башкъа къадынлардан экишер, учер, дёртер ханым никяхланъыз. (Амма эгер) акъсызлыкъ япмакътан къоркъсанъыз, бир дане алынъыз; я да саип олгъан (джариелеринъиз)нен къанаатленинъиз. Бу, адалеттен айырылмаманъыз ичюн энъ уйгъуныдыр», буюргъандыр. (эн-Ниса, 3)

Башкъа бир аети керимеде де:

وَلَنْ تَسْتَطِيعُوا أَنْ تَعْدِلُوا بَيْنَ النِّسَاءِ وَلَوْ حَرَصْتُمْ فَلَا تَمِيلُوا كُلَّ الْمِيلِ فَتَدْرُواهَا  
كَالْمُعَلَّقَةِ وَإِنْ تُصْلِحُوا وَتَتَّقُوا فَإِنَّ اللَّهَ كَانَ غَفُورًا رَحِيمًا

«Не къадар узерине тюшип огърашсанъыз да, къадынлар арасында адиль давранмагъа кучъ етиштиралмазсынъыз; бунынъ ичюн бирисине тамамен къапылып да, дигерини унутылгъан оларакъ быракъманъ. Эгер араны тюзельтир, гунахтан сакъыныр исенъиз, Аллаһ шубесиз, чокъ багъышлайыджы ве мерхаметлидир», буюргъандыр. (эн-Ниса, 129)

Пейгъамбер Эфендимиз де:

«Бир эркекнинъ никяхында эки къадын олып да, араларында адалетли олмаса, къыямет кунюнде бир тарафы фельдъж оларакъ тирильтилир», буюргъан. (Ибн-и Мадже, Ниях, 47)

Бунен берабер, эркекнинъ бирден чокъ эвленмек акъкъыны къулла-нувы, къадыннынъ никях эснасында огте сюреджек шартнен сынъырландыра билир. Бу да къадынларнынъ бир акъкъыдыр<sup>69</sup>. Яратыштаки иляхий гъаени дикъкъаткъа алмадан, ялынъыз тюз бир мантикънен бакъылса, къадыннынъ да бирден чокъ къоджасы олгъаны макъул корюльсе биле, бу догъру дегильдир. Чюнки, бу такъдирде догъаджакъ баланынъ сою

69 Хайреддин Къараман, *Мукъъассели Ислам Укъуъы*, Истанбул, 1996, I, 290.



ихтиляфлы олур. Кимге нисбет этильмеси лязим олгъаны билинемез. Бу себептен **«фуджур»** денильген бу эвлиликке, ич бир дин ве диний олмагъан ич бир укъукъ системасы иджазет бермегендир, Ислямиет де изин бермез. Бундан да гъайры, Ислям, бу сой тайин этювдеки инджеликлер себебинен, къадын къоджасындан айрылгъанда, янғы бир эвлилик япмадан огюне, бир муддет беклеме меджбуриетини къояр. Бугуныкы инсан къанунларнынъ итибаргъа алмагъаны бу акъикъат да Ислям шериатынынъ инсан вакъиасыны энъ догъру бир шекильде дегерлендирип, укюмге багъламасынынъ бир нетиджесидир.

Бутюн бу шартлар козь огюнде тутулса, Ислям, аятнынъ эр саасыны ве эр тюрлю вазиятни тюшюнип, «теаддуд-и зевджат»къа изин бергенининъ икмети анълашыла билir. Керчектен о, ялынъыз сагълам олгъанларнынъ дегиль, къарт ве кучсизлернинъ де, динидир. Ислям, ялынъыз тынч заманларнынъ дегиль, истисналы ве къыйын заманларнынъ да динидир. О, ялынъыз раат заманларнынъ дегиль, сыкъынтыларынен бирликте зор заманларнынъ да, динидир. О, ялынъыз эркекнинъ дегиль, козетильмеси зарур бутюн акълары ве ихтияджларыны къорчалайракъ къадыннынъ да, динидир. Аиленинъ себепсиз ерде йыкъылмасына, бала-чагъанынъ ёкъсуллукъ ве фелякетке огърамасына козь юммайджакъ къадар шахс ве джемиетни тюшюнген, инсанлыкънынъ иффетини ве шерефини къорчалагъан екъане диндир.

### Пейгъамберимизнинъ Зейд бин Харисени азат<sup>70</sup> этип эвлятлыкъкъа алувы

Зейд бин Харисе, секиз яшында экенде Бени Къайн атлы аскерлери тарафындан япылгъан баскъында къачырылып, Укъаз панайырына кетирильген эди. Хаким бин Хизам оны, аласы Азрети Хатидже ичюн дёрт юз дирхемге сатын алды. Алемлернинъ Эфендиси Зейдни коръгенинен:

«Бу къул меним олса эди муакъкъакъ оны азат этер эдим!» Буюрды Азрети Хатидже:

«О заманъ сенинъ олсун!» - деди.

Пейгъамбер Эфендимиз де оны аман азат этти. (Ибн-и Хишам, I, 266; Ибн-и Сад, III, 40)

70 **Азат этмек** – урь быракъмакъ, къуллыкътан урриетке чыкъармакъ.

Зейднинъ бабасы огълунынъ гъайб олгъанына зияде кедерленген ве оны кыдырмагъа чыкъкъан эди. Зейднинъ Меккеде олгъаныны хаджылардан бильгенинен, аман къардашынен берабер келип, Алемлернинъ Эфендисини тапты. Зейднинъ беделини теклиф этип фиат хусусында инсафлы олмасыны истеди. Эфендимиз:

«Бундан башкъа ёлу оламазмы?» - буюрды.

«Недир о?» - дедилер.

Фахри Кяинат-салляллаху алейхи ве селлем:-

«Оны чагъырынъ ве сечювде сербест быракъынъ! Эгер сизни сечсе, ич бир беделъ одеменъизге керекмей! Эгер мени сечсе, Валлахи, меннен къалмакъ истеген кишини быракъмам!» буюрды.

«Сен бизге нисбетен чокъ инсафлы даврандынъ, буюк лютюф ве ихсанда булундынъ!» Деп, мемнюниетлерини косьтердилер.

Зейд исе:

«Валлахи, эй, Эмин! Мен сенден башкъа кимсени сечмем! Сен, мен ичюн ана ве баба макъамындасынъ. Мен анджакъ сенинъ янында къаларым,» - деди.

Баба ве эмджесининъ ялварувларындан сонъ да:

«Мен, бу заттан ойле шейлер корьдим ки, ич бир вакъыт кимсени Онъа денъиштирмем. Ондан ич бир вакъыт айырылмайджам!» - деди.

Варлыкъ Нуры Зейднинъ садакъатыны корьген сонъ, элинден тутып, Кябеге алып барды ве:

«Эй инсанлар! Шаат олунъыз, ки Зейд меним огълумдыр, мен онъа варисим, о да манъа варис оладжакъ<sup>71</sup>» - деп оны эвлятлыкъкъа алды.

Зейднинъ бабасы ве эмджеси буны корьген вакъытларында, гонъюль раатлыгъы ичерисинде мемлекетлерине къайттылар. (Ибн-и Хишам, I, Ибн-и Сад, III, 42).

Зейднинъ къардашы Джебеле бин Харрисе -радиаллаху анх- бойле анълата:

71 О куньден сонъ Зейдге, Зейд бин Мухаммед деп айтылмагъа башланды. Бу ал Ахзаб суресининъ 5 ве 40-нджы аетинден эвлятлыкъ муэссисеси ёкъ этилгенге къадар девам этти.



## АЗРЕТИ ПЕЙГЪАМБЕРНИНЪ ЯШЛЫГЪЫ

«Пейгъамбер –салляллаху алейхи ве селлем-ге келип:

«Эй, Аллахнынъ Расули къардашым Зейдни меннен берабер ёлла», дедим.

«Иште, озю бу ерде. Эгер сеннен кетеджек олса, мен мания олмам», буюрды.

Анджакъ Зейд:

«Эй, Аллахнынъ Расули! Мен сенден башкъа кимсени сечмем,»- деди.

Даа сонъра къардашым Зейднинъ корюшлери менимкинден даа догъру олгъаныны корьдим ве аныладым.» (Тирмизи, Менакиб, 39/3815).

### Эфендимизнинъ Азрети Алини янына алувы.

Эбу Талибнинъ маддий вазияти зайыф, къоранта азалары баягъы чокъ эди. Бу себептен, сыкъынты ичинде эди. Пейгъамбер Эфендимиз эмджеси Азрети Аббаскъа барып:

*«Эмджеджигим! Билесинъ ки, къардашынъ Эбу Талибнинъ къорантасы чокъ къалабалыкъ. Инсанлар къытлыкъ ве ачлыкъ ичинделер, къыйналып туралар. Айды, Эбу Талибнинъ янына кетейик ве онен лаф этейик. Огъланларындан бирини мен яныма алайым, бирисини де сен ал! Бойледже онынъ юкюни аз да олса енгиллештирейик!»* - деди.

Аббас -радиаллаху анх- бу алидженап теклифни къабул этти ве берабер Эбу Талибнинъ янына бардылар. Бу теклифке джевап оларакъ о:

«Акъильни манъа быракъыныз, о бирлеринден истегенинъизни озюнъизге ала билирсинъиз!» - деди.

Бунынъ узерине Мухаммед -aleyхисселям- Алини, эмджеси Аббас да, Джаферни алды.

Азрети Али пейгъамберлик берильгенге къадар, Варлыкъ Нурынынъ янында етишти. (Ибн-и Хишам, I, 264).

### Пейгъамберимизнинъ эвлятлары

Фахри Кяинат -салляллаху алейхи ве селлем-нинъ Азрети Хатиджеден Къасым, Абдуллах, Зейнеп, Рукъийе, Умму Гульсум ве Фатиме дюньягъа

кельди. Биринджи огълунынъ Къасым олгъаны ичюн, Пейгъамбер Эфендимиз -aleyхи-с саяту ве-с селям- ге «Эбуль-Къасым»<sup>72</sup> лагъабы берильгендир.

Къасым эки яшында экенде вефат этти.

Расулюллах -салляллаху алейхи ве селлем-нинъ башкъа огълу Абдуллахкъа, Ислям девринде дюнъягъа кельгени ичюн, Тайиб ве Тахир де деп айтылгъан эди. (Ибн-и Сад, I, 133). О вефат эткенден сонъ, Къурейш мушриклеринден Ас бин Ваил, Пейгъамбер Эфендимиз акъкъында:

«Быракъынъыз оны! О, эбтер, несли девам этмейджек бир адамдыр. Ольгенден сонъ, ады анъылмаз. Сиз де артыкъ ондан къуртулур ве раатлыкъкъа къавушырсынъыз,» - деди.

Бунынъ узерине Аллаһу Таала Кевсер суресини эндириди:

إِنَّا أَعْطَيْنَاكَ الْكَوْثَرَ. فَصَلِّ لِرَبِّكَ وَأَنْحَرْ. إِنَّ شَانِئَكَ هُوَ الْأَبْتَرُ

**(Расулим!) Шубесиз, биз санъа Кевсерни<sup>73</sup> бердик. Шимди сен Раббинъе къуллыкъ эт ве къурбан чал. Шубесиз санъа богъуз эткен, асыл сонъу кесик олгъандыр,»** (эль-Кевсер, 1-3) (Ибн-и Сад, III, 7; Вахиди, с. 494).

Аллаһ Расулининъ огълу кучюк яшта вефат эткен сонъ, Азрети Хатидже -радиаллаху анха-:

«Эй, Аллаһнынъ Расули! Баламнынъ сюти ташты. Кешке Аллаһ онынъ омюрини, сют деврини тамамлагъангъа къадар узатса эди!» - деди. Бунынъ узерине Пейгъамбер –салляллаху алейхи ве селлем-:

«О сют деврини дженнетте тамамлайджакъ!» буюрды.

Азрети Хатидже валидемиз:

«Я Расуляллах! Шает буны (кесен кес оларакъ) бильсе эдим, баланынъ олюми назарымда енгиллешир эди!?» - деди.

<sup>72</sup> Эбу-ль Къасым – Къасымнынъ бабасы. Пейгъамберимизнинъ лакъабы.

<sup>73</sup> Кевсернинъ келиме манасы, чокълукъ, пек чокъ шей, эр шейнинъ чокъу демектир. Кевсер келимеси – пейгъамберлик, Къуран, Ислам, хайыр, бахт, шефаат, намаз ве Пейгъамбер Эфендимиз -салляллаху алейхи ве селлем-нинъ муджизелери оларакъ тефсир этильгендир. Сахих риваетлерге коре Кевсер – Азрети Пейгъамберининъ дженнеттеки хавузыдыр. Къыямет куню бу хавузнынъ янында Азрети Мухаммеднинъ уммети топланаджакъ. (Бухари, Тефсир, 108)





## АЗРЕТИ ПЕЙГЪАМБЕРНИНЪ ЯШЛЫГЪЫ

Фахри Кяинат -салляллаху алейхи ве селлем-:

*«Истесенъ, Аллахъа дуа этейим де, санъа онынъ сесини эшиттирейим», - буюрды.*

Анджакъ Хатиджетуль-Кубра -радиаллаху анха-, теслимиет ве садькълыкъ васфыны бир даа косътерип:

*«Ёкъ, я Расулюллах! Мен Аллах ве Расулини тасдикъ этем (инанам),» - деди. (Ибн-и Мадже, Дженаиз, 27)*

Аллах Расулининъ дёрт кызы бар эди. Энъ буюклери Азрети Зейнеп эди. О догъулгъанда Фахри Кяинат -алейхисселям- отуз яшында эди. Даа сонъ Азрети Рукъийе догъулды (Диярбекри, I, 273-274)

Рукъийеден сонъ Азрети Умму Гульсюм, ондан сонъ да Азрети Фатиме догъулды. Расулюллах -салляллаху алейхи ве селлем- бу вакъытта отуз беш яшында эди ве Кябе янъыдан инша этильмекте эди. (Ибн-и Сад, VIII, 19-26)

Сонъ оларакъ, хиджрий секизинджи йылда Марие валидемизден Эфендимизнинъ огълу Ибрахим дюньягъа кельди. Ибрахимге эбе анайлыкъ япкъан Умму Рафининъ къоджасы Эбу Рафий, догъумны Аллах Расулине мудждеledi. Бу хаберден чокъ севинген Расулюллах -салляллаху алейхи ве селлем- онъа бахшышлар берди. Янындакилерге де:

*«Бу гедже бир огълум догъулды, онъа атам Ибрахимнинъ адыны бердим,» - буюрды. (Муслим, Федаил, 62)*

Ибрахим, он еди я да он секиз ай яшагъан сонъ, вефат этти. (Асри Чубукъчы, ДИА, «Ибрахим» мд. XXI, 273-274)

### Кябеде хакемлик

Меккеде бир сель кечкен эди. Бу сельден Кябе баягъы зарар корьген эди. Бунинъ узерине къабилелер оны тамирлемек ичюн омуз-омузгъа чалыштылар.

Кябени, темелине къадар йыкъып, янъыдан къурмагъа къарар бердилер. Бу сырада, бир гемининъ шиддетли фыртынадан, Меккенинъ якъындарындаки Шуайбе лиманында, къарагъа чарпып парчалангъаны хаберини алдылар. Геми йымшакъ тюз таш, кересте ве темир киби иншаат маль-

земеси ташый эди. Барып гемидеки тахталарны сатын алдылар. Кябени йыкъув ве къурув ишлерини къуранен чекип пайлаштылар.

Къурейшлилер Кябенинъ озьлерине тюшкен тарафларыны йыкъып, янъыдан япмагъа башлайджакъ вакъытларында, Эбу Вехб бин Амр турды ве:

«Эй Къурейш джемааты! Кябенинъ къуруджылыгъына, къазанчларынынъ темиз ве элял олмагъаныны къарыштырманъ! Онъа не арам ёлдан къазанылгъан мал, не фаиз парасы, не де бирисинден акъсыз оларакъ алынгъан пара къошулмасын!»- деди. (Ибн-и Хишам, II, 210; Ибн-и Кесир, *эль-Бидае*, II, 305).

Къурейшлилер, Кябени йыкъсалар азапкъа огърайджакъларындан къоркъкъанлары ичюн, къарарсыз бир алда эдилер. Араплар арасында мевджут олгъан Кябеге нисбетен тазим ве урьмет, Ибрахим -алеихисселям-нынъ шериатындан муафаза этилип келинген бир мукъаддес эманет эди. Къурейш джематынынъ буюклеринден Велид бин Мугъйре:

«Сизнинъ Кябени йыкъувдаки гъаенъиз недир? Яхшылыкъмы, ёкъса яманлыкъмы?» - деп сорады.

«Эльбетте яхшылыкъ!» - дедилер.

Велид:

«Эй, къавым! Сиз Кябени йыкъмакънен оны янъыдан къурмакъ истемейсинъизми? Аллах Таала тюзельтиджиленри эляк этмез!» - деди ве Кябени йыкъмагъа энъ эвель о башлады. Дигерлери де онъа уйдылар! (Абдулразакъ, V, 319).

Кябенинъ диварларыны бир сыра таш, бир сыра да ахшап багълама киришлеринен оррек юксельттилер. Варлыкъ Нуры да Кябенинъ тамирине эмджеси Аббас иле берабер иштирак этти. Сыра Хаджер-и Эсведни ерине къоймагъа кельгенде, эр къабиле бу шерефли вазифени озю япмакъ истегени ичюн, араларында къавгъа чыкты. Араларында серт тартышмалар ве чекишмелер башлады. Меселе асед ве ихтираскъа чевирильди. Аз къалды къан тёкюледжек эди. Абдуддар огъуллары, ичи къан толу бир чанакъ кетирдилер, ольгенге къадар дёгюшмек узъре Адий бин Къаб огъуллары иле анылашма яптылар ве дженклешмеге азырландылар. Еминлерини къуветлендирмек ичюн, эллерини къан толу чанакъкъа батырдылар. Къурейшлилернинъ бу аллары дёрт я да беш гедже девам этти.



Ниает, Къурейшлилернинъ энъ къарты олгъан Эбу Умейе юксек сесле:

«Эй, къавмым! Биз ялынъыз хайыр истемектемиз, яманлыкъ истемеймиз. Сиз бу хусуста къызгъанчылыкъ ярышына кирменъиз. Быракъынъ къавгъаны! Мадем ки, бу меселени озъара чёземедик, Харемнинъ<sup>74</sup> къапысындан ильк киреджек затны арамызда хакем тайин этейик. Укюмине де разы олайыкъ!» - диерек, элинен Месджид-и Харамнынъ Бени Шейбе къапусыны косътерди.

Ве о анда Алемлернинъ Эфендиси, Харемнинъ къапусында корюнди. Эр кесни татлы бир кулюмсеме къаплады. Кельген Мухаммеду-ль Эмин эди.

Чюнки, Пейгъамбер Эфендимиз Къурейшлер арасында яшагъандан берли, кечкен эр бир кунъ, Онъа олгъан севгилери, урмет ве сайгъылары даа да артты. Атта, бир деве сояджакъ олсалар биле, Сервер-и Алем Эфендимизни арар эдилер. О да келип, ишлерининъ берекети ичюн оларга дуа этер эди. (Абдурраззакъ, V, 319; Ибн-и Кесир, *эль-Бидае*, II, 304)

Бу себептен, Къурейшлилер оны корер-корьмез:

«Иште, эль-Эмин! Арамызда Онынъ хакем олмасына разымыз!» - дедилер.

Онъа меселени анылаттылар. О да, эр къабиледен бир киши сечти ве усътюндеки эльбисесини чыкъарып, ерге серди. Сонъра Хаджер-и Эсведни ридасынынъ устюне къойдырып, сечкен адамларнынъ эр бирине бир уджуны туттырды. Мубарек ташны бирликте котердилер. Варлыкъ Нуры да оны озъ эллеринен ерине ерлештирди. Бойледже, къабилелер арасында чыкъа биледжек дженкке мания олды. (Ибн-и Хишам, I, 209-214; Абдурраззакъ, V, 319)

Онынъ бу ферасетли даврануву, ахлякынынъ эришилмейджек мукеммеллиги ве бунынъ киби юксек хусусиетлер, Оны «Султану-ль-Энбия» дереджесине юксельтеджек нубувветнинъ, даа билинмеген аляметлери эди. Бельки, Меккеде догъуп-буюген Мухаммед Мустафа - салляллаху алейхи ве селлем-нинъ небий оладжагъы даа билинмей эди, амма, тевхидден айырылмагъан базы юксек дереджели къуллар тарафын-

74 Харем къапысы - Месджид-и Харамнынъ къапысы.

дан Ахырзаман Небисининъ келеджеги бильмекте ве вакътынынъ якъын-лашкъаны да, ис этильмекте эди. Къусс бин Саиде булардан бири эди.

### Къусс бин Саиденинъ хитабы

Къусс бин Саиде, Ийад къабилесининъ буюги олып, Иса -алейхисселям-нынъ дининде, бир танърыгъа инангъан, шаир бир инсан эди. Онынъ мешур Укъаз ярмалыкъында, араларында Азрети Пейгъамбер -салляллаху алейхи ве селлем- де булунгъан бир джемааткъа якъканы, пейгъамберлер ёлланмасыны анълаткъан шу хитабы чокъ ибретлидир:

«Эй, инсанлар!

Келинъиз, динъленъиз, акъылынъызда тутынъыз; ибрет алынъыз!

Яшагъан олер, ольген чюрюр, оладжакъ олур. Ягъмур ягъар, отлар осер; балалар догъар, аналарнынъ-бабаларнынъ ерини тутар. Сонъра эписи ёкъ олып кетер. Вакъиаларнынъ арды кесильмез; эписи бир-бирини такъып этер.

Дикъкъат этинъ, айткъанларыма къулакъ асынъ! Коктен хабер бар; ерде ибрет алынаджакъ шейлер бар! Ер юзю яйылгъан бир тёшек, кок юзю юксек бир таван. Ёылдызлар юрер, денъизлер токътар. Кельген къалмаз, кеткен кельмез. Аджеба, кеткенлер о ерде мемнюн олгъанлары ичюнми къалалар, ёкъса алы къонулып да, юкъугъа далалар?..

Емин этем, Аллаһнынъ къатында бир дин бар ки, шимди кутъкен динимизден даа севимлидир (Ислям динине ишарет этмекте).

Ве Аллаһнынъ келеджек бир Пейгъамбери бардыр ки, кельмеси пек якъындыр. Онынъ кольгеси башынъыз устуне тюшти. Не гузель о кимсеге ки, Онъа иман этип де, О да онъа хидает эйлее! Вай о бахтсызгъа ки, Онъа исыян мухалефет эйлее!

Языкълар олсын омюрлерини гъафлет ичинде кечирген умметлерге!

Эй, инсанлар!

Гъафлеттен сакъынынъ! Эр шей кечиджидир, анджакъ Дженабы Хакъ бакъыйдыр<sup>75</sup>. Бирдир, ортагъы ве ярдымджысы ёкътыр. Табынладжакъ одыр. О догъмагъан ве догъурмагъан.

Эвель келип-кечкенлерден бизлер ичюн ибрет чокътыр.

<sup>75</sup> Бакъый – къалыджы.



Эй, Ийад къабилеси! Къана, бабаларыңыз ве деделеринъиз? Къана, донатылгъан кашанелер ве таштан эвлер япкъан Ад ве Семуд? Къана, дюнья варлыгына гъурурланып да къавмине «Мен сизнинъ энъ буюк Раббинизим» деген Фираун ве Немруд?

Бу ер, оларны дегирменинде чекти, тоз япты. Кемиклери биле чюрип дагъылды. Эвлери де йыкылып, изсиз къалды. Мемлекетлерини шимди копеклер шеньлендирмекте. Сакъын олар киби гъафлетте олманъ. Оларнынъ ёлуна тюшменъ. Эр шей фаний, анджакъ Дженабы Хакъ бакъыйдыр.

Олюм озенининъ киреджек ерлери бар, амма чыкъаджакъ ери ёкътыр!.. Кучюк-буюк, эр кес кочюп кете. Эр кеске олгъан манъа да оладжакъ.» (Бейхакый, Китабу-з-Зухд, II, 264; Ибн-и Кесир, *эль-Бидае*, II, 234-241; Хейсеми, IX, 418)

Къусс бин Саиде бу гузель сёзлерни сёйлегенде, баас эткен сонъ пейгъамбер Азрети Мухаммед Мустафа -салааллааху алейхи ве селлемнинъ о ерде булунгъанындан хабери ёкъ эди. Бир муддет сонъ да вефат этти. Анджакъ къабилеси, пейгъамберлик кельгенде, келип Аллахнынъ Расулине иман эттилер.

Расулюллах -салляллаху алейхи ве селлем- оларгъа:

*«Къусс бин Саиденинъ, Укъаз ярмалыгъында деве узеринде: «Яшагъан олюр, ольген чюрюр, оладжакъ олур!» диерек хутбе окъугъаны ич де хатырымдан чыкъмаз. Бу хутбени окъуйджакъ кимсе бармы?»* - буюрдылар.

Эйет, о хутбени къабилелеринден аман эр кеснинъ окъуя биледжегини сёйледилер. Алемлернинъ Эфендиси бунъа чокъ севинди.

О ерде булунгъан Эбу Бекир -радиаллаху анх- да:

«Я Расулюллах, о куню мен де о ерде эдим, сёйлегенлерининъ эписи эзберимдедир,» - деди ве хутбени башындан сонъуна къадар окъуды.

Артындан Ийад къабилесинден бириси турып, Къусс бин Саиденинъ шиирлерини окъуды. Бу шиирлерде Пейгъамберимизнинъ сою олгъан Хашимогъуллаарындан буюк бир пейгъамбернинъ чыкъаджагъыны ачыкъча сёйлемекте эди. (Ибн-и Кесир, *эль-Бидае*, II, 234-241)

Расули Кибрия -салляллаху алейхи ве селлем- Эфендимиз, Къусс бин Саиде акъкында бойле буюргъанлар:

*«Аллаһу Таала Къусс бин Саидеге рахмет этсин! О къыямет куню айры бир уммет оларакъ тирильтеджектир!»* (Ибн-и Кесир, *эль-Бидае*, II, 239)

### Хира магъарасында инзивагъа<sup>76</sup> чекилюв

Нубуввет-и Мухаммедиеини<sup>77</sup> мейдангъа кельмеси якъынлашкъан сайын, Расулюллах -салляллаху алейхи ве селлем- сыкъ-сыкъ инзивагъа чекилир ве тевеккюр дерьясына далар эди. Вакъты-вакътынен эвинден чыкъар, Меккеден узакълашыр, сессиз ве сакин ерлерге догъру кетер эди. Бу эснада расткельген тереклер ве ташлар: «эс-Селяму аллейке, я, РасулАллаһ!», диерек оны селямлар эдилер. Фахри Кяинат -алейхи экмелю-т тахийят- Эфендимиз аман этрафкъа бакъар, факъат терек ве таштан башкъа бир шей корьмез эди. (Ибн-и Сад, I, 157) Нитеким Расулюллах -салляллаху алейхи ве селлем-: «Мен Меккеде бир таш билем ки, пейгъамбер оларакъ ёлланылмадан эвель манъа селям берди. Онынъ ерини шимди де билем»- буюрганлар. (Муслим, Фезаиль, 2)

Али -радиаллаху анх- та да шойле анълата:

«Пейгъамбер Эфендимиз иле бирликте Меккеде эдим. Берабер Меккенинъ базы ерлерине кеттик. Дагъларнынъ ве тереклернинъ арасындан кече эдик. Расулюллах –алейхисселям-нен къаршылашкъан бутюн дагълар ве тереклер:

«эс-Селяму аллейке, я РасулАллаһ» дей эдилер. (Тирмизий, Менакиб, 6/3626).

Варлыкъ Нуры Рамазан айларында Хира магъарасында<sup>78</sup> бир ай итиктафкъа<sup>79</sup> чекилир эди. Бу эснада онъа кельген факъыр ве мискин-

<sup>76</sup> **Инзива** – инсанлардан узакъ, ялынъыз къалмакъ.

<sup>77</sup> **Нубуввети Мухаммедие** – Азрети Мухаммеднинъ пейгъамберлиги.

<sup>78</sup> **Хира** – Расулюллах -салляллаху алейхи ве селлем-ге ильк вахий кельген къобанынъ исми. Хира дагъы Меккенинъ шимал-и шаркъында 5 километр узакълыкътадыр. Джебели Нур исминен билинир. Фахри Кяинат Эфендимизнинъ аятында муим бир ер туткъан Хира къобасы, дагънынъ энъ юксек ерининъ бир къач метр ашасындадыр. Бу къоба, асылында усть-устюне йыгъылгъан къая блоклары арасында къалгъан тунель киби бир бошлукътан ибареттир. Қобанынъ агъызындан Кябе корюне эди. Юксеклиги, бир адамнынъ башы тавангъа тиймеден, аякъта тура биледжек къадар, кеньлиги исе, ерге узана биледжек къадар эди. Бу къоба, Кябени сейир эткен ве чевреге аким бир мевкыйде олгъанындан, тюшонджеге далмакъ ичюн пек гузель бир мекян эди. Пейгъамбер Эфендимизден эвель де Меккедеки ханифлер (тек Аллаһкъа табынгъанлар) вакъты-вакътынен Хира дагъына чекиле эдилер. Азрети Пейгъамбернинъ къартбабасы Абдулмутталиб де булардан бири эди. О, Аллаһнынъ барлыкъына, джеза ве мукафат ери оларакъ ахиретнинъ акъ олгънына инангъан, базы вакъытлар Хира дагъындаки магъарагъа чекилип, озюни ибадетке берген эди. (Фуат Гюнел, ДИА, «Хира» мд., XVIII, 121-122).

<sup>79</sup> **Итиктаф** – Рамазан айынынъ сонъ 10 кунюнде, месджитке къапанып чокъ-чокъ ибадет этмек.

лернинъ къарынларыны тойдырыр, ихтияджларыны къаршылар эди. Итикъафтан чыкъкъанда эвине кельмеден эвель, Кябени еди я да даа чокъ дефа таваф этер эди. (Ибн-и Хишам, I, 253-254).

Къавмынынъ путларгъа табынгъаныны корьгенинен, олардан узакъ-лашмакъны, ялынъызлыкъ ве теналыкъны даа чокъ истер эди. Онынъ бу ибадети – тефеккюр этмек ве атасы Ибрахим –алеихисселям- киби, ко-клернинъ ве ернинъ укъумдарлыгъындан ибрет алмакъ ве Кябени сейир этмектен ибарет эди. (Айний, I, 61; XXIV,128)

Расулюллах -алеихиссаяту vessелям- Хирагъа кеткенде ашайд-жакъларыны янына алыр эди. Ашы биткенинен, Азрети Хатидженинъ янына барыр, ашайджакъ бир шейлер алыр, текрар магъарагъа дёнер эди. (Муслим, Иман, 252)

Хирагъа базан да Азрети Хатидженен берабер де бара эди. (Ибн-и Хишам, I, 254)

Фахри Кяинат -алеихи эфдалюссаяват- Эфендимиз ялынъыз къал-гъанда, ышыкълар корер, сеслер эшитир эди. Буларнынъ джин ве кя-хинликке алякъалы шейлер олгъаныны зан этерек къоркъар эди. Азрети Хатиджеге:

«- Эй, Хатидже! Кяхин оладжам деп къоркъам. Валлахи, шу путлар-дан ве кяхинлерден нефрет эткеним къадар, ич бир шейден нефрет эт-мем!»- дер эди, о да:

«- Эй, эмджемнинъ огълу!<sup>80</sup> Ойле деме! Аллах Сени ич бир заман кяхин япмаз!..» -диерек, Ону теселли эте эди. (Ибн-и Сад I, 195)

Расулюллах -салляллаху алейхи ве селлем-нинъ инзивагъа чекилип, Рабби иле берабер олгъаны Хира, урлукънынъ топракъ астындаки мадже-расына бенъзей. Бу ер, инсаниетке эбедиен сыр оларакъ къаладжакъ, бир яратылыш мекаяндыр. Иманнынъ урлукълары бу ерде сачылгъан, инса-ниетке эбедий бир нур олгъан Къурани Керим кене бу ерде инсаниетке эдие этильмеге башлангъандыр.

Азрети Пейгъамбер –салляллаху алейхи ве селлем-ни о къобагъа ёл-лагъан себеплер – инсанларнынъ сапыкълыкъ, зулум ве ашшалыкъларын-

80 «Эмджемнинъ огълу», «Къардашымнынъ огълу» киби табирлер араплар арасында кениш къулланылгъан хитап тарзларыдыр. Акърабалыкътан мейдангъа кельген бир багъны чокъу заман ифаде этмез эди.

дан Онынъ гонълюне акс эткен аджылар ве бутюн алемни ичине алгъан мерхамети эди. Акъикъатте исе, инсаниетке эбедий бир нур Къураннынъ, Аллаһ къатындан Мухаммеднинъ темиз къальби вастасынен инсан анълайышына чевирильмеси ичюн бир азырлыкъ саифеси эди. Бу вазият, юк-сек джерьяннынъ топракъламасына бенъзер ки, Аллаһ иле Онынъ Хабиби арасында гизли бир сыр оларакъ къалмасы, козьлерден узакъ бир къобада мейдангъа кельмеси керек эди. Сырадан къуллар ичюн зорлугъына даянамакъ имкянсыз олгъан вахийнинъ агъыр юкюни ташымакъ хусусында, яратылышындаки истидатны ачыкъкъа чыкъарув мевсими эди. Тыпкъы хам демирнинъ ичиндеки истидат иле челиклеشمеси киби...

Бу сырнынъ худудыны анъламагъа тырышкъан тюшондже ве оны анълатмагъа тырышкъан сёзлернинъ, дагъылып, парчаланмайджагъыны тасавур этмек мумкюн дегильдир.

Расули зи-шан -алейхиссалату весселям-нынъ Хирада инсанлардан узакъ турмасы ве даа сонъки девирлерде низамлы оларакъ япкъаны итикъафларындан шуны анълаймыз ки, бир мусульман не къадар ибадет этсе этсин, базан инсанлардан узакъкъа чекилерек, нефсини эсапкъа чекип, киянаттаки иляхий къудретнинъ акъышларыны тюшонмеден там манасы иле олгъунлыккъа иришемез. Бу эр муминнинъ япмасы керек олгъан вазифедир. Инсанларгъа ребер оладжакъ кимселер исе, бойле тефеккюр, эеджанланма, дуйгъуланма ве мухасебеге даа да чокъ мухтадждыр. Къуран ильк аетинден сонъ аетине къадар инсан огълуна тефеккюр тербиеси яптыракакъ, тюшонджесининъ меркезине Раббине къул олмагъа бильмекни ерлештиргендир. Иманны бир лезет алына кетирир, бундан сонъ къул эр заман ве эр ерде Аллаһнынъ разылыгъыны арамагъа гъайрет этер. Нетиджеде де Иляхий азамет ве къудрет акъышларынынъ къальпте пейда олувы иле къул Аллаһкъа якъынлашаракъ, Онъа къавушмагъа наиль олур.

Мусульман ичюн энъ муим хусусиетлерден бири де мухаббетуллах-тыр.<sup>81</sup> Имандан башкъа Аллаһ севгисини къазана бильмекнинъ скяне ёлу,

81 Расулуплаһ -салляллаху алейхи ве селлем- дуаларында Аллаһ Таалаянынъ мухаббетини талап ве нияз этерек:

اَللّٰهُمَّ اِنِّىْ اَسْأَلُكَ حُبَّكَ وَحُبَّ مَنْ حُبَّكَ وَالْعَمَلُ الَّذِىْ يُثَلِّقُ حُبَّكَ  
اَللّٰهُمَّ اجْعَلْ حُبَّكَ اَحَبَّ اِلَىَّ مِنْ نَفْسِىْ وَاهْلِىْ وَمِنْ الْمَاءِ الْبَارِدِ

«Аллаһым! Сенден севгинъни, сени севгенлернинъ севгисини ве сенинъ севгинъне этиштиреджек амеллерни талап этем! Аллаһым! Сенинъ севгинъни манъа нефсимден,





Аллаһнынъ лютф ве ихсанларыны девамлы оларакъ тюшонмек, Онынъ азамет ве къудретини тефеккюр этмек, къальб ве тиль иле Оны бол-бол зикр этмектир. <sup>82</sup> Булар исе, дюнья мешгъулиетлеринден там манасынен къалбни муафаза этип, ялынъыз къалмакъ ве узлетке чекильмек иле мумкюн олур.

Бу ерде шуны да ифаде этмек лязимдир ки, инсанлардан узакъ турмакътан макъсат, инсанлардан узакълашмакъ, джемиеттен къачаракъ, дагъларны ве къобаларда яшамакъ дегильдир. Бу шекильде яшамакъ, Пейгъамбер -салляллаху алейхи ве селлем-нинъ ве асхабнынъ яшайышына терстир. Расуллуллах-салляллаху алейхи ве селлем:-

«Инсанлар арасында яшап, оларнынъ сыкъынтыларына къатлангъан мусульман, инсанлардан узакъ турып, сыкъынтыларына къатланмагъан мусульмандан даа хайырлыдыр.» - буюргъан. (Тирмизий Къыямет, 55)

Шахсен озю де, къоюн бакъмасы, Фиджар дженки ве Хильфу-ль Фудульде иштирак этюви, тиджарий аяты ве Кябенинъ янъыдан къурулышында фиilen чалышувы киби пек чокъ ишлеринен аятнынъ ичинде олгъандыр. Джемиетининъ бутюн яхшы ишлеринде иштирак эткен, яманлыкъларындан исе, узакъ тургъандыр. Ич бир заман яманлыккъа якълашмагъандыр.

Инсанлардан узакълашмакъ, ялынъыз къалмакъ ве дюнья ишлеринден чекильмектен макъсат — озъ алыны тюзельтмектир. Шифа булмакъ ичюн алынгъан илядж, вакътында ве керекли микъдарда олмалыдыр. Акс алда файда ерине, зарар береджеги беллидир. (Бути, с. 79-82).

### Балалыкъ ве яшлыкъ деврининъ талили

Аллаһу Тааля алемлерге рахмет оларакъ эндиреджек Хабибини, инсанлыкъ такъвимининъ ильк япрагъындан итибарен, энъ шеревли

*ашлемден, малымдан ве сувукъ сувдан даа севгили яп!»* буюрмакъта эди. (Тирмизи, Деават, 72)

- 82 **Ибн-и Аббас** -радиаллаху анх- *أَشْرَفُ النَّاسِ أَدْعُوا اللَّهَ ذِكْرًا كَبِيرًا* «Эй иман эткенлер! Аллаһны чокъча зикр этинъ!» (Эль-Ахзаб, 41) асти керимесининъ тефсиринде шойле дегендир:

«Аллаһ Тааля къулларына фарз къылгъаны эр фарзгъа белли бир худут къойгъандыр. Бу хусуста бир узюри олгъанларнынъ да узюрлерини къабул эткендир. Анджакъ зикр (Аллаһны анямъкъ) бунынъ тышындадыр. Аллаһ Тааля онынъ ичюн сонъунда бара биледжек бир худут да таин этмегендир. Акъылыны гъайып этмектенлерден башкъа, зикирни терк эткен ич бир кимсенинъ узюрини къабул этмез. Инсанларгъа эр ал ве вазиетлеринде Озюни анымаларыны эмир эткендир.» (Табири, XXII, 22; Къуртуби, XIV, 197)

ве энъ темиз сойлардан сюзерек, варлыкъ алеmine кетиргендир. Бу истисналы несеби, башкъаларындан пек чокъ джиттен устюн къыларакъ, Хабибининъ бутюн аталарыны озъ заманларынынъ урьметке лайыкъ шахслары япкъан. Шаир буны бойле тилге кетире:

Гуль олгъаннынъ аслы гульдир,

Пейгъамбернинъ несли гульдир.

Ильки инсан ве ильки пейгъамбер Азрети Адем –алейхисселям-дан итибарен, бутюн пейгъамберлерден, Онъа иман этип, келеджегини муджделегенлери хусусында ант алынган ве келеджегини хабер берген пек чокъ хадисе мейдангъа кельгендир.

Бойледже, Аллаh Таала, инсанлыккъа йибереджек пейгъамберини бутюн аляметлеринен инсанларгъа танытты ве къуллаарынынъ Онъа иман этмесини къолайлаштырды.

Аллаh, Оны ана-бабасындан оксюз ве етим къалдырмасынен тербие-сини озю япкъан ве энъ гузель бир шекильде тербие эткендир. Зайыфлыкъ ве кучьсюзликнинъ энъ илери дередже олган бу етимлик алыны Онъа косътеререк, келеджекте озюне эманет этиледжек инсанларгъа нисбетен мерхамет, шефкъат ве ярдымда энъ юксек нокътагъа юксельмесини мурад эткен.

Хабибининъ «джахилие»нинъ эр тюрлю яманлыкъ ве чиркинлигинден муафаза этерек, аят саифесине энъ уфакъ бир леке биле къондырмаган ве юдже ахлякыны Онынъ устюнде косътерген.

Инсанлар Оны сыдкъ, эманет, ихляс, мерхамет, инфакъ<sup>83</sup>, ахтке вефа киби, ахлякый васыфларынен; зека, фетанет киби устюнликлеринен таныган, эр тюрлю ишлеринде онъа ишанганлар. Аллаhу Таала, эйи ве гузель эр шейни, бутюн устюнликлерни онда топлаган, душманлары биле онынъ гузель ахлякыны иняр этип олмаганлар. Атта вахий ве пейгъамберлик кельмеден эвель, онъа «эль-Эмин» исмини берген эдилер. Къурейшнинъ илери кельгенлери арасында ойле юксек бир дереджеге саип олган ки, бизге буны энъ ачыкъ шекильде Кябедеки хакемлиги косътермектедир. Расулюллах -салляллаху алейхи ве селлем- сёйлегенде сёзюнинъ догърулыгындан озюнен бир иш япылганда, ахлякынынъ

83 **Инфакъ** – Аллаh ёлунда малыны ве джаныны арджламакъ.



## АЗРЕТИ ПЕЙГЪАМБЕРНИНЪ ЯШЛЫГЪЫ

гузеллигинден, ярдым истегенде ве онъа итимад этильгенде, самимиетнинъ устюнлигинден асла шубе этмез эдилер.

Аллаһу Таала Оны табиат итибарынен, энъ мукеммель бир инсан оларакъ яраткъан ве яшаткъан. Зира, о, бутюн инсанлар ичюн энъ гузель бир орьнек оладжакъ ве оларны хидает ёлуна алып бараджакъ эди. Чюнки инсанлар, шурет ве мевкъиден даа зияде инсанынъ табиатына тааджипленир ве мефтун олурлар. Дахийлерни такъдирлерлер факъат, юксек табиатлы олгъан инсанларнынъ артындан кетерлер.







*Ўубуветнингъ*  
*Мекке Дебри*



ЭКИНДЖИ БОЛЮК





## НУБУВВЕТНИНЪ МЕККЕ ДЕВРИ

### Вахийнинъ Башлангычы: Садыкъ Тюшлер

Алемлернинъ бар олмасына себепчи Пейгъамбер Эфендимиз, темиз бир генчлик ве ульвий бир аиле аятынен сергилеген мустесна мукеммелликлернинъ артындан къыркъ яшында экенде, пейгъамберлик рутбесине наиль олды. Къыркъ яшына алты ай къалгъанда, иляхий къудрет, Онъа Меккедеки Хира магъарасыны мукъаддес бир мектеп оларакъ ачты.

Гизли джерьян эткен иляхий дерслерни алгъаны, бу талим дерсханесинде, китап, дефтер ве къалемге итиядж дуймадан, Рабби иле озю арасында эбедий бир сыр олгъан дерслерни алды. Вахийге азырланды.

Бу азырлыкънынъ ильк алты айлыкъ саифеси, акъыл черчевемизге сыгъа бильген джеэти иле «руя-и-садыкъа<sup>84</sup>»лар суретинен кечкендир. Яни Расулюллах -салляллаху алейхи ве селлем-, гедже не корер исе, о, кунъдюз айнен керчекленир эди. Азрети Айше -радиаллаху анха- шойле буюрмакта:

«Небий Экрем Эфендимизге кельген вахий, юкъуда руя-и салиха (садыкъа) шеклинде башлагъандыр. Корьген эр тюш, сабах айдынлыкъы киби ачыкъ-сечик керчеклешир эди.» (Бухари, Бедуль - Вахий, 3)

Пейгъамберлик чокъ буюк ве агъыр бир вазифе олгъаны ичюн, бу вазифеге башламадан эвель, Пейгъамбер Эфендимизнинъ азырланмасы ичюн Джебраиль -алейхисселям- онъа эвеля тюшлеринде кельмеге башлады.

Алькъаме бин Къайстан ривает олгъанына коре, пейгъамберлерге эндирилген хаберлер, эмир ве ясакълар, башта тюш оларакъ бериле эди, даа сонъра да вахий оларакъ эндирильди. (Ибн-и Кесир, *эль-Бидае*, III, 55)

Бу себепле пейгъамберлернинъ вахий алма ёлларындан бири де тюштир. Бунъа Ибрахим -алейхисселям-нынъ сёзю делильдир, аети керимеде:

84 Рую-и садыкъа – Садыкъ, керчек тюш.



يَا بُنَيَّ إِنِّي أَرَى فِي الْمَنَامِ أَنِّي أَذْبُحُكَ فَانْظُرْ مَاذَا تَرَى

**«...Явруджыгъым! Тюшюмде сени богъазлагъанымны корем;  
бир тюшюн, не дерсинъ?...»** (эс-Саффат, 102).

Бунынънен бирликте, пейгъамберлернинъ козьлери юкълар, къаль-  
плери исе юкъламаз. (Бухари, Менакиб, 24)

Бунынъ ичюн оларнынъ тюште де вахий алмаларына ич мани ёкъ-  
тыр.

Азрети Пейгъамбер -салляллаху алейхи ве селлем- даа сонъралары  
садыкъ тюш акъкъында:

«(Садыкъ тюшлер) Пейгъамберликнинъ къыркъ алтыда биридир...»  
деп буюргъанлар. (Бухари, Табир, 26, Муслим, Руя, 6)

Керчектен бу алты айлыкъ девир, йигирми учъ йыл пейгъамберлик-  
нинъ къыркъ алтыда бирине мусавийдир.





## ПЕЙГЪАМБЕРЛИКНИНЪ ИЛЪК УЧЪ ЙЫЛЫ: ГИЗЛИ ДАВЕТ ДЕВРИ

### **Илкъ вахий ве вахийнинъ кесильмеси**

Аллаһнынъ Расули -салляллаху алейхи ве селлем- кыркъ яшында эди.

Вахийни алмакъ ичюн корьгени алты айлыкъ азырлыкъ деври биткен эди.

Мубарек Рамазан айнынъ 17. куню эди. (Ибн-и Сад, 1, 194) Расули Экрем эфендимиз, адет узьре Хира къобасында эди. Джебраиль -алейхисселям- кельди ве Азрети Пейгъамберге:

«- Окъу!» деди.

Пейгъамбер Эфендимиз:

«- *Мен окъумагъа бильмем!*» деди.

Бунынъ узере Джебраиль, Азрети Пейгъамберни -салляллаху алейхи ве селлем- такъаты кесильгендже сыкъты. Ве текрар:

«- Окъу!» деди.

Фахри Алем Эфендимиз:

«- *Мен окъумагъа бильмем!*» деп джевап берди.

Джебраиль -алейхисселям-, экинджи кере Азрети Пейгъамберни такъаты кесильгендже сыкъты. Ве текрар:

«- Окъу!» деди.

Азрети Пейгъамберни -салляллаху алейхи ве селлем-:

«- *Мен окъумагъа бильмем! (не окъуйым?)*» деди.

Джебраиль -алейхисселям-, Варлыкъ Нурыны учюнджи кере сыкъ-къан сонъ быракъты ве иляхий вахийни Онъа бильдирди.

Бойлеликнен:



إِقْرَأْ بِاسْمِ رَبِّكَ الَّذِي خَلَقَ . خَلَقَ الْإِنْسَانَ مِنْ عَلَقٍ . إِقْرَأْ وَرَبُّكَ الْأَكْرَمُ . الَّذِي  
عَلَّمَ بِالْقَلَمِ . عَلَّمَ الْإِنْسَانَ مَا لَمْ يَعْلَمْ .

«Яраткъан Раббинънинъ адынен окъу! О, инсанны бир алякъ (эмбрион)дан яратты. Окъу! Инсангъа бильмегенлерини бильдирген, къалемнен (язмакъны) огреткен Раббинъ энъ буюк керем саибидир.» (Алякъ, 1-5) иляхий эмир иле Аллах Расулининъ шахсында бутюн инсанлыкъкъа Раббинъ энъ буюк лютфи олгъан Къурани Керим энмеге башлады.

Азрети Пейгъамбер -салляллаху алейхи ве селлем-, сема къапыларындан ер юзюне рахмет ве шифа оларакъ энмеге башлагъан Къурани Мубинден ильк оларакъ бу аети керимелерни ачыкълады. Джебраилъ -алейхисселям- айырылып кеткендже юреги титреерек эвге дёнди ве Азрети Хатидженинъ янына кельди:

«-Мени сарып ортюньиз: мени сарып ортюньиз! Буюрды. Бир муддет раатлангъандан сонъ, вакъый олгъан бу алны, инсанлыкъкъа нумюне олгъан Хатиджет-и Кубра анамызгъа анылатты. Эндишели шекильде:

*«Я Хатидже! Шимди манъа ким инаныр?»*» деди.

О мубарек зевдже, Варлыкъ Нуры Эфендисине:

«-Аллаһкъа емин этеримки, Аллаһ –джелле джелялюху- ич бир заман сени утандырмаз, чюнки сен, акърабаны имае этерсинъ. Озь ишини корьмектен аджиз олгъанларгъа ярдым этерсинъ. Факъыргъа ифакъ (нафакъа бермек) этерсинъ, кимсенинъ япамаяджагъы къадар эйиликте булуырсынъ. Мусафирге икрам этерсинъ. Хакъ ёлунда мейдангъа кельген адиселерде (халкъкъа) ярдым этерсинъ. Эй Аллаһнынъ эльчиси! Сени мен къабул этип, тасдикъ эйлерим. Бу Аллаһ ёлуна эвель мени давет эт!» дие-ерек ильк тасдикъ эткени ве дестек бергени олды.

Яни Азрети Хатидже Онъа лисаны ал иле:

«-Хайыр анджакъ хайыр кетирир! Ихсаннынъ къаршылыгъы ихсан-дан башкъа не олабилир!» демекте эди.



ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

Бойледже о, Расулюллах -салляллаху алейхи ве селлем-нинъ тер-те-миз кечкен аятынынъ, айдынлыкъ бир истикъбальнинъ мудждеджиси ве себеби оларакъ дегерлендирмекте эди. Нитеким Дженабы Хакъ буюрыр:

هَلْ جَزَاءُ الْإِحْسَانِ إِلَّا الْإِحْسَانُ

**«Яхшылыкънынъ къаршылыкъы яхшылыкътан башкъа бир шейдирми?...»** (эр-Рахман: 60)



Бундан сонъра Азрети Хатидже -радиаллаху анха-, Расули Экрем -салляллаху алейхи ве селлем-ни алып эмджесининъ огълу Варакъа бин Невфельге алып кетти.

Варакъа бин Невфель, джахилие девринде путкъа тапмагъан надир ве алчакъгонъюлли бир христиан эди. Ибранидже билир Инджильден язылар яза эди. Баягъы ихтиярлангъанындан себеп козьлери кёр олды. Азрети Хатидже онъа:

«-Эй эмджемнинъ огълу! Динъле, бакъ, къардашынъны огълу нелер сёйлей?» - деди.

Бунынъ узерине Варакъа меракънен:

«- Не бар къардашымнынъ огълу?» - деп сорагъанда, Расулюллах -салляллаху алейхи ве селлем- корьген шейлерден онъа хабер берди.

Анълатылгъан шейлерден ахыр заманнынъ энъ юдже акъикъатыны къаврагъан Варакъанынынъ юзю башта тебессюмле парылдады, сонъра терен тюшонджелерге даларакъ дургъунлашты ве:

«-Бу корьгенинъ шей, Аллах Талянынъ Мусагъа ёллагъан Намус-и Экбер (Джебраиль) дир. Ах кешке сенинъ давет кунълеринде генч олса эдим! Къавминъ сенинъ юртундан чыкъараджагъы вакъыт кешке аятта олса эдим!» - деди.

Аллах Расули -салляллаху алейхи ве селлем- айретнен:

«-Олар мени юртумдан чыкъараджакълармы?» -деп сорады. О да:



«-Эбет! Зира сенинъ кетирдигинъ киби бир дин кетирген эр пейгъамбер душманлыкъкъа огърап юртундан чыкъарылды. Шает сенинъ давет кунълеринъе етишсем, санъа чокъ ярдымым олур,» -джевабыны берди.

Бу субеттен чокъ кечмеден Варакъа вефат этти. Вахийде фетрет деврине кирди (яни бир муддет кесильди). (Бухари, Бедуль-Вахий, 1; Энбия, 21; Тефсир, 96; Муслим, Иман, 252)



Аллаһ Таала даа сонъра назиль эйлеген аетлерде Расулине хитабен шойле буюра:

وَكَذَلِكَ أَوْحَيْنَا إِلَيْكَ رُوحًا مِّنْ أَمْرِنَا مَا كُنْتَ تَدْرِي مَا الْكِتَابُ وَلَا الْإِيمَانُ وَلَكِن جَعَلْنَاهُ نُورًا نَّهْدِي بِهِ مَن نَّشَاءُ مِنْ عِبَادِنَا وَإِنَّكَ لَتَهْدِي إِلَى صِرَاطٍ مُّسْتَقِيمٍ

**Иште, бойледже, санъа да эмиримизнен Къуранны вахий эттик. Сен китап недир, иман недир бильмез эдинъ. Факъат биз оны, къуларымыздан истегенимизни кендиси иле догъру ёлгъа ириштирдигимиз бир нур къылдыкъ. Шубесиз ки, сен догъру бир ёлны косътермектесинъ.** (эш-Шура, 52)


إِنَّا أَوْحَيْنَا إِلَيْكَ كَمَا أَوْحَيْنَا إِلَى نُوحٍ وَالنَّبِيِّينَ مِنْ بَعْدِهِ ...

**Биз Нухкъа ве ондан сонъки пегъамберлерге вахий эткенимиз киби, санъа да вахий эттик...** (эн-Ниса, 163)

Расулюллах -салляллаху алейхи ве селлем-ге кельген ильк вахийнинъ ильк келимесининъ «Окъу!» олмасы мунасебетинен буны эхл-и хал ве эхл-и къальб шойле тефсир эткендир:

«Окъу! Эр шейни окъу! Аллаһнынъ китабыны окъу! Аллаһнынъ аетлерини окъу! Кяинат китабыны окъу! Даима окъу! Аллаһнынъ аетлерини окъу! Кяинат китабыны окъу! Даима окъу! Хидаетке эрмек, янълыш ёлдан узакълашмакъ ичюн окъу! Иманынъны бутюнлемек ичюн окъу! Аллаһ адынен окъу! Яраткъан Раббининъ адынен окъу! Инсанны бир къан пыхтысындан яраткъан, факъат онъа эй шейни окъумакъ, айдынлатмакъ, анъламакъ ве анълагъаныны яшатмакъ имкяныны берген юдже



ПЕЙГЪАМБЕРЛИКНИНЪ ИЛЬК УЧЪ ЙЫЛЫ:ГИЗЛИ ДАВЕТ ДЕВРИ 

Раббинъ адынен окъу! Инсангъа окъума ниетини эдие этип энъ буюк лют-фни косътерген Аллаһнынъ адынен окъу! Огрнемек ичюн окъу! Къудрет къалемининъ бу алемге сызгъан эр сатырыны окъу! Инсангъа бильмегенини огреткен Аллаһнынъ адынен окъу!»

Бу себептен Мевляна Азретлери дюньявий китаплар окъума деври ичюн «хам эдим», кяинатнынъ эсрарыны окъума деври ичюн «пиштим», иляхий эсрарнынъ якъыджылыгъындан къаврулма деври ичюн де «яндым» ифаделерини къуллана ракъ кечирген маневий басамакъларны ифаде эткендир.

Аеттеки «окъу» эмири чокъ муимдир. Анджакъ онынъ Аллаһнынъ адынен олмасы да айны дереджеде бир эмиет ташымакъта ве «окъу» эмирине таби оларакъ насыл оладжагъыны бильдирмектедир.

Ильк назыль олгъан бу аети керимелерден шу нетиджелерни чыкъармамыз мумкюн:

- Эр ишке Аллаһнынъ адынен башламалымыз.

- Бир къан пыхтысындан яратылгъан ве энъ гузель шекильни алгъан инсан аджиз олгъаныны ич бир вакъыт унутмамалыдыр.

الَّذِي عَلَّمَ بِالْقَلَمِ عَلَّمَ الْإِنْسَانَ مَا لَمْ يَعْلَمْ

**«Къалемнен язы язманы ве инсангъа бильмегенини огреткен»**

(эль – Алякъ, 4-5) аетлеринде заманда инсаннынъ бильдиги эр шейнинъ Дженабы Хакъ тарафындан огретильгенине ишарет этильмекте.

- Бу себептен инсаногълу Раббининъ юджелигини даима хатырда тутмалы, ич бир вакъыт Онъа къаршы исьянкяр олмамалы.

Ильк вахийден сонъра Аллаһ Расулининъ арды сыра келеджек олгъан дигер вахийлерге эйидже азыр олмасы ичюн, вахий бир муддет кесильди. Чюнки вахийнинъ анълашылмасы о къадар буюк бир вазифе эди ки, оны къолайлыкънен узерине алмакънынъ имкяны ёкъ эди. Бу себептен Дженабы Хакъ да:

إِنَّا سَنُلْقِي عَلَيْكَ قَوْلًا ثَقِيلًا



**«Догърусы биз Санъа (ташынмасы) агъыр бир сёз вахий этед-  
жекмиз»,** - деп буюра (эль-Музземмилъ, 5)

Бу себепнен Аллаһнынъ Расули (с.а.в.) садыкъ руяларнынъ артындан бирден бирге вахий мелегини къаршысында корьгенде шашты. Азрети Хатидженинъ теселли бермеси ве Варакъанынъ да догъруламасынен гонълюне раатлыкъ кельген эди.

Артыкъ О, вахийнинъ янъыдан башламасыны сабырсызлыкънен арзу эте эди. Вакъыты вакътынен ильк вахийнинъ кельгени Хира дагъы-на чыкъа, беклей эди.

Бу вахий кельмеген кунълерде, онъа теселли берген ялынъыз Азрети Хатидже олды. Буннынъ ичюндирки Азрети Пейгъамбер -салляллаху алейхи ве селлем- онынъ рухий деренлик, инджелик ве зерафетини ич бир заман унутмады. Азрети Хатидженинъ вефатындан сонъра бир къурбан кесиледжек олса, бир къысмыны онынъ акърабаларына ёллар эди. О, Варлыкъ Нурунынъ эр шейинен унутылмаз буюк бир хатырасы эди.



Расулюллахнынъ аяты, кечкен пейгъамберлерге биле насип олмагъан, хаял биле этильмеген шерейф теджеллилер иле толудыр. Аллаһ Джелле Джелялюху «Хабибим» деп тек онъа хитап этти. Мирадж пейгъамберлер арасында ялынъыз онъа насип олды.

Онынъ руханиети, Месджиди Акъсада бутюн пейгъамберлерге имамлыкъынен сабит олды. Муса -aleyхисселям-даки «لَنْ تَرِنِي» сыры онда «قَابَ قَوْسَيْنِ أَوْ أَدْنَى» оларакъ теджелли этти.<sup>85</sup>

85 «لَنْ تَرِنِي» – **Мени асла коремезсинъ!** (эль-Араф, 143). Муса -aleyхисселям- Сина дагъында Аллаһ иле къонушмагъа бир азырлыкъ девирине таби тутулды. Кендисине отуз кунъ ораза туттурылды, бунъа он кунъ иляве этилерек къыркъ кунъ оларакъ тамамланды. Бу ал нефсаний аяттан айырыларакъ, Аллаһ иле япыладжакъ къонушмагъа бир азырлыкъ девир эди. Аллаһ Муса -aleyхисселям- иле тиль я да сес киби мадий бир вастанен дегиль, эзельдеки келям сыфаты иле къонушты. Азрети Мусанынъ янында шаат оларакъ кетирилген етмиш киши ве атта Джебраиль -aleyхисселям- бу къонушманы дуймадылар ве ис этмедилер. Муса -aleyхисселям- бу иляхий айдынлыкъ къаршысында эсини джойды. Дюньядамы, ахирреттеми олгъаныны унутаракъ вакъыт ве меъянынъ тышына чыкъты. Аллаһнынъ затыны коръмек ичюн буюк бир ашкъ, эсджан ве теслимиет иле кендисинде шиддетли бир арзу уянды. Қъаршысында Аллаһтан: «**Лен терани**» фермани иляхиси белли олды. Муса -aleyхисселям- гъайры ирадий оларакъ исарарнен девам эткендже, Аллаһ дагъгъа назар этмесини, шает о еринде турып олса, кендисини кореджегини бильдирди. Риваетлерге коре сайысыз перделерининъ аркъасындан Аллаһтан бир нур, сызынты алында дагъгъа тесир этти. Дагъ патлады.



Аллаһкѡа кѡавушмакѡ аны олгѡан намаз, умметке кучюк бир мир-  
радж оларакѡ икрам этильди. Айрыджа намаз башта элли вакъыт оларакѡ  
эмир этиле. Расулюллах -салляллаху алейхи ве селлем-нинъ ялварувы не-  
тиджесинде намаз, уммет-и Мухаммедке беш вакъыт оларакѡ фарз кѡы-  
лынды.

Етим ве умми олгѡан Варлыкѡ Нуры, кимседен бир илим огренмеген  
алда бутюн инсанларгѡа рехбер ве гизлилик алемининъ акъикѡатларына  
терджиман ве Хакѡ мектебининъ оджасы оларакѡ кельди. Зия Пашанынъ  
дегени киби:

Бир мектепке олды ки мудавим

Аллаһ эди затына муаллим

Азрети Муса бир такъым укюмлер кетирген эди. Азрети Дауд,  
Аллаһкѡа дуа эйлемек ве гузель макѡамынен мумтаз олды. Азрети Иса,  
инсанларгѡа джумертлик ахлякѡыны ве дюньяда зухд ичинде яшамакѡ-  
ны огретмек ичюн ёллангѡан эди. Ислям пейгѡамбери Азрети Мухаммед  
Мустафа -салляллаху алейхи ве селлем- исе буларнынъ эписини кетирди.  
Укюмлерни кетирди. Нефсини темизлеп, айдынлыкѡ бир кѡальб-и селим  
ве бир кѡальб-и муниб иле Аллаһкѡа дуа этмекни огретти. Энъ гузель ах-

---

Бу дешетген Муса -алейхисселям- байылды. Айынгѡанда да, сынъырларны ашкъаны  
ичюн Аллаһны анъды ве теѡбе этти.

Бу Кѡуран икѡясининъ эки мантъкѡый нетиджеси бар. Булардан бириси Аллаһнынъ  
затынынъ корюнеджеги бир меѡянынъ меѡджут олмамасыдыр. Бу кейфiet дагънынъ,  
зерренинъ зерреси бир корюнюшке даянамайып йыкълып кетмесинен сабиттир. Ал-  
лаһ зат итибарынен гѡаиб, сыфат теѡжеллилери итибарынен корюнгендир. Бу себепнен  
Кѡурани Керимде муминлер васыф этилиркен дефаларджа «юминуне биль-гѡайби»  
– «олар гѡайыпкѡа иман этерлер» Аллаһнынъ сѡзю кечмектедир.

Экинджи акъикѡат исе, Аллаһнынъ затыны коръмек инсан идракининъ тышындадыр.  
Бу ал да Муса -алейхисселям-нынъ байылып кѡалмасынен сабиттир. Бунынъ ичюн, бу  
алемде Аллаһнынъ затыны коръмек мумкюн дегиль. Бир тарафтан бу корюнюшнинъ  
шиддетинден, дигер тарафтан да инсан ве джинлернинъ идракаларынынъ етерли олма-  
масы себебинендир.

«فَاتِ قُوسَيْنِ أَوْ آذَى» – **Бирлештирилген эки яй арасы я да даа аз (месафедѡ)**» (эн-Неджм,  
9): Азрети Пейгѡамбер -салляллаху алейхи ве селлем-, Джебраиль -алейхисселям- да  
дахиль олмакѡ узъре ич бир махлюкѡ сынъырыны кечип оламагѡан Сидретуль Мун-  
теханынынъ обир тарафына кечирильди. Аетте инсан идракине **«бирлештирилген  
эки яй арасы я да даа аз»** месафе оларакѡ бильдирилген кейфietинен кѡуларджа  
анълашылмасы имкянсыз ве кѡапалы бир кѡавушма мейдангѡа кельди.

Бу анълаткъанларымыз, Азрети Муса иле Азрети Пейгѡамбер -салляллаху алейхи ве  
селлем-нинъ коръгенлери шу эки теѡжеллининъ бизим идракѡымызнынъ севиесине  
тюшюрильген ифаделерден ибареттир.



лякъны огретти ве яшайышнен бу ахлякъкъа нумюне олды. Дюньянын алдатыджы эгленджилерине алданмамакъны тевсие этти. Къыскъасы, бутюн пейгъамберлернинъ эмирлерини ве вазифелерини, шахсиетинде, эсеринде ве амеллеринде топлады. Сой ве эдеп юджелиги, гузеллик ве кемал сеадети эп Онда топлангъан эди.

Шубесиз, Онынъ къыркъ яшына кирмеси, инсанлыкъ тарихининъ денъишюв нокъталарындан бири олды.

Къыркъ йыл къою джаиль бир джемиет ичинде яшады. Ортагъа къояджакъ мукеммелликлернинъ чокъусы, халкъынынъ даа эвель бильмеген шейлери эди. Бир девлет адамы, бир ваазджы, бир хатип оларакъ ич билинмей эди. Буюк бир командир олгъанындан сёз этмек анда турсун, сырадаки аскер оларакъ да билинмей эди.

Кечкен миллетлернинъ ве пейгъамберлернинъ тарихини, къыямет кунюни, дженнет ве джеэннемни анълаткъаны дуолюмай эди. Ялынъыз озъ шахсына айт юксек бир аятнынъ ве юксек бир ахлякънынъ ичинде яшай эди. Лякин иляхий бир эмир иле Хира къобасындан къайткъанынен бутюнлей денъишкен эди.

### Вахийнинъ Акъикъаты ве Келиш Шекиллери.

Вахий суръатлы ишарет, китап, рисалет, ильхам ве гизли лаф этме киби чешитли маналаргъа келир. Аллаһ Таалянынъ истеген шейлерини пейгъамберлерине арзу эткени киби бильдирмесидир. Дженабы Хакъ шойле буюра:


وَمَا كَانَ لِّبَشَرَ أَنْ يُّكَلِّمَهُ اللَّهُ إِلَّا وَحْيًا أَوْ مِنْ وَرَاءِ حِجَابٍ أَوْ يُرْسِلَ  
رُسُلًا فَيُوحِي بِإِذْنِهِ مَا يَشَاءُ إِنَّهُ عَلَىٰ حَكِيمٍ

«Аллаһ бир инсаннен, анджакъ вахий ёлунен я да перде артындан къонушыр, яхут бир эльчи ёллап, изнинен онъа истегенини вахий этер. О, юджедир, акимдир.»(эш-Шура:51)

Айше -радиаллаху анха-нынъ ривает эткенине коре Расулюллах -салляллаху алейхи ве селлем-ге:





ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

«-Эй, Аллаһын Расули! Санъа вахий насыл келе?» деп сорагъанда шойле буюрды:

*«-О базан чынъравукъ сесни анъдыргъан бир сес киби келир, вахийнинъ манъа энъ агъыр кельген шекли будыр. Аллаһ Таалаянынъ дегенини къаврап эзберлегенимде мелек менден айырыла. Базан да мелек манъа бир инсан шеклинде келир. Менимнен къонушыр, сёйледигини аман къаврарым.»* (Бухари, Бедуль вахий, 1/2; Муслим, Фезуль, 87)

Ислям алимлери чешитли риваетлерден арекетнен, вахийнинъ келюв шекиллери шойле тертип эткенлердир:

1. Вахий базан юкъуда корюльген ве корюльгени киби керчеклешкен руюлар шекилинде келир.

2. Вахий этиледжек сёзни кетирген мелек корюнмеден, Пейгъамбер -алейһисселям-нынъ къальбине ерлештирилир.

3. Вахий мелеги инсан суретине киререк, вахий этиледжек шейни бильдирир. Джебраиль хадиси киби<sup>86</sup>.

Абдуллах бин Аббас -радиаллаху анхума-нынъ анълаткъан шу риваетте вахийнинъ бу тарзы ичюн гузель бир мисальдир:

«Бадам Аббаснен бирликте Расулюллах -алейһисселям-нынъ янында эдим.

Аллаһ Расули -алейһисселям-нынъ янында бир адам булунмакъта ве эфендимиз онен фысылдашмакъта эди. Бу себепле бадамнен лаф этмеди. Янындан чыкъкъанымызда бадам:

«Огълум! Аллаһ Расули менден ал хатыр сорамагъаныны корьдинъми? -деди мен де: «Бабачыгъым! Янында бир адам бар эди, онен къонуша эди,» -дедим.

Бунынъ узерине аман Расулюллах -алейһисселям-нынъ янына къайттыкъ.

Бадам:

<sup>86</sup> Бир кунъ Азрети Пейгъамбер -салляллаху алейхи ве селлем- Эфендимиз Месджитте экенде Джебраиль -алейһисселям- инсан шекилинде янына келерек, Иман, Ислам, Ихсан ве къыямет аляметлери акъкъында суаллер сорады. Бойледже асхаб-ы кирамгъа динлери огретти. Иште, бу вакъиани анълаткъан хадиске «Джибриль хадиси» дейлер. (Бухари, Иман, 37; Муслим, Иман, 1, 5)



«-Я Расулюллах! Абдуллахкъа шойле деген эдим, о да, Сизнинъ янынъыздаки бир адамнен фысылдашкъанынынъызны сёйледі. Акъикъатен янынъызда бир кимсе бар эдими?» -деді.

Расулюллах -салляллаху алейхи ве селлем- манъа хитабен:

«-Эй Абдуллах! Сен оны коръдинъми?» -деп сорады.

Мен:

«-Эбет! Коръдим,» -дедим.

Расулюллах Эфендимиз:

«-О Джебраиль эди. Бу себептен сенинънен алякъадар оламадым,» -буюрды. (Ахмед, 1, 293-294: Хейсеми, IX, 276)

4. Вахий базан да дешетли бир чынъравукъ сеси киби келе эди. Вахий алы кечкенинен, Пейгъамбер эфендимиз мелекнинъ айткъан шейлерини эйидже огрене эди.

5. Джебраиль -алейһисселям- эки кере вахийни аслы суретинен корюнип кетирген эди. Булардан биринджиси вахийнинъ кесильмесинден сонъ Хира къобасындан энеркен, экинджиси исе мирадж геджесинде *сидретуль-мунтехада* вакъый олды.


6. Аллаһ Тааланынъ мираджда олгъаны киби арада вахий мелеги олмадан иляхий къабул ве икрамда булунаракъ, Расулюллах -салляллаху алейхи ве селлем-ге догърудан вахий этмесидир.

7. Джебраиль -алейһисселям- Аллаһ Расулине юкъу алында экен вахий кетирмесидир. Базы муфессирлер Кевсер суресининъ бу шекильде инзал буюрылгъаныны ифаде этерлер.

Асхабы кирамдан базыларынынъ анълаткъанларына коре, вахийнинъ эндирилюви эсасында Пейгъамбер эфендимизге агъыр бир сыкъынты алы пейда олур, юзю гуль киби пемпелешир, козьлерини къапатыр, башыны огте эгерди. Асхабы да башларыны оглерине эгерлерди. Эфендимизнинъ джемалине бакъмагъа къадир олмаздылар.

Базан да вахий энгени заман, юзюнинъ этрафында ары увултысы киби бир сес эшитилир эди. Расулюллах -салляллаху алейхи ве селлем- о эснада тез-тез нефес ала эди. Энъ сувукъ куньлерде биле манълайында



ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

инджи данелери киби терлер тѣкюле эди. (Бухари, Бедуль-вахий, 1/2; Умре, 10; Муслим, Фезаиль, 87; Худуд, 13; Тирмизий, Тефсир, 23/3173; Ахмед, V, 327)

Вахий кятиплеринден Зейд бин Сабитнинь<sup>87</sup> бильдиргенине коре, кельген вахийнинь агъырлыгы энген аетлердеки укумлернинь агъырлыгынен бир олур эди. Яни энген вахий, дженнет ве яхшы хабер кетире олса Джебраиль -алеѣхисселям- бир инсан суретинде келир ве бу вахий Пейгъамбер эфендимизге агъырлыкъ этмезди. Азап ве къоркъутма кетирген аетлер олгъан вакъыт да дешет сачкъан бир чанъравукъ сеси киби келе эди.

Вахий, Расулюллах деве узеринде экенде кельгени вакъыт, айван вахийнинь агъырлыгына даянмайып, аякълары букюлир ве ерге чѣкер эди. Бу себептен Пейгъамбер эфендимиз «Адба» исимли девесининь узеринде булунгъан вакъытта Маиде суресининь учюнджи аети назиль олмагъа башлагъанджа Адбанынъ аякълары къырыладжакъ киби олгъанындан Аллахнынъ Расули узеринден тюшкен эди. (Ахмед, II, 176; VI, 445; Ибн-и Сад, I, 197; Тебери, Тефсир, VI, 106)

Зейд бин Сабит -радиаллаху анх- дерки:

«Расулюллах -салляллаху алейхи ве селлем-нинь янында отура эдим. Бу вакъытта Аллах Расули вахий алмагъа башлады. Тизи меним тизим узеринде эди. Валлахи Расулюллах -салляллаху алейхи ве селлем-нинь тизинден даа агъыр бир шей ис этмедим. Санъки тизим эзиледжек эди.» (Ахмед, V, 190-191)



Къурани Хакимнинь иляхий бир китап олгъанына инанмагъан шаркъыятчылар, вахийнинь Расулюллах -салляллаху алейхи ве селлем-нинь тюшюнджелерге далуву ве айдынлануву нетиджесинде къальбинде догъгъан илхамлар олгъаныны сѣйлеп бир такъым янъылыш иддиада булун-

87 **Зейд бин Сабит** -радиаллаху анх- Расулюллах -салляллаху алейхи ве селлем-нинь вахий кятиплеринден эди. Расули Экрем эфендимиз Мединеге хиджрет эткенде Зейд он бир яшында бир етим бала эди. Даа кучюк яшта он бир суре эзберлеген эди. Аллах Расули онъа сурьяний ве ибраний тиллерини огренмесини эмир этти. Ода къыркъ куньге бармадан эки тильни огренди ве Пейгъамбер -алеѣхисселям-нынъ сурьянидже ве ибранидже язышмаларыны такъип этти. Онынъ япкъан энъ шерефли хызметлерден бири де, эки сахабинен бирликте Къурани Керимни топлап бир арагъа кетирмелеридир. Хиджретнинь 45-джи сенесинде Мединеде вефат этти. Докъсан эки хадис ривает этти.



гъан эдилер. Оларнынъ бу фикирлери къальплериндеки гъафлет, яньлыш анълайыш ве душманлыкъларынынъ мейвасыдыр

Расулюллах -салляллаху алейхи ве селлем-нинъ ильк вахий кельген вакъытта мелекни корьгенинен къоркъмасы, вахийнинъ мустешриклер-нинъ тюшонгенлери киби галлюцинация олгъан ич ве шахсий бир меселе олмагъаныны ортагъа къоймакъта. Зира Пейгъамберни вахий алмасы къальбинен ве нефсинен алякъалы олмагъан тыш бир акъикъатны къабул этмесидир. Джебраиль -алейһисселям-нынъ Аллах Расулини учь дефа сыкъмасы, эр дефасында «Окъу» деп айтмасы вахийнинъ ичтен дегиль, тыштан яни Аллах Таалядан кельгенини исбат этмектедир.

Вахийнинъ бир муддет кесильмеси де, иляхий вахийнинъ Пейгъамберимизнинъ узундан узун тюшонмеси нетиджесинде рухунда мейдана кельген бир адисе олгъаны къатий суретте ред эте.

Бунынънен бирликте Фахри Кяинат -салляллаху алейхи ве селлем-кендине вахий кельмесини беклемей эди. Аети керимеде шойле буюрыла:

وَمَا كُنْتُمْ تَرْجُوا أَنْ يُلْقَى إِلَيْكَ الْكِتَابُ إِلَّا رَحْمَةً مِنْ رَبِّكَ  
فَلَا تَكُونَنَّ ظَهِيرًا لِلْكَافِرِينَ


«Сен, бу Китапнынъ санъа вахий олунаджагъыны умят этмей эдинъ. (Бу) анджакъ Раббинъден бир рахмет (оларакъ кельген)дир. О алда, сакъын кяфирлерге тарафдар олма!» (эль-Къасас, 86)

Аети Керимнен Хадиси шерифлер арасындаки ашкяр услюп фаркъы да Къурани Керимнинъ вахийнинъ махсулы олгъанынынъ энъ къатий делилидир.

Базан ойле адиселер ола эдики, Азрети Пейгъамбер -салляллаху алейхи ве селлем- о анда джевап бермек меджбуриетинде олмасына рагъмен, вахийнинъ кельмеси о джевапны кечиктире эди. Месея, *ифкъ адисеси*<sup>88</sup> ве еудийлернинъ сорагъан базы суаллерде олгъаны киби. Алемлернинъ Эфендисе бойле суаллернинъ джевабыны, анджакъ кендисине вахий

88 Ифкъ адисеси – Пейгъамбер эфендимизнинъ апайы, Азрети Аише анамыз акъкъында еудийлернинъ бевтан уйдырып онынъ намусыны лекелемеге тырышувлары.



ПЕЙГЪАМБЕРЛИКНИНЪ ИЛЬК УЧЪ ЙЫЛЫ:ГИЗЛИ ДАВЕТ ДЕВРИ 

ёлунен бильдирильгени вакъыт бере эди. Эгер иддиа этильген шекильде, Къурани Керим, Пейгъамбер Эфендимизнинъ кенди тюшкунджелерининъ махсулы олса эди, бойле бир сыкъынтыгъа тюшмеден бу суаллерге аман джевап бермеси мумкюн олур эди.

Базан да вахий Аллах Расулининъ истемегени бир тарзда келе эди. Назиль олгъан вахий базан онынъ фикирининъ хаталы олгъаны бильдире эди. Базан да онынъ мейиль этмеген бир шейни эмир эте, ве бу эмирни ерине кетирмекте бир микъдар беклейджек олса шиддетли бир тенбие келе эди.

Бир кунь Расулюллах -салляллаху алейхи ве селлем-, Къурейшнинъ буюклерине Ислямны анълаткъанда, янына даа эвель мусульман олгъан кёр Абдуллах ибн Умми Мектум кельди. Пейгъамберимизден кендисине бильдирильген акъикъатлардан базы шейлер огренмек истегенини бильдирди. Факъат Аллах Расули -салляллаху алейхи ве селлем- Къурейшлилернинъ илери кельгенлеринен лаф эткени ичюн онынънен алякъадар оламады. Анджакъ Умми Мектум истегини исрарнен текрар эткени ичюн Пейгъамберимиз юзюни бираз экишти. Бу себепле шойле бир тенбие бериджи ает эндирильди.

أَمَّا مَنْ اسْتَعْنَى فَأَنْتَ لَهُ تَصَدَّى وَمَا عَلَيْكَ إِلَّا يَرْكَبُ  
وَأَمَّا مَنْ جَاءَكَ يَسْعَى وَهُوَ يَخْشَى فَأَنْتَ عَنْهُ تَلَهَّى  
كَأَلَّا إِنَّهَا تَذْكِرَةٌ فَمَنْ شَاءَ ذَكَرْهُ

«Озюни (санъа) мухтадж корьмегенге сен ёнелъмектесинъ. Албуки, онынъ темизленип, арынувындан сен месуль дегильсинъ. Факъат чапышаракъ ве (Аллаһтан) къоркъаракъ санъа кельгеннен де алякъадар олмайсынъ. Ёкъ! Шубесиз, бу (Къуран аетлери) бир тенбиедир; истеген ондан огют алыр.» (Абесе, 5-12)

Азрети Пейгъамбер -салляллаху алейхи ве селлем-ге эмирлер базан *муджмель*<sup>89</sup> оларакъ келе эди. Аллах Таала тарафындан ачыкълайыджы бир бильги кельмедиги муджмель мевзуларны Расулюллах -салляллаху

89 **Муджмель** – манасы белли олмагъан, беян этильмегендже макъсады анълашылмагъан ифаделер.



алейхи ве селлем- озь башына анълатмаз эди. Мисаль оларакъ шу аети керимелерни зикр этебилирмиз:

لِلّهِ مَا فِي السَّمَوَاتِ وَمَا فِي الْأَرْضِ وَإِنْ تُبَدُّوا مَا فِي أَنْفُسِكُمْ  
أَوْ تُخَفُّوهُ يُحَاسِبْكُمْ بِهِ اللَّهُ

**«Коклерде ве ердекилернинъ эписи Аллахнынъдыр. Ичинъиздекилерни ачыкъкъа урсанъыз да, гизлесенъиз де, Аллах ондан сизни эсапкъа чекеджек...»** (эль-Бакъара, 284)

Бу аети кериме энгенинен, асхаб гъайри ирадий оларакъ къальплеринден кечкенлерден эсапкъа чекиледжегини зан этип, ве шойле суаль сорагъандыр:

«-Я Расулюллах, бу аетке насыл даянаджакъмыз?» - дедилер.

Азрети Пейгъамбер -салляллаху алейхи ве селлем- джевабен:

«-Не о! Ёкъса эхли китап киби «эшиттик амма исъян эттик» демек истейсинъизми? Сиз: «эшиттик ве итаат эттик. Эй Раббимиз, бизлерни багъышланманъны истермиз, дёнюш санъадыр!» демелисинъиз!» Буюрдылар. (Муслим, Иман, 200; Ахмед I, 233; Вахиди, с. 97)

Аетнинъ манасы муджмель олгъаны ичюн, Пейгъамберимиз бир айдынлыкъ кетирмеди. Аджизлик ичинде къаларакъ сахабиден Аллахкъа теслим олып тевеккюль этмелерини эмир этти. Бир муддет сонъра ашагъыдаки аети кериме назиль оларакъ къапалы олгъан мананы шойле изах этти:

لَا يُكَلِّفُ اللَّهُ نَفْسًا إِلَّا وُسْعَهَا لَهَا مَا كَسَبَتْ وَعَلَيْهَا مَا اكْتَسَبَتْ  
رَبَّنَا لَا تُؤَاخِذْنَا إِنْ نَسِينَا أَوْ أَخْطَأْنَا رَبَّنَا وَلَا تَحْمِلْ عَلَيْنَا إَصْرًا  
كَمَا حَمَلْتَهُ عَلَى الَّذِينَ مِنْ قَبْلِنَا رَبَّنَا وَلَا تُحَمِّلْنَا مَا لَا طَاقَةَ لَنَا بِهِ  
وَاعْفُ عَنَّا وَارْحَمْنَا أَنْتَ مَوْلَانَا  
فَانصُرْنَا عَلَى الْقَوْمِ الْكَافِرِينَ



**«Аллаһ эр шахсны анджакъ кучю етеджек ольчюде мукеллеф<sup>90</sup> япар. Эр кеснинъ къазангъан (хайыры) озюне, япаджакъ (шерри) де озюне. Раббимиз! Унутсакъ я да хата япсакъ, бизни месулиетли этме. Эй, Раббимиз! Бизден эвелькилерине юклегенинъ киби, бизге де агъыр бир юк юклеме. Эй, Раббимиз! Бизге кучюмиз етмеген ишлерни де юклеме! Бизни афу эт! Бизни багъышла! Бизни аджы! Сен бизим мевлямызсынъ. Кяфирлер топлулыгъына къаршы бизге ярдым эт!»**  
(эль-Бакъара, 286)

Асхаб, бу ает энген сонъ къальблеринден кечкенлерден «кучлери еткени нисбетке» месулиетли оладжакъларыны анъладылар.

Варлыкъ Нуры -салляллаху алейхи ве селлем-нинъ ает муджмель олунджа ачыкълайдыжы бир кесин делиль кельгенге къадар ич бир изахта булунмамасы, бир Пейгъамберлик акъикъаты олып, Къурани Керимнинъ иляхий менбалы олмасынынъ итираз этильмез бир делильдир. Акси такъдирде я бойле бир бильги берильмез ве я берильген бильгиге кенди фикрине коре бир ачыкълама кетирмеси мумкюндир. Бойле бир алнынъ мейдана кельмемеси Къурани Керимнинъ бир муджизе олгъанынынъ исбатыдыр.

Къурани Керимнинъ берген гизли хаберлер де онынъ иляхий вахий махсулу олгъанынынъ ап-ачыкъ бир делильдир.

Къурани Керим эвельки девирге аит ичине алгъан бильгилерни акъикъаткъа уйгъун бир шекильде анълатыр. Бу бильгилер хусусында милядий единджи асырнынъ Меккесинде илим намына бир муэссисе я да медениеттен хабери олгъан инсан биле ёкъ эди. Бутюн тарихий бильгилер, тиджаретчилернинъ зытлыкъларнен толу бирер эфсане алында кетирген, бир къач фарсий маалий икяелеринден ибарет эди. Албуки Къурандаки кечмишке аит бильгилер, бир бутюнлик ичинде олып, ич бир акъылы ве кескин ферасетке саип инсаннынъ ортагъа къояджакъ бильгилер дегильдир.

О алда акъыллы инсан тюшонсин! Джаиль бир джемиетин ичинден чыкъкъан уммий бир инсан, иляхий бир менбадан алмадан Къураннынъ маналарына къайнакълыкъ этмеси мумкюн мы? Эльбетте ки асла!..

90 **Мукеллеф олмакъ** – месуль олмакъ, пишкинлик яшына иришмек.



Бу да косьтере ки, Расулюллаһ -салляллаху алейхи ве селлем-нинь бильдирген бутюн хаберлер, Аллах кьатындан вахий этильгендир.

Къуран, истикбальге аит гъайби хаберлер берген, булар да вакъыт кельгенде Къураннынъ бильдирген вазиетте мейдангъа кельген ве кельмеге девам этмектедир. Къуран эр вакъыт огде кете, илим ве фен исе Онынъ аркъасындан келе.

Къызыл денъиз далгъаларында богъулмакъ узьре экенде меджбур къалып имана тутунмакъ истеген Фираунгъа Аллах Таала:

الَّذِينَ وَقَدَّ عَصَيْتَ قَبْلُ وَكُنْتَ مِنَ الْمُفْسِدِينَ

«Шимди ми (иман этесинь)?! Албуки сен, бундан эвель (омюр боюнджа) исьян эткен, даима фесатчылардан олгъан эдинь! (Яни бир беля кельгенде тербиели олып, къуртулгъан сонъ да текрар эски исьянына девам эткен эдинь! Шимди де ойле япаджагъынъ ичюн, артыкъ сенинъ имангъа ёнелмень кечерли дегильдир!)» (Юнус, 91) буюрды. Еис<sup>91</sup> алындаки иманыны къабул этмеген ве шойле девам эткекндир:

فَالْيَوْمَ نُنَجِّيكَ بِبَدَنِكَ لِتَكُونَ لِمَنْ خَلَقَكَ آيَةً  
وَإِنَّ كَثِيرًا مِنَ النَّاسِ عَنْ آيَاتِنَا لَغَافِلُونَ

«(Эй Фираун!) Биз де бугунъ сени (джансыз бир) беден оларакъ (юксек бир ерге атып, бозулмакътан) къуртаджакъмыз ки, аркъандан келеджек олгъанларгъа бир ибрет олманъ ичюн!.. (Бунынънен берабер) инсанлардан бир чокъ кимсе бизим аетлеримизден джидден хаберсиздир.» (Юнус, 92)

Тефсир алими Замахшери бу аети керимени шу шекильде тефсир эте:

«Сени денъиз кенарында бир кошеге атаджакъмыз. Джесединъни там ве нокъсансыз, бозулмагъан бир алда, чыплакъ ве урбасыз оларакъ, сенден асырлар сонъра келеджек олгъанларгъа бир ибрет оларакъ сакълап къаладжакъмыз.» (Замахшери, III, 24)

91 Еис – умютсизлик алы.





Сонъ йылларда япылган кешифлерде Фирауннынъ бу джеседи, ялыда седждеге къапанган вазиятте тапылгандыр. Бу, онынъ олюмден огюндеки сонъ алыдыр. Сонъ дакъкъада къаршылашкан къоркъунч сананынъ тесиринен иман этмеге истеген, анжакъ еис алында олганы ичюн онынъ иманы къабул этильмегендир. Иште о вазиятте, такърибен учъ бинъ йыл джесед чюрюмейип къалды ве аети керимеде буюрылганы киби инсанларгъа ибрет олмасы ичюн бугунъ ортагъа чыкъкандыр. Шу анъ бу джесед, Британия музейинде сергиленмекте олып, инсанлар ичюн бир ибрет манзарасыдыр. Бу акъикъат, Дженабы Хакънынъ Къурани Керимде бильдирдиги къыяметке къадар девам этеджек олган муджизелерден бир данесидир.

Анджакъ Къурани Керимнинъ эсас гъаеси, тевхидни ерлештирип инсанларны догъру ёлгъа чагъырмакъ олганы ичюн ильмий керчеклер онда экинджи дередже меселелеридир. Унутмамакъ керек ки:

وَلَا رَطْبٌ وَلَا يَاسٍ إِلَّا فِي كِتَابٍ مُّبِينٍ

«Дым ве къуру не бар исе эписи мубин (ап-ачыкъ) бир китаптадыр.» (эль-Энам, 59) иляхи беянына коре эр тюрлю акъикъат онда сакълыдыр. Къураннынъ иджазы керегиндже олган бу ал, адиселернинъ акъышы ве бешери илимлердеки теракъкыят нисбетинде айдынланып англашыла билир. Эгер де ойле олмаса эди, Къуран китапханелер толдыраджакъ бир аджимге эришир эди.

Дигер тарафтан кяинатта сакълы олган ве *адетуллах*<sup>92</sup> кереги олган керчеклер ве оларгъа даир къанунлар ачыкъ-айдын беян этильген олса эди, Къуран аджмининъ кенъишлемеси бир тарафкъа, инсанлыкъ асырлар бою, кенди заманында даа кешф этилип исбат этильмеген бильгилерни изаатламагъа ве къабул этмеге кучъ етирмейджеклери ичюн, Къурангъа иман девам этмез эди. Месея бир тек мисаль бермеге керек олса, телевизор бугунъ бильгенимиз шекильде о заман ифаде этильген олса эди, теливизор фиilen кешф этилип сабит олмагъанджа инсанларнынъ бунъа акъылы ятмаз ве ред этер эдилер. Бутюн акъикъатларны ичине алган Къураннынъ буларнынъ буюк бир къысмы муджмель ве гизли ифаделернен беян этильмесининъ икмети будыр.

92 *Адетуллах* – Аллахнынъ бутюн махлюкът ичюн къойган табият къанунлары.



Нитеким Къуран, эльге алгъаны бутюн мевзуларны тевхид гъаеси-не къураракъ такъдим эте. Фенний акъикъатларгъа темас этмеси де бу джумледендир. Бу кейфиет, Къуранни Керимнинъ къыяметке къадар бутюн заман ве месянларда девам этеджек айыры бир муджизе олып, онынъ ихтишамы эр анъ ве эр кешф иле бир кере даа исбат этильмектедир<sup>93</sup>.

Бир такъым шаркъыятчылар, Пейгъаберимизнинъ вахий эснасында кечирдиги алларны, эпилепсия (сара) хасталыгъы олгъаныны иддиа эткендирлер<sup>94</sup>. Бу иддиагъа къыскаджа шу шекильде джевап бермек мумкюн:


- Сара хастасы, кендисине кельген небеттен сонъра буюк бир алсызлыкъ ве агъыры ис эдерек, сонъ дередже аджы ве издырап ичинде бурулып къалыр, рух алы бозулып. Албуки Расулюллаһ -салляллаху алейхи ве селлем- бахис этильген сыкъынтыларны яшамагъаны киби эки вахий арасындаки вакъытны бир фетрет къабул этерек вахийнинъ кельгенини сагъынып беклер, онынъ келиши иле пек севинир эди.

- Вахий эснасында мейдангъа кельген бу аллар, эр вахий келишинде корюльмез эди, базан Азрети Пейгъамбернинъ нормаль алы девам этер эди.

- Тыббен де малюм олгъаны узъре «сара»гъа тутылган кимсе, тюшонме ве идракъ этмек кучюни тамамен джойып этрафында олып биткенини фаркъ этмедиги ве бойледже шууру бутюни иле къапалы олгъаны алда, Азрети Пейгъамбер алгъаны вахий иле бешериятке хукъукъ, ахлякъ,

93 Бу хусустаки мисаллер ичюн бакъынъыз, Осман Нури Топбаш, *Рахмет Эсинтилери*, Стамбул 2001, с. 184-238.

94 Вахий кельгени эснада Пейгъамбер эфендимизнинъ ахвалында корюнген ве юкъарыда тафсиль этильген денъишмелер себебинен базы шаркъыятчылар буны бир эпилепсия (сара) хасталыгъы оларакъ анълагъанлар ве бу ёлларда чешит тюрю иддиаларда булунгъанлар. Ниает бу иддиаларыны Азрети Пейгъамбернинъ –хаша- бир акъыл хастасы олгъаны дереджесине къадар еткизгенлер. Буны «Франсыз Миллий Тибиет Академиясына» тасдыкъ эттиребильмек ичюн, меселени о ерде бир ильмий дава суретинде эльге алынмасыны темин эткенлер. Бурада заманнынъ энъ сечильген экимлеринден тешкиль олунгъан бир эйет, 1842 йылында бу иддиаларны инджелеген ве тиббий себеплер боюнджа бунынъ асыл да мумкюн олмагъаны акъкъында узун ве изаатлы бир рапорт яйынлагъандыр. Адисенинъ тафсильатыны меракъ эткенлер, Профессор Доктор Феридун Нафиз Узлук тарафындан терджиме этилип «Рапорт» адынен яйынлангъан эсерге бакъмалары мумкюн. Бу эсер 1996 йылында «Себиль» яйын эви тарафындан Истанбулда басылгъандыр.

ПЕЙГЪАМБЕРЛИКНИНЪ ИЛЬК УЧЪ ЙЫЛЫ:ГИЗЛИ ДАВЕТ ДЕВРИ 

ибадет, кысса, вааз киби пек чокъ хусуснынъ энъ мукеммель нумюнелерини ичине алган Къуран аетлерини теблигъ этмекте эди.

- Сара хастасы шиддет иле къалтрар, анджакъ бу ал вахий эснасында корюльмей эди.

- Саралы, невбет эснасында сачма-сапан сёзлер айтар. Анджакъ Азрети Пейгъамберде бойле бир дурум ич корюльмегендир. Онынъ мубарек агъызындан тёкюльген келимелер инсанлыкънынъ эшиттиги энъ эдебий, энъ темиз ве энъ маналы сёзлердир.

Бунынъ иле бирликте ич бир вуджутнынъ, алты бинъден арткъач аетнинъ инзалине керек олган узун бир суре сара къасылмасына даянып оламайджагъы да тыббен ачыкълангъандыр.

Бутюн бу иддиалар, я макъсатлы япылгъандыр, яхут Расулаллах –салляллаху алейхи ве селлем-нинъ акъикъатыны анъламаманынъ бир нетиджесидир ки, ич бир мантыкълы тарафы ёкътыр.

### Нубюввет ве Рисалет

Аллах Таала къулларына, кенди ичлеринден сайлап пейгъамберлик вазифеси бергени февкъульаде кимселер вастасынен хитаб этмекни мурад этти. Бу адетуллах, аети керимеде шойле бильдириле:

وَرُسُلًا قَدْ قَصَصْنَاهُمْ عَلَيْكَ مِنْ قَبْلُ وَرُسُلًا لَمْ نَقْصُصْهُمْ عَلَيْكَ...

«Даа эвель санъа анълаткъанымыз пейгъамберлернен, анълатмагъанымыз башкъа пейгъамберлерге де (вахий эттик)...» (Ниса, 164)

وَلَقَدْ أَرْسَلْنَا مِنْ قَبْلِكَ رُسُلًا إِلَى قَوْمِهِمْ فَجَاؤُهُمْ بِالْبَيِّنَاتِ...

«Анд олсын ки, Биз сенден огюне озъ къавимлерине нидже пейгъамберлер джибердик те оларгъа (инсанларгъа) ачыкъ делил-лер кетирдилер...» (Рум, 47)

Бу себептен Аллах Таала ильк инсан иле башлап эр девирде пейгъамберлерини, неби я да расуль сыфатынен инсанларгъа бир рахмет олакъ джибергендир.



**Нубюввет** – акъыл саиби къулларнынъ дюнья ве ахирет ишлерини низамгъа къоймакъ ичюн Аллах иле къуллары арасында япылгъан эльчилик демектир.

**Расуль** - кендине вахий олунгъан ве алгъаны вахийни башкъасына теблигъ этмекнен вазифели олгъан кимседир. **Неби** исе озълеринден эвель расуль сыфатынен кельген бир пейгъамбернинъ шериатыны теблигъ ве иджра этмеге вазифели оларакъ джиберильген кишидир. О алда эр расуль небидир, факъат эр неби расуль дегильдир. Небининъ, расульден даа умумий олгъаныны ифаде эткен базы хадислер де накъиль этильмектедир. Бунынънен берабер, Къурани Керимеде бу келимелернинъ бири-бирининъ ерине къулланылмактадыр.

«Аллах Таала къулларынен не ичюн догърудан дегиль де пейгъамберлер вастасынен лаф эте?» деген бир суаль акъылгъа келеджек олса, шойле джевап бермек мумкюн:

Инсанларнынъ къудрет ве къабилиетлери фаркълыдыр. Чюнки аят функциялары фаркълыдыр. Эгер бутюн инсанлар чокъ къабилиетли олсалар эди, базы ишлерни кимсе япмагъа истемез эди. Энъ *суфлисинден*<sup>95</sup> энъ *ульвисине*<sup>96</sup> къадар бутюн захири ве дюньявий функцияларнынъ эда этильмеси, инсанларнынъ къабилиет итибары иле фаркълы яратылмасыны керекли къылгъандыр.


Инсанлыкъ тарихининъ энъ буюк лидерлери, муаллим ве тербиеджи-жилери, пейгъамберлердир. Зира топлумларны хидаетке кетирип айдынлатаджакъ, оларгъа ёл косьтереджек, инсанлардан зуур этеджек ярамайлыкъ ве эзиеглерге къатланаджакъ кимселернинъ, устюн къабилиетлер ве сонъсуз бир чыдав иле донатылгъан олмалары керек. Аркъасына такъаджагъы инсанларнынъ хайранлыкъ дуяджагъы васыфлары ве табиятлары олмаз исе, бир пейгъамбернинъ инсанларны тесир астына алып догъру ёлгъа алып бармасы мумкюн олмаз эди.

Бу себептендир ки пейгъамберлернинъ де фытратен устюн васыфлар иле донатылгъаны корюлир. Анджакъ, олар бу табий сермаелерни къуллана-наракъ кенди беджериклиги иле пейгъамбер оламазлар. Пейгъамберлик, бойле лаяйыкъ шахыслар ичинден иляхий тайин иле сайланып вазифелен-

95 Суфлий – алчакъ.

96 Ульвий – юксек.



ПЕЙГЪАМБЕРЛИКНИНЪ ИЛЬК УЧЪ ЙЫЛЫ:ГИЗЛИ ДАВЕТ ДЕВРИ 

дирильгенлерге махсустыр. Дигер бир ифаде иле нубюввет ве рисалет кесбий дегильдир. Яни тырышып ве гъайрет этип къазанылмаз. Аллах Таала къуллары арасында истегенини бу вазифеге сайлар. Аети керимеде шойле буюрыла:

اللَّهُ أَعْلَمُ حَيْثُ يَجْعَلُ رِسَالَتَهُ...

**«Аллаһ, пейгъамберликни кимге береджегини энъ яхшы бильгендир...»** (эль-Энам, 124)

Иляхий бир вахийнинъ сырадан бир инсаннен я да эр анги бирисинен джибермеси де ярашыкълы дегильдир. Зира инсанларнынъ тамамы, иляхий теблигъаты анълама ве иджра этмек хусусында кифает ве дирает итибары иле эшит дегильдирлер. Бу себептендир ки олар, нубюввет ве рисалетнинъ агъыр юкюни ташымагъа мукеллеф къылынмагъанлар.

Бундан да гъайры, Аллахнынъ эр инсангъа хитаб этип яни вахий джиберип эмир ве ясакъларыны бильдирмеси, дюньянынъ яратылмасындаки имтиан макъсадына терстир. Эмирлерни ве ясакъларны догъруджа Аллах Тааладан алгъан инсан, эр шейнинъ акъикъатыны там оларакъ идракъ этмек сурети иле бу эмирлерге меджбурен уяр. Бу исе инсаннынъ ираде, ихтияр ве гъайретини тайин этмеге мания оладжакъ ве мукафат ве джезаларны мантыкъсыз къыладжакътыр.

### Пейгъамберлернинъ сыфатлары

Бутюн пейгъамберлерде муштерек базы сыфатлар мевджуттыр. Булар; *сыдкъ, эманет, фетанет, исмет ве теблигъдир*. Пейгъамберлерге иман, бу хусусиетлер черчевесинде тамамланыр.

**Сыдкъ:** пейгъамберлернинъ, иляхий укумлерни, эмир ве ясакъларыны инсанларгъа теблигъде ве бергенлери эр тюрюлю хаберде догъру сёзлю, садыкъ олмаларыдыр. Олар сёз ве фииллеринде даима догърулыкъ узериндедилер. Сёз ве фииллери бир-бирилерининъ кузъгюси кибидир. Оларнынъ ялан айтмалары мумкюн дегильдир. Аллах –джелле джеллялю-һу- пейгъамберлерини садакъатлери себебинден макътагъандыр:

وَإِذْ كُنَّا فِي الْكِتَابِ إِبْرَاهِيمَ إِنَّهُ كَانَ صِدِّيقًا نَبِيًّا



**«Китапта Ибрахим акъкъында анълаткъанларымызны да хатырла! Шубесиз о, сыддыкъ (озю ве сёзю дос-догъры) бир пейгъамбер эди.»** (Мерьем, 41; айрыджа бакъынъыз Мерьем, 54, 56; Юсуф, 46)

Аллаһ Таала, пейгъамберлернинъ бир анъ биле сыдыкътан айрымаларынынъ мумкюн олмагъаныны шу шекильде бильдирмектедир:

وَلَوْ تَقَوَّلَ عَلَيْنَا بَعْضَ الْأَقَاوِيلِ. لَأَخَذْنَا مِنْهُ بِالْيَمِينِ. ثُمَّ لَقَطَعْنَا مِنْهُ الْوَتِينَ.

**«Эгер (пейгъамбер, меселя) Бизге атыф иле базы сёзлер уйдургъан олса эди, эльбетте Биз оны къуветнен якъалар эдик. Сонъра да ич шубесиз онынъ шахтамарыны къопарыр эдик.»** (Хакъкъа, 44-46)

Оларнынъ догърулыкълары кендилерине иман этмегенлер тарафындан биле тасдикъ этильген бир юксекликтедир. Иште бунынъ сайысыз мисаллеринден бир къачы:

Аллаһ Расули –салляллаху алейхи ве селлем-, даветини ильк ачыкълагъаны куньлерде Сафа тёпесинде юксек бир къаянынъ устюнден Күрейшлилерге шойле сесленди:

*«-Эй Күрейш джемааты! Мен сизге, шу дагънынъ этегинде яхут шу вадиде душман атлы аскерлер бар; аман сизге уджюм этеджек, малларынъызны гъасып этеджек десем манъа инанырсызмы?»*

Олар ич тюшюнмеден:

*«-Эльбетте инанырмыз! Чюнки шимдиге къадар сени догъру оларакъ бильдик. Сенинъ ялан айткъанынъны ич эшитмедик!»* дедилер. (Бухари, Тефсир, 26)

*Бизанс*<sup>97</sup> императоры Хераклий, пейгъамбер –салляллаху алейхи ве селлем- эфендимиз акъкъында малюмат теминлемек ичюн даа иман этмеген Эбу Суфьянгъа сорагъан суаллерден бири оларакъ:

*«-Ич сёзюнде турмагъаны олды мы?»* деп сорады.

О сыралар, Азрети Пейгъамберге –салляллаху алейхи ве селлем- къаршы олмасына рагъмен Эбу Суфьяннынъ бердиги джевап:

97 Бизанс – Византия.



ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

«Ёкъ, олмады! О бергени эр сёзни мутлакъа тутар!» ифадесинден ибарет олды. (Бухари, Бедуль-Вахий, 1, 5-6; Муслим, Джихад, 74)

Мекке мушриклеринден Убей бин Халеф де, Ислямнынъ энъ къатты душманларындан бири эди. Хиджреттен эвель алемлернинъ эфендисине:

«-Бир ат бакъам; онъа энъ яхшы шейлер ашатам. Бир кунъ онъа минип сени ольдюрөджем.» деп айтар эди.

Расулюллах –салляллаху алейхи ве селлем- де бир дефасында онъа:

«-Иншаллах мен сени ольдюрөджем!» шеклинде джевап берди.

Ухуд харби куню бу ахмакъ мушрик, Азрети пейгъамбер –салляллаху алейхи ве селлем-ни къыдырып шойле айта эди:

«-Эгер бугунъ о къуртулса, меним ишим биткен демектир!»

Бу тюшюндженен пейгъамбер эфендимизге атылмакъ ичюн якъынына къадар кельди. Сахабеи кирам да, о адам даа узакъта олгъанда онынъ башыны учуртмакъ истедилер. Расулюллах –салляллаху алейхи ве селлем-:

«-Токъунманъыз кельсин!» буюрды.

Убей бин Халеф якълашынджа Фахр-ы кяинат эфендимиз, сахабеден бирисининъ элинден мызрагъыны алды. Бу сефер Убей гери къачмагъа башлады. Анджакъ пейгъаберлер султаны:

«-Къайда къачасынъ эй яланджы?» деп мызрагъыны атты. Мызракъ Убейнинъ бойнуна енгиль шекильде тийип кечти, факъат о, бу къадарчыкънен биле атындан тюштю; бир къач кере юварланды ве джан-алямет чапып озъ тарафына къачты. Бир яндан къача, бир яндан да козьлери юварларындан чыкъаджакъ бир алда къычыра эди:

«-Емин этерим ки, Мухаммед мени ольдюрди!...»

Янына келип ярасына бакъкъан мушриклер:

«-Бу эмиетсиз бир сыдырма!» дедилер.

Факъат о сакинлешмеди ве шойле деди:



«-Мухаммед манъа Меккеде олгъанда: «Мен сени кесинликле ольдюреджем!» деген эди. Емин этерим ки, эгер манъа бир тукюрюк биле атса, мен кене олерим!..»

Аркъасындан багъырмагъа девам этти. Сеси, санки бир окюзнинъ богъурмасы киби чыкъа эди.

Эбу Суфьян:

«-Шу уфакъ ярачыкъ ичюн о къадар бакъырылырмы?» деп оны айыплагъанда, Убей, онъа шойле деди:

«-Сен билесинъ ми, бу сыйрыкъны ким япты? Бу Мухаммеднинъ ачкъан бир ярадыр. Лат ве Узагъа емин этерим ки, бу ярадан дуйгъаным аджыны бутюн Хиджаз халкъына дагъытсалар, эписи де ёкъ олур. Мухаммед манъа Меккеде: «*Мен сени кесинликнен ольдюреджем!*» деген эди. Мен тап о вакъыт онынъ къолундан оледжегимни ве ондан къуртуламайджагъымны анълагъан эдим.»

Ниает бир пейгъамбер душманы олгъан Убей, Меккеге барып етмеден бир кунъ огъуне ёлда олды. (Ибн-и Исхакъ, с. 89; Ибн-и Сад, II, 46; Хаким, II, 357)

Бу адисе, не къадар ибретлернен толу. Азрети пейгъамбер –салляллаху алейхи ве селлем-ни якъындан таныгъан яман бир мушрик биле, онынъ сёзюнинъ не къадар къуветли ве хакъ олгъанына инанмакътадыр.

Эбу Мейсере айта ки:

«Аллаһнынъ Расули –салляллаху алейхи ве селлем- бир кунъ Эбу Джехиль ве аркъадашларынынъ янындан кече эди. Олар Азрети Пейгъамберни коръгенинен:

«-Эй Мухаммед, валлаһи биз сени яланджы саймаймыз; сен бизим къатымызда садыкъ ве догъру бир кишисинъ. Лякин биз, сенинъ кетирген шейни ялан коремиз» дедилер. Бунынъ узерине аети кериме назиль олды:

قَدْ نَعْلَمُ إِنَّهُ لَيَحْزُنُكَ الَّذِي يَقُولُونَ فَإِنَّهُمْ لَا يُكَذِّبُونَكَ وَلَكِنَّ  
الظَّالِمِينَ بِآيَاتِ اللَّهِ يَجْحَدُونَ





**«Оларнынъ айткъанлары сенинъ джаныны агъыртаджагъыны эльбетте билемиз; догърусы олар сени яланджы саймайлар, факъат залымлар Аллахнынъ аетлерини билип-турып инкяр этелер.»** (эль-Энам, 33)» (Вахиди, с. 219)

Мухаммед Мустафа –салляллаху алейхи ве селлем-нинъ арифсиз ве сёзсиз бир шекильде садедже бети биле садакъатнынъ джисим булгъан алы эди. Ойле ки, еудийлернинъ билинген алимлеринден Абдуллаһ ибн Селям, онынъ гуль юзюни корьгенинен:

«-Бу бет яланджы бети оламаз!» деп иман эткен эди. (Тирмизи , Къияме, 42; Ахмед, V, 451)

Пейгъамберлик кельмезден эвельки аятында биле, инсанларгъа шакъа ниетинен де олса ялан айтмагъан бир инсаннынъ, Аллахкъа нисбет иле ялан сёйлемеси имкянсыздыр. Зира Пейгъамбер эфендимиз ялан айтмакъны мунафыкълыкъ<sup>98</sup> алямети сайгъан ве умметини яландан шидет иле мен эткендир. (Бухари, Иман, 24; Муслим, Иман, 107)

Бир хадислеринде шойле буюргъандырлар:

*«Къул ялан айтмагъа ве ялан айтма ниетини ташымагъа девам эткенинен юрегине къара бир нокъта урулыр. Сонъра бу нокъта балабанлашыр ве юрегин тамамы симсия олур. Бу кимсе ниаетинде Аллах къатында «яланджылар» арасына къыйд этилир»* (Муватта, Келям, 18)

Нуфей бин Харис –радиаллаху анх- шойле накъиль эте. Бир кунь Пейгъамбер –салляллаху алейхи ве селлем-:

«-Буюк гуняхларнынъ энъ агъыр олгъаныны сизге хабер берейим ми?» деп учъ кере сорады. Биз де:

«-Эбет, я Расулаллах!» дедик. Расули Экрем эфендимиз:

«-Аллахкъа ширк къошмакъ, ана бабагъа итаатсызлыкъ этмек» буюргъандан сонъра, яслангъаны ерден догъурылып отурды ве:

«-Яхшы дингъленгъиз, бир де ялан айтмакъ ве яланджы шаатлыкъ япмакъ» деп буюрды. Бу сёзни о къадар текрарлады ки даа чокъ кедерленмесини истемегенимиз ичюн лаф этмемесини арзу эттик. (Бухари, Эдеб, 6; Муслим, Иман, 143)

---

98 **Мунафыкъ** – эки юзьлю адам.

Къурани Керимде садакъатнынъ эмиетине даир шойле буюрылыр:

قَالَ اللَّهُ هَذَا يَوْمٌ يَنْفَعُ الصَّادِقِينَ صِدْقُهُمْ لَهُمْ جَنَّاتٌ تَجْرَى مِنْ تَحْتِهَا الْأَنْهَارُ  
خَالِدِينَ فِيهَا أَبَدًا رَضِيَ اللَّهُ عَنْهُمْ وَرَضُوا عَنْهُ ذَلِكَ الْفَوْزُ الْعَظِيمُ

**«Аллаһ бойле буюраджакътыр: Бу, догъру инсанларгъа догърулыкълары файда береджек куньдир. Оларгъа ичинде эбедий къаладжакълары, земининден ирмакълар акъкъан дженнетлер бардыр. Аллаһ олардан разы олгъандыр, олар да Ондан разы олгъандырлар. Иште, буюк къуртулыш ве къазанч будыр.»** (Маиде, 119)

**Эманет:** Бутюн пейгъамберлер сонъ дередже эмин, ишанчлы, дюрюст ве мумтаз шахсиетлердир. Бешериетнинъ энъ эмин кимселеридир. Эхли иман олмагъанлар биле оларгъа бир ишанч ичиндедилер. Пейгъамберлернинъ эманет сыфаты, оларнынъ эр хусуста эмин ве ишанчлы олмаларынен бирликте, даа зияде вахий узеринде эмин олмаларыны, Аллаһнынъ эмир ве ясакъларыны инсанларгъа денъиштирмеден, арттырып эксильмеден теблигъ этмелерини ифаде этер.

Аллаһ Таала пейгъамберлик шереф ве вазифесини хаинлерге дегиль, анджакъ эр джеиттен эмин олгъан садыкъ къуллаарына берер. Аети керимеде пейгъамберлернинъ умметлерине:

أُبَلِّغُكُمْ رِسَالَاتِ رَبِّي وَأَنَا لَكُمْ نَاصِحٌ أَمِينٌ


**«Сизге Раббимнинъ вахий эткенини теблигъ этем ве мен сизлер ичюн эмин бир насиатчым.»** (Араф, 68)

إِنِّي لَكُمْ رَسُولٌ أَمِينٌ

**«Шубесиз мен, сизге джиберильген эмин бир пейгъамберим.»** буюргъанлары бильдирилир. (Шуара, 107, 125, 143, 162, 178; Духан, 18)

Нитеким, Азрети Пейгъамбер –салляллаху алейхи ве селлем- акъкъында айтылгъан «Мухаммедуль-Эмин» табири мушриклернинъ де тиллеринден тюшмез эди ве олар эманетлерини кенди яндашларына дегиль, Расули Экрем эфендимизге теслим этер эди. Атта хиджрет этеджеги вакъыт биле,



ПЕЙГЪАМБЕРЛИКНИНЪ ИЛЬК УЧЪ ЙЫЛЫ:ГИЗЛИ ДАВЕТ ДЕВРИ 

Азрети Пейгъамбернинъ янында мушриклернинъ бир такъым эманетлери бар эди. Ве олюм телюкесине рагъмен Азрети Алини Меккеде къалдырып оларны саиплерине теслим эттиргендир.

Эль-Эмин васфы, Пейгъамбер –салляллаху алейхи ве селлем- эфендимизнинъ экинджи ады киби олгъандыр. Нитеким Варлыкъ Нуры 25 яшына кельгенде Меккеде садедже **эль-Эмин** (энь эмниетли киши) ады иле чагъырыла эди. (Ибн-и Сад, I, 121, 156) Кябе хакемлиги эснасында Онынъ кельгенини корьгенлер «эль-Эмин келе» деп севинген ве эр хусуста кендисине итимат эдерек онынънен истишаре эткенлердир. Огъурда джаныны, малыны ве эр шейини феда эткен асхабы кирам къадар, Онынъ джанына къаст эткен хасымлары да Пейгъамбер эфендимизнинъ эминлиги акъкъында бир шей сёйлемегендирлер.

Пейгъамбер эмин олгъаны киби оларгъа вахий кетирген Джебраилъ-алайхисселям- да эминдир. Нитеким Дженабы Хакъ:

مُطَاعٌ ثُمَّ أَمِينٌ

«О, кендисине итаат этильген, эмин бир эльчидир.» буюрмакътадыр (Теквир, 21) Бойледже вахий, семадаки Эмин вастасынен ер юзюндеки Эминге йиберильген эди.

**Фетанет:** Пейгъамберлер, инсанлар ичинде эр тарафтан бильхасса акъыл, зека ве ферасет джиэтинден энь устюн дереджедедир. Олар, къуветли бир афыза, юксек бир мантыкъ ве инандырма къабилиетине саиплердир.

Фетанет, къуру бир акъыл ве мантыкъ дегиль, деханынъ да отесинде бир идракъ севиесидир. Къальбке багълы акъыл, ферасет ве басиретнинъ ифадесидир. Эр пейгъамбернинъ, вазифесини эксиксиз ве мукеммель бир шекильде ерине кетирип олмасы ичюн, бойле устюн бир зекагъа саип олмасы керек. Акс такъдирде, джиберильдиги кимселерге къуветли делиль кетирип оламаз, оларны икъна этамаз яхут инандырамаз.

Пейгъамберлер, энь къапалы ве мушкуль меселелерни биле къолайлыкънен чезерлер. Мевзуларны изаатлагъанда, имкянсыз бир къолайлыкънен къонуштыкълары ичюн идракъ севиелери фаркълы фаркълы олгъан мухатаплары, оларны анъламакъта зорлукъ чекмезлер.



Бу сыфат, бутюн пейгъамберлерде фаркълы фаркълы корюнгендир, Азрети Пейгъамбер –салляллаху алейхи ве селлем-нинъ исе бутюн аята бу сыфатнынъ юджелигинен кечкендир. Бундан огюне айтып кечкенимиз киби Кябе тамир этильгенде Хаджер-и Эсведни ерине къойма меселе-синде догъган буюк ихтиляфны, о эснада Харем къапысында корюн-ген Алемлернинъ Эфендиси, бенъзерсиз бир басирет ве ферасет мисали сергилейип чезген, къабилелер арасында чыкъмасы мухтемель олгъан дженкке мания олгъандыр.

Кене онынъ Ислям ёлунда яптыгъы мухаребелерде косътерген ди-раети, барыш анылашмаларында ортагъа къойгъан ферасети, Меккенинъ къан тёкмей фетих этильмеси ве хидаетлерге весиле олмасы, Хунейнде ве Таифте татбикъ эткени тактика ве косътерген адалети, ич бир бешернинъ улашамайджагъы, мертебесине эришилъмез бир фетанет эсеридир.

Бир мусульман да, пейгъамбердеки фетанет сыфатындан иссе алып, акъыл ниметини энъ файдалы бир шекильде къуullanмалыдыр. Кимге, нени, не заман ве насыл сёйледжегини ве не шекильде давранаджагъы-ны яхшы бильмелидир. Месея, Джафер-и Тайяр –радиаллаху анх-нынъ, Хабешистан Неджашисине Ислям акъкъында бильги бергенде такиб эт-тиги индже услуб, бир мусульманнынъ фирасетини косътермеси бакъ-ымындан пек ибретлидир. Христиан олгъан Неджаши, Джафер-и Тайяр –радиаллаху анх-нынъ Къуруани Керимден бир къач ает окъумасыны та-леб эткенде о, ильк башта инкъарджыларгъа мейдан окъугъан Кяфирун су-ресини дегильде, ичинде Азрети Иса ве анасындан макътав ве итибар иле бахис этильген Меръем суресини окъуды. Азрети Джафернинъ тиливет эттиги аети джелилелерни хушу ичинде динълеген Неджаши, козьлери яшланып:

«-Шубесиз шу динълегенлерим иле Исанынъ кетиргени, эписи бир нур менбасындан фышкъыра!» деди ве бир муддет сонъра Ислям иле ше-рефленди. (Ибн-и Хишам, I, 358-360)

**Теблигъ:** Пейгъамберлер иляхи эмирлерни дос-догъру оларакъ, эмир этильгенлери шекильде инсанларгъа бильдирирлер. Оларнынъ теблигъ-леринде, кендилеринден не бир иляве не де эксиклик бардыр. Теблигъ, пейгъамберлернинъ муштерек сыфатларындан ве энъ эмиетли вазифеле-риндендир. Аети керимеде шойле буюрыла:



يَا أَيُّهَا الرَّسُولُ بَلِّغْ مَا أُنْزِلَ إِلَيْكَ مِنْ رَبِّكَ وَإِنْ لَمْ تَفْعَلْ فَمَا بَلَّغْتَ رِسَالَتَهُ...

«Эй расуль! Раббинъден санъа эндирильгени теблигъ эт. Эгер буны япмаз исен Онынъ рисалет вазифесини ерине кетирмеген олур-сынъ...» (Маиде, 67)

Пейгъамберлер, теблигъ вазифелерини ерине кетиргенде, чешит тюрлю сыкъынтыларнен къаршылашкъандырлар. Факъат ич бир заман даваларындан *тавиз*<sup>99</sup> бермегендирлер. Аятлары бу хусуста ибретли адиселернен толудыр. Пейгъамбер эфендимз, Ислямгъа давет эткенде энъ якъынларындан башлагъан, заман ве мекянгъа коре арекет эткен, мухатабнынъ рух алыны ве анълайыш севиесини козь огюнде туткъан, *тедриджиликке*<sup>100</sup> риает эткен, тапкъан эр фыршатны къуллангъан, даима къолайлаштырып асла зорлаштырмагъан, эр вакъыт мужделеген, ич нефрет эттирмегендир.

Бутюн омюрини Ислямны теблигъ этмеге адагъан Варлыкъ Нуры, веда хутбесинде де асхабына хитабен: «Теблигъ вазифеми яптым мы?» деп сорагъан, олардан мусбет джеваб алгъанынен, «Аллаһым шаат ол!» деп, вазифесини япкъан олмакънынъ лезетини яшагъандыр.

Бутюн муминлер де Аллах Расулининъ бу теблигъ усулларына къабилиетлери микъдарынджа саип олмалары керек. Зира Ислямны теблигъ, мусульманлар узеринде фарз укумюндедир. (Али Имран, 3/104, 110)

Расулюллах –салляллаху алейхи ве селлем- эфендимиз шойле буюрмакътадыр:

«Сизден эр ким бир ярамайлыкъ коръсе, оны къолынен тюзельтсин, кучю етмез исе тилинен тюзельтсин, бунъа да кучю етмез исе юрегинен *бугъзетсин*<sup>101</sup>! Бу исе иманнынъ энъ зайыф алыдыр.» (Муслим, Иман, 78)

Бир джемиетте *маруфны*<sup>102</sup> эмир эткен, *мункерден*<sup>103</sup> мен эткен кимселер олмаз исе, чиркин ишлер заманнен адет алына келир ве аятта нормаль къаршыланмагъа башлар. Мани олунмагъан ярамайлыкъ, бир муд-

99 **Тавиз** – Арткъа адым атмакъ, ёлундан къайтмакъ, йымшакъ давранмакъ.

100 **Тедриджилик** – Бир шейни ашыкъмайып сырасынен, мертебе-мертебе, басамакъ-басамакъ япмакътыр.

101 **Бугъз этмек** – бегенмек, дарылмакъ, джан агъыртувы.

102 **Маъруф** – Билинген, эмир этильген гузель шей.

103 **Мункер** – чиркин олгъан, ясакъ этильген шей

дет сонъра истенир исе де мани олунмасы мумкюн олмагъан бир алгъа келир. Хакъ иле батыл бирбиринен къарышаракъ акъикъат ортадан ёкъ олур ве инсанлар Аллахны унутырлар. Бунынъ нетиджеси де о джемиетнинъ тамамен эляк олмасыдыр. Бу аджы акъибеттен къуртулмакъ ичюн теблигъ фаалиетине эмиет бермек керек.

**Исмет:** Пейгъамберлер, гизли ве ашикяр эр тюрлю масиет ве гюнах ишлемектен узакътыр. Бу васыфлары себебинен, олар, пейгъамберликлеринден огюне де сонъра да ширк батакълыгъына тюшмектен къорчалангъанлардыр. Кене Аллахтан алгъанлары вахийни инсанларгъа теблигъ эткенде унутмалары ве хата этмелери мумкюн дегильдир.

Пейгъамберлер **исмет** сыфатына саип олмасалар эди, бергенлерри хаберлернинъ догърулыгъына ишанмаз эдилер. Бу ал исе оларнынъ, Аллахнынъ худжети олма хусусиетлерине кольге тюшюрир эди.

Эхли суннетке коре пейгъамберлер асла гюнах ишлемезлер. Янъыларакъ, бир такъым икметлерге бинаен «зелле» ишлемелери мумкюн исе де хаталары узеринде быракъылмазлар, аман ает иле тюзельтилир ве икъаз этилирлер.

Бу «зелле» дегенимиз гъайр-ы иради бешери хаталар; пейгъамберлернинъ аджизетни татмалары ве инсан олгъанлары хатырланаракъ кендилерине иляхлыкъ изафе этильмемеси ичюндир.

Зира олар, мисаль алынмасы мумкюн оладжакъ давранышлар сергилемек дурумындалар. Акс алда инсанлар, «Пейгъамберлернинъ эмир эткенлери бизим такъатымызнынъ устюндедир» деп иляхий эмир ве нехийлерни ерине кетирмемек ичюн пек чокъ себеп уйдуыр эдилер. Бу акъикъатны козь огюнде тутмайып, пейгъамберлернинъ мелеклерден олмасыны керек олгъаныны тюшюнген гъафиллер де чыкъкъан ве буларгъа аети кериме шойле джевап берген:

قُلْ لَوْ كَانَ فِي الْأَرْضِ مَلَائِكَةٌ يَمْشُونَ مُطْمَئِنِّينَ لَنَزَّلْنَا عَلَيْهِمْ  
مِّنَ السَّمَاءِ مَلَكًا رَسُولًا

«(Эй Расулим! Оларгъа) Шуны сёйле: Эгер ер юзюнде ерлешкен, кезип юрьген (инсан дегиль де) мелеклер олса эдилер, эльбетте оларгъа коктен, пейгъамбер оларакъ, бир мелек ёллар эдик.» (Исра, 95)



وَمَا جَعَلْنَاهُمْ جَسَدًا لَا يَأْكُلُونَ الطَّعَامَ وَمَا كَانُوا خَالِدِينَ

«Биз оларны (пейгъамберлерни), аш ашамаз бирер (джансыз) джесет оларакъ яратмадыкъ. Олар (бу дюньяда) эбедий де дегиллер.» (Энбия, 8)

Дигер тарафтан пейгъамберлер, умметлерининъ айны хатагъа тюш-  
мемеси ве хата эттиклері такъдирде насыл арекет этеджеклерини косъ-  
термек бакъымындан да мисаль алмакъ зорундадырлар.

Меселя Нух –алеѳһисселям- 950 сенелик сабырлы муджаделеден  
сонъра къавми хидаетке кельмегендже:

فَدَعَا رَبَّهُ أَنِّي مَغْلُوبٌ فَانْتَصِرْ

«Раббине: (Я Рабби) магълуп олдым; артыкъ манъа ярдым эт!»  
деп сыгъынды» (Къамер, 10)

Бу дуасынынъ нетиджесинде къавми сувда богъулып эляк олды.  
Къавми киби инанмагъан огълу ичюн де бабалыкъ мераметинен шойле  
дуа этти:

رَبِّ إِنِّي أَخْلِي

«Эй Раббим! Шубесиз огълум да къорантамдандыр.» деди. (Худ,  
45)

Нух къавмине беддуа этип огълуна дуа эткени ичюн, Аллах онъа:

إِنِّي أَعْظُكَ أَنْ تَكُونَ مِنَ الْجَاهِلِينَ

«(Эй Нух,) Мен санъа джаиллерден олмаманынъ тевсие этерим!»  
буюрды. (Худ, 46)

Нух –алеѳһисселям-нынъ бу зеллеси, къыяметке къадар келеджек  
бутюн умметлерге бир мисаль олгъандыр.

«Хатасыз олмакъ» сыфаты садедже Дженабы Хакъкъа махсустыр.  
Къулла ичюн хатадан узакъ къалмакъ мумкюн дегильдир. Анджакъ

мусульман, хаталары энъ азгъа тюшюрме гъайрети ичинде олмалыдыр. Бунунъ ичюн Къурани Керимде пек чокъ ерде зикир, яни къальбин Дженабы Хакъ иле берабер олмасы эмир этильмектедир. Юрек «Аллаһ» дегенде бир акъсызлыкъ япып оламаз, янълыш бир давранышта булунамаз. Зира Аллах Таала шойле буюрур:

وَلَا تَكُونُوا كَالَّذِينَ نَسُوا اللَّهَ فَأَنْسَاهُمْ أَنْفُسَهُمْ أُولَٰئِكَ هُمُ الْفَاسِقُونَ

«Аллаһны унутып да Аллаһнынъ да озь-озьлерини унуттыргъаны кимселер киби олманъыз; олар ёлдан чыкъкъан фасыкъ кимселердир.» (Хашр, 19)

Кене бу хусуста гъафлетке тюшкенлер ичюн Аллах Таала:

فَوَيْلٌ لِلْقَاسِيَةِ قُلُوبُهُمْ مِنْ ذِكْرِ اللَّهِ أُولَٰئِكَ فِي ضَلَالٍ مُّبِينٍ

«...Юреклери, Аллаһны зикир этмек хусусында къатты олгъанларгъа языкълар олсун; иште булар апачыкъ далялеттедирлер.» буюрмакътадыр. (Зумер, 39/22)

Пейгъамберлернинъ бу беш сыфатларындан (сыдкъ, эманет, фетанет, теблигъ, исмет) башкъа, тек Азрети Пейгъамбер –салляллаху алейхи ве селлем-де олгъан учъ буюк сыфат даа бардыр, шунлардыр:

1. Расули Мудждеба –алейхи экмелют техая- Эфендимиз – Хабибуллахтыр, бутюн пейгъамберлерден даа фазилетлидир ве О, инсанлыкънынъ энъ шерефлисидир. Шаир Неджип Фазыл, Оны къысаджа шойле анылатыр:

Ытрыны<sup>104</sup> сюзген эзель,  
Бал Сенсин варлыкъ петек...


2. Бутюн инсанларгъа ве джинлерге йиберильди. Яни Расулюс-секъ-алейн<sup>105</sup>дир. Кетирген дини къыяметке къадар девам этеджек. Башкъа пейгъамберлер исе кечиджи бир заман ичюн я да тек бир къавимге йиберильгенлер. Ве башкъа пейгъамберлерин муджизелери тек яшангъан за-

<sup>104</sup> Ытыр – къокъу.

<sup>105</sup> Расулю-с сакъалейн – эки алемнинъ пейгъамбери; эм инсанларгъа эм джинлерге пейгъамбер оларакъ йиберильгени ичюн Пейгъамберимиз бу аднен аныылды.





ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

манларында исе, Азрети Пейгъамбер -саллаллаhu алейхи ве селлем-нинъ муджизелери бутюн заманларны ичине алып. Ве Онынъ энъ буюк муджизеси Къурани Керим къыяметке къадар бозулмадан девам этеджектир.

3. Хатему-ль Энбия – пейгъамберлерин сонъуджысы. Бундан айры оларакъ Азрети Пейгъамбер –салляллаhu алейхи ве селлем-ге къыямет куню ичюн *макъам-ы махмуд*<sup>106</sup> ве *шефаат-ы узма*<sup>107</sup> берильгендир. Бу себепнен о мерхамет пейгъамбери, махшерде умметин гунахкярларына шефаат этеджек ве бу шефааты да къабул оладжакътыр. (Бухари, Тевхид, 36)



Бир инсанны севип онынъ шахсиет ве табиятына айранлыкъ дуйманынъ ве оны такълид этмеге чалышмакъ, фытрий бир темаюльдир. Бу бакъымдан инсан огълы ичюн, энъ мукеммель орьнеклерни тапып оларнынъ изинден кетebilъмек, пек муим бир меселедир. Бу себепнен лютуф ве кереми сонъсуз олгъан Аллах, инсан огълына садедже китаплар дегиль, бир де о китапларнынъ джанлы ифаделерни яни пейгъамберлерини йибергендир. Ойле орьнек шахсиетлер ки, диний, илмий ве ахлякый давранышлар итибарынен эр тарафтан мукеммельдирлер. Нитеким о пейгъамберлерин эр бири, инсанлыкъ тарихинде белли бир орьнек давранышы зирвелештиререк инсанларгъа мустесна хызметлерде булунгъанлардыр.

Меселя пейгъамберлер ичинде **Азрети Нух** -алейхисселям-нынъ аятына бакъылгъанында, онджеликле; имангъа давет, зорлыкъларгъа тахаммуль,сабыр ве нетиджеде де куфрге ве куфур эрбабына къаршы шидетли бир душманлыкъ козге чарпар.

**Азрети Ибрахим** -алейхисселям-нынъ аяты, ширкке къаршы амансыз бир муджаделе ве путперестликни ёкъ этме огърында кечти, айрыджа Немруднынъ атешлерини гуль бахчелерге чевирген Аллахкъа *теслимиет*<sup>108</sup>, *тевеккюль*<sup>109</sup> ве *итимад*<sup>110</sup> хусусында мустесна бир нумуне олгъандыр.

106 **Макъам-ы махмуд** – Пейгъамберимизге Аллах тарафындан ваде этильген юдже макъам, махтавлы макъам.

107 **Шефаат-ы узма** – Пейгъамберимизнинъ къыямет куню гунахкяр мусульманлар ичюн япаджагъы шефааттыр, гунахларнынъ багъышланмасы ичюн дуа.

108 **Теслимиет** - Аллахнынъ эмирине теслим олмакъ, бойсунмакъ.

109 **Тевеккюль** - Аллахкъа ишанып таянмакъ.

110 **Итимад** - Аллахкъа таянмакъ.



**Азрети Муса** -алейхисселям-нынъ аяты, залым Фираун ве якъынлары иле муджаделе алында кечкен ве о, даа сонъ кетирген шериятнен муминлер ичюн ичтимаи бир низам тесис эткендир.

**Азрети Иса** -алейхисселям-нынъ, теблигъатынынъ фарикъ васфы, инсанларгъа къаршы шефкъат ве мерхаметнен толу бир къалбий йымшакълыгъыдыр. Инсанларгъа аф этиджилик ве алчакъ гонъюллилик киби юдже аллар бу пейгъамберде диккъат чекер.

**Азрети Сулейман** -алейхисселям-нынъ тиллерге дестан олгъан о козь къамаштырджы салтанатына рагъмен, тевазу ве шукюр иле къальбий тавырыны муафаза этерек Раббе къуллукъта юджельмеси айранлыкъ бериджидир.

**Азрети Эйюб** -алейхисселям-нынъ аятында беляларгъа къаршы сабыр ве эр алда Аллаһкъа шукюр корюнмектедир.

**Азрети Юнус** -алейхисселям-нынъ аяты, Аллаһкъа ёнелип багъланманынъ ве къусурындан пешманлыкъ косьтерип тевбеге сарылманынъ кямиль бир мисалидир.


**Азрети Юсуф** -алейхисселям-, эсарет алында экенде дахи Аллаһкъа багълылыкъ ве даветининъ зирвесини яшагъандыр. О, сервет, шан-шурет ве шехвет саиби гузель бир къадыннынъ «Айда, кель манъа!» деп, нефске хош кельген бир теклифте булунгъан заманда биле буюк бир ифдет сергилегендир.

**Азрети Давуд** -алейхисселям-нынъ аяты, иляхи азамет къаршысында ибрет сайфелеринен толудыр. Онынъ да Аллаһ къоркъусы ичинде, козьашы тѣкюп хамд-у сенасы ве зикр этиши, нияз алында Аллаһкъа ёнелиши пек ибретлидир.

**Азрети Якъуб** -алейхисселям-нынъ яшайышы исе, инсаннынъ козюнде дюнья къараргъанда биле уютсизликке тюшмейип, гузель сабырнен Аллаһкъа багъланмакъ ве Онынъ рахметинден уют кесмемек керек олгъанына даир буюк бир мисальдир.

**Азрети Адем** -алейхисселям- ве **Хавва** анамызнен башлангъан инсанлыкъ къорантасы, диний хукур ве саадет иклиминде яшамакъ узьре; бугунъ Меккеде Кябенинъ ерини ильк ибадетхане эткен эдилер. Аятый ве ичтимаий кереклилик себебинен этрафкъа яйылгъан Адем огъуллары, заман заман пейгъамберлернен иршад олынып диний аятларыны девам



ПЕЙГЪАМБЕРЛИКНИНЪ ИЛЬК УЧЪ ЙЫЛЫ:ГИЗЛИ ДАВЕТ ДЕВРИ 

эттиргенлер ве бу суретнен иляхий акъикъатларгъа садыкъ къалгъанлардыр. Чюнки иляхий акъикъатлар, Азрети Адем -алейһисселям-дан итибарен заман заман бир такъым дин бозуджылары ве джаиллер тарафындан бозулгъандыр. Анджакъ Дженабы Хакъ пейгъамберлер йиберерек бу бозулманы тюзельтип, динни янъы баштан тирильткендир. Бу суретнен инсанлыкъ, алемий, фердий ве ичтимай феякетлерден къуртарылгъандыр.

Ниает, дюнья кунюнинъ экинди вакътына бенъзеген *аср-ы сааде*<sup>111</sup> кельди ве Пейгъамбер Эфендимиз –салляллаху алейхи ве селлем-нен диний аят ильк башлагъаны ерде, сонъ бир кемал зирвеси косътерди. Артыкъ зирве тешкиль эткен Азрети Мухаммеднинъ кемалындан сонъ бир кемал тасаввуры имкъансыздыр. Зира пейгъамберлер йиберип Аллаһ Динни джанландыргъан ве разы олгъаны динни Ислям оларакъ бельгилегендир.

### Пейгъамберимизнинъ Инсан Олышы

Аллаһ Таала, инсанларгъа кенди джынысларындан, араларында яшагъан ве аятыны бутюн инджеликлеринен билъгенлери пейгъамбер йиберди. Юдже Раббимиз мушриклернинъ муджизе истемелери къаршысында Азрети Пейгъамбер –салляллаху алейхи ве селлем-ге шойле демесини вахий эткендир:

قُلْ سُبْحَانَ رَبِّيَ هَلْ كُنْتُ إِلَّا بَشَرًا رَسُولًا. وَمَا مَنَعَ النَّاسَ  
أَنْ يُؤْمِنُوا إِذْ جَاءَهُمْ الْهُدَى إِلَّا أَنْ قَالُوا أَبَعَثَ اللَّهُ بَشَرًا رَسُولًا.  
قُلْ لَوْ كَانَ فِي الْأَرْضِ مَلَائِكَةٌ يُمِشُونَ مُطْمَئِنِّينَ لَنَزَّلْنَا عَلَيْهِمْ  
مِّنَ السَّمَاءِ مَلَكًا رَسُولًا.

«...Де ки: Раббимни тензих этерим. Мен, садедже инсан олгъан бир эльчийим. Инсанларнынъ, «Аллаһ, пейгъамбер оларакъ бир инсанны ёлладымы?» демелери, озълерине хидает ребери кельген сонъ бунъа инанмаларына мания олгъандыр. Шуны сёйле: Эгер ер юзюн-

111 Аср-ы Саадет - сеадет асры, Пейгъамберимизнинъ яшагъан асыры.



де ерлешкен кезип юрьген мелеклер олса эди, эльбетте оларгъа кок-тен, пейгъамбер оларакъ, бир мелек ёллар эдик.» (эль-Исра, 93-95)

Расулюллах –салляллаху алейхи ве селлем- Аллах Таалаянынъ изини олмадан, озь ирадесинен муджизе керчеклештирип оламайджагъыны, зира кендисининъ де олар киби бир инсан олгъаныны бильдиргендир.

Дженабы Хакъ бир чокъ аети керимеде:

قُلْ إِنَّمَا أَنَا بَشَرٌ مِّثْلُكُمْ يُوحَىٰ إِلَيَّ أَنَّمَا إِلَهُكُمُ إِلَهُ وَاحِدٌ

«Де ки: Мен, ялынъыз сиз киби бир бешерим. (Шу бар ки) манъа Иляхынъызнынъ, садедже бир Илях олгъаны вахий олунмакъта, Артыкъ эр ким Раббине къавушмакъны умют эте исе, яхшы иш япсын ве Раббине ибадетте ич бир шейни ортакъ къошмасын.» (эль-Кехф, 110) буюраракъ бу акикъатны беян эткендир:

Фахри Кяинат -салляллаху алейхи ве селлем- Эфендимиз де бир хадиси шерифлеринде инсан олгъаныны шойле бильдиргендир:

«Мен де сиз киби бир инсаным. Сиз даваларынъызнен манъа келесингиз. Базынъыз делиль оларакъ, башкъасындан даа икъна этиджи олмасы себебинен, мен, онынъ лехине укюм бере билирим. Кимин лехине, къардашынынъ акъкъындан бир шей укюм эткен олсам (бильсин ки), онынъ ичюн джеэннемден бир атеш парчасы кескенимдир.» (Бухари, Шехадат, 27; Мезалим, 16; Муслим, Акдие, 5)

Пейгъамберлер садедже вахий теблигъ этмек ичюн дегиль айны заманда онъа уйгун бир аят тарзы ортагъа къоймакъ, эр адисе къаршысында орънек бир шахсиет олмакъ ве фиилий бир олъюк олмагъа йиберильгенлер. Бу исе бир инсан топлулыгъы ичинде керчеклештириледжеги ичюн, бу вазифени садедже бир инсан япар. Эгер бир эльчи оларакъ бир мелек гонъдерильсе эди, онынъ япадагъы тек шей вахийни инсанларгъа теблигъ этмек олур эди. Чюнки мелек инсанларнен берабер яшап оларнынъ фикир, амель ве муамелятыны тюзельтмек ичюн оларнынъ аятларына ве меселелерине ортакъ оламаз эди.

Тарих боюнджа, бир инсаннынъ Аллахнынъ Расули оламайджагъы акъкъында бир къанаат мевджут олакельгендир. Олар садедже инсан олгъаны, аш ашагъаны, ханымы ве балалары олгъаны ичюн озьлерине йибе-



ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

рильген пейгъамберни ред эткенлердир. Базылары да, озь пейгъамберлерининъ инсан олмагъанына инанмагъа башладылар. Пейгъамберлерини аддинден чокъ юджельтип иляхлыкъ изафе эткенлер ве заманнен ширкке тюштилер. Кимиси пейгъамберлигини илях къабул эткен, базылары оны Аллаһнынъ огълу, базылары да Аллаһнынъ джисимлешкен шекли оларакъ корьгенлер, тевхидтен айрылып антропоморфик бир инанчкъа бардылар. Христианлыкъта олгъаны киби...

Къурани Керим ве хадиси шерифлерде Расулюллах –салляллаху алейхи ве селлем-нинъ бешер олгъаны узеринде эмиетнен турмасынынъ хикметлеринден бири, эвельки инсанларнынъ тюшкен бу хатадан уммети Мухаммедни муафаза этмектир. Омер -радиаллаху анх- Расулюллах –салляллаху алейхи ве селлем-нинъ шойле буюргъаныны ривает эткендир:

*«Христианларнынъ Мерьем огълы Исагъа яптыкълары киби акъкъымда ашыры макътавларда булунмайын. Шу муакъкъакъ ки мен, Аллаһнынъ бир къулыман. Меним ичюн: «Аллаһнынъ къулу ве эльчиси» айтынъ.»* (Бухари, Энбия, 48)

Башкъа бир хадиси шерифлеринде исе, озюне ашыры сайгъы косьтерген кимселерге:

*«Сиз мени акъкъым олмагъан дереджеге юксельтменъиз! Чюнки Юдже Аллаһ мени расуль этмеден эвель къул эткендир.»* деп тенбиеде булунгъандыр. (Хаким, III, 197/4825; Хусейми, IX, 21)

Пейгъамбер эфендимизнинъ озюнинъ бир бешер ве къул олгъаны хусусында сыкъ сыкъ темас этмесининъ бир себеби де, Онынъ къабына барылмаз бир тевазусыдыр. Нитеким Азрети Пейгъамбер –салляллаху алейхи ве селлем-, пек чокъ кере Дженабы Хакънынъ озюне лютф эткен буюк ниметлерни, тахдис-и нимет къабилинден сайгъандан сонъ «**لا فخر**»: *Овунмек ёкъ»* деп буюргъанлардыр. (Тирмизи, Менакиб, 1/3615)

Абдуллах бин Джубейр -радиаллаху анх- анълата:

«Бир кунъ Эфендимиз бир такъым сахабинен ёлда кеткенде, олардан бириси, Аллаһ Расулюни кунештен ортюнен къапатмакъ истеди. Расулюллах –салляллаху алейхи ве селлем- кольгени корьгенде башыны котерди, бир кимсенинъ озюне кольгелик япмакъта олгъаныны фаркъ этти. Адамгъа: *«Быракъ!»* деди. Ортюню алып ерге къойды ве:

*«-Мен де сизнинъ киби бир инсаным!»* буюрды. (Хусейми, IX, 21)



Шу да унутылмамалыдыр ки Аллах Расули бир бешер олмакънен бирликте эр анги бир кимсе киби де дегильдир. Шаирин ифаде эткени киби:

مُحَمَّدٌ بَشَرٌ لَا كَالْبَشَرِ بَلْ هُوَ كَالْيَاقُوتِ بَيْنَ الْحَجَرِ

«Пейгъамбер Эфендимиз бир инсандыр, анджакъ дигер инсанлар киби дегильдир.

Башкъа ташлар арасында якъут не исе Аллах Расули де инсанлар арасында ойледир.»

Дигер бир шаир шу акъикъатны ифаде этмекте:

Тарихи бешерде ёкъ мисли  
Эр тильде яшар онынъ хаялы  
Мирадж-ы кемалидир фелеклер  
Хайран-ы джемалидир мелеклер  
Васфында сёзюн хулясасыны ал  
Инсанда факъат мелектен эфдаль

### Умми Олушы ве Икметлери


Умми келимеси, анасындан догъгъаны киби саф ве темиз къалгъан, окъума ве язма бильмеген, бир инсандан окъутув коръмеген, Меккеде яшагъан, эхли китап олмагъан араплар киби маналаргъа кельмектедир.

Къуруани Керимде беян этильгени узьре, Расулюллах –салляллаху алейхи ве селлем- умми эди, яни окъума язма бильмез эди. Аети кериме-де шойле буюрылыр:

الَّذِينَ يَتَّبِعُونَ الرَّسُولَ النَّبِيَّ الْأُمِّيَّ الَّذِي يَجِدُونَهُ مَكْتُوبًا عِنْدَهُمْ  
فِي التَّوْرَةِ وَالْإِنْجِيلِ...

«Янларындаки Теврат ве Инджильде (сыфатларыны) язылы булгъанлары о эльчиге, о уммий Пейгъамберге уйгъанлар (бар я), иште, о Пейгъамбер оларгъа эйиликни эмир этер, оларны феналыкъ-



ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

**тан мен этер, оларгъа темиз шейлерни эял, пис шейлерни де арам кылар...»** (эль-Араф, 157)

Алемлернинъ Эфендисининъ умми олгъаныны о заманки мушриклер де къабул эте эдилер. Нитеким аети керимеде бильдирильгени киби олар:

وَقَالُوا أَأَسَاطِيرُ الْأَوَّلِينَ اكْتَتَبَهَا فَهِيَ تُمْلَى عَلَيْهِ بُكْرَةً وَأَصِيلًا

**«Кене олар дедилер ки: (Бу аетлер), онынъ, башкъасына яздырып да, озюне саба-акъшам окъунмакъта олгъан, эвелькилерге аит масаллардыр.»** (Фуркъан, 5)

Аллаһ Расули –салляллаху алейхи ве селлем-ге умми денмесининъ себеплери шойле сыраламакъ мумкюн:

а) Анасындан догъгъаны ал узере къалгъан, тыштан кельген бильги-лернен асыл фытраты ве сафиети бозулмагъан, Аллаһ Тааля тарафындан тербие этилип огретильгендир. Аети керимеде шойле буюрылыр:

سُنْفِرُكَ فَلَا تَنْسَى

**«Санъа (Къуранны) окъутаджакъмыз; артыкъ Аллаһнынъ истегени истисна, сен ич унутмайджакъсынъ.»** (эль-Аля, 6)

Хадиси шерифте де:

*«Мени раббим тербие этти ве тербиемни нек гузель япты»* буюрылгъандыр. (Суюти, I, 12)

Аллаһ Тааля, Пейгъамбер -алейһисселям-нынъ садрыны учъ кере маневий амелияттан кечирип (шерх-и садр) къальбиндеки менфиликлерни атып ерине хузур, сюкюнет, мерхамет, шефкъат, иман ве икмет киби юдже ве керекли дуйгъуларны ерлештиргендир.

б) Эхли китап миллетине дегиль арап миллетине менсюптир.

в) Меккеде дюньягъа кельгендир. Чюнки Меккенинъ исимлеринден бири де Умму-ль Къурадыр. *Къаръе* арапчада кой я да энъ уфакъ бир ерлешме ери демектир. *Къаръенинъ* чокъу да *Къурадыр*. Умму-ль Къура ерлешме ерлерининъ анасы, биринджиси демектир.



Араплар умумиетнен умми эдилер. Медениеттен узакъ, окъумагъа ве язмагъа бильмеген бир къавим эдилер. Аллах Таала оларгъа кенди ичлеринден сафиедини бозмагъан, къальби къывамда зирве бир пейгъамбер гоньдергендир. Аети керимеде шойле буюрыла:

هُوَ الَّذِي بَعَثَ فِي الْأُمِّيِّينَ رَسُولًا مِنْهُمْ يَتْلُو عَلَيْهِمْ آيَاتِهِ وَيُزَكِّيهِمْ  
وَيُعَلِّمُهُمُ الْكِتَابَ وَالْحِكْمَةَ وَإِنْ كَانُوا مِنْ قَبْلُ لَفِي ضَلَالٍ مُّبِينٍ

«Чюнки, уммийлерге араларындан, озьлерине аетлерини окъугъан, оларны темизлеген, оларгъа Китапны ве икметни огреткен бир Пейгъамбер ёллагъан Одыр. Шубесиз, олар эвельден ап-ачыкъ бир сапыкълыкъ ичинде эдилер.» (эль-Джума, 2)

Небийи Экрем –салляллаху алейхи ве селлем- бу акъикъатны шойле ифаде этер:

«Биз умми бир джемаатмыз. Не язы язармыз не эсап билермиз!»  
(Муслим, Сяям, 15)

Уммилик, сырадан инсанлар акъкъында чокъу заман илим азлыгъыны ифаде эткен бир сыфат исе, Расулюллах -салляллаху алейхи ве селлем- ичюн там терсине кемал ифаде этер. Илим ве амель джиэтинден кемали, окъуп язгъанларны дахи аджиз быракъкъан бир пейгъамбернинъ айны заманда умми олмасы, Онынъ догърудан догъру Аллах тарафындан гоньдерильген булунгъаныны исбат эткен харикуляде бир делильдир.

Аллах Таала шойле буюра:

وَمَا كُنْتُمْ تَتْلُوا مِنْ قَبْلِهِ مِنْ كِتَابٍ وَلَا تَخُطُّهُ بِيَمِينِكُمْ إِذَا لَارْتَابَ الْمُبْطِلُونَ

«Сен бундан эвель не бир язы окъур, не де элинънен оны язар эдинъ. Ойле олса эди, батылгъа уйгъанлар шубе дуяр эдилер.» (Анкебут, 48)

Умми бир инсаннынъ вахий олмадан къальбий ёлунен бутюн бешериятны ве джинлерни аджиз быракъкъан Къуранны мейдангъа кетирмеси, Фираун къыссасы, Азрети Мусанынъ анасынынъ къыссасы, Юсуф къыссасы киби тарихи акъикъатларны бильмеси мумкюн дегильдир.





Къурани Керим, кечкен умметлернинъ кыссаларыны кунюмиз тарих ильми ве тарих фельсефесине уйгъун оларакъ энъ ибретли бир тарзда инсанлыкъкъа бермектедир<sup>112</sup>.

Дигер тарафтан уммилик, Къураннынъ ахкямынынъ бутюн дюньяда кечерли олмасынынъ энъ аз шартыдыр. «эд-Даифу эмирур-ракби: Керваннынъ реиси, энъ зайыф ве яваш олгъандыр» меселиндже Къуран, кетирген эмирлернинъ бутюн инсанларгъа етмеси ве татбикъ этильмеси ичюн уммилик севиесини эсас алгъандыр. Яни Ислямны анълап яшамакъ ичюн, саде ве орта бир инсан олмакъ етерлидир. Бу себепнен Ислям кунълик ибадетлернинъ вакъытларыны тайин этмеде кунешнинъ, айлыкъ ве сенелик ибадетлерини тайин этмеде исе айнынъ аркетлерини эсас алгъандыр.

Къуран умми инсанларнынъ севиесине энген олмасына рагъмен ич бир заман о ал узьре къалмаларыны да истемеген, оларны уммиликтен чыкъарып китабий бир уммет япмакыны макъсад бильгендир. Нитеким Ислям, яп-яны бир медениет къургъан ве бунынъ эсасыны да «эль-Китаб» деп исимлендирилъген Къурани Керим тешкиль эткендир.

### Хилье-и Саадет

Хилье - лугъатта сюс, зийнет, юз ве рух зенгинлиги демектир. Ыстылада исе, Азрети Пейгъамбер –салляллаху алейхи ве селлем- эфендимизнинъ, инсан келямынынъ имкянлары нисбетинде келимелернен чизильген ресмидир.

Нахифи шойле дер:

«Муакъкъакъ ки бир кимсе, хилье-и шерифени язса ве онъа чокъ назар эйлесе, Аллах Таала о кимсени хасталыкъ ве сыкъынтылардан ве аний олюмден къорчалар. Шает бир ерге сефер эттиги заман бераберинде алып кетсе, сеферинде даима Хакъ Джелле ве Алянынъ къорунмасында олып.»

Бир чокъ Ислям муэллифи, хилье-и шерифининъ сайысыз фазилетлери акъкъында тюшонджелерини ортагъа къойгъанлардыр. Атта, Азрети

112 Теврат ве Инджильде кечкен вакъиаларнынъ базилары, бугунки тарих ильми ве дигер илимлернинъ тесбитлерине терс тюшмектедир. Кяинатнынъ яратылышы ве девирлери, инсаннынъ ер юзюне кельме тарихи, Туфан кыссасы киби ... (Бакъыньыз Maug-ice Bucaille, Мусбет илим тарафтан Теврат, Инджиль ве Къуран, с. 53-82, 157-175)



Пейгъамбер –салляллаху алейхи ве селлем-ни руяда коръмек ичюн де хилье-и шерифени теберрукен эзберлеме бир чокъ Ислям улькесинде халя мевджуттыр.

Бунынънен берабер тюшюнмек керек ки, Хабиб-и Экрем Эфендимизнинъ «нурун аля нур»<sup>113</sup> олгъан мубарек симасыны сёзнен тасвир эткенде келимелернинъ кифаетсизлиги къадар, инсаннынъ Пейгъамберимизнинъ акъикъатыны коребилямек ве къаврамакътаки мутлакъ аджзи де эсапкъа къатылмалыдыр. Зира Дженабы Хакънынъ инсан огълына лютф эткен бутюн гузелликлерни шахсында топлагъан о эшсиз варлыгъы, нокъсансыз тариф этмек мумкюн дегильдир. Нитеким Хакъанийнинъ айткъаны киби:

*Кельмегендир билир эшья анны  
Яратылгъанда Онынъ акъраны*<sup>114</sup>

Гузеллер Гузели Эфендимизни келимелернен ресмини чизмеге чалышкъан бу тасвирлер, саадет деврине яшамагъан ве асретнен янгъан гонъюллерни бираз да олса раатлатмакътадыр. Эфендимизни анълаткъан, дегерли риваетлерни накъиль эткен кимселер, бизге санки дерьядан бир тамла такъдим этмектелер. Бу тамлада денъизни коръмеге чалышкъан муминлер, Алемлернинъ Эфендисине олгъан муаббетлерини артырып Онынъ *усве-и хасенесинден*<sup>115</sup> истифаде этмеге, гузеллик ве ахлякъынен ахлякъланмагъа гъайрет косътергенлердир. Нитеким Азрети Хасан, огей дайысы Хинд бин Эби Халеге, Расулюллах –салляллаху алейхи ве селлем-нинъ хильесини шу сёзлернен тильге кетиргендир:

«Дайым Хинд бин Эби Хале, Аллах Расулининъ хильесини чокъ гузель анълата эди. Къальбимнинъ онъа багълы къалмасы ве изинден кетибильмем ичюн, онынъ Аллах Расулюнден бир шейлер анълатмасы меним чокъ хошума кете эди<sup>116</sup>.» (Тирмизи, Шемаиль, с. 10)

113 «Нур устуне нур» манасына кельмектедир.

114 Бутюн варлыкълар Онынъ акъ Пейгъамбер олгъаныны билир. Чюнки яратылгъанлар арасында Онынъ бенъзери ич бир заман кельмегендир.

115 **Усве-и хасене** – гузель орьнек, Пейгъамберимизнинъ муминлер ичюн энъ гузель орьнек олмасыдыр.

116 Инсаннынъ гонъюли яратылыш оларакъ эп гузельге догъру кетер, онынънен берабер олмакъ истер. Бу гузеллик себебинен зинни даима онынънен мешгуль олур, гонъюлинде рух ве ахлякъ оларакъ севгенине бенъземе арзусы догъар. Нетиджеде истер истемез севген шахсыны орьнек алыр. Бу себеппен шемайл-и шериф, Пейгъамберимизге олгъан сагъынув, севги ве онынъ ёлуна уйма истегини арттырмагъа весиле оладжагъы мухакъкъакътыр.



ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

Гуль юзьлю Эфендимизнинъ шемалини динълемеге тоямагъан Азрети Хасан ве Азрети Хусейин, Онынъ мубарек джемалини бабалары Али -радиаллаху анх-дан да бир чокъ кере динълегенлер ве бизлерге накъиль эткенлер.

Аджаба язылгъан шемаил-и шерифлер, Азрети Пейгъамбер –салляллаху алейхи ве селлем-нинъ акъикъятларынынъ не къадарыны ифаде эте билир?! Муакъкъакъ ки шемаили шерифени, эр кес гонълюндеки муаббет нисбетинде ве келимелернинъ сынъырлы маналары ичинде идракъ эте билир.

Биз де аджизмизге рагъмен риваетлерден гонълюмизге акс эткени нисбетинде хилье-и шерифени накъиль этмеге уйгъун коръдик:

Фаркълы риваетлерден топласакъ шойле буюрылмакътадыр:

Расули Экрем –салляллаху алейхи ве селлем-, узунгъа якъын орта бойлю эди.

Яратылышы февкъульаде ольчули олып, гузель бир вуджудкъа саип эди.

Кокюси кениш, эки омузынынъ арасы ачыкъ эди. Эки курек кемиги арасында нубуввет муури бар эди.

Кемиклери ве еклемлери иридже эди.

Тени гуль киби пемпедже-безъ, нурани ве парлакъ, ипектен йымшакъ эди. Мубарек вуджуды даима темиз эди ве къокъусы фералыкъ бере эди. Къокъу сюрюнсин я да сюрюнмесин тени ве териси, энъ гузель къокъулардан даа айры бир гузелликте эди. Бир кимсе Онынънен селямлаша, бутюн кунъ Онынъ лятиф къокъусундан лезет алыр эди. Санки гуль, къокъусыны Ондан алгъан эди. Мубарек эллеринен бир баланынъ башыны охшаса, о бала, гузель къокъусынен башкъа балалардан аман айырыла эди.

Терлегенде тени, гуль япракълары узериндеки чыкъ тамлачыкъларыны хатырлатыр эди.

Сакъалы сыкъ эди. Узаткъанында, бир тутамдан даа фазла узатмазды. Вефат эткенлеринде, сачларында ве сакъалларында йигирми къадар безъ къыл бар эди.



Къашлары ай киби олып эки къашы арасы бирбиринден узакъча ве ачыкъ эди.

Эки къашы арасында бир дамар бар эди. Бир шейге ачувлангъаны заман о дамар къабара эди.

Тишлери инджи данеси киби эди. Эр заман мисвакъ къуллана эди ве къулла나마ызны бизге тевсие эте эди.

Кирпиклери узун ве сия эди. Козьлери буюкче эди. Ве там сия эди. Козьлеринде саньки къудрет элинен чекильген сюрме бар эди.

Мустесна рухий кемалынынъ янында вуджудынынъ гузеллиги де эшы бенъзери ёкъ эди.<sup>117</sup>

Юзю - гедже, айнынъ он дёрдю киби парылдай эди. Азрети Айше –радиаллаху анха- шойле буюра:

«Расулюллахнынъ юзю о къадар нур сача эди ки, гедже къаранлыгъында йипни инеге онынъ юзюнинъ сачтыгъы нурнен кечире эдим.»

Эки курек кемиги арасында пейгъамберлигини косътерген бир бенъ бар эди. Бир чокъ сахаби о бенъни опкен ве о ашкъ иле яшагъан эди. Пейгъамбер вефат эткенде бу бенъ ёкъ олып кетти, бу ал онынъ олюмини тасдыкълады. (Тирмизи, Шемаиль, с. 15; Ибн-и Сад, II, 272)

Мубарек вуджуды нурдан олгъаны ичюн вефатындан сонъ да ич бир денъишмеге огърамады. Азрети Эбу Бекир –радиаллаху анх-, гъамлы, кедерли ве мазун оларакъ, эм козю эм гонъюли яшлы бир вазиятте Варлыкъ Нурына бакъаракъ:

«Яшайышынъ киби вефатынъ да не къадар гузель я Расулюллах!» деди ве мубарек алнындан опыти.


Къальбининъ йымшакълыгъыны анълатмакъ мумкюн дегиль.

Бош сёз сёйлемез, эр сёзю икмет ве насиат эди. Лафларында асла ошек ве бош сёз олмаз эди.

Мулайим ве алчакъ гонъюлли эди. Юзюнден тебессюм тюшмез эди.

117 Хаким, III, 10; Ахмед, I, 89, 96, 117, 127; IV, 309; Ибн сад, I, 376, 412, 420-423; II, 272; Ибн Кесир, *эль-Бидае*, VI, 31-33; Тирмизи, *Шемаиль*, с. 15.



ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

Оны апансыз корьген кимсени кьоркъу сарар эди. Онынънен якъын-лыкъ ве субет ичинде олгъанлар исе, Онъа джан гонъюльден багъланыр ве Оны север эди.

Дереджелерине коре фазилетли инсанларгъа сайгъы косътере эди. Акърабасына да зияде эдиелерде булуна эди. Озь кьорантасы ве достларына гузель даврангъаны киби дигер инсанларгъа да йымшакъ ве лутфнен даврана эди. Ве шу сёзлерни сёйлер эди:

*«Сизден эр бирингиз, озю ичюн истеген шейлерни инангъан мумин къардашы ичюн истемегендже акъыкый мумин олмаз!»* (Бухари, Иман, 7; Муслим, Иман, 71-72)

Хызметчилерни пек хош тутар эди. Озю не кийип не ашай олса, оларгъа да ондан кийдире ве ашата эди. Джумерт, алидженап, шефкъатлы ве мераметли, кереги заман джесюр ве керегинде де йымшакъ ола эди.

Берген сёзюни тутар ве сёйлеген сёзлеринде де садыкъ эди. Ахлякъ гузеллиги, акъыл ве зека джиетинден де бутюн инсанлардан устюн эди ве эр тюрюлю макътавларгъа ляйыкъ эди.

Юзю гузель, яшайышы мукеммель, мисли яратылмагъан мубарек бир инсан эди.

Расулюллах –салляллаху алейхи ве селлем-нинъ кедери девамлы, тюшюнмеси де девамлы эди. Зарур олмаса лаф этмез эди. Сусмасы узун эди. Бир сёзге башласа оны ярым быракъмаз, сонъуна къадар битирир эди. Аз сёзнен чокъ маналар ифаде эте эди. Сёзлери дане дане эди. Не керегинден чокъ не де аз ола эди. Яратылыш оларакъ йымшакъ олгъанына рагъмен пек те эйбетли эди.

Синъирленгени заман еринден турмаз эди. Акъкъа итираз этильмесининъ ве акъыкътнынъ аякъ астына алынмасындан башкъа алларда синъирленмез эди. Кимсенинъ анъламагъаны бир акъ аякъ астына алынгъаны заман синъирленир ве акънынъ ерине кельмесине къадар бу ал девам этер эди. Анджакъ бу акъны ерине кетиргенинен сюкюнетке къавуша эди. Озю ичюн ич де синъирленмез эди. Озюни кьорчаламаз ве кимсенен мунакъаша этмез эди.



О кимсенинъ эвине изин алмадан кирмез эди. Эвине кельгени заман, вакътыны учъ къысымгъа боле эди; биринджисини Аллахъа ибадетке, экинджисини къорантасына, учюнджисини де озюне айыра эди. Озюне айыргъаны вакъытта халкънен алякъадар ола эди. Эписининъ гонъюлини къазана эди.

Расулюллах –салляллаху алейхи ве селлем-нинъ эр ал ве арекети Аллахнынъ зикринен эди.

Белли бир ерде отурмакъ адет олмасын деп, джамининъ эр еринде отургъаны олур эди. Ерлерге ве мевкъийлерге мукъаддеслик берильмеси-не ич разы олмаз эди. Меджлислерде кибирлиликке ер береджек эр анги бир тавыргъа къаршы олур эди. Бир меджлиске къошулгъаны заман, бош къалгъан ерге отура эди ве эр кеснинъ бойле япмаларыны арзу эте эди.

Бириси ондан бир шей истесе, о истек эмиетли я да эмиетсиз олсын оны ерине кетирмеден раат этмез эди. Ерине кетирмек мумкюн олмаса, о кишиге гузель сёз сёйлеп онынъ гонъюлини алмагъа тырыша эди.

О эр кеснинъ дерт ортагъы эди. Инсанлар къайсы макъам ве мевкиде олса олсун, зенгин-фукъаре, алим-джаиль, Онынъ янында инсан олмакъ бакъымындан мусавий айны бир муамелеге наиль ола эдилер. Онынъ бутюн меджлислери йымшакълыкъ, илим, утанма, ихлас, сабыр, Аллахъа тебеккюль ве эминлик киби фазилетлернинъ девамлы хаким олгъаны меджлислер эди.

Айып ве къусурлары себебинден кимсени яманламаз, догъруламагъа керек олса буны, къаршысындакини эзмейджек шекильде индже бир ишаретнен япар эди.

*«Мусульман къардашынынъ огърагъаны фелякетни севинчнен къаршылама! Аллах Таала оны, рахметинен фелякеттен къуртарар да сени имтиан этер.»* деп буюра эдилер. (Тирмизий, Къыямет, 54)

Ич кимсенинъ айып ве къусурларынен огърашмаз эди, ве араштырылмасыны да шиддетнен ясакъ эте эди. Чюнки башкъалары акъкъында зан юрютмек ве джасуслыкъ япмакъ, иляхий эмирнен ясакъ этильген-дир.



Севабыны бекледиги меселелер тышында лаф этмез эди. Субет мед-жислери сюкюнет ичинде кече эди. О лаф эткенде этрафында олгъанлар ойле буюленир ве джан къулагъынен динълерди ки, Азрети Омер –ради-аллаху анху-нынъ айткъанына коре, башларына бир къуш къонса, учма-дан саатларджа тура билер эди. Ондан асхабына кечкен эдеп ве утанчакъ-лыкъ о дереджеде эди ки, озюнден суаль сорамакъны биле - чокъ кере - утаныр эдилер. Чёльден бир бедевий келип Азрети Пейгъамбернен субет этсе экен, Онынъ феъз ве руханиетинден файдалансакъ деп беклер эдилер. (Ибн-и Сад, I, 121, 365, 422-425; Хайсеми, IX, 13.)

О къадар ки, Эйбетинден чекингенлери ичюн эки сене суаль сорама-дан беклегенлер бар эди. Муаббетинден мубарек юзюне бакъып оламаз эдилер. Амр бин Ас –радиаллаху анх- шойле айткъандыр:

«Расулюллах –салляллаху алейхи ве селлем-нен узун заман бирликте олдым. Лякин Онынъ янында утангъанымдан ве Онъа къаршы ичимде олгъан урьмет дуйгъусындан, башымны котерип де мубарек ве нурлы юзини тоя тоя сейир этамадым. Эгер манъа: «-Бизге Расулюллахны тас-вир эт, Оны анълат.» деп айтсалар, инанынъ анълатып оламам.» (Муслим, Иман, 192; Ахмед, IV, 199)

Онынъ юдже ал ве устюнликлерини анълатмакъ истеген кимсе, «Мен, бундан эвель де сонъра да Онынъ бир бенъзерини ич бир вакъыт корьмедим!» деп айтмакътан озюни алып оламаз эди. (Ахмед, I, 96)

Бир кунъ Халид бин Велид -радиаллаху анх-, Араб къабилелеринден бирине огърагъан ве къабиле реиси кендисине:

«- Я Халид! Бизге Аллаһнынъ Расулюнинъ, сурет ве яшайышыны тасвир эт!» деп айткъандыр.

Халид –радиаллаху анх- исе:

«- Бунъа имкян ёкъ, бунъа келимелер етишмез.» деп айткъанда, къа-биле реиси:

«- О алда ич олмаса тасаввур ве идракъынъ къадар анълат!» деди.

Бунынъ узерине Халид -радиаллаху анх- шу мухтешем джевабыны берди:

«- Йиберильген, йибергеннинъ къадриндже олып. Йиберген кяинат-нынъ Яратыджсы олгъанына коре, йиберильгенининъ шаныны, сен озюн



хаял ве тасаввур эт!...)» (Мунавий, V, 92; Касталаний, Мевахиб-и Ледуние терджюмеси, с. 417)

Онда олгъан гузеллик, эйбет, нуруниет ве летафет о дереджеде эди ки, Аллахнынъ пейгъамбери олгъаныны, айрыджа бир муджизе, делиль, ве бурхана ихтиядж ёкъ эди.

Къыскаджасы Онынъ ахлякы Къуран эди. Буны Муаллим Наджий не гузель ифаде эткендир:

*Хусни Къуранны корер инсан олар хайран Санъа*

*Дест-и къудретиннен язылгъан Хильедир Къуран Санъа*

Мевляна Халиди Багъдадий азретлери, Аллах Расулининъ ахлякынынъ бутюн махлюкъларнынъ шевкъыны арттыргъаныны шойле ифаде этер:

*«О не гузель бир джумертлик ки Онынъ джумертлик фышкъыргъан барлыгъы шерифине денъизден - инджи, къатты таиштан - якъут ве тикенден - гуль чыкъар. Эгер багъчада Онынъ гузель ахлякындан сёз ачылса, севинчтен агъзыны ачып кульмеген яни ачылмагъан бир гонъдже коремезсин.»* (Диван, с. 65-66)

Эр тюрлю гузеллик, Расулюллах -салляллаху алейхи ве селлем-де топлангъандыр. Вуджудындан нур сачыла эди. Лякин Аллах Расулюни бутюн гузеллигининен кимсе корюп оламагъандыр. Чюнки Имам Къуртубий шойле айта:

«Расулюллах –салляллаху алейхи ве селлем-нинъ гузеллиги тамамен ачыкъ олмагъандыр. Эгер вуджудынынъ гузелликлери олгъан акъикъатынен корюнесе эди асхабы онъа бакъмагъа такъат кетирип оламаз эдилер.» (Али Ярдым, с. 49)

Расулюллах –салляллаху алейхи ве селлем-нинъ шаири Хассан бин Сабит, онынъ яратылышынынъ эшсизлигине алякъалы шойле айтмактадыр:

وَأَحْسَنَ مِنْكَ لَمْ تَرَقُطْ عَيْنٌ  
وَأَجْمَلَ مِنْكَ لَمْ تَلِدِ النِّسَاءُ  
خُلِقْتَ مُبْرَأً مِنْ كُلِّ عَيْبٍ  
كَأَنَّكَ قَدْ خُلِقْتَ كَمَا تَشَاءُ





Корьмеди Сенден гузель бирисини ич бир козь,  
 Дюнъягъа кетирмеди Сенинъ киби бир эвляд ич бир ана  
 Айып ве нокъсандан темизсин я Расулюллах Сен  
 Санким арзу эттигин суретте халкъ эткен Сени Худа

### Вахийнинъ текрар башламасы

Фетрети вахий<sup>118</sup> алты ай девам этти.

Аллах Расули -салляллаху алейхи ве селлем-, вахийнинъ текрар башламасыны шойле анылаталар:

*«Мен (бир кунъ) кеткенимде бирден бирге коктен бир сес эшиттим. Башымны котердим. Бир де бакътым ки, Хирада манъа кельген мелек (Джебраиль), кокнен ер арасында бир курсий узеринде отургъан. Пек зияде къоркътым. (Эвимге) къайттым:*

*« Мени ортюнгъиз, мени ортюнгъиз!» дедим.*

(Мен, усьтюм ортюли бир алда экенде, Джебраиль –алейһисселям-кельди.) *Аллаһ Таала, (онынъ вастасынен манъа):*

يَا أَيُّهَا الْمُدَّثِّرُ. قُمْ فَأَنْذِرْ. وَرَبَّكَ فَكَبِّرْ. وَتَبَّابَكَ فَطَهِّرْ. وَالرُّجْزَ فَاهْجُرْ.

**« Эй ортюсине сарылгъан (Пейгъамбер)! Тур, (энди азабнен) къоркыт! Раббини юджельт! (Яни онынъ юджелигини текбирнен сёйле ве эркезге бильдир!) Эльбисени темизле! (Яни тышынгъы ве ичинъи темиз тут; гузель ахлякънен ахлякълан!) Ярамай шейлерден узакъ тур! (эль-Муддессир, 1-5) аетлерини эндирди.**

*Бунъдан сонъра вахий бир даа кесильмеди.»* (Бухари, Тефсир, 74/4, 5; Муслим, Иман, 255-258)

Аллаһ Таала буюра:

وَلَقَدْ وَصَّلْنَا لَهُمُ الْقَوْلَ لَعَلَّهُمْ يَتَذَكَّرُونَ

118 **Фетрети вахий** – вахийнинъ кесильмеси, яни бир муддет кельмемеси.



**Андолсын ки Биз, тюшюнип ибрет алсынлар деп вахийни бир-бири артындан етиштирдик** (яни вахийни аралыкъсыз йибердик).» (эль-Къасас, 51)

Вахийнинъ аралыкъсыз девам этмеси де, Къурани Керимнинъ иджазындандыр<sup>119</sup>. Чюнки бутюн инсанларнынъ бир арагъа келип ве ярдымгъа чагъыра биледжеклери эр кезни чагъырып бир аетини биле мейдангъа кетиремейджеклери ульвеликтеки аетлернинъ, Аллах Расули -салляллаху алейхи ве селлем-ге бир-бири ардындан энмеси, Къурани Керимнинъ вахийге таянгъанынынъ буюк делилидир. Бу, онъа ич бир шекильде бешерий бир мудахале олмагъанынынъ энъ ачыкъ бир делилидир.

Башкъа тарафтан энъ уфакъ бир шиир китабынынъ биле бинбир чалышма ве гъайрет нетиджесинде – о да бир чокъ нокъсанлыкънен мейдангъа кельмекте олгъаны бир акъыкъаттыр. Анджакъ иляхий вахийде бойле бир хусус ёкътыр, о, ильк шеклинен бакъый къалыр, сайысыз муджизелер ичине алгъан ве бутюн бешерий нокъсанлыкълардан темиз бир сёз оларакъ лютф этильгендир. Бу да, Къурани Керимнинъ хакъ ве юдже олгъаныны косътермек ичюн етерлидир.



Муддессир Суресининъ энмесинен берабер Аллах Расули -салляллаху алейхи ве селлем-, раатланмакъ ичюн яттыгъы ерден аман турды. Азрети Хатидже валидемиз -радиаллаху анха-, меселени бильмегени ичюн шашырды:

«–Не ичюн турдынъыз, раатланмадынъыз?» деди.

Аллах Расули -салляллаху алейхи ве селлем-де:


«*Энди раатланма вакъты кечти!*» буюрдылар ве янъы кельген вахийни бильдирдилер.



Джебраиль –алейһисселям- вахийнинъ кельдиги биринджи куньлерде Пейгъамбер Эфендимизге абдест алмакъны ве намаз къылмакъны огретти. Аллах Таала, Расулининъ гонълюне хош келеджек бир ибадетни эмир этмекнен оны севиндирген ве юзюни кульдюргендир.

119 **Иджаз** – муджизе олмакъ, инсанны кучьсюз быракъмакъ.



ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

Алемлернинъ Эфендиси буюк бир севинч ичинде эвине къайтты. Аллахнынъ кендисине олгъан буюк икрамыны апайына хабер берди ве онъа да абдест ве намаз къылмакъны огретти. (Ибн Исхакъ, с. 117 ; Ибн Хишам, I, 262-263)

### Биринджи мусульманлар

Ильк иман эткен инсан Расулюллах -салляллаху алейхи ве селлем-дир. Бу хусус аети керимелерде шойле бильдирилир:

اٰمَنَ الرَّسُوْلُ بِمَا اُنْزِلَ اِلَيْهِ مِنْ رَّبِّهِ...

**«Пейгъамбер, Рабби тарафындан кендисине эндирильгенге иман этти...»** (эль-Бакъара, 285)

قُلْ اِنِّى اُمِرْتُ اَنْ اَعْبُدَ اللّٰهَ مُخْلِصًا لَهُ الدِّيْنَ. وَاُمِرْتُ لِاَنْ اَكُوْنَ اَوَّلَ الْمُسْلِمِيْنَ.

**«Айт ки: Манъа, динни ялынъыз Аллахкъа адап, ялынъыз Онъа къуллыкъ этмем эмир этильди. Ве мен, мусульманларнынъ биринджиси олмакънен эмир олындым.»** (эз-Зумер, 11-12)

Фахри Кяинат Эфендимизден сонъра ильк мусульман, урьметли апайы Азрети Хатидже –радиаллаху анха- эди.

Алемлернинъ Эфендиси, къавмининъ акъарет, алай ве эзиетлеринден сонъ кедерли бир алда эвине къайткъанда, Аллах Таала Онынъ кедерини Азрети Хатидженинъ теселли ве тешвикъ этиджи сёзлеринен енгиллештирген, иляхий ярдымынен вазифесини къолайштыргъандыр. (Ибн Хишам, I, 259)

Азрети Хатидже –радиаллаху анха- иман эткенде Эфендимизнинъ кызылары **Азрети Рукъийе, Умму Гульсум** ве **Фатыма** да мусульман олгъанлардыр. (Ибн-и Сад, VIII , 36)

**Азрети Али** –керремаллаху веджхех- Расулюллах -салляллаху алейхи ве селлем-нен Азрети Хатидженинъ намаз къылгъанларыны корьген:

«-Недир бу?» деп сорагъан эди.

Аллах Расули -салляллаху алейхи ве селлем-:



*«Бу Аллахнынъ кендиси ичюн сайлагъаны диндир. Мен сени тек олгъан Аллахкъа иман ве ибадет этмеге, ич бир файда ве зарары олмагъан Лат ве Уззаны<sup>120</sup> инкяркъа давет этем !»* буюрды.

Азрети Али - радиаллаху анх -:

*«— Мен бу динни шимдиге къадар ич эшитмедим ! Бабам Эбу Талибке сорамадан бир иш япып оламам !»* деди.

Фахри Кяинат Эфендимиз, теблигъ фаалиетлерини гизлиден гизлиге девам эттирдиги ичюн:

*«Эй Али! Эгер мусульман олмайджакъ исенъ санъа айткъаным бу мевзуны сакълы тут, ачыкъкъа чыкъарма!»* буюрды.

Азрети Али, о гедже бекледи. Аллах Таала онынъ юрегине Ислям мухаббетини багъышлады. Саба олгъанда Пейгъамбер -салляллаху алейхи ве селлем-нинъ янына кетти ве Ислям дини акъкъында суаллер сорады. Алгъаны джеваплар узерине аман мусульман олды. Бабасындан чекинип, мусульманлыгъыны бир вакъыт сакълы тутты. Азрети Али, бу сырада он яшында эди. (Ибн Исхакъ, с.118; Ибн-и Сад, III, 21)

Пейгъамбер -салляллаху алейхи ве селлем- Эфендимиз намаз къылмакъ истегининде, Азрети Али -радиаллаху анх-нен берабер Мекке вадилерине догъру чыкып кетерлер ве инсанлардан сакълы оларакъ, намазларыны о ерлерде къыла эдилер, акъшам олгъанда да къайта эдилер.


Эбу Талибнинъ, огълу ве севгили егенининъ сакълы сакълы намаз къылгъанларыны анълагъаны вакъыт, Пейгъамбер Эфендимиз, чокъ севдиги эмджесини де Ислямгъа давет этти. Эбу Талиб шойле джеваб берди:

*«—Эй къардашымнынъ огълу! Меним аталарымнынъ дининден айрылмагъа кучюм етмейджек! Лякин Сен, йиберильген шей узерине девам эт! Валлахи, мен аятта олгъаным вакътынджа Санъа кимсе зарар берип олмайджакъ!»*

Азрети Алиге де :

120 Лат, Менат, Узза – Къурейшлилернинъ Аллахтан башкъа табынгъанлары путлар.



ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

«- Эвлядым ! О, сени анджакъ хайыр ве яхшылыккъа давет этер. Сен, Онынъ ёлуна сым-сыкъ сарыл. Ондан ич айрылма!» деди. (Ибн Хишам, I, 265)

Абдуллах бин Месуд<sup>121</sup> -радиаллаху анх-, Меккеге тиджарет ичюн кельгенинде Варлыкъ Нуры, Азрети Хатидже ве Азрети Алини бир арада Кябени таваф эткенлерини корьгенини анълата, бу эснада Азрети Хатидженинъ тесеттюрге чокъ дикъкъат эткенини къайд этмектедир. (Зехебий, Сийер, I, 463)

Уфейф эль-Киндий, тиджарет ичюн Меккеге кельген ве Аббас -радиаллаху анх-нынъ эвине мусафир олгъандыр. Пейгъамбер Эфендимиз, Азрети Хатидже ве Азрети Алининъ Кябеде намаз кългъанларыны корьгенинде, Аббас -радиаллаху анх-дан олар акъкъында сорады. Азрети Аббас олар акъкъында бильги бергенден сонъ:

«- Валлахи мен бу дюньяда бу динге инангъан шу учъ кишиден башкъа кимсе бильмейим!» деди.

Уфейф -радиаллаху анх- Ислямны къабул эткенинден сонъра эп шойле айта эди.

«- Ах! Не ола эди, о заман иман этсе эдим экинджи эркек мумин мен олса эдим! Оларнынъ дёртюджилери олмакъны, не къадар арзу этер эдим!» (Ибн-и Сад, VIII, 18; Ибн-и Хаджер, *эль-Исабе*, II, 487)

**Зейд бин Харисе** -радиаллаху анх-, Азрети Алиден сонъра мусульман олгъан, намаз кългъан, Расулюллах –салляллаху алейхи ве селлем-нинъ янындан ве хызметлеринден ич айрылмагъандыр, Таифли башыбош кимселернинъ Пейгъамбер Эфендимизге аттыкълары ташларгъа кенди вуд-

121 **Абдуллах бин Месуд** -радиаллаху анх- биринджи мусульманлардан. Лагъабы Эбу Абдурахман. Мусульман олгъаны куньден башлап Азрети Пейгъамбернинъ янындан айырлмагъан ве Онъа хызметтен зевкъ алгъандыр. Ибн Месуд зайыф, арыкъ бир киши эди. Татлы бир сеси, севимли бир бети бар эди. Мусульман олгъанында мусульманларнынъ сайысы чокъ аз эди. Мушриклер онъа Меккеде раатлыкъ бермедилер. О, Мединеге хиджрет этип Муаз бин Джебелнинъ янына сыгъынды. Азрети Пейгъамбернинъ хиджретинден сонъра, Мединеде ерлешти. Бутюн дженклерде иштирак этти. Азрети Пейгъамбер, онынъ Къуран окъугъаныны динълемектен зевкъ ала эди. Тефсир, хадис ве фикъых сааларында терен ильминен пек чокъ алим етиштиргендир. Даа чокъ Куфели алимлер, онынъ ривает ве корюшлери истикъаметинде фикъхий фетвалар ортагъа кьойгъанлардыр. 848 хадис ривает этгендир. Азрети Осман заманында Куфе къадылыгындан Мединеге къайткъан ве кыска бир вакыт сонъра, алтмыш яшларында вефат эткендир.



жудыны кьойып, кьанлар ичинде кьаладжакъ кьадар федакяр ве Онынъ севгисине наиль олгъан бир инсан эди.

Аллаһ Расулининъ Азрети Зейдке олгъан мухаббетинен алякьалы Омер -радиаллаху анх- нынъ шу шаатлыгъы не кьадар манидардыр:

Азрети Омер, Зейднинъ огълу Усамеге учъ бин беш юз дирхем айыргъан эди, огълу Абдуллахкъа ондан беш юз дирхем даа аз берген эди. Ибн Омер бабасына бунынъ себебини сораракъ:

«- Усамени менден не ичюн устюн тутасын? О менден даа чокъ дженклерде иштирак этмеди де!» деди.

Азрети Омер, эшсиз адалети янынъда, зенгин бир гонъюльге ве устюн бир алчакъ гонъюллиликке саиб олгъаныны косътерген шу буюк джевабны берди:

«- Огълум! Расулюллах –салляллаху алейхи ве селлем– онынъ бабасыны сенинъ бабанъдан даа чокъ севе эди. Усамеге де сенден даа чокъ муаббети бар эди. Иште бу себеппен, Расулюллахнынъ севдигини озъ севдигимден устюн тутам.» (Тирмизий, Менакъыб, 39)

Бу, ве даа пек чокъ мисальде корюльгени киби асхаб-ы кирам, Расулюллах -салляллаху алейхи ве селлем-нинъ севдиклерини кенди севдиклерине устюн тутта эдилер. (Хейсемий, VI , 174; Ибн-и Сад, IV , 30)


**Азрети Эбу Бекир**, нубувветтен эвель де Пейгъамбер Эфендимизнинъ досту эди. Балалыгъындан берли онынъ догърулыгъыны, эминлигини ве гузель ахлякыны биле эди. Юдже ахлякы себебинен инсанларгъа биле ялан айтмагъан бир кимсенинъ, Дженабы Аллаһкъа кьаршы ялан айтма-сынынъ имкянсыз олгъанына инана эди. Бу себебтен Аллаһ Расули -салляллаху алейхи ве селлем- оны Ислямгъа давет эткенинде ич беклемеден кьабул этти. (Ибн-и Кесир, *эль-Бидае*, III ,78)

Варлыкъ Нуры бу хусустаки Хадиси шерифлеринде:

*«Аллаһ мени сизге Пейгъамбер оларакъ йибергенинде сиз башта манъа «Сен яланджысын» дединъиз. Лякин Эбу Бекир «О, догъру айта» деди ве эм джаны эм де малынен манъа сонъ дередже ярдымджы олды.»* буюргъанлардыр. (Бухари, Асхабун-Небий, 5)

Расулюллах -салляллаху алейхи ве селлем-ни ич бир шей Азрети Эбу Бекирнинъ мусульман олушы кьадар севиндирмегендир. Азрети Эбу



ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

Бекир мусульман олгъаны заман, ич чекинмеден мусульманлыгъыны ачыкълагъандыр ве башкъа инсанларны да, Аллах Таалагъа ве Расулине имангъа давет этмеге башлагъандыр. (Ибн-и Кесир, *эль-Бидае*, III , 80-81)

Пейгъамбер Эфендимизнинъ аятында Азрети Эбу Бекирнинъ ери чокъ муимдир. Бир даванынъ керчеклешмеси шу учъ шарткъа багълыдыр:

1. Аким бир фикир
2. О фикир этрафында топлангъан инсанлар
3. Малий имкян

Аким фикир, Ислямнынъ озю эди ки, вахийнен сабиттир. Азрети Эбу Бекир, башкъа эки шартта роль ойнагъандыр. Яни Ислямнынъ этрафында топланма онынънен башлагъан ве о мубарек инсаннынъ буюк байлыгъы, чешитли хызметлеринден башкъа, мусульман олгъан ыргъатларнынъ сатын алып азад этмек киби даванынъ малий тарафында да ишлеткендир.

Бу эки хусусны бираз ачыкълайджакъ олсакъ; Азрети Эбу Бекирнен Пейгъамбер Эфендимизнинъ яшлыгъына узангъан аркъадашлыкълары бар эди. Бу аркъадашлыкъ Пейгъамберлик вазифеси берильген сонъ достлуккъа айлангъандыр.

Азрети Эбу Бекир, биринджи иман эткенлерден олманынъ янында, иманнынъ шек ве шубе тюшюрмейип **«Сыддыкъ»** сыфатына ляйкъ корюльгендир. Даа сонъраки заманларда Ислямнынъ олгъунлашмасы ве кенъишлемеси ичюн маддий-маневий ич бир федакярлыкътан къачынмагъан ве бутюн серветини бу ульвий ёлгъа аджымадан бергендир.

Севгининъ шарты, ашкъын къануны, севиленгъен кишиге дуолгъан мухаббет ве о ашкъ себебинен о кишининъ севдиги шейлерни де севмек, онынъ арзусыны кенди арзусындан устюн тутмакъ ве севгили ичюн эр шейни феда эте бильмектир. Иште Азрети Эбу Бекирнинъ аятында буннынъ айры айры мисаллери бардыр.

Бир кунъ гонъюллернинъ султаны Эфендимизнинъ раатсызлангъаныны эшиткен Азрети Эбу Бекир, кедерден кендиси де ятаккъа тюшкен эди.

Бу айнийлешме себебинден Аллах Расули -салляллаху алейхи ве селлем- де :



*«Эбу Бекир мендендир, мен де Эбу Бекирденим. Эбу Бекир дюньяда ве ахиретте кърдашымдыр.»* (Дейлемий, I, 437) буюраракъ маневий алейминдеки бераберлиги ве юректен юрекке кечкен ал акъышыны косътергендир.

Кене Азрети Эбу Бекирнинъ бу алы кършысында, Эфендимиз олюм тѣшегинде экенде:

*«Бутюн къапылар къапансын; ялынъыз Эбу Бекирнинъки кълсын!»* (Бухари, Асхаб-ы Небий, 3) ильтифатынен, кършылыкълы кълъбий алякъаны не гузель ифаде буюргъанлардыр.

**Билял эль-Хабеший ве анасы** да, Аллаһ Расулининъ инсанларны Ислямгъа сакълы даветке башлагъаны ильк кунълерде мусульман олдылар. Азрети Билял мусульманлыкъланы ачыкъллагъан ильк еди кишиден бири эди. Дининден кълйтмасы ичюн япылгъан энъ агъыр ишкенджелерге чыдар эди. Инкъаргъа зорлангъанджа: «Эхад! Эхад!: Аллаһ Бирдир! Аллаһ Бирдир!»дер эди.

Азрети Эбу Бекир, Билял -радиаллаху анх- ве анасынынъ акъчасыны берип оларны азад этти. (Ибн-и Сад, III, 232; Хаким, III, 319)

О, бу арекетинен Пейгъамберимизнинъ ильтифатына наиль олгъан, мерхамет ве джумертликнен абиделешкен эди. Мевляна бу адисени тасвир этип шойле анълатьыр:

«Билял-ы Хабешининъ мусульман олгъаны ичюн къркъунч бир ишкендже япылгъаныны эшиткен Азрети Эбу Бекир Сыддыкъ, Азрети Мустафанынъ хузуруна чыкълты ве вефалы Билялнынъ алыны арз этти.»

«Деди ки: О мубарек инсан, Сенинъ ашкъына тюшкен, Сенинъ мухаббетине тутулгъандыр. Бунынъ ичюн залым инсанлар о мелек яратылмышлы инсангъа зулум этелер. Къабаатсыз олгъаны алда онъа эзиет этелер. О буюк дефинени ширк ве исьян топрагъларына коммек истейлер.»


«Якъыджы кунешке кършы сыджакъ къумларгъа яткъыза, чыплакъ беденини тикенли пытакъларнен ура эдилер.»

«Лякин о, тенинден чешме киби къланлар акъкъаны алда: «Аллаһ бирдир, Аллаһ бирдир.» деп айта, Хакъкъа седждеден вазгечмей.»

«Азрети Эбу Бекирнинъ мерхамет ве шефкъатындан вуджудынынъ эр парчасы кедер ве гъамнен толу бир тиль алына кельген эди. Билялнынъ





ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

алыны Азрети Пейгъамберге буюк бир узюнтю ичинде узун узун анылат-макъта эди.

«Энъ сонъунда гонълюндеки ниети белли олды: «Я Расулюллах! Оны сатын алмакъ истейим. Бутюн байлыгъымны бермеге азырым. Дженабы Аллахкъа гонъюль берген, Онынъ ве Расулининъ хызметчиси олгъан, бунынъ ичюн де душманларнынъ зулумына огърагъан, ишкенджелерге маруз къалгъан о мубарек инсанны о алдан къуртармадан бу джаныма дюньяда раатлыкъ ёкътыр.» деди.

«Азрети Мустафа -салляллаху алейхи ве селлем-, бундан пек мемнун олдылар ве: «Эй Аллахнынъ ве Расулининъ мерхаметли досту! Бу тиджаретте мен санъа ортагъым...» буюрдылар.

«Азрети Эбу Бекир, вакъыт джоймадан Билялнынъ саибининъ эвине кетти. Билял япылгъан ишкенджелерден эснини джойгъан бир алда эди. Азрети Эбу Бекир, Азрети Билялнынъ саиби олгъан мерхаметсиз инсангъа аджы сёзлер айтты. Деди ки: Эй кирли! Эй ачувындан козьлери къараргъан, мерхаметтен насипсиз инсан! Бу Аллах достуны насыл урасын? Эй инсафсыз! Бу не кин, бу не яман ниет?»

«Эй мерхамет фукъарасы! Кендини инсанмы беллейсин? Эй инсанлыкъ махрумы, нефрет этильген киши! Сенинъ корюнюшюн инсан, амма инсанлыгъын юзь къарасысын!..»

«Бу сёзлерден сонъра Эбу Бекир -радиаллаху анх-, адамнынъ ач козюни дюньялыкъ малнен толдырды. Ойле ки бу алда Билялнынъ эфендиси шашырды ве Эбу Бекирнинъ алыны тааджубнен сейир этти.»

Онынъ бу тааджубыны фаркъ эткен Сыддыкъ-ы Экбер Хазретлери, о насипсизге шойле айтты: Эй ахмакъ! Сен бала киби бир джевизге къаршылыкъ манъа къыймет берилемеген бир инджи бердин, лякин хаберинъ ёкъ! Бильмийсин ки Билял, эки дюньягъа дегер. Мен онынъ рухына бакъам сен исе тюсюне...»

«Эгер сен сатышта текаран даа бастырса эдинъ, оны алмакъ ичюн даа чокъуны берер эдим. Даа да бастырса эдин менде не олса берер, хатта борджкъа кирер эдим. Кене де бу алыш бериште мен кярлы чыкъар эдим. Эй насипсиз киши! Шуны яхшы биль ки, муджевхернинъ къыйметини анджакъ сарраф билер.»



Мевляна, бу икяесинен мерхамет ве шефкът толу бир бакъышыны косътермекнен берабер, бир инсан-ы кямилге кыймет берменинъ мумкюн олмагъаныны, яни дюньявий кыйметлернинъ, инсаннынъ маневий япысынынъ къаршысында кыйметсиз олгъаныны не гузель ифаде этер.

Азрети Эбу Бекир бу ульвий арекетинен Расулюллах -салляллаху алейхи ве селлем-ге олгъан зирведеки мухаббетини бир кере даа ортагъа къойгъандыр. Чюнки Аллах Расулине олгъан худутсыз мухаббетнинъ мисаллеринден бир къач данеси шулардыр:

Онынъ кетирдиги Къурани Керимни ве Ислямий укюмлерни севмек,

Умметине шефкът ве мерхамет косътермек, оларнынъ файдасына ишлер япмакъ,

Дюньягъа кыймет бермек, фукъареликке азыр ве разы олмакъ,

Онъа къавушмакъны истемек,

Оны чокъча анъмакъ.

**Халид бин Саид** -радиаллаху анх-нынъ Ислямгъа кирмесине коръгени къоркъулы бир руя себеб олгъандыр. Бир гедже юкъуда, буюк бир атеш чукъурынынъ четинде тургъаныны ве бабасынынъ оны атешнинъ ичине итерип тюшюрмек истер киби арекет эттигини, Расулюллах -салляллаху алейхи ве селлем-нинъ исе оны аман белинден тутып атешнинъ ичине тюшмектен къуртаргъаныны коръди! Къоркъунен уянгъанында озъ озюне:

«Аллаһкъа емин этерим ки бу акъ бир руядыр!» деди ве Азрети Эбу Бекирнинъ делякетинен Пейгъамбер Эфендимизниъ янына барып мусульман олды.

Бабасы мусульман олгъаныны эшиткенинде онъа эзиет этти ве:

«— Эй алчакъ! Чыкъ кет! Валлахи, сенинъ рызкъыны да кеседжем!» деди.

Халид:

«- Сен меним насибимге энгель олсанда, Аллах муакъкъакъ мени рызыкъландыраджакътыр !» деди.



ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

Азрети Халид, Хабеш мемлекетине хиджрет эткенге къадар, Расулюллах -салляллаху алейхи ве селлем-нинъ янындан ич айырылмады. (Хаким, III, 277-280)

Даа сонъра Халиднинъ апайы **Умейне Хатун**, къардашы **Амр** ве онынъ апайы **Фатыма Хатун** да Ислямны къабул этилер.

Теблигънинъ сыкълы оларакъ девам этиги бу кунълерде Эбу Бекир -радиаллаху анх-нынъ тешвикъ ве ярдымынен **Эбу Фукейхе, Азрети Осман, Зубейр бин Аввам, Абдурахман бин Авф, Сад бин Эби Вакъкъас, Талха бин Убедуллах** -радиаллаху анхум эджмаин- иман ни-метинен севиндирильген олдылар. (Ибн Хишам, I, 268)

Азрети Осман, Пейгъамберимизге башындан кечкен адисени шойле анълатты:

«Эй Аллаһнынъ Расули! Шамда олгъанымызда, юкъунен уяныкъ-лыкъ арасында олгъанымызда бир кереден:

«Эй юкъуда олгъанлар! Уянынъ! Чюнки, Ахмед Меккеде мейдан-гъа чыкъты!» деген бир сес эшиттик. Меккеге къайткъанымызда сизинъ пейгъамбер олгъанынызны хабер алдыкъ.» (Ибн-и Сад, III, 255)

Талха бин Убейдуллах Хазретлери де шойле анълатты:

«Бусра базарында олгъаным вакъыт бир рахиб инсанларгъа:

«- Ичинизде Харем халкъындан бир кимсе бармы?» деп сорай эди.

«-Аман! Мен барым.» дедим.

Рахиб:

«- Ахмед корюндими ?» деп сорады.

Мен:

«-Анги Ахмед? Дедим.

Рахиб:

«-Ахмед бин Абдуллах бин Абдुльмутталиб! О, Меккеде мейдангъа чыкъаджакътыр, пейгъамберлернинъ сонъунджысыдыр. Харемден чыкъ-ып, хурмалыкъ, ташлыкъ ве топрагъы къуры бир ерге хиджрет этеджек-тир. Онъа тез барманъны санъа тевсие этерим!» деди.



Рахибининъ айткъанлары юрегимге тесир этти. Ондан аман айырылып Меккеге кельдим:

«-Янъы бир адисе олдымы?» деп сорадым.

«-Эбет, бар! Абдуллахнынъ огълу Мухаммед эль-Эмин пейгъамбер олгъаныны иддиа эте. Эбу Бекир онъа уйды» дедилер. (Ибн-и Сад, III, 215)

Эбу Убейде бин Джеррах, Эбу Селеме, Эркам бин Эби эль-Эркам, Осман бин Мазун, Эсма бинт-и Эби Бекир, Хаббаб бин Эрет, Абдуллах бин Месуд, Абдуллах бин Джахш, Джафер, апайы Эсма бинт-и Умейс, Эбу Хузейфе, Амир бин Фухейре....- радиаллаху анхум эджмаин-, ильк мусульман олма шерифине наиль олгъан кимселерден базыларыдыр.

### **Даруль-Эркам: Ильк мусльманларнынъ маариф ве тасили**

Расулюллах -салляллаху алейхи ве селлем-, ильк учъ сене Ислямны сакълы бир шекильде теблигъ эткен, даветини къабул этмегенлерден бу мевзуны сакълы тутмаларыны истегендир. Нубувветнинъ ильк сенесинде Эркам бин эбу эль-Эркам -радиаллаху анх- мусульман олгъанындан сонъра асхаб-ы кирам онынъ эвинде сакълы сакълы топланмагъа башладылар.

«Даруль-Ислям» деп билинген «Даруль-Эркам», Меккеде «Сафа» тепесининъ янындадыр. Пейгъамбер –алейһисселям– Къурейш мушриклеринден сакъынып бу мубарек эвде ола эди, янына кельгенлерге анда Ислямны аңлата, Къурани Керимни окъур ве огрете эди. Анда, берабердже намаз къыла эди. Бир чокъ инсан Ислямнен мында танышкъандыр.

Азрети Омер нубувветнинъ алтынджы йылында мусульман олгъангъа къадар бу эв, Ислямнынъ теблигъ этилип огретильмесинде буюк хызметлер эткендир.

Эркам -радиаллаху анх- *Даруль-Эркамны* даа сонъра вакъф<sup>122</sup> эткендир. Вакъфиеси шойледир:

«Бисмиллахиррахманиррахим, Бу, Эркамнынъ Сафадан бираз огдеки эви акъкъында яптыгъы ахд ве васиетидир ки, онынъ арсасы Харем-

122 **Вакъф** – токъталмакъ, бир шейни бильмек. Аллах ёлында масраф этильмек узъре адангъан бир (ташынмаз) мал.



ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ 

и Шерифтен<sup>123</sup> сайылганындан о да харемленгендир, токъунылмаздыр: Сатылмаз ве мирас оларакъ алынмаз. Хишам бин Ас ве онынъ азадлы къулы бунъа шааттыр.» (Ибн-и Сад, III, 242-244; Хаким, III, 574-575/6129)

Бугунъ *Даруль-Эркам* – «эркамнынъ эви», Сауди Арабиستان Кыраллыгы тарафындан йыкылып Харем-и Шериф топрагына къошулгъан, яни аслына къайткъандыр.

Пейгъамбер -салляллаху алейхи ве селлем- Эфендимиз, нубувветнинъ илкъ учъ йылыны сакълы даветнен кечиргендир. Даветнинъ сакълы япылмасы Варлыкъ Нурунынъ, эр анги бир эзиет ве къыйынчылыкъларнен къаршы къаршыгъа кельмек къоркъусындан дегиль, дин ичюн бойле япмактынъ даа догъру олгъанындандыр. Чюнки даа янъы иман эткен чокъу фукъаре мусульманларны техликеге атып оларнынъ элякине себеб олмакъ, диннинъ ёкъ олмасына ёл ачар эди.

*Даруль-Эркам* вакъясындан чыкъарыладжакъ олгъан бир къач не-тидже бардыр:

а. Керек олгъанда сыкълылыкъ бир даванынъ эсасы олмакъ керек.

б. Маариф ве тасиль, эр анги бир ичтимаий, диний ве сиясий адисенинъ керчеклешмесинде биринджи заруреттир. Фертлернинъ, кейфие-т къазанмасы тарафындан, даванынъ мантигы ве ахлякынен теджхиз этильмелери керек.

Бунъа коре Ислямнынъ яйылмасында къыяметке къадар тутуладжакъ ёл ве такъип этиледжек усуль, Пейгъамбер -салляллаху алейхи ве селлемнинъ бу татбикъатынынъ ышыгында япылмасы керектир. Ислямнынъ янъыдан филизленмеси я да улашмагъаны ерлерде яйылмасы ичюн япыладжакъ арекетлерде, бу маариф ве тасиль фаалиетлерининъ биринджи дереджеде дикъкъатке алынмасы лязим келер.



## ПЕЙГЪАМБЕРЛИКНИНЪ ДЁРДЮНДЖИ СЕНЕСИ

**Эмир алгъан шейни ачыкъла: Энъ Якъынларны Инзар Эт**

Учъ йыл сюръген гизлилик девирден сонъ, яни пейгъамберликнинъ 4 йылында Аллах Таала шойле буюргъандыр:

فَاصْدَعْ بِمَا تُؤْمَرُ وَأَعْرِضْ عَنِ الْمُشْرِكِينَ  
إِنَّا كَفَيْنَاكَ الْمُسْتَهْزِئِينَ

**«(Эй Расулим! Артыкъ) Санъа эмир этильгени ачыкъла! Мушриклерден юзь чевир. Сеннен алай эткенлерге къаршы Биз Санъа естермиз!»** (эль Хиджр, 94-95)

Бу аети керимеде теблигънинъ артыкъ ачыкътан япылмасы эмир этильген эди.

Бир башкъа аети керимеде бу хусус даа ачыкъ, атта икъаз этиджи махиетте шойле ифаде этильмектедир:

يَا أَيُّهَا الرَّسُولُ بَلِّغْ مَا أُنْزِلَ إِلَيْكَ مِنْ رَبِّكَ وَإِنْ لَمْ تَفْعَلْ فَمَا بَلَّغْتَ  
رِسَالَتَهُ وَاللَّهُ يَعْصِمُكَ مِنَ النَّاسِ إِنَّ اللَّهَ لَا يَهْدِي الْقَوْمَ الْكَافِرِينَ

**«Эй Расуль! Санъа эндирильгени теблигъ эт! Эгер буны япмаз исенъ, пейгъамберлигини япмагъан олырсынъ! Аллах сени инсанлардан къорчалайджакътыр. Шубесиз ки Аллах, къафир топлулыкъны хидаетке, догъру ёлгъа эриштирмез»** (Манде, 67)

Артыкъ Аллах Расули -салляллаху алейхи ве селлем-, Аллах Тааланынъ буюргъаны киби:



قُلْ يَا أَيُّهَا النَّاسُ إِنِّي رَسُولُ اللَّهِ إِلَيْكُمْ جَمِيعًا الَّذِي لَهُ مُلْكُ السَّمَوَاتِ وَالْأَرْضِ  
لَا إِلَهَ إِلَّا هُوَ يُحْيِي وَيُمِيتُ فَآمِنُوا بِاللَّهِ وَرَسُولِهِ النَّبِيِّ الْأُمِّيِّ الَّذِي يُؤْمِنُ بِاللَّهِ  
وَكَلِمَاتِهِ وَاتَّبِعُوهُ لَعَلَّكُمْ تَهْتَدُونَ

«Де ки: Эй, инсанлар! Акъикъатен мен сизинъ эпинъизге, ко-  
клернинъ ве ернинъ саиби олгъан Аллахнынъ эльчисийим. Ондан  
башкъа танъры ёкътыр, О, тирильтир ве ольдюрир. Ойле исе,  
Аллахкъа ве уммий пейгъамбер олгъан Расулине -ки о, Аллахкъа  
ве онынъ сёзлерине инаныр- иман этинъ ве онъа уйынъ ки, догъ-  
ру ёлны тапарсынъыз.» (эль-Араф, 158) деп инсанларны ачыкътан ачыкъ  
Ислямгъа давет этмеге башлайджакъ эди.

Лякин бу ишке не ерден ве не япып башлайджагъыны бильмей тур-  
гъанда, башкъа бир вахий кельди:

وَأَنْذِرْ عَشِيرَتَكَ الْأَقْرَبِينَ. وَاخْفِضْ جَنَاحَكَ لِمَنِ اتَّبَعَكَ  
مِنَ الْمُؤْمِنِينَ. فَإِنْ عَصَوْكَ فَقُلْ إِنِّي بَرِيءٌ مِّمَّا تَعْمَلُونَ.  
وَتَوَكَّلْ عَلَى الْعَزِيزِ الرَّحِيمِ. الَّذِي يَرِيكَ حِينَ تَقُومُ.

«(Эвель) Энъ якъын акърабанъны тенбиеле. Санъа уйгъан му-  
минлерге (мерхамет) къанатынъны кер. Эгер санъа къаршы кель-  
селер, де ки: «Мен сизнинъ япкъанларынъыздан, муакъкъакъ ки,  
узакъым.» Сен, О мутлакъ гъалип ве бол мерхамет саибине ишанып  
таян. О ки, (гедже намазгъа) къалкъкъан заманынъда, сени коръ-  
мекте.» (Шуара, 214-218)

Азрети Пейгъамбер -салляллаху алейхи ве селлем-, эмири иляхи  
керектирдиги киби эвельдже якъын акърабаларыны давет этти. Оларгъа  
икрам этти. Сонъ да шойле сёйледди:

«- Эй Абдул Мутталиб огъулары! Мен сизге дюньянынъ ве ахирет-  
нинъ энъ хайырлы динини кетирдим. Манъа Къуран вахий олунды ки, о  
Къуран иле сизни ве онынъ этиштиги эр кесни икъаз этейим деп. Манъа  
бу иште Ким ярдым этеджесктир?»

Бу сөзлерге ич кимсе эмиет бермеди. Эр кес сусты. О заман даа ку-  
чюк бала олгъан, анджакъ иман къафилесинде биринджилер олма шере-  
фине наиль олгъан Азрети Али турып:

«- Эй Аллаһынъ Расули! Санъа мен ярдымджы олурым!» деди.

О ерде олгъанларнынъ алайлы кулюмсемелери къаршысында, Аллаһ  
Расулининъ джиханы айдынлаткъан кулюмсемеси Азрети Алиге айла-  
нып, онынъ башыны сыйпады. (Ахмед, I, 111, 159; Хейсемий, VIII, 302-303)

Акърабалары биринджиден къабул этмеге янашмадылар, амма Аллаһ  
Расулининъ азмы къырылмады. Чюнки онъа Аллаһ Таала буюра эди ки:

يَسْ وَالْقُرْآنِ الْحَكِيمِ إِنَّكَ لَمِنَ الْمُرْسَلِينَ عَلَى صِرَاطٍ مُسْتَقِيمٍ

«Йа син. Икмет толы Къуран акъкъы иле емин этерим ки шубе-  
сиз Сен, пейгъамберлерденсинъ! Дос-догъры ёл узьресинъ!» (Йа Син,  
1-4)

وَأَرْسَلْنَاكَ لِلنَّاسِ رَسُولًا وَكَفَى بِاللَّهِ شَهِيدًا

«...Сени инсанларгъа Пейгъамбер оларакъ йибердик! Шаат  
оларакъ да Аллаһ етер!» (эн-Ниса, 79)

وَمَا أَرْسَلْنَاكَ إِلَّا كَافَّةً لِلنَّاسِ بَشِيرًا وَنَذِيرًا وَلَكِنَّ أَكْثَرَ النَّاسِ لَا يَعْلَمُونَ

«Биз сени бутюн инсанларгъа, анджакъ мужделейиджи ве инзар  
этиджи оларакъ йибердик; Факъат инсанларнынъ чокъусы буны  
бильмезлер.» (Себе, 28)

قُلْ يَا أَيُّهَا النَّاسُ إِنِّي رَسُولُ اللَّهِ إِلَيْكُمْ جَمِيعًا الَّذِي  
لَهُ مُلْكُ السَّمَوَاتِ وَالْأَرْضِ

«Де ки: «Эй инсанлар! Муакъкъакъ ки мен, коклернинъ ве ер-  
нинъ саби Аллаһнынъ эпинъиз ичюн йиберген пейгъамберим!...»  
(эль-Араф, 158)





Аети керимеде де беян этильдиги киби Аллаһ Расули -салляллаху алейхи ве селлем-, дигер пейгъамберлерден фаркълы оларакъ бутюн инсанларгъа йиберильген эди. Буны бир Хадиси шерифлеринде шойле ифаде этмектедир:

*«Манъа, менден эвельки пейгъамберлерден бирисине берильмеген 5 хусусиет берильди:*

*1. Бир айлыкъ месафедде олгъан душманнынъ къальбине къоркъы салмакънен ярдым этилдим.*

*2. Манъа ер юзю месджит ве темиз къылынды. Бунынъ ичюн умметимден эр кимсе, намаз вакъты кельгенде, оны аман къылсын!*

*3. Гъанимет алмакъ манъа эял къылынды. Менден эвель ич бир пейгъамберге эял къылынмагъан эди.*

*4. Манъа шефаат изини берильди.*

*5. Менден эвельки пейгъамберлер, садедже озъ миллетлерине йиберильген эдилер. Мен исе, бутюн инсанлыкъкъа пейгъамбер оларакъ йиберильдим.»<sup>124</sup> (Бухари, Тееммум, 1)*

Аллаһ Расули -салляллаху алейхи ве селлем-, ильк яптыгъы даветте, о сырада бир бала олгъан Азрети Алиден башкъа ич бир кимседен къабул корьмеди.

Эртеси куню акърабаларны эвине текрар давет этти. Оларгъа икрам этти, сонъ да оларгъа шойле буюрды:

*«-Эй Абдульмутталиб огъулла! Валлахи араплар ичинде дюнья ве ахиретингиз ичюн меним кетирдигим шейден даа хайырлысыны озъ къавмине кетирген ич бир йигит бильмейим!*

*Эй Абдульмутталиб огъулла! Мен хусуси оларакъ сизге, умуми оларакъ да бутюн инсанларгъа пейгъамбер йиберильдим. Сиз бу хусуста даа эвель корьмегенингиз муджизелерден базыларыны корьген оласынгыз. Бу вазифемде манъа ярдымджы ве къардаш олмайы, бойледже*

<sup>124</sup> Дигер бир риваетте, Аллаһ Расули учъ хусускъа даа ишарет этти:

1. Манъа джевамиу келим олма (аз сёз иле чокъ мана берме) хусусиети берильди.

2. Пейгъамберлик меним иле сонъа эрди ве муурьленди, менден сонъ ич бир пейгъамбер кельмейджектир.

3. Юкъладыгъым бир эснада, манъа ернинъ хазинелерининъ анахтарлары кетирилди ве огюме къоюлды. (Муслим, Месаджид, 5-6).



*дженнетни къазанмакъны Ким къабул этер? Ким бу ёлда къардашым ве аркъадашым олмакъ узъре манъа бейат этер?»*

Сервери Алем Эфендимизин бу даветине де акърабаларындан кимсе иджабет этмедиги киби, даа чокъ, кулюшереке алай эттилер. Бир мюддет сонъ да дагъылып кеттилер. (Ахмед, I, 159; Ибн-и Сад, I, 187; Хейсемий, VIII, 302; Ибн Эсир, эль-Кямиль, II, 63; Белязурий, I, 119)

Инсаннынъ ичинде булунгъаны акъраба чевреси, онынъ анълаткъанларыны, узакътакилерге бакъкъанда даа тез анъламакътадыр. Бир де давети къабул эткенлернинъ акърабаларыны эсапкъа къатаджакъ олсакъ, Ислям дининъ джемиетке бу ёлдан даа къолай келеджеги беллидир. Амма, даветчининъ акърабалары озюне инанмаз иселер, онъа аркъа чыкъмаз иселер, дигер инсанларнынъ иман этип ишанмасы даа зор оладжакътыр. Бу себепле Фахри Кяинат Эфендимиз -салляллаху алейхи ве селлем-, теблигъ фаалиетлерине якъын акърабаларындан башлагъандыр.

Дигер тарафтан бу вазифенинъ муваффакиети ичюн якъынларнынъ ярдымларына да ихтиядж бардыр. Бу акъикъат аети керимеде шойле беян этильмектедир:

قَالُوا يَا شُعَيْبُ مَا نَفَقَهُ كَثِيرًا مِّمَّا تَقُولُ وَإِنَّا لَنَرِيكَ فِينَا ضَعِيفًا  
وَلَوْلَا رَهْمُكَ لَرَجَمْنَاكَ

**«Эй Шуайб! Айткъанларынынъ чогуьусыны дуймаймыз ве сени арамызда керчектен зайыф коремиз. Эгер акърабаларынъ олмаса эди сени ташларнен атып ольдюрир эдик... дедилер.»** (Худ, 91)

Лут -алейһисселям- да къавмынынъ сапыкълыгъы къаршысында чаресиз къалгъанында, озюне ярдым береджек якъынларынынъ ёкълыгъыны дуяракъ шойле деген эди:

لَوْ أَنَّ لِي بِكُمْ قُوَّةً أَوْ آوَى إِلَيَّ رُكْنٌ شَدِيدٌ

**«...Кешке сизге етеджек бир къуветим олса я да сагълам бир къалеге сыгъынсам.»** (Худ, 80)



Ислям акърабаларны къорчаламагъа айры бир эмиет бермектедир. Бу себепле киши, инсанларнынъ иман киби юдже бир ниймет иле ше-рефленмесини истей олса, эр шейден эвель озъ аилесини ве акърабасыны тюшюнир. Нитеким Аллах Таала шойле буюрмакътадыр:

وَأُولُوا الْأَرْحَامِ بَعْضُهُمْ أَوْلَىٰ بِبَعْضٍ فِي كِتَابِ اللَّهِ مِنَ الْمُؤْمِنِينَ وَالْمُهَاجِرِينَ

**«...Акърабалар да Аллахнынъ хукмюне коре бир бирлерине, ди-гер муминлерден ве мухаджирлерден даа якъындыр...»** (эль-Ахзаб, 6)

### **Сафа тепесинде Къурейш къавмини Ислямгъа давет этмеси. (Пейгъамберлигининъ 4. йылы)**

Даветке энъ якъынларындан башламасы эмир этильген Варлыкъ Нуры, бир кунь Сафа тепесине чыкъаракъ, Къурейш къабилесине сес-ленди. Олар да бу сесленишке джевап оларакъ Сафа тепеси этрафына топландылар. Расуллоллах -салляллаху алейхи ве селлем-, юксек бир къа-янынъ устюнден оларгъа шойле хитап этти:

*«- Эй Къурейш джемааты! Мен сизге, шу дагъын этегинде я да шу вадиде душман атлары бар, сизге тезден салдыраджакътыр, малынъызны элинизден аладжакътыр десем, манъа инаныр эдинъиз ми?»*

Олар да ич тюшонмеден :

*«- Эбет инанырмыз! Чюнки шимдигедже сени ич ялан сёз сёйлегени-ни эшитмедик!»* дедилер.<sup>125</sup>

О ерге кельген эркеснинъ тасдыкыны алгъан Аллах Расули -саллялла-ху алейхи ве селлем-, оларгъа шу иляхий акъикъатны бильдирди:

<sup>125</sup> Бу ерде Расулиллах -салляллаху алейхи ве селлем- теблигъ ичюн биринджиден шахсиет теспити япмакъта эди. Чюнки инсанлар башта характерге хайран олур, сонъ да о инсангъа итаат этерлер. Кунюмизде Ислам динини теблигъ эткен, яйгъан кимселер, озъ характерлеринен эль-Эмин ве Эс-Садыкъ олгъан, джемаат козюнде догъру ве ишанылгъан инсанлар олмалары керектир. Ясин суресинде сёзю кечкен Хабиб эль-Наджар, теблигъде булунгъан салих кимселернинъ шахсиетлерини шойле теспит этмекте: «يٰۤاَيُّهَا مَنْ لَا يَسْأَلُكُمْ آخِرًا وَنَحْمُ مُهْتَدُونَ» («Эй къавмым!») Сизден эр анги бир уджрет истемеген бу кимселерге таби олунъыз! Чюнки олар догъру ёлгъа, хидаетке эрген кимселердир.» (Ясин, 21) Ает-и керимеде айны вакъытта теблигънынъ садедже Аллах ризасы ичюн япылмасы кереклиги, теблигъджининъ ильк башта озю догъру ёлда ол-масы кереклиги бильдириле.

«- О алда мен шимди сизге, алдыңызда, шиддетли бир азаб куню олгъаныны, Аллахкѳа инанмагъанларнынъ о адждѳы азабкѳа огърайджакъларыны хабер берем. Мен сизни о агъыр азаптан кѳуртармакъ ичюн йиберильдим.

- Эй Кѳурейшлилер! Сизге кѳаршы меним алым, душман коръген бир кишининъ кѳорантасына зарар береджек деп кѳоркѳкъан, озълерине хабер этмеси ичюн чапкъан бир кишининъ алы кибидир.

Эй Кѳурейши джемааты! Сиз юкѳугѳа далгъанынъыз киби оледжексиниз. Юкѳудан уянгъаны киби тириледжексиниз. Кѳабирден турып Аллахнынъ огъуне барып, дюньяда яптыгъынъыз эр арекетинъыз ичюн эсап береджегинъыз акътыр. Сонъунда хайыр ишлернинъ ве ибадетлеринъизнинъ мукафатыны, яман ишлернинъ де джезасыны ве шиддетли азабыны кореджексинъыз! Мукафат – эбедий бир дженнет; джезалар да – девамлы бир джеэннемдир.» (Бухари, Тефсир, 26; Ахмед, 1, 281-307; Ибн-и Сад, 1, 200)

Аллах Расули -салляллаху алейхи ве селлем-нинъ бу сѳзюне кѳаршы, о ерде олгъанлар тарафындан бир кѳаршы чыкъма корюльмеди, садедже эмджеси Эбу Лехеб:

«- Айда шу! Эллеринъ кѳурусун! Бизни бу ерге бунынъ ичюн мы чагъырдынъ?» деп мунасебетсиз ве якъышыкъсыз сѳзлер сарф этти. Акъарети иле буюк пейгъамбернинъ къальбини кърды.

Эбу Лехебнинъ бу арекети узъре Теббет суреси энди:

تَبَّتْ يَدَا أَبِي لَهَبٍ وَتَبَّ مَا أَغْنَىٰ عَنْهُ مَالُهُ وَمَا كَسَبَ سَيَصْلَىٰ  
نَارًا ذَاتَ لَهَبٍ وَامْرَأَتُهُ حَمَّالَةَ الْحَطَبِ فِي جِيدِهَا حَبْلٌ مِّن مَّسَدٍ

«Эбу Лехебнинъ эки эли кѳурусун! Кѳуруды да. Малы ве къазангъанлары онъа файда бермеди. О алевли бир атеште янаджакъ. Одун ташыйдыжы оларакъ ве бойнунда хурма лифиден букюльген бир йип олгъаны алда, къадыны да (атешке киреджек).» (Теббет, 1-5) (Бухари, Тефсир, 26/2; 34/2; 111/1, 2; Муслим, Иман, 355)



Аетте Эбу Лехебнинъ ханымы да зикредильгендир. Чюнки о да, акъ-айы киби Аллах Расулине -салляллаху алейхи ве селлем-ге пек чокъ эзитлер бермекте, кечеджеги ёлларгъа тикен коймакъта эди.

Бу суре, сойдан якъын олмакънынъ да пек чокъ къыймет бермегенини косътермектедир. Муим олгъан рухий якъынлыктыр, такъвадыр. Рухнынъ миллиети ёкътыр. Ыркъ, джесетке аит бир кейфиегтир. Джесет исе топракъта ёкъ олып кетеджектир. Инсан кямиль манасы иле рухтан ибареттир. Онынъ мукеррем васфы да будыр. Ёкъса инсан, дегишик къумашлардан эльбисе киймекнен къыймет къазанмаз!

Расулюллахнынъ -салляллаху алейхи ве селлем- гъайретлери не-тиджесинде аалары Азрети Сафие ве Азрети Атике, Азрети Аббаснынъ азадлы къулы Эбу Рафи, Эбу Зерр ве къардашы Амр б. Абесе мусульман олдылар.

Эбу Зерр -радиаллаху анх- джахилие девринде путларгъа тапмаз эди. Озю хидаетке наиль олышыны шойле анълатыр:

«Мен Гъыфар къабилесинден бир кимсейим. «Меккеде бир киши пейда олды, озюни пейгъамбер олгъаныны айта экен» деп бир хабер алгъан сонъ, Аллах Таала даа о заман гонъюме Ислямнынъ мухаббетини къойды. Къардашым Унейске:

«-Меккеге кет ве коклерден хабер кетирдигини сёйлеген о адам иле лаф эт. Онынъ акъкъында манъа хабер кетир!» дедим.

Къардашым Унейс, Меккеге кетти, Расулюллахны -салляллаху алейхи ве селлем- динъледи ве янъыма кельди. Онъа:

«-Не яптынъ? Не хаберлер кетирдинъ?» деп сорадым.

«-Меккеде сенинъ дининде бир адамгъа растладым ки озюни Аллахнынъ йибергенини айта.» деди.

«-Пеки инсанлар онынъ акъкъында нелер айталар?» деп сорадым.

«-Шаир, кяин, сиирбаз киби шейлер айталар!» деди.

Къардашым шаир бир кимсе эди ве шиирден пек яхшы анълар эди. О Азрети Мухаммед акъкъында шойле деди:

«- Мен кяинлернинъ сёзюни билерим. Онынъ сёзлери, кяинкилерине ич бенъземез. Онынъ сёзлерини шиирнинъ эр тюрлюси иле къыясладым,



Валлахи онъа шиир демеге кимсенинъ тили бармаз. О муакъкъакъ догъры сёйлемектедир. Онъа ифтира эткенлер исе яланджылардыр! О садед-же хайырны, яхшылыкъны ве ахлякый фазилетни эмир эте, яманлыкъны ве шерни де ясакъ этмектедир.»

Къардашымнынъ анълаткъанларына бакъаракъ татмин оламайын-джа, аман сувымны ве ашымны алдым ве ёлгъа чыкътым. Меккеге кельдим, Расулюллахны -салляллаху алейхи ве селлем- танымай эдим, башкъасына сорамайы да тартына эдим. Месджид-и Харамда Земзем къююсы къатында беклеп тура эдим. Земзем сувындан ичип ачлыгъымны ве сув-сызлыгъымны гидере эдим. О эснада яныма Азрети Али кельди ве:

«- Эр алда сиз бу ерде ябанджысынъыз!?» деп сорады.

Онъа:

«- Эбет!» дедим.

«- Ойле исе кель, бизге мусафир ол!» деди.

Али -радиаллаху анх- иле берабер кеттим. Меккели инсанларнынъ эстирдиклери яман аваларындан хавыфланаракъ келиш себебимни дахи сорамады. Сабах олгъан сонъ, Расулюллахны -салляллаху алейхи ве селлем- тапмакъ ичюн текрар Месджид-и Харамгъа кеттим. Акъшамгъа къадар бекледим, амма хабер аламадым. Али манъа текрар огърады ве:

«- Сиз але даа кетеджек еринъизни бильмединъиз ми?» деп сорады.

Мен:

«Ёкъ!» дедим.

Али -радиаллаху анх-:

«- О заман келинъ кене бизге мусафир олынъ!» деди.

Эвлерине кельдигимизде:

«- Сенинъ алынъ недир? Бу шэерге не ичюн кельдинъ?» деп сорады.

Гизли тутаджагъынъа ве манъа ёл косътереджегинъе ондан сёз алгъан сонъ:



ПЕЙГЪАМБЕРЛИКНИНЪ ДЁРДЮНДЖИ СЕНЕСИ 

«- Бизге улаштыгъы къадарлыкъ, бу ерлерде бир киши чыкъты озюни пейгъамбер илян этти! Онынъ иле корюшип лаф этмек ичюн кельдим» дедим.

«- Келип пек яхшы эткенсинъ! Бу зат Аллахнынъ Расулидир, акъ пейгъамбердир. Сабах мени такъип эт, кирдигим эвге сен де кир! Мен сенинъ ичюн теликели бир шей коръсем, аякъкъабымны тюзельткен киби дуваргъа айланырым, сен де кечер кетерсинъ.» деди.

Нихает Пейгъамберимизнинъ янына бардыкъ. «Эсселяму алейке я Расулюллах!» оны биринджи кере Ислям селямы иле мен селямладым.

«- Эй Мухаммед! Сен инсанларны неге давет этесинъ?» деп сорадым.

Расулюллах -салляллаху алейхи ве селлем-:

*«Бир олгъан ве ич бир шериги, ортагъы олмагъан Аллахкъа имангъа, путларны терк этмеге ве меним де Расулюллах олгъаныма шеадет этмеге давет эте эдим.»* деди.

Мангъа Ислямны анълатынджа мен аман мусульман олдым. Расулюллах -салляллаху алейхи ве селлем- мусульман олмама пек севинди ве месрур бир юзь иле кулюмсиреди.

«- Эй Эбу Зерр! Шимди бу ишни меккели инсанлардан гизли тут ве мемлекетине къайт!» буюрды.

«- Я Расуллах! Мен динимни ачыкъламакъ истейим.» деди.

Расуллах -салляллаху алейхи ве селлем-:

*«Мен Мекке инсанларнынъ сангъа зарар береджеклеринден къоркъам!»* буюрды.

«- Я Расуллах! Мени ольдюреджеклерини бильсем дахи буны муакъкъакъ япаджакъман.» дедим.

Расули Экрем эфендимиз сусть.

Къурейш Месджид-и Харамгъа топландыкълары заман, о ерге барып юксек сеснен:

«- Эй Къурейш джемааты! Эшхеду энъ ля иляхе илляллах ве эшхеду энне Мухаммеден абдуху ве расулюху» деп бакъырдым. Мушриклер:



«- Адам шашмалады! Адам шашмалады! Турынъ ве шу сабий<sup>126</sup> устуне худжум этинъ» деп турдылар ве мени ольдюресие дэгдюлер. О эснада Аллаһ Расулининъ эмджеси Аббас етишип устуме къапанды ве оларгъа:

«- Языкълар олсынъ сизге! Эй Къурейш джемааты! Сизлер туджджар инсанларсынъыз. Тиджарет ёлынъыз да Гъыфар къабилесинден кечмектедир. Ёкъса тиджарет ёлынъызнынъ кесильмесини ми истейсинъиз!?» деп бакъырынджа башымдан дагъылдылар.

Эртеси кунъ сабахтан Месджид-и Харамгъа бардым ве айны шейлер текрар олды. Мени ольдю заннетип быракъып кеттилер. Турып Аллаһнынъ Расули къатына бардым. Расулюллах алымны коргендже:

«Мен сени бу иштен токътатмадым мы?» деп сорады.

Мен:

«Бу гонълюмнинъ бир арзусы эди. Мен де ерине кетирдим.» дедим.

Бир муддет заман Пейгъамберин янынъда къалдым. Даа сонъ:

«- Эй Аллаһнынъ Расули! Сен манъа не япмамны эмир этесинъ!?» деп сорадым.

Расулюллах -салляллаху алейхи ве селлем-:

«Санъа эмирим кельгенде Ислямны къавмине анълатырсынъ! Ортагъа чыкътыгъымызны хабер алынджа яныма кель!» буюрды» (Бухари, Менакиб эль-Энсар, 33; Ахмед, V, 174; Хаким, III, 382-385; Ибн-и Сад, IV, 220-225)

Фахр-ы Кяинат Эфендимиз бундан сонъ инсанларны Ислямгъа даветке девам этти. Аджылыкъ мевсиминде, Укъаз, Медженне, Зуль Меджаз киби ярмалыкъларында инсанларнынъ топлы олдыкълары заманларда янъларына барып, раст кетирдиги эр кеске, эфенди-ыргъат, зайыф-къуветли, зенгин-факъыр демеден Ислямны теблигъ эте, оларны Аллаһнынъ бирлигине иман этмеге давет ве тешвикъ эте эди. (Ибн-и Сад, I, 216-217)

Пейгъамберликнинъ бу сафхаларында энген аетлер, умумиетнен къыяметнинъ дешетини хабер бермекте эди:

126 Меккели инсанлар о заманларда, мусульман олгъан кимселерге, «динден чыкъкъан» манасында «Сабий» дей эдилер.





إِنَّ عَذَابَ رَبِّكَ لَوَاقِعٌ مَا لَهُ مِنْ دَافِعٍ يَوْمَ تَمُورُ السَّمَاءُ مَوْرًا وَتَسِيرُ الْجِبَالُ سَيْرًا  
فَوَيْلٌ يَوْمَئِذٍ لِلْمُكَذِّبِينَ الَّذِينَ هُمْ فِي خَوْضٍ يَلْعَبُونَ يَوْمَ يَدْعُونَ إِلَى  
نَارِ جَهَنَّمَ دَعَا هَذِهِ النَّارِ الَّتِي كُنْتُمْ بِهَا تُكَذِّبُونَ

«Раббинънинъ азабы мытлакъа юзь береджек. Онъа мани олад-  
жакъ ич бир шей ёкъ. О куню кок салланып чалкъаланыр. Дагълар  
юргенден юрер. Яланлагъанларнынъ вай алына о кунь! ки, олар  
далгъан сапыкълыкълары ичинде ойнап тургъанлардыр. О куню  
джеэннем атешине итекленип атылырлар да, «Иште, яланлап тур-  
гъан атешинъиз будыр!» денилир.» (эт-Тур, 7-14)

Расули Экрем эфендимиз -салляллаху алейхи ве селлем- пейгъам-  
берлигини илян этмеси ве даветке ачыкътан башламасы артындан муш-  
риклернинъ ве путларнынъ алейхинде аети керимелер назиль олмагъа  
башлады:

إِنَّكُمْ وَمَا تَعْبُدُونَ مِنْ دُونِ اللَّهِ حَصَبُ جَهَنَّمَ أَنْتُمْ لَهَا وَارِدُونَ

Сиз ве Аллаһтан гъайры табынгъан шейлеринъиз джеэннем  
якъарлыгъысынъыз, сиз о ерге киреджексинъиз. (эль-Энбия, 98)

قُلْ إِنَّمَا أَنَا بَشَرٌ مِّثْلُكُمْ يُوحَىٰ إِلَيَّ أَنَّمَا إِلَهُكُمُ إِلَهُ وَاحِدٌ  
فَاسْتَقِيمُوا إِلَيْهِ وَاسْتَغْفِرُوهُ وَوَيْلٌ لِلْمُشْرِكِينَ

«Де ки: Мен де, анджакъ сиз киби бир инсаным. Манъа иляхынъ-  
ызынынъ тек бир илях олгъаны вахий олунмакъта. Артыкъ Онъа ёне-  
линь, Ондан магъфирет истень. Ортакъ къошкъанларнынъ алына  
вай!» (Фуссылет, 6)

Варлыкъ Нуры мушриклернинъ тапмакъта олдыкълары путлар-  
нынъ айыпламагъа башлагъаны, имансызлыкъ ве шашкъынлыкъ узьре  
олуп кеткен аталарынынъ джеэннемде олгъанларыны сёйлеген заман,  
Къурейш мушриклери пейгъамбер эфендимизни ред ве инкяр эттилер.  
Онъа къаршы душманлыкъ беслемек хусусында бирлештилер. Анджакъ

Эбу Талиб Аллах Расулини кърчаламагъа девам эттиги ичюн, онъа ич бир шей япамадылар. (Ибн-и Сад, I, 199)

Эбу Джехиль, Эбу Лехеб, Велид б. Мугъире, Умеййе б. Халеф, Ас б. Ваиль, Надр б. Харис, Укъбе б. Эби Муайт, Утбе б. Рабия киби къавий мушриклер, Варлыкъ Нуры Пейгъамберимизге къаршы душманлыкъта ашыры кетип эбедий хусрангъа тюштюлер ве бахтсыз олдылар.

### Теблигънинъ Эмиети ве Услюби

Теблигъ, Ислям динининъ эсасларыны анълатаракъ оларны яймакъ, инсанларнынъ бу эмирлерге уйып яшамаларыны теминлемектир. Энъ мешур табирийле теблигъ – «эмри биль маруф ве нехий аниль мункер: Эйи ве гузель олгъан шейни эмир этмек, фена ве чиркин олгъан шейни мен этмек» деп билинмектедир.

Аллаһ Таала, аети керимелерде, теблигъни бутюн муминлерге бир вазифе оларакъ эмир этмектедир:

وَلْتَكُنْ مِنْكُمْ أُمَّةٌ يَدْعُونَ إِلَى الْخَيْرِ وَيَأْمُرُونَ بِالْمَعْرُوفِ وَيَنْهَوْنَ  
عَنِ الْمُنْكَرِ وَأُولَٰئِكَ هُمُ الْمُفْلِحُونَ

«Сизден хайыргъа чагъыргъан, эйиликни эмир этип, феналыкъны мен эткен бир топлулыкъ булунсын. Иште, олар къуртулышкъа иришкенлердир.» (Ал-и Имран, 104)

كُنْتُمْ خَيْرَ أُمَّةٍ أُخْرِجَتْ لِلنَّاسِ تَأْمُرُونَ بِالْمَعْرُوفِ وَتَنْهَوْنَ عَنِ الْمُنْكَرِ

«Сиз, инсанларнынъ эйилиги ичюн ортагъа чыкъарылгъан энъ хайырлы умметсинъиз; эйиликни эмир этер, феналыкътан сакъындырысынъыз...» (Ал-и Имран, 110)

Пейгъамбер Эфендимиз хадиси шерифлеринде теблигънинъ эмиети-не даир шойле буюргъанлардыр:

«Бизден бир шей эшитип, оны айнен башкъаларына улаштыргъан кимсенинъ Аллаһ юзюни акъ этсин! Кендисине бильги улаштырылгъан



*нидже кимселер бардыр ки о бильгини, биззат эшиткенден даа эйи анълар ве татбикъ этер.»* (Тирмизи, Илим, 7)

*«Аллаһкъа емин этерим ки, эгер Аллаһ, сенинъ вастанънен бир тек кишини хидаетке къавуштурса, бу сенинъ ичюн (энь къыйметли дюнья нимети сайылгъан) къызыл девелерге саип олманъдан даа хайырлыдыр.»* (Бухари, Асхабун-Неби, 9)

*«Хидаетке давет эткен кимсеге, кендисине таби олгъанларнынъ севабы къадар севап берилир. Бу оларнынъ севапларындан да бир шей екслътмез.»* (Муслим, Илим, 16)

Энес -радиаллаху анх- Ислям теблигъджилерининъ ахиретте наиль оладжакълары юксек мертебелери анълаткъан бир хадиси шерифни шойле накъиль этер:

«Расулюллах -салляллаху алейхи ве селлем- бир кунъ шойле буюрдылар:

*«–Сизге бир къысым инсанлардан хабер берейим ми? Олар не пейгъамбер не де шехиттирлер. Анджакъ къыямет кунюнде пейгъамберлер ве шехитлер, оларнынъ Аллаһ къатындаки макъамларына гъыпта этерлер<sup>127</sup>. Нурдан минберлер узерине отургъанлардыр ве эр кес оларны таныр.»*

Асхабы кирам:

«–Олар кимлердир я Расулюллах?» деп сорадылар.

Аллаһ Расули:

*«–Олар къуллаарыны Аллаһкъа, Аллаһны да къуллаарына севдирген кимселердир. Ер юзюнде насиат этерек теблигъджилер оларакъ долашырлар.»* буюрды.

Мен:

«–Эй Аллаһнынъ Расули! Аллаһны къуллаарына севдирмени анъладыкъ. Амма къуллаарыны Аллаһкъа севдирмек насыл олур?» дедим.

Буюрды ки:

<sup>127</sup> Бу ифадеден макъсат, теблигъле мешгъуль олгъан кимселернинъ къыйметини бильдирмек. Ёкъса оларнынъ пейгъамбер ве шехитлерден устюн олгъанларыны косътермез. Зира пейгъамберлер ве шехитлер де затен аятларыны теблигъ огъруна феда эткен кимселердир.

*«–Инсанларгъа Аллаһнынъ севгени шейлерни эмир этерлер, севмегени шейлерден де сакъындырырлар. Инсанлар да бунгъа итаат этиндже Аллаһ -аззе ве джелле- оларны север.» (Али эль-Муттакъи, III, 685-686; Бейхаки, Шуабуль-иман, I, 367)*

Шаирлер, Аллаһ ашыгъы олгъан бойле теблигъджилернинъ рух алларыны шойле тиле кетирирлер:

*Истерим севсин бутюн халкъ-ы джихан джананымы,  
Севмеген къалмасын алемде ич султанымы.  
Кешке севгеними севсе бутюн халкъ-ы джихан,  
Гедже, куньдюз сёзюмиз къыссаи джанан олса.*

Теблигъ вазифесини хакъкынен ифа эткен кимсенинъ къазанчы, дюньянынъ энъ къыйметли хазинелеринден даа устюн экенде, бу вазифенинъ ихмали бутюн бир джемиетни элякке сюрюклейджек къадар вахим нетиджелерге алып барар.

Аллаһ Расулюнинъ бу хусустаки икъазы, сонъ дередже дикъкъаткъа шаяндыр:

*«Мангъа аят бахи эткен Аллаһкъа емин этерим ки сиз, я эйиликни эмир этер, яманлыкътан токътатырсынъыз, я да Аллаһ кенди къатындан усьтюнизге бир азап йиберир де о заман дуа этерсинъиз факъат дуанъыз къабул этильмез.» (Тирмизи, Фитен, 9)*

Эбза эль-Хузаи -радиаллаху анх- анълата:

«Бир кунь Расулюллах -салляллаху алейхи ве селлем- минбере чыкъарак бир къонушма япты. Мусульманлардан базы джемаатларны хайырнен анъгъан сонъ шуларны сёйледи:

*«–Базыларына не ола ки къомишуларына меселелерни анълатмай, бильмедиклерини огретмей, оларны анълайышлы алгъа кетирмейлер. Оларгъа маруфу эмир этмей, оларны мункерден (дининъ хош корьмегенден) сакъындырмайлар? Бир такъым кимселерге де не ола ки бильмегенлерини къомишуларындан сорап огренмей, анълайышлы олмагъа чалышмайлар? Аллаһкъа емин этерим ки бильги саиби олгъанлар я къомишуларына огретир, оларны анълайышлы алгъа кетирир, маруфу эмир этер, мункерден сакъындырырлар; дигер тарафтан бильмегенлер де къомишуларындан сорап огренир, дини меселелерни идракъ этмеге чалышырлар я да оларны (эр экисини де) дюньяда джезаландырырым.»*



Расулюллах -салляллаху алейхи ве селлем- бу кьонушманы якъан сонъ минберден энип эвине кирди. Базылары:

«–Ойле санъамыз ки (Йеменли) Эшарилерни къаст этти, чюнки олар факих, динни эйи бильген кимселердир, кьомшулары исе къаба, серт табиатлы, сув башларында кочебе аяты яшагъан кимселердир» дедилер.

Эшарилер вазиеттен хабердар олунджа Аллах Расули -салляллаху алейхи ве селлем-ге кельдилер ве:

«–Я Расулюллах! Сен бир къавми хайырла, бизни исе шернен анъгансынъ. Бизим анги алымыз себебинен бойле олды?» дедилер.

Алемлернинъ Эфендис ич бир шей сёйлемеди, садедже эвельки сёзлерини текрарлады. Эшарилер къаст этильгенинъ кендилери олып олмагъаныны анъалаймадылар. Там оларакъ огренмек ичюн буны Небийи Экрем Эфендимизге бир къач дефа даа сорадылар. Расулюллах -алейхис-селям- исе эр дефасында айны сёзлерини текрарлай эди. Бунынъ узьре Эшарилер:

«–Ойле исе бизге бир сене вакъыт бер!» дедилер.

Расулюллах -салляллаху алейхи ве селлем- де кьомшуларыны огретип оларгъа дини меселелерни огретмелери ичюн кендилерине бир сене муддет таныды ве сонъ шу аетлерни окъуды:

لُعِنَ الَّذِينَ كَفَرُوا مِنْ بَنِي إِسْرَائِيلَ عَلَى لِسَانِ دَاوُودَ وَعِيسَى ابْنِ مَرْيَمَ ذَلِكَ بِمَا عَصَوْا وَكَانُوا يَعْتَدُونَ. كَانُوا لَا يَتَنَاهَوْنَ عَنْ مُنْكَرٍ فَعَلُوهُ لَبِئْسَ مَا كَانُوا يَفْعَلُونَ

**«Исраил огъуларындан кяфир олгъанлар, Давуд ве Мерьем огълу Иса тилинен лянетленгендилер. Бунынъ себеби, сёз динълемедилер ве сынъырны аштылар. Олар якъан феналыкъларындан бир-бирини вазгечирмеге чалышмаз эдилер. Ант олсун, якъанлары не фенадыр!»** (эль-Маиде, 78-79) (Али эль-Муттаки, III, 684/8457; Хейсеми, I, 164)

Варлыкъ Нуры -салляллаху алейхи ве селлем-, Аллахнынъ лютфи саесинде улашкъаны къальбий кемал иле, бешериетни хидаетке эрдирме истеги ичинде ап ачыкъ динни теблигъ этмеге девам эткен, кендисине тевди этильген бу иляхий эманетни ерине кетирме шууры, Оны зирвелерин зирвеси алына кетиргендир. Вазифесини иджра этмеге мани олад-



жакъ бутюн дюнъявий теклифлерни ред эткен, Аллаһкѡа къуллыкъны эр шейнинъ устюнде корьгендир.

Салляллаху алейхи ве селлем Эфендимиз, Ислямны эр кеснинъ севиесине коре, мухатапнынъ анълайджагъы бир шекильде изах этер, бир кишининъ биле хидаети кендисине буюк лезет ве севинч берир эди. Нитеким Хайбернинъ фетхи сырасында, къулларгъа дахи Ислямны узун-узун анълатмакътан лезет дуйгъан ве онынъ хидаетине весиле олгъан эди. (Ибн-и Хишам, III, 398)

Кене он кунлюк мешакъкъатлы Таиф ёлджулыгъында садедже христиан бир къул олгъан Аддаснынъ хидаетине весиле олгъан эди. Бунынъ узьре Таифте яшагъаны бутюн аджы адиселерни унуткъан эди.

Аллаһ Расули, бутюн инсанларнынъ Ислям кунешинен айдынлана-бильмеси ичюн бутюн кучюни сарф эте, теблигъ хусусында быкъмакъ-усанмакъ бильмей эди. Онынъ теблигъ хусусындаки хассасиетини косъ-терген бир адисени Темим бин Усейд -радиаллаху анх- шойле анълатыр:

«Расулюллах -салляллаху алейхи ве селлем- хутбе окъуркен янына бардым ве:

«—Я Расулюллах! Динини бильмеген бир гъарип кельди, сорап огрен-мек истей.» дедим.

Аллаһ Расули манъа дёнюп бакъты. Хутбени токътатып яныма кельди. Аман Онъа отурмасы ичюн аякълары демирден бир шей кетирдилер. Узьре отурды ве Аллаһ Таалянынъ кендисине огреткени базы шейлерни манъа анълатты. Сонъ текрар хутбесине къайтып сёзюни тамамлады.» (Муслим, Джума, 60)

Асхабы кирам да, акъикъатларны теблигъ ве корьген янълышларны тюзелътме хусусында чокъ титиз эдилер. Олар арасында Аллаһ Расулининъ суннетине терс арекет эткенлерни тенбиелеме вазифеси белли шахысларнен сынъырлы дегиль эди. Эр бири ери ве заманы кельгендже узьре тюшкен вазифени ерине кетирир, не къыйметке олса олсун догъруны ифаде эткен чекинмез, Фахри Кяинат Эфендимизнинъ суннетине мухалиф бир вазиятни къабул этамаз эдилер. Онынъ хадислерине итираз эткенлернен, асла бир ерде оламайджакъларыны сёйлерлер<sup>128</sup>, ха-

128 Шафии, *Рисале*, Ист. 1985, с. 193; Суюти, *Мифтах*, Бейрут 1987, с. 48.



диси шерифке терс озь корюшюни сойлегенлернен де, бундан бир даа айны ерде отурамайджакъларыны ифаде этип о ерни терк этер эдилер. (Муватта, Бую, 33; Ибн-и Мадже, Мукъаддима, 2)

Суфьян Севри теблигънинъ эмиетине даир шойле буюргъандыр:

«Хорасангъа кетип теблигъде булунманъ; сенинъ ичюн Меккеде яшамакътан даа къазанчлыдыр.»

Теблигъ бу къадар муим олунджа бу вазифени лайыгъынен ифа этеджек шахсиетлернинъ етиштирильмеси де бунъа мувазий оларакъ эмиет къазанмакътадыр. Гонъюль эхли бир теблигъджининъ къыйметини, шу адиседе ачыкъ бир шекильде корьмек мумкюндир:

Азрети Омер -радиаллаху анх- бир кунъ достларынен бирликте отура эди. Олардан, (Аллаһтан) бир шейлер истемелерини риджа этти. О ердекилерден бир къысмы:

«—Шу хане толусы парам олсын да Аллаһ ёлунда инфакъ этейим!...» деп ниет этти.

Бир къысмы:

«—Шу хане толусы алтынларым олсын да Аллаһ ичюн масрафлайым!...» деп талап этти.

Базылары да:

«—Шу хане толусы мюджевхерлерге саип олайым да оларны Аллаһ ёлунда сарф этейим!...» деп теменни этти.

Анджакъ Азрети Омер:

«—Даа, даа фазласыны истейин!» дейиндже олар:

«—Аллаһ Таалядан даа не истейик ки?!» дедилер.

Бунунъ узьре Омер -радиаллаху анх-:

«—Мен исе, шу ханенинъ Эбу Убейде бин Джеррах, Муаз бин Жебель ве Хузейфе эль-Емани киби (мустесна ве эр тарафтан кямиль) кимселер иле толу олмасыны ве буларнынъ Аллаһкъа итаат ёлунда, яни динни яйма хызметинде чалышмаларыны истер эдим...» деди. (Бухари, *Тарихус-Сагъир*, I, 54)



Шефкят ве мерхаметнинъ екяне къайнагъы олгъан Юдже Раббимиз, къуллаарынынъ Хакъ динге давет ичюн тесирли услубни шойле косътер-мекте:

أَدْعُ إِلَى سَبِيلِ رَبِّكَ بِالْحُكْمَةِ وَالْمَوْعِظَةِ الْحَسَنَةِ وَجَادِلْهُمْ بِالَّتِي هِيَ أَحْسَنُ

«(Эй Расулим! Инсанларны) Раббининъ ёлуна икмет ве гузель на-сиатнен давет эт ве (керек олса) оларнен энъ гузель услубнен муджа-деле эт...» (эн-Нахл, 125)

وَلَا تُجَادِلُوا أَهْلَ الْكِتَابِ إِلَّا بِالَّتِي هِيَ أَحْسَنُ إِلَّا الَّذِينَ ظَلَمُوا مِنْهُمْ وَقُولُوا آمَنَّا بِالَّذِي أُنْزِلَ إِلَيْنَا وَأُنْزِلَ إِلَيْكُمْ وَالْهَنَا وَالْهُكْمُ وَاحِدٌ وَنَحْنُ لَهُ مُسْلِمُونَ

«Эхл-и китаптан, зулум эткенлер истисна, энъ гузель ёлнен ку-решинъ ве день ки: Бизге эндирильгенге де, сизге эндирильгенге де, иман эттик. Бизим Танърымыз да, сизинъ Танъырынынъыз да – бир-дир ве биз Онъа теслим олдыкъ.» (эль-Анкебут, 46)

وَمَنْ أَحْسَنُ قَوْلًا مِّمَّنْ دَعَا إِلَى اللَّهِ وَعَمِلَ صَالِحًا وَقَالَ إِنَّنِي مِنَ الْمُسْلِمِينَ وَلَا تَسْتَوِ الْحَسَنَةُ وَلَا السَّيِّئَةُ ادْفَعْ بِالَّتِي هِيَ أَحْسَنُ فَإِذَا الَّذِي بَيْنَكَ وَبَيْنَهُ عَدَاوَةٌ كَأَنَّهُ وَلِيٌّ حَمِيمٌ

«(Инсанларны) Аллахкъа чагъыргъан, яхшы иш япкъан ве «Мен мусульманларданым», дегенден кимнинъ сёзю даа гузель? Яхшылыкънен яманлыкъ бир олмаз. Сен энъ гузель бир шекильде (яманлыкънынъ) огюни ал. О вакъытта сеннен арасында душман-лыкъ олгъан кимсе санки джандан бир дост олур.» (Фуссилет, 33-34)

قُلْ هَذِهِ سَبِيلِي أَدْعُو إِلَى اللَّهِ عَلَى بَصِيرَةٍ أَنَا وَمَنِ اتَّبَعَنِي وَسُبْحَانَ اللَّهِ وَمَا أَنَا مِنَ الْمُشْرِكِينَ





**«(Расулим!) де ки: «Иште, бу, меним ёлумдыр. Мен Аллахъа чагъырам, мен ве манъа уйгъанлар айдын бир ёл узериндемиз. Аллахны (ортакълардан) узакъ тутарым! Ве мен ортакъ къошкъанлардан дегилим»» (Юсуф, 108)**

Тевсие этильген бу иляхи услупнинъ татбикъ нетиджесинде тарихте нидже тикенлешкен рухлар гульге дёнди ве зиндан киби синелер нургъа гъаркъ олгъандыр.

Аллаһ Муса ве Харун -алеихимесселам-ны Фираун киби акъикъатен азгъан ве догъру ёлдан сапкъан бир инсангъа йибергенде, йымшакъ бир услуп къуллаанмаларыны тевсие эткен ве шойле буюргъандыр:

فَقُولَا لَهُ قَوْلًا لَّيِّنًا لَّعَلَّهُ يَتَذَكَّرُ أَوْ يَخْشَى

**«Онъа йымшакъ сёз сёйленъ. Бельки, о акъылыны башына топлар я да Аллахтан сакъыныр.» (Таха, 44)**

Бу аети керимеде теблигъ методынынъ эки эсасы корюлир:

1. Акъикъатны мухатапкъа теблигъ эткенде, онынъ гъуруруны инджитмеден, йымшакъ бир услуп къуллаанмакъ:

Нитеким Фираун, Муса -алеихисселям-нынъ муджизелери къаршысында пек чокъ дефа имангъа темаюль этти исе де, Хаман ве этрафы онъа мани олдылар. Кендиси де гъурургъа ве кибирге къапыларакъ иман этмеди.

Аллаһ, Муса -алеихисселям-гъа «лейин лисан»<sup>129</sup> къуллаанмасыны эмир буюраракъ бизлерге бир теблигъ методы икрам этмектедир: Къальблер йымшатыладжакъ, ондан сонъ теблигъ этиледжектир. <sup>130</sup>

129 **Лейин лисан** – йымшакъ тиль.

130 Аллаһ Расули, хиджретнинъ 7-нджи сенесинде Хайбер фетхинден сонъра къургъакълыкъ ве къытлыкъка тюшкен Мекке халкъына алтын, арпа ве хурма йиберерек ярдым эткен эди. Эбу Суфьян буларнынъ эписини алып Къурейшлилернинъ факбирлерине дагъытты ве:

«—Аллаһ къардашынынъ огълуны хайырнен мукъяфатландырсын! Чюнки О, акъраба-лыкъ акъкъыны ерине кетирди!» деп мемнюниет косьтерди. (Якуби, II, 56)

Расюлуллах -салляллаху алейхи ве селлем-нинъ бу алидженап арекети Меккелилернинъ къальплерини йымшатты ве бир муддет сонъра Мекке Фетхинде къальплери йымшатылгъан мушриклер колайджа мусульман олдылар.



Пейгъамберлер ве Аллаһ достларынынъ аятында ич бир заман мунакъша ёкътыр. Ал иле теблигъ бардыр.

Аллаһ Таалянынъ теблигънен вазифелендиргени пейгъамберлер гонъюль япмагъа кельдиклеринден, инсанларгъа эп гонъюль пенджересинден бакъкъанлар, этрафларына даима муаббет ве шефкъат яйгъанлар ве ниджелерининъ хидаетине весиле олгъанлардыр. Эгер олар, бу гузель ве фирасетли давранышларнынъ аксине арекет этсе эдилер, нетиджеде, арада учурум олгъан инсанларнен багъ тамамен къопар ве ниаат бу киби кимселерге Хакъны теблигъ этме имкяны зайи олур эди. Бу да, иляхи мурадкъа терс тюшерди. Зира Аллаһ, къулларынынъ тюшкени батакълыкътан къуртулмаларыны истемектедир. Бунынъ ичюн Аллаһ Тааля, инсанлыкъ тарихы боюнджа, бинълердже пейгъамбер йиберген ве энъ гузель услупнен гонъюллерни темизлемелерини оларгъа эмир буюргъандыр. Кене айны гъаеге багълы оларакъ инсанларгъа лютф этильген эхлюллах<sup>131</sup> да, инсанларын маневий тербиесинде бу небевии услупны девам эттиргенлер.

Гузель ахлякънен донатылмагъан къаба, къырыджы ве серт бир услуп иле япылгъан хызметлерден хайыр кельмез. Бильхасса инсангъа хитаб эткен маариф, иршад ве теблигъ киби хызметлерде, бу хусусокъ даа эмиет арз этмектедир. Нитеким аети керимеде Фахри Кяинат Эфендимизге ве Онынъ шахсында бутюн умметке хитабен:

فَبِمَا رَحْمَةٍ مِنَ اللَّهِ لِنْتَ لَهُمْ وَلَوْ كُنْتَ فَظًّا غَلِيظَ الْقَلْبِ لَانْفَضُّوا مِنْ حَوْلِكَ

**«Аллаһтан бир рахмет иле оларгъа муляйим даврандынъ! Эгер сен къаба, къатты юрекли олса эдинъ, ич шубесиз, этрафынъдан даркъап кетер эдилер...»** буюрылгъандыр. (Ал-и Имран, 159)

2. Анги вазиятте олгъанларына бакъмадан, теблигъни бутюн инсанларгъа япмакъ:

Фираун, иман этмеге янашмагъан бир залым ве бедбахт олгъаны киби айны заманда Муса -aleyhisselam-ны ёкъ этмек огъруна бинълердже явруларны ольдюрген бир джаний эди. Бойле олгъаны алда иляхи теблигъге мухатап олды.

131 Эхлюллах - яшайышыны Аллахкъа адагъан ве Онынъ ёлундан асла айрылмагъан инсанлар.



Пейгъамбер Эфендимиз -салляллаху алейхи ве селлем- де, Эбу Джехильге дефаларджа теблигъде булунгандыр. Эбу Джехиль исе, Пейгъамберимизнинъ апачыкъ нюбювветини виджданен къабул эткени алда нефисиине магълубиети ве кибирлиги себебинен буны къабул этмеди. Лякин Аллах Расулунинъ бу устюн давранышы, Омер бин Хаттаб, Эбу Суфьян, Хинд ве Вахши киби башлангычта Ислям душманы олгъан нидже кимселернинъ хидаетине весиле олгъандыр.

Иште бу бакъыш тарзы, эм Ислямий хызметлерде, эм бутюн бешерий мунасебетлерде гузеллик, йымшакълыкъ ве зарафет имкяныны берер. Иште тасаввуф эхлининъ арекетлеринде энъ олгъун ве фейизли тюшюндженинъ темель бакъыш ачысы да будыр.

Варлыкъ Нурынынъ ибретлер иле толу йигирми учь сенелик теблигъ аятыны талиль эткенимизде бир теблигъджининъ ёлуны айдынлаткъан шу хусусларны корермиз:

Аллах Расули теблигъге энъ якъынларындан башлагъан эди. Зира Аллах шойле буюрмакътадыр:

وَأَنْذِرْ عَشِيرَتَكَ الْأَقْرَبِينَ

«(Эвель) **якъын акърабаларыны инзар эт**, (ахирет азабынен къоркыт!)» (эш-Шуара, 214)

يَا أَيُّهَا الَّذِينَ آمَنُوا قُوا أَنْفُسَكُمْ وَأَهْلِيكُمْ نَارًا وَقُودُهَا النَّاسُ وَالْحِجَارَةُ عَلَيْهَا مَلَائِكَةٌ غِلَاطٌ شِدَادٌ لَا يَعْصُونَ اللَّهَ مَا أَمَرَهُمْ وَيَفْعَلُونَ مَا يُؤْمَرُونَ

«Эй, инангъанлар! **Озюнъизни ве аиленъизни, якъарлыгъы инсанлар ве ташлар олгъан атештен къорчаланъ. Онынъ башында аджымагъан, кучлю, Аллахнынъ эмирлерине къаршы кельмеген ве эмир этильгенлерини якъкан мелеклер бардыр.**» (эт-Тахрим, 6)

-Расуллоллах -салляллаху алейхи ве селлем- Ислямгъа давет эткенде, тедриджий олмагъа риает эткен, яни баситтен зоргъа догъру къадемели оларакъ илерлегендир.

Аллах Тааланынъ ильк эмири اِقْرَأْ «**Окъу!**» (эль-Алякъ, 1) аети эди.



Сонъ Эфендимизге рисалет вазифеси берильген, ثُمَّ فَأَنذِرْ «Тур ве икъаз эт!» (эль-Муддессир, 2) буюрулган, бундан сонъ:

وَأَنذِرْ عَشِيرَتَكَ الْأَقْرَبِينَ

«(Эвель) якъын акърабаларыны инзар эт, (ахирет азабынен уяр!)» (эш-Шуара, 214) иляхий эмир кельгендир.

Бундан сонъ вазифенинъ сынъыры бутюн шеэрни къушатаджакъ шекильде кенишлетип:

وَمَا كَانَ رَبُّكَ مُهْلِكَ الْقُرَىٰ حَتَّىٰ يَبْعَثَ فِي أُمَمٍ رَّسُولًا يَتْلُوا عَلَيْهِمْ  
آيَاتِنَا وَمَا كُنَّا مُهْلِكِي الْقُرَىٰ إِلَّا وَأَهْلُهَا ظَالِمُونَ

«Раббинъ, оларгъа аетлеримизни окъугъан бир пейгъамберни мемлекетлерининъ баш меркезине ёлламагъандже, о мемлекетлерни эляк этиджи дегильдир. Затен, биз анджакъ халкъы залым мемлекетлерни эляк эткендирмиз.» буюрылды. (эль-Къасас, 59)

Бир сонъки басамакънен, чевре виляетлерини де къапсайджакъ шекильде даветнинъ сынъыры кенишледи:

وَهَذَا كِتَابٌ أَنزَلْنَاهُ مُبَارَكٌ مُّصَدِّقُ الَّذِي بَيْنَ يَدَيْهِ وَلِتُنذِرَ  
أُمَّ الْقُرَىٰ وَمَنْ حَوْلَهَا

«Бу Къуран, эвельки китапларны тасдиқ эткен, Мекке ве этрафында яшагъанларны тенбиелемек ичюн санъа эндиргенимиз мубарек бир китаптыр...» (эль-Энам, 92)

Нихаетинде вазифенинъ худутлары бутюн инсанлыкъны ичине аладжакъ шекильде илян этильди:

وَمَا أَرْسَلْنَاكَ إِلَّا رَحْمَةً لِّلْعَالَمِينَ

«(Эй Мухаммед!) Биз Сени анджакъ алемлерге рахмет оларакъ йибердик.» (эль-Энбия, 107)



وَمَا أَرْسَلْنَاكَ إِلَّا كَافَّةً لِّلنَّاسِ بَشِيرًا وَنَذِيرًا وَلَكِنَّ أَكْثَرَ النَّاسِ لَا يَعْلَمُونَ

**«Биз сени бутюн инсанларгъа анджакъ мужделейиджи ве тенби-еджи оларакъ ёлладыкъ; факъат инсанларнынъ чокъу буны биль-мезлер.»** (Себе, 28)

Фахри Кяинат -алейхи экмелю тахийят- Эфендимиз, мухатаплары хусусында тедриджиликке риает эткени киби теблигъ этедеги уюмлерни анълаткъаны вакъыт да айны усулны къулангъандыр. Намаз ве оразанынъ эмир этильмеси, ички ве фаизчиликнинъ ясакъланмасы киби пек чокъ хусус бунъа бирер мисаль тешкиль этер.

Варлыкъ Нуры, иман, ибадет ве ахлякъынен асхабыны мукеммель бир севиеге кетиргендир. Буны аний бир денъишювнен дегиль, ис этильмеген, адым-адым япылгъан бир теракъкъинен юксек бир севиеге чыкъаргъандыр. Меселя Муаз бин Джебельни Йеменге йибергени вакъыт, онъа япкъаны тевсиелер буны ачыкъча косътермектедир:

*«Муакъкъакъ ки сен халкъы христиан олгъан бир мемлекетке кетесин. Оларны, Аллахтан башкъа илях олмагъанына ве меним Аллахнынъ Расули олгъанына шаатлыкъ этмеге давет эт. Шаат бунъа итаат этселер, Аллахнынъ кендилерине бир кунъде беш вакъыт намазны фарз къылгъаныны бильдир. Буны къабул этип итаат этселер, зенгинлеринден алынып факъирлерине берильмек узъре, кендилерине зекятнынъ фарз къылынгъаныны хабер бер. Бунъа да итаат эттиклері такъдирде, малларынынъ энъ къыйметлилерини алмагъа тырышма! Мазлумнынъ къаргъышыны алмакътан сакъын, чюнки онынъ беддуасы иле Аллах арасында перде ёкътыр.»* (Бухари, Зекят, 41, 63; Муслим, Иман, 29-31)

-Варлыкъ Нуры Эфендимиз теблигъ ве талим ичюн мухатапынынъ заман, межан ве рух алына бакъаракъ энъ келишкен анъны къыдыра эди.

Ибн Месуд -радиаллаху анх- инсанларгъа джумаакъшама кунълери вааз этер эди.

Бир кимсе онъа:

«—Эбу Абдуллахман! Кешке бизге эр кунъ вааз этсен!» деди.

Ибн Месуд онъа шу сёзлерни сёйледі:

«—Сизни усандырмайым деп эр кунь вааз этмейим. Чюнки Расулюллах -салляллаху алейхи ве селлем-, биз быкып усанмайкь деп, диньлемеге истекли олгъанымыз куньлерде бизге вааз этер эди.» (Бухари, Илим, 11, 12)

Мекке фетхи вакъытында Аббас -радиаллаху анх-, мусульман ол-магъа къабул эткен Эбу Суфьянны кетирди ве Аллах Расулине шойле деди:

«—Я Расулюллах! Эбу Суфьян ильтифатны севген бир кимседир. (Онынъ шерефленеджеги) бир шей япсанъыз!

Бунынъ узьре Аллах Расули -салляллаху алейхи ве селлем-:

«—*Догъру сёйледин!* (Шеэрге киреркен илян этинъ): *Ким Эбу Суфьяннынъ эвине кирсе эминликтедир, ким къапысыны къапар* (эвинден тышары чыкъмаса) *эминликтедир.*» буюрды. (Эбу Давуд, Харадж, 24-25/3021)

Варлыкь Нуры заман-заман озюне сору сорагъан кимселерге, бу ки-шилери вазиетлерине коре джевап берген, шахыскъа коре усуллар такъ-ип эткендир.

«—Амеллернинъ энъ фазилетлиси ангисидир?» деп сорагъан кимсе-лерге вазиетлерине коре шу фаркълы джевапларны бергендир:

«—*Амеллернинъ энъ фазилетлиси, Аллахкъа иман, Аллах ёлунда джихад ве хаджджы мебрурдыр!*» (Бухари, Хадждж, 4)

«—*Вакътында къылынгъан намаздыр!*» (Бухари, Мевакъыт, 5)

«—*Зикруллахтыр!*» (Муватта, Къуран, 24)

«—*Аллах ичюн севмектир!*» (Эбу Давуд, Суннет, 2)

«—*Хиджреттир!*» (Несаи, Бейат, 14)

«—*Ана ве бабагъа хызметтир!*» (Ибн-и Эсир, *Усдуль-гъабе*, IV, 330)

-Пейгъамбер эфендимиз эр хусуста къолайлаштырмакъны ве мужде-лемекни аятынынъ эсасы къабул эткен, теблигъ эснасында да бунъа буюк дереджеде риает эткен.

Хадиси шерифте шойле буюрыла:

«*Къолайлаштырынъыз, зорлаштырманъыз.*

*Муджделенъиз, нефретлендирменъиз.*» (Бухари, Илим, 11, Эдеп, 80).



Бу хусуста Аллах да:

يُرِيدُ اللَّهُ بِكُمْ الْيُسْرَ وَلَا يُرِيدُ بِكُمُ الْعُسْرَ

«Аллаһ сизге кьолайлыкъ тилер, зорлукъ истемез» (эль-Бакъара, 185).

وَرَحْمَتِي وَسِعَتْ كُلَّ شَيْءٍ

«...Рахметим эр шейни кьаплагъан ве сарып алгъандыр.» -бу-юрмакъта. (эль-Араф, 156).

Фахри Кяинат –салляллаху алейхи ве селлем- бу аетни тефсир эткенде бойле буюргъан:

«Аллаһ махлюкътаны яраткъаны вакъыт, озюнинъ янында аршынынъ устюнде булунгъан китабына шуны язды: *«Керчектен Рахметим, гъадабымдан гъалиптир!»* деп язгъандыр.» буюрдылар. (Бухари, Тевхид, 15, 22, 28, 55; Муслим, Тевбе, 14-16).

Эбу Хурейре -радиаллаху анх- шойле бир адисе накъиль эте:

Бедевий<sup>132</sup> араплардан бири Месджиди Небевийде кучюк абдестни бозды. Сахабилер оны аман азарламагъа башладылар. Бунынъ узерине Азрети Пейгъамбер:

*«-Адамны кенди алына быракъынъ. Абдест бозгъан ерине бир кьопкъа сув тёкюнъ. Сиз кьолайлыкъ косьтермек ичюн ёлландынъыз, агъырлыкъ чыкъармакъ ичюн дегиль, »* -буюрды. (Бухари, Вуду, 58; Эдеп, 80)

-Аллаһ Расули –салляллаху алейхи ве селлем- теблигъ эткенде инсанларны иляхий азаптан сакъынмагъа чагъыра эди, оларны ахиретке азырланмагъа тешвикъ эте эди.

Варлыкъ Нуры даветке ильк башлагъанда Хашим огъуллаарына шойле хитап этти:

*«Мен сизни «Ля иляһе илляллаһу вахдеһу ля шерике له» – Аллахтан башкъа ич бир илях ёкътыр! О, бирдир! Онынъ ортагъы ёкътыр!»* дие-рек шеадет кетирмеге давет этем. Мен де Онынъ кьулу ве Расулим. Буны

132 Бедевий – чёльде кочебе оларакъ яшагъан арапларгъа берильген ад.



*бойледже къабул ве икърар эткенинъиз такъдирде, сизинъ Дженнетке киредженъизге кефиль олурым.*

*Сиз Къыямет куню яхшы амеллеринъизнен кельмез де дюньяны боюнларынъызга юкленген алда кельсенъиз, мен сизден юзь чевирим! О заман сиз манъа: «Я Мухаммед!» дерсинъиз. Мен исе, шойле дерим.»*

Аллаһ Расули «Шойле дерим» сёзюни айткъаны вакъыт, юзюни олардан башкъа тарафкъа чевирди ве бу арекетни эки дефа текрар этти. (Ибн-и Исхакъ, с. 128: Якъубий, II, 27)

-Пейгъамбер Эфендимиз теблигъ хусусларны тек сёзлеринде дегиль, озъ аятында тадбикъ этип арекетлеринен де инсанларга косътере эди.

Ислямнынъ яшанаракъ теблигъ этильмеси догъру ёл косътермекнинъ энъ гузель шекилидир. Асхабы Кирам дюньянынъ энъ чет кошелерине къадар иман садасыны дуюрмакъ ве инсанларны хидаетке къавуштырмакъ ичюн кендилерини Ислямга багъышладылар. Бугунъ айны джошкъунлыкъ ве эеджаннен Ислямнынъ гузелликлерини дюньяга сергилемек энъ гузель бир федакарлыкътыр.

Ислямны яшаракъ ве анълатаракъ теблигъ этмек, имкян нисбетинде эр муминнинъ узерине иляхий бир вазифедир. Бугунъ, имкянларнынъ кенишлемеси ве къутълевий хабер васталарыны чокълашмасы себебинден бу вазифенинъ месулиети де баягъы агъырлашты. Дюньянынъ чет кошесинде яшап да Ислямдан хабири олмагъанлар бир тарафта турсын, янымызда булунып да амеллеринде ихмаллыкъ япкъан кимселер ахиретте якъамызга япышаджакъ ве эсап сораджакътыр.

Бу хусуста Эбу Хурейре Хазретлери дейки:

«Шуны дуя эдик.

Къыямет кунюнде бир адам танывагъаны бир адамнынъ якъасына япышаракъ даваджы оладжакъ.

Адам дейджекки:

«Менден не истейсинъиз? Бири-биримизни танываймыз да!

Дигери де шу джевапны береджек:

«-Дюньяда мени хата ве фена ишлер узеринде корер де тенбиелемез, догъру ёлга чагъырмаз эдинъ.» (Руданий, *джемуль-феваид*, V, 384)





### Ислям теблигъи ве миссионерлик

Ислямда теблигъ ве иршад<sup>133</sup>нынъ гъаеси хакъ динни инсанларгъа яймакъ ичюн гъайрет косътермектир. (эль-Маиде, 67) Макъсат инсанларны зорлап ве эр тюрлю ёлларны къулланамакъ мусульман яймакъ дегильдир. (эль-Бакара, 256; Ясин, 17)

Христиан миссионерлиги исе, инсанларны эр тюрлю ёлларнен христиан этмекни ве вафтиз этильмесини макъсат эткендир. (Матвей Инджили: 28, 19-20. ) Миссионерлернинъ орьнек алгъанлары Павел, мектебинде арекет тарзларыны шойле тильге кетире:

«Мен урим, кимсенинъ къулу дегилим. Амма даа чокъ инсан къазанмакъ ичюн эр кеснинъ къулу олдым. Еудийлерни къазанмакъ ичюн еудий киби даврандым. Озюм шериятка таби олмагъаным алда, шериятчыларны къазанмакъ ичюн оларгъа шериятка багълы олгъан инсан киби даврандым. Иса Месихнинъ къанунларына багълы олгъаным рагъмен къанунсызларны къазанмакъ ичюн къанунсыз кимсе киби даврандым. Зайыфларны къазанмакъ ичюн зайыф олдым. Не япып та олса базыларыны къуртармакъ ичюн эр кеснен эр шей олдым.» (Коринфлилерге мектеп, I, 9:19-22. )

Корюльгени киби Павел гъаесине улашмакъ ичюн ич бир къаиде ве сынъыр танымадан эр тюрлю вастаны къуullanмакъны шериятка уйгун таный. Ислямда исе шерият гъаелерине вармакъ ичюн харам ёлларнен кетильмеси ясакълангъандыр. Башындан берли деньиштирильген Христианлыкънынъ къуullanгъаны бу янълыш усул, яни топлумгъа гъаени яймакъ ерине оларны не япып та олса христианлаштырув гъайрети диннинъ озюнинъ бозулып гъайып олмасына, диннинъ эр кеткен ерде деньишик шекиллерге кирмесине ве дин менсюпларынынъ вакъты-вакътынен фыркълар алына кельмесине себеп олгъандыр.

Христианлаштырмакъ ичюн япылгъан чалышмаларда миссионернинъ, факъыр инсанларгъа, ичтимаий ве сиясий джиэттен агъыр вазиятте олгъан кимселерге, ярдымгъа мухтадж олгъанларгъа, азынлыкъ, дженк, табиий афаттан зарар корьгенлерге якълашып, бу инсанларнынъ мадий ве рухий къыйындыжылыктарындан файдаланып, санъки иманларыны сатып алмагъа чалышалар.

133 Иршад – догъру ёлгъа чагъырмакъ.

Дигер тарафтан миссионерликнинъ империализмнен ян-янаша олгъаны ичюн, гъаенинъ диний олмакътан чокъ сиясий олгъаны белли ола. Миссионерлер козь огюне алдыкълары улькеге ерлешмек суретинен мектеплер, ябанджы тиль курслары ве бенъзер тербие фаалиетлери ады астында инсанларны христианлаштырмагъа чалышмакъталар.

Павелнынъ бу усулыны туткъан кунюмюздеки миссионерлер «такъ-ие» япмакъта, яни «керчек кимликлерини сакълаяракъ давет эттиклерини инсанларынынъ козюне гузель корюнмек ичюн арекет этерлер. Меселя сайлагъанлары мусульманларнынъ козюне кирмек ичюн Къурандан аетлер окъурлар, мусульман урбалар киерлер, «папаз» ерине «оджа», «килисе» ерине «джами» киби Ислямий терминлерини къуullanмакъ киби усуллардан файдаланмакъталар. Агта инсанларны динлеринден дѣндюрмек ве кендилерине чекмек ичюн, христианлыкънынъ пек чокъ эмиринден вазгечмек ёлуна кирелер. (Шинаси Кунъдюз, с. 5-28)

Миссионерлернинъ бу къадар исрарнен чалышмаларына къаршы мусульманларнынъ да озьлерининъ ве эвлятларынынъ тербиесине эмиет бермелери, Ислямны энъ гузель шекильде огренип, татбикъ этмелери ве дигер инсанларгъа яймакъ ичюн чалышмалары зарурдыр. Мусульманлар, Христианларнынъ озь динлерини яймакъ ичюн бойле гъайрет сарф этювлеринден орънек алып, Хакъ олгъан Ислям динини яшаяракъ теблигъ этмеге гъайрет косьтермелилер. Чюнки Ислям нийметининъ теблигъ месулиетини унутмамакъ керек. Мерхум шаиримиз Мехмет Акиф мусульманларнынъ бу хусустаки зайыфлыгъына ишарет этерек шойле демектедир:

«Миссионерлер гедже-кунъдюз ерни девретмеделер,  
Улема вахий-и иляхийни ми бильмем, беклер?

### **Эбу Лехеб иле къарысынынъ Азрети Пейгъамберге къаршы япкъан арекетлери**

Варлыкъ Нуры эфендимизнинъ эви, эки эбедиет фукъареси Эбу Лехеб иле Укъбе бин Муайтнынъ эвлери арасында эди. Булар, эр тюрлю писликни кетирип Аллаһ Расули -салляллаху алейхи ве селлем-нинъ къапысынынъ огюне ата эдилер. Фахри Кяинат эфендимизнинъ назик ве темиз гонъюли, къомшуларнынъ бу чиркин муамелесинден ынджыныр:

«- Эй Абдименаф огъуullары! Бу насыл къомшулыкъ» дер, къапысынынъ огюни писликлерден темизлер эди. (Ибн-и Сад, I, 201)



Эбу Лехеб бир кунъ кене айны гъарезлигини япаджакъ олгъанда Азрети Хамза оны коръди. Писликни элинден алып башынынъ узерине тѣкъти. Эбу Лехеб бир тарафтан писликлерини темизлеркен, дигер тарафтан да Азрети Хамзаны акъаретлей эди. (Ибн-и Эсир, *эль-Кямилъ*, II, 70. )

Эбу Лехебнинъ къарысы Умму Джемиль де Аллаһ Расулине эзиет этювде къоджасындан артта къалмаз, эр гедже тикенли терек далларыны буюк бир оба япар, гедже аягына батмасы ичюн Расули Экрем Эфендимизнинъ кечеджек ёлларгъа атар эди. Расулюллах -салляллаху алейхи ве селлем-исе йипек узерине баскъан киби оларнынъ узерине басып кечер эди. (Ибн-и Хишам, I, 376; Къуртубий, XX, 240)

Оларнынъ бу зулумлары себебинден «Теббет» суреси назиль олгъан эди. Умму Джемиль буны дуйгъанынен, элине буюкдже бир таш аларакъ Пейгъамбер Эфендимизи арамагъа чыкъты. Аллаһнынъ Расули о вакъытта Азрети Эбу Бекирнен бирликте Кябеде булуна эдилер.

Эбу Бекир –радиаллаху анх- онынъ кельгенини корьгенинен Варлыкъ Нурына:

«-Я Расулюллах! Бу Умму Джемильдир. Ярамаз бир къадын. Сизни корип бир феналыкъ этмесе эди, деп къоркъам. Кешке бу къадын бир зарар бермектен турып кеткен олсанъыз!» -деди.

Фахри Кяинат эфендимиз!

*«О мени коремез!»* -буюрды.

Акыкъаттан де Умму Джемиль янларына кельген вакъытта Аллаһ Расулини корьмеди. Эбу Бекир –радиаллаху анх-нынъ янында бираз къавгъа этти ве чыкъып кетти. (Ибн-и Хишам, I, 378-379; Къуртуби. XX, 234 )

Пейгъамберлик кельмеден эвель Расули Экрем эфендимизнинъ къызлары Азрети Умму Гульсум Эбу Лехебнинъ огъулларындан Утейбе иле, Азрети Рукъие де Утбе иле нишанълангъан, амма даа эвленмеген эдилер. Теббет суреси назиль олгъанджа умму Джемиль огъулларына:

«-Рукъие ве Умму Гульсум динден чыкътылар. Олардан айырылынь!»- деди.

Эбу Лехеб де:



«Мухаммеднинъ кызларындан айырылмасангыз башым башынъ-ызгъа харам олсун!» - деп емин этти.

Бунунъ узерине Варлыкъ Нурынынъ янына кельген Утейбе:

«Мен сенинъ дининъни таныймайым. Къызынгдан да айырылдым. Артыкъ не сен манъа кель, не де мен санъа келейим»- дегениден сонъра Алемлернинъ Эфендисининъ кольмегини чекип йыртты.

Расулюллах -салляллаху алейхи ве селлем- Утейбенинъ япкъан бу тербиесизлигине:

«-Аллаһым! Копеклеринден бир копекни онъа мусаллат эт!» - деп дуа этти.

Бир муддет сонъра Утейбе бир тиджарет керваны ёлгъа чыкъты. Зеркъа деген ерде къонакъладылар. О гедже бир арслан келип чеврелеринде долашмагъа башлагъанджа Утейбе:

«- Вай анам! Валлахи Мухамеднинъ дегени киби бу мени ашайд-жакъ! Кендиси Меккеде мен шамда олсам да меним къатилим Ибни Эби Кебшедир!» – деди.

Арслан о гедже чеврелеринде долашкъан сонъ артына дёнди. Аркъадашлары Утейбени орталарына алып юкъладылар. Арслан кене кельди. Араларындан кечти. Яваш-яваш ве къокълая-къокълая Утейбенинъ янына къадар барды ве башына япышты. Олюм техликесине тюшкен Утейбе:

«Мен сизге Мухаммед инсанларынъ энъ догъру сёзлюсидир дегенгиз эдимми?» - деди ве джан берди.

Огълунынъ башына кельген фаджиадан хабердар олгъан Эбу Лехеб:

«Мен сизге Мухаммединъ огълума япкъан дуасындан къоркъам дегенгиз эдимми?» - деди. (Ибн-и Сад, VII, 36-37, Бейхаки, Деляиль, II, 338-339, Хейсемий, VI, 19)

Варлыкъ Нуры бу девирде Эбу Лехеб киби даа нидже мушриклерининъ пек чокъ эзирлеринен къаршылашкъан эди. Оларнынъ эписине сабыр ве къанаат косьтерип теблигине девам этти.



### **Меккелилернинъ узлашма гъайретлери (Пейгъамберликнинъ 4-джды йылы)**

Расулюллах -салляллаху алейхи ве селлем-нинъ эр тюрлю маниалар-гъа бакъмадан Ислямгъа теблигъ этмеси мушриклерни чокъ раатсызлай эди. Мусульманларгъа атеш этмеге башладылар. Чюнки янъы кельген дин оларнынъ менфаатларына зарар кетире эди. Аман Эбу Талибге чапып кельдилер. Вазиятни анълатып торунына мани олмасына риджа эттилер. Эбу Талиб оларны незакетнен къаршылады. Азрети Пейгъамберге де ич бир шей сёйлемеди.

Бойледже ич бир шейнинъ денъишмегенини корьген мушриклер те-  
крар Эбу Талибге кельдилер ве:

«Эй Эбу Талиб! Артыкъ сабырларымыз къалмады! Къардашынънынъ огълу бизим динимизни ве иляхларымызны яманлай. Бизни де ахмакъ-лыкънен къабатлай. Эгер торунынъ шу япкъан ишлеринден вазгечмесе эм санъа, эм торнуна къаршы чыкъаджакъмыз. Я Оны бу иштен токътат, я да оны къорчаламакътан вазгеч! Биз онынъ чаресине озюмиз бакъармыз. .!»- дедилер.

Эбу Талиб бу сезлерни динълеген сонъ, Аллаһ Расули -салляллаху алейхи ве селлем-ге мушриклернинъ ниетлерини йымшакълыкънен анъ-латты. Оны къорчаламакътан вазгечмейджегини сёйледди, анджакъ муш-риклерге къаршы кельмек истемегенини де косьтерди:

«Мени де, кендини де къорчала!»- деди.

Аллаһ Расули -салляллаху алейхи ве селлем-нинъ джаны агъырды. Чюнки эмджесининъ сёзлери, керек олгъанда оны къорчаламакътан ваз-гечеджеги манасына келе эди. Мубарек козьлери яшланды. Зира мусуль-манлар даа зайыф эдилер. Зенгинлик ве къуветке къул олгъан азгъын Къурейш мушриклерине къаршы тураджакъ кучълери ёкъ эди.

Бу эснада, Расулининъ тюшкен зорлукъкъа даянып олмасы ичюн Аллаһ шойле буюрды:

وَإِذْ كَرِهَ اللَّهُ الْمُشْرِكِينَ فَتَبَيَّنَّا لِلَّهِ تَبَيُّنًا رَبُّ الْمَشْرِقِ وَالْمَغْرِبِ  
لَا إِلَهَ إِلَّا هُوَ فَاتَّخِذْهُ وَكِيلًا



**«Раббинънинъ исмини зикр эт! Эр шейни ташлап бутюн барлыгъынънен Онъа ёнел! О (Аллаһ ки), кунъ догъушнынъ да, кунъ батышнынъ да Раббидир. Ондан башкъа илях ёкътыр. Ойле исе ялынъыз онынъ имаесине сыгъын!»** (эль-Муземмилъ, 8-9)

Бунынъ узерине Аллаһ Расули -салляллаху алейхи ве селлем-нинъ къайгъысы дагъылды. Сарсылмаз бир иман ве устюн бир федакярлыкъ-нен эмджеси Эбу Талибге шу мешур сёзлерни сёйледиди:

*«Эй эмдже! Аллаһкъа емин этерим ки, бу адамлар бир элиме Кунешни, бир элиме де Айны къойсалар мен кене бу давадан вазгечем!»*

Бу сезлернинъ артындан козьлери яшлы алда о ерде айрылды.

Бойле бир джевап беклемеген Эбу Талиб, сарсылды. Иман этмеген олсада Азрети Пейгъамберни эвляды киби севе эди. Бабасы Абдулмутталиб вефат этмеден аз эвель огъланларыны топлагъан ве Азрети Пейгъамберни ангиси кенди имаесине аладжагъыны сорагъан. О заман Эбу Талиб:

«Бабаджыгъым! Билесинъ, зенгин дегилим факъат йымшакъ къальпли ве шефкъат саибийим. Къардашымнынъ огълуна бакъмакъны джаныма миннет билирим. Бу хусуста санъа сез берерим; Оны манъа эманет эт!...» деп риджа эткен эди.

Бу себептен Алемлернинъ эфендисининъ бойле кедерли бир шекильде янындан айырылмасына Эбу Талибнинъ мерхаметли юреги даянамады, Онынъ артындан бакъырды:

«Эй къардашымнынъ огълу! Кель, истегенинъни сёйле! Емин этеримки, ич бир шей къаршысында Сени оларгъа теслим этмем!» (Ибн-и Хишам, I, 276-278; Ибн-и Кесир, *эль Бидае*, III, 96-97)

Мушриклер арзуларына етишемейиндже Велид бин Мугъиренинъ огълу Умарени Эбу Талибге кетирдилер ве:

«Бу Умаре, Къурейш генчлерининъ энъ кучьлю ве энъ гузелидир. Сен буны ал, акъылы ве къуветинден файдалан! Сенинъ эвлядынъ олсун. Баба ве аталарынынъ динине къаршы чыкъкъан, къавмини больген ве сенинъ фикирлерини эмиетке алмагъан шу торунынъы бизге теслим эт те Оны ольдюрейик!» диерек хиянет бир теклиф яптылар.

Эбу Талиб:



«Валлахи сиз манъа не ярамай бир шей теклиф этесинъиз! Сиз манъа огълунъызны береджексинъиз, мен оны сизнинъ ичюн беслейджегим. Мен де огълумны сизге береджем, сиз исе оны ольдюреджексинъиз, ойлеми? Бойле бир шей кесинликнен олмаз!»- джевабыны берди. (Ибн-и Хишам, I, 279; Ибн-и Сад, I, 202)

Мушриклер Эбу Талибке:

«-Мухаммедге хабер ёлла, кельсин де Онъа инсафлы теклифлерде булунайыкъ.» дедилер.

Эмджеси хабер ёллагъанынен Расули Экрем –салляллаху алейхи ве селлем- аман кельди. Ахнес бин Шерик:

«-Сен бизни ве иляхларымызны яманъламаны ташла, биз де Сени ве иляхынъны раатсызламаны ташлармыз?» - деди.

Расулюллах Эфендимиз башыны къалдырып семагъа бакъты ве:

«-Шу кунешни коресинъизми?» - деп сорады.

«-Эбет, коремиз» - дегенлеринде Аллаһ Расули Ислямнынъ рухыны ве вазиятини энъ гузель шекильде ортагъа къойгъан шу джевапны берди:

«-Мен сизни бу кунешнинъ ышыкъларындан файдаланманъызгъа мани олсам мумкюнми?»

Эбу Талиб:

«Аллаһкъа эмин этеримки къардашымнынъ огълу бизге ич бир вакъыт ялан сёйлемгендир!» - деди.

Насипсиз мушриклер ачувнен къалкъаракъ Алемлернинъ Эфендисининъ къатындан айырылдылар. (Ибн-и Исхакъ, с. 136; Ибн-и Кесир, *эль-Бидае*, III, 92; Ибн-и Сад, I, 202-203)

Ибн-и Аббас -радиаллаху анх-нынъ ривает эткенине коре, бундан сонъра Къурейшнинъ илери кельгенлери Кябенинъ Хиджринде топланаракъ, Пейгъамбер Эфендимизни корер-корьмез эписи бирден уджум этеджек ве ольдюреджеклери акъкъында Лат, Менат, Узза, Наиле ве Исаф путларын адына емин эттилер. Эр кес кенди пайына тюшеджек къан белини одеждек эди.

Бундан хабер алгъан кызы Фатиме –радиаллаху анха- агълаяракъ Расулюллах –саллаһу алейхи ве селлем-нинъ янына кельди. Къавмининъ япкъан гъарезни анълашмасы акъкъында бабасына хабер берди. Аллаһ Расули сув истеп абдест алды. Сонъра догъру Месджиди Харамгъа кетти. Пейгъамберимизни корьгенлеринен:

«Иште бу О! » - дедилер.

Пейгъамбер эфендимизни корьгенлеринен, башларыны биле котерип онъа бакъамадылар. Эфендимиз янларына келип къаршыларында турды. Сонъра ерден бир авуч топракъ алып:

«- Юзюнъиз къара олсун!»- буюраракъ оларгъа къаршы септи.

О сепильген топракъ данелери мушриклерден кимге токъунгъан олса эр бири Бедир дженки куню кяфир оларакъ ольдюрюлип джеэннем чукуры киби бир къуюгъа ташланылды. (Ахмед, I, 303)

Бу адисенинъ артындан Эбу Талип, Хашим огъуллары иле Муталлиб огъулларыны чагъырды. Олардан къоранталарынынъ шерефи адына Азрети Пейгъамбер -салляллаху алейхи ве селлем-ни Къурейшилилерден къорчаламаларыны риджа этти. Эбу Лехебден гъайры эпси къабул эттилер. (Ибн-и Хишам, I, 281; Ибн-и Эсир, *эль-Кямиль*, II, 65)

Эбу Талибке япкъан мураджатларындан файда бермегенини корьген мушриклер, бу сефер догърудан догъругъа Аллаһ Расули -салляллаху алейхи ве селлем- эфендимизге мураджат этерек:

«Сен, союнь темиз мевкъийинъ юксек бирисинъ! Шимдиге къадар араплар арасында кимсенинъ япмагъаныны япа, айтмагъаныны айта-сынъ. Арамызгъа айрылыкъ кетирдинъ. Бизни бири-биримизге душман эттинъ. Бойле арекет этмектен макъсадынъ недир?

Зенгин олмакъ ичюн бойле япа олсанъ, санъа истегенинъ къадар мал берейик. Къабилелер арасында сенден зенгин кимсе олмасын!

Реислик япмакъ истей олсанъ, аман сени кендимизге баш этейик; Меккенинъ акими ол!

Шагъ гузель бир къадыннен эвленмек истесенъ, санъа Къурейшнинъ энъ гузель къадынларындан къайсы бирини истесенъ, берейик!





Эгер джинлернинъ, шайтанларнынъ шеррине ограгъан олсанъ, таби-  
плерге алып барайыкъ. Сени къуртармакъ ичюн бутюн федакярлыкълар-  
гъа къатланайыкъ.

Не истесенъ япмагъа азырмыз. Етерки, кель бу давадан вазгеч!» -  
дедилер.

Заваллы мушриклер, инсаннынъ энъ буюк алдатыджылары олгъа-  
ны мал-мульк, реислик ве къадын иле Азрети Пейгъамбер —салляллаху  
aleyхи ве селлем-ни давасындан вазгечтирмиз деп зан этмекте эдилер.  
Бу юкъларыда теклиф этильген, инсанны ёлдан ураджакъ шейлерге «ёкъ»  
джевабыны бермек чокъ къыйын эди. Чюнки зенгинлик, шурет ве шех-  
вет инсан огълунынъ эр заман къул олгъан нефсининъ учъ буюк тузагъ-  
ыдыр.

Анджакъ, Аллаһ Расулининъ нурлы аятында бу ве бенъзери алда-  
тыджы, кечиджи шейлернинъ ич де ери ёкъ эди:

*«Мен сизден ич бир шей истемейим. Не мал, не мульк, не салтанат  
ве не де реислик! Меним тек истегеним шудыр: Путларгъа тапмакътан  
вазгечинъиз, ялынъыз бир олгъан Аллаһкъа ибадет этинъиз!»* (Ибн-и Кесир,  
эль-Бидае, III, 99-100)

Мушриклер исе нефислерине къул олгъанлары ичюн Онынъ ульвий  
давасыны бир тюрлю анълап оламай эдилер, Оны путларгъа тапар деп  
уюют эте эдилер. Бунынъ узерине Азрети Пейгъамбер —салляллаху алей-  
хи ве селлем- де кендисини шойле такъдим эте эди:

قُلْ إِنِّي نُهِيتُ أَنْ أَعْبُدَ الَّذِينَ تَدْعُونَ مِنْ دُونِ اللَّهِ لَمَّا جَاءَ نَبِيَّ  
الْبَيِّنَاتُ مِنْ رَبِّي وَأُمِرْتُ أَنْ أُسْلِمَ لِلرَّبِّ الْعَالَمِينَ

**«(Расулим!) Де ки: Манъа Раббимден ап-ачыкъ делиллер кельге-  
нинен, Аллаһны быракъып, о табынгъан шейлерге къуллыкъ этмем  
манъа ясакъланды ве манъа алемлернинъ Раббине теслим олмам  
эмир этильди.»** (эль-Мумин, 66)

قُلْ إِنَّمَا أُمِرْتُ أَنْ أَعْبُدَ اللَّهَ وَلَا أُشْرِكَ بِهِ إِلَهٌ أَدْعُو وَإِلَيْهِ مَآبُ



«Де ки: «Манъа, садедже Аллахкъа къуллыкъ этиов ве Онъа ортакъ къошмамам эмир олунды. Мен ялынъыз Онъа чагъырам ве дёнюш де, ялынъыз Онъадыр.» (эр-Рад, 36)

إِنَّمَا أُمِرْتُ أَنْ أَعْبُدَ رَبَّ هَذِهِ الْبَلَدَةِ الَّذِي حَرَّمَهَا وَلَهُ كُلُّ شَيْءٍ وَأُمِرْتُ أَنْ أَكُونَ مِنَ الْمُسْلِمِينَ وَأَنْ أَتْلُو الْقُرْآنَ فَمَنِ اهْتَدَىٰ فَإِنَّمَا يَهْتَدِي لِنَفْسِهِ وَمَنْ ضَلَّ فَقُلْ إِنَّمَا أَنَا مِنَ الْمُنذِرِينَ

«Манъа бу шеэрни (Меккени) токъунылмаз япкъан Раббиме къуллыкъ этмем эмир этильди. Эр шей де, затен Онъа аиттир. Манъа мусульманлардан олып Къуран окъумам эмир этильди. Артыкъ ким догъру ёлгъа кельсе, ялынъыз озю ичюн кельгендир; ким де сапса, онъа де ки: Мен, садедже тенбиеджилерденим.» (эн-Немль, 91-92)

قُلْ إِنِّي هَدَيْتَنِي رَبِّي إِلَىٰ صِرَاطٍ مُسْتَقِيمٍ دِينًا قِيَمًا مِّلَّةَ إِبْرَاهِيمَ حَنِيفًا وَمَا كَانَ مِنَ الْمُشْرِكِينَ قُلْ إِنْ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ لَا شَرِيكَ لَهُ وَبِذَلِكَ أُمِرْتُ وَأَنَا أَوَّلُ الْمُسْلِمِينَ قُلْ أَغَيْرَ اللَّهِ أَبْغِي رَبًّا وَهُوَ رَبُّ كُلِّ شَيْءٍ

«Де ки: Шубесиз, Раббим мени догъру ёлгъа, дос-догъру динге, Аллахны бирлеген Ибрахимнинъ динине ириштирди. О, Аллахкъа ортакъ къошкъанлардан дегиль эди. Де ки: Шубесиз, меним намазым, къурбаным, аятым ве олюмим – эписи алемлернинъ Рабби Аллах ичюндир. Онынъ ортагъы ёкътыр. Манъа садедже бу эмир олунды ве мен мусульманларнынъ илькисийим. Де ки: Аллах эр шейнинъ Рабби олып турып, мен ондан башкъа Раб къыдыраджагъыммы?..» (эль-Энам, 161-164)

قُلْ هَذِهِ سَبِيلِي أَدْعُو إِلَى اللَّهِ عَلَىٰ بَصِيرَةٍ

«(Расулим!) де ки: «Иште, бу, меним ёлумдыр. Мен Аллахкъа чагъырам...» (Юсуф, 108)



قُلْ مَا أَسْأَلُكُمْ عَلَيْهِ مِنْ أَجْرٍ وَمَا أَنَا مِنَ الْمُتَكَلِّفِينَ

**(Расулим!)** Де ки: Бунъа къаршылыкъ мен сизден бир акъ истемейим. Ве мен олгъанындан башкъа тюрюю корюнгенлерден де дегилим. (Сад, 86)



Расулюллах –салляллаху алейхи ве селлем-нинъ бу къатий арекетлери къаршысында мушриклер ич олмаса путларны яманламакъ меселесини чёзмек истедилер. Азрети Пейгъамберден путларны айыпламасыны талап этилер. Бунынъ узерине Аллах шойле буюрды.

فَلَا تُطِيعِ الْمُكَذِّبِينَ وَدُّوا لَوْ تَدْهِنُ فَيُدْهِنُونَ

**О алда, (акъикъятны) ялан сайгъанларгъа боюн эгме! Олар истерлер ки, сен йымшакъ даврансанъ да, олар да санъа йымшакъ даврансынлар.** (Мушриклернинъ Расулюллахтан тевхид курешинде йымшакъ даврануву меселесиндеки истеклерине ишарет этильмекте). (эль-Къалем, 8-9)

إِذَا لَذَقْنَاكَ ضِعْفَ الْحَيَاةِ وَضِعْفَ الْمَمَاتِ ثُمَّ لَا تَجِدُ لَكَ عَلَيْنَا نَصِيرًا

**О вакъытта, ич шубесиз, санъа аятнынъ ве олюмнинъ сыкъынтыларыны къат-къат таттырыр эдик; сонъра бизге нисбетен озюнь ичюн бир ярдымджы да тапалмаз эдинъ.** (эль-Исра, 75)

Яни, тевхид меселесинде йымшакъ давранмакъ бойле вакъытта биле ясакълангъандыр. Чюнки бу диннинъ даа там къурулмадан бозулмасына себепчи олур, бу исе мушриклернинъ чиркин макъсатларындан бири эди. Анджакъ истедиклерине наиль олмадыкъча озь талапларыны джаильдже буютерек, путларнынъ вазиятлерини къуртармагъа чалыша эдилер. Бунынъ ичюн шу кулюнчли теклифни япмакъ къарарына кельдилер:

«-Сен бизим путларымызгъа табын; бизде сенинъ Аллаһынъа къулулукъ этерик. Бойледже, арамыздаки зытлыкъ чезильген олур.» - дедилер.



Бу мантиккъа уймагъан, хаталы ёлгъа Къурани Керим шойле дже-  
вап берди:

قُلْ يَا أَيُّهَا الْكَافِرُونَ لَا أَعْبُدُ مَا تَعْبُدُونَ وَلَا أَنتُمْ عَابِدُونَ مَا أَعْبُدُ وَلَا أَنَا عَابِدٌ مَا  
عَبَدْتُمْ وَلَا أَنتُمْ عَابِدُونَ مَا أَعْبُدُ لَكُمْ دِينُكُمْ وَلِيَ دِينٌ

(Расулим!) Де ки: Эй, кяфирлер! Мен сиз табынаяткъанларынъ-  
ызгъа табынмам. Сиз де меним табынгъаныма табынмайсынъыз.  
Мен де сизнинъ табынгъанларынъызгъа асла табынаджакъ дегим-  
лим. Эбет, сиз де меним табынгъанымгъа табынмакъта дегильсинъ-  
из. Сизнинъ дининъиз – сизге, меним диним де – манъа. (эль-Кяфирун,  
1-6) (Ибн-и Хишам, I, 386)

Расули Экрем Эфендимиз –салляллаху алейхи ве селлем-нинъ  
юдже даветине башта факъыр, къул ве зайыф кимселер иман эттилер.  
Бунынънен берабер Азрети Эбу Бекир киби, зенгинлерден иман эткенлер  
олгъан олса да, сайылары пек аз эди.

Расулюллах –салляллаху алейхи ве селлем-нинъ мушриклер тара-  
фындан япылгъан мал-мульк ве макъам киби теклифлерни ред этмеси  
Онынъ зенгинлик я да реберлир эльде этмек ичюн чалышмагъаныны  
ачыкъча косътермектедир. Зира Варлыкъ Нурынынъ кунъюк яшайышы  
да, элинде эр тюрлю имкян булунмасына бакъмадан, факъырларнынъ  
аяты киби эди.

Аллаһ Расули -салляллаху алейхи ве селлем- Къурейшлилернинъ  
башлыкъ я да укюмдар олма теклифини къабул этерек, бу къуветни даа  
сонъ Ислямны яймакъ ичюн алет оларакъ къуullanмасы мумкюн эди.  
Лякин Варлыкъ Нуры Пейгъамберимиз бойле бир сиясетке киришмеге ве  
буны даветине васта япмагъа асла разы олмады. Чюнки Ислям, эр тюрлю  
гъае ве вастаны къуullanма хусусында садакъат ве шерев къаиделерини  
муафаза эткендир. Бу себепле мусульманлар бир чокъ ал ве вазиятлерде  
федакарлыкъ ве джихаткъа меджбур къалырлар. Чюнки такъип эттикле-  
ри ёл кендисинде ич бир эгрилик булунмагъан сырат-ы мустакъмидир<sup>134</sup>.

134 Сырат-ы Мустакъм – дос-догъру ёл, Ислям.



### **Къурани Керимнинъ муджизелери ве динълегенлер узериндеки тесири**

Аллаһ Таала китабыны энъ сонъ ве энъ мукеммель бир суретте арапча эндирмеге мурат эткени ичюн, бу тильнен къонушкъан инсанларгъа Къураннынъ эндирилъмесинден асырларджа эвель башламакъ узере бир къонушма гузеллиги, белягъат (сёз гузеллигини) ве эдебият мейили берген, олар чешитли ярышмаларнен бу саада фаалиет косътериркен тиллерининъ келишип кенишлемесини сакълагъандыр ве нетиджеде бу лисан ираде-и иляхиени ифаде эте биледжек бир зенгинлик ве мукеммеллик къазангъандыр.

Асырларджа девам эткен бу фаалиет сонъунда араплар арасында эр кеснинъ япып оламайджагъы сёз сёйлемек энъ макъбул бир меслек алына кельген ве шаирлернен хатиплер козь къамаштырыджы бир мевкъийге юксельген алда тура эдилер. Бундан да башкъа Пейгъамбер –aleyхиссе-лямдан- садыр олгъан муджизенинъ энъ юксеги Къурани Керимдир.

Инсанны дигер джанлылардан айыргъан энъ муим хусусиетлер акъыл, идракъ, анълав ве анълатув олгъаны ичюн энъ сонъ ве энъ мукеммель китап Къурани Керимнинъ муджизеси де акъыл, беян ве илим саасында керчеклешкендир. Бу себептен Аллаһ шойле буюра:

الرَّحْمَنُ. عَلَّمَ الْقُرْآنَ. خَلَقَ الْإِنْسَانَ. عَلَّمَهُ الْبَيَانَ.

**«Рахман (Аллаһ) Къуранны огретти. Инсанны яратты. Онъа беян этмекни огретти.»** (эр-Рахман, 1-4)

Иджаз, Лугъатта бир кимсени аджыз къалдырмакъ я да километрлердже огюне кечип кетмек манасына келир. Термин оларакъ исе Къураннынъ, юдже Аллаһ тарафындан кельмеси себебинен, белягъаты, къанун къоймасы ве гъайбий хаберлери бермеси итибарынен бир бенъзерини кетирмектен бутюн инсанларнынъ аджиз олгъаныны ифаде этер.

Къураннынъ севиесине улашылмайджакъ иджазы акъкъында тильшынаслар ве алимлер сайысыз эсерлер язгъанлардыр. Бу эсерлернен чокъ индже фикирлер ортагъа къойгъанлар. Булардан аз бир парча дикъкъатинъизге сунмакъ истеймиз.



Аллаһ Расули -салляллаху алейхи ве селлем- пейгъамбер олгъаныны бильдиргендже кяфирлер:

وَقَالُوا لَوْلَا أُنْزِلَ عَلَيْهِ آيَاتٌ مِنْ رَبِّهِ

«Онъа Рабинъден (башкъаджа) муджизелер эндирилъмели де-гиль эдими?», дерлер... дедилер.

Аллаһ Таала оларгъа шойле джевап берди:

قُلْ إِنَّمَا الْآيَاتُ عِنْدَ اللَّهِ وَإِنَّمَا أَنَا نَذِيرٌ مُبِينٌ أَوَلَمْ يَكْفِهِمْ أَنَّا أَنْزَلْنَا عَلَيْكَ الْكِتَابَ يُتْلَىٰ عَلَيْهِمْ إِنَّ فِي ذَٰلِكَ لَرَحْمَةً وَذِكْرَىٰ لِقَوْمٍ يُؤْمِنُونَ

«Де ки: Муджизелер анджакъ Аллаһ къатындадыр. Мен исе, са-дедже ап-ачыкъ бир тенбиеджийим. Озьлерине окъуаткъан Китапны санъа эндирмемиз оларгъа етмейми? Эльбетте, иман эткен бир къавм ичюн онда рахмет ве ибрет бар...» (эль-Анкебут, 50-51)

Къураннынъ иджазы шу хусусларда ачыкъкъа чыкъкъандыр - бе-лягъат услубы, ичине алгъан мевзуларнынъ зенгинлиги, кетирген эса-ларнынъ инсанлыкъны татмин этмеси, гъайыптан хабер бермеси, даима актуаллигини муафаза этмеси ве къанун къойма саасындаки устюнлиги.

Къураннынъ муджизе олувынынъ энъ муим тарафыны белягъат ве услуби тешкиль этер. Белягъат - мундериджеге, макъсаткъа, мевзугъа коре, яни алнынъ керектиргени шекильде энъ уйгъун сёзни сёйлемекте-дир. Къурани Керим эльге алгъаны бутюн хусусларда буны энъ гузель бир тарзда керчеклештиргендир.

Къурани Керим, тилининъ догъру, тюзгюн, ачыкъ олмасы бакъымын-дан да шахэсердир. Сайлагъаны келимелерде, къургъаны джумлелерде ве буларнынъ ифаде эткени маналарда, энъ уфакъ эхиклик булмасы мум-кюн дегильдир.



Къураннынъ манасы киби дикциясы<sup>135</sup> да Аллаһкъа аиттир. Оны хадиси къудсиден<sup>136</sup> айыргъан энъ эсаслы фаркъ будыр. Бунунъ ичюнбир ки Къураннынъ текстинде бир келимени, кене арапча олгъан бир башкъа келименен денъиштирмек эгер къастен олса динден чыкъарыр, янълышма иле олса мананынъ белли дереджеде денъишмеси себеби иле чокъ заман ибадетни бозар.

Бу алда Къураннынъ оригиналы дегиль де эр анги бир терджимесинен ибадет этменинъ мумкюн олмайджагъы не къадар ачыкътыр.

Къуран услубында мана ве сёз мусавийлиги бардыр. О, анълатмакъ истегени эр мананы, энъ гузель ве кучлю бир сёзнен ифаде этер. Бойледже сёз ве мана арасындаки мусавийлиги, ялынъыз «илихий Келям» сыфатынынъ саибине махсус тарзнен къуар. Бу меселеде, энъ кучлю эдебиятчылар биле сонъсуз бир аджизлик ичиндедирлер.

Бу хусуста Ибн-и Атийе –рахметуллахи алейх– шойле дегендир;

«Къуран ойле бир китаптыр ки, ондан бир келиме чыкъарылса, онынъ ерине башкъа бир келиме къоймакъ ичюн бутюн Арап тили иидже къарыштырылса, ондан даа мунасиб бир келиме тапмасы мумкюн дегильдир»<sup>137</sup>

Къурани Керим, икяе, насиат, тарих, къанун къоюджылыкъ, мунакъаша, муназара, ахирет, дженнет, ве джеэннем киби мевзуларны, къоркъутыджы ве мужделейиджи аетлерни, маналарынынъ шиддетине коре айры-айры услуп бутюнлюги ичинде, темиз эдебий аэнкни муафаза этерек ифаде этмектедир. Бу да, онынъ илихий бир келям олгъаныны косътермектедир.

Къурани Керим, фаркълы заманларда ве мекяларда яшагъан, ильмий севиелери чокъ фаркълы олгъан бутюн инсанларгъа, севиелерине коре хитап этер. Фаркълы севиеден пек чокъ кимсенинъ булунгъаны бир межлисте Къуран аетлери окъулгъанда, о ерде булунгъанларынынъ эр бири, кенди идракине коре, Къураннынъ тюзгюнлиги бозулмадан фаркъ-

135 **Дикция** – къонушылгъан тильде келименинъ сечильмеси, сёйленмеси (теляффуз) ве тюшондженинъ къолайлыкъла ифаде этильмеси. Фесахат, белягъат, талаякъат ве натикъа келимелерининъ ифаде эткени маналарнынъ бутюни.

136 **Къудси Хадис** – манасы Аллаха аит олгъан пейгъамбер сёзю.

137 Зерканий, *Менахиль эль-Ирфан*, II, 325. Мухаммед Абдуллах Дираз, *эн-Небеуль-азим*, с. 112; Ата, *Азаметуль-Къуран*, с. 85.



лы-фаркълы шейлерни къаврар. Бу вазият да, кене къулнынъ такъат ве кучюнинъ узериндедир.

Къыскаджа сёйлесек, эр пейгъамбернинъ муджизеси озь деврине аиттир. Азрети Пейгъамбер –салляллаху алейхи ве селлем- бутюн бешериекте Пейгъамбер оларакъ йибериьгени ичюн онынъ муджизеси бутюн асырларнынъ, заман ве меяннынъ муджизеси оларакъ къыяметке къадар девам этеджектир.

Къуруани Керим чокъ кере Аллаһнынъ барлыгъы ве къудретини исбатламакъ узере ильмий акъикъятларгъа дикъкъат чеккендир. Бинъ дёрт юз йылдан берли фен саасында корюльген баш айландырыджы теракъкъият ве кешифлер Онынъ ич бир укмюни яланламагъан, аксине даима догъру олгъаныны косътерген ве бойледже бир муджизе олгъандыр.

Бугунъ дюнья миллетлери энъ махир алимлерини топлаяракъ бирер энциклопедия вуджуткъа кетирип бу энциклопедияларнен бир-бирине къаршы ифтихар этерлер. Инглизлернинъ Britannicasы, Франсызларнынъ Laroussesы бу джумледендир. Бу энциклопедияларыны догъруламакъ я да текмиллештирмек ичюн эр йыл янъы ве иляве бир джылт чыкъарырлар. Бу янъы китапта, кечкен заман муддетинде олгъаны базы араштырмалар себебинен бир такъым эски беяналарыны догъруларлар я да о беяналаргъа илявелер апарлар. Фенний кешфиятларнынъ акъыл алмаз бир севиеге улашкъаны бу заманымызда дахи, энъ сечильген алимлерден тешкиль эткен илим эйетлерининъ вуджуткъа кетиргени шу мешур энциклопедиялар биле, сенеден сенеге яланламаларгъа огъарар ве догъруланмакъ ихтияджы дуяр да, Къуруани Керимнинъ токъунгъаны сайысыз фенний акъикъат узеринде бойле бир шейнинъ ортагъа чыкъмагъаны, Къуруаннынъ иляхий бир асылгъа багълы олгъанына, яни Аллаһнынъ сёзю олгъаныны косътерген энъ инандырыджы делильдир.

Расулюллах –салляллаху алейхи ве селлем- Къуруаннынъ муджизе олгъаныны ве бу хусусиетининъ эбедий девам этеджегини косътерген бир хадиси шерифинде шойле буюрмакътадыр:

*«Къуруани Керим, ортагъа чыкъаджакъ эр тюрюлю фитнеге къаршы инсанны селяметке алып баргъан, эвельки топлумларнынъ хаберлерини, сонъракилернинъ ахвалыны, инсанлар арасында мейдангъа келеджек адиселернинъ укюмлерини ичине алгъан, хакъ иле батылны айыргъан, бош сёз олмагъан, кендисини терк эткенни Аллаһнынъ эляк эткени, онынъ ты-*





шында хидает арагъанны Аллаһнынъ сапыкълыкъкъа тюшюргени, Хакъ Тааланынъ сап-сагълам йипи, Зикр-и Хакими ве Сыраты Мустакъими олгъан, кендисине багълы олгъанларны ич бир заман азгъынлыкъкъа тюшюрмегени, оны сёйлеген дилер янълышмагъаныны, алимлернинъ кендисине тоямагъаны, чокъ текрар себеб иле тазелигини асла гъайып этмегени, инсанларнынъ шашырткъан муджизевий хусусиетлери асла сонъуна эришмегени, джинлернинъ, оны динъледиклери заман:

إِنَّا سَمِعْنَا قُرْآنًا عَجَبًا

**«...Керчектен, биз догъру ёлгъа къавуштыргъан Къуранны динъледик...»** (эль-Джин, 1) демектен кендилерини аламадыкълары, кендисинен къонушкъанларнынъ догъру сёйлегени, онынънен уюм бергенлернинъ догъру уюм берип адиль даврангъаны, оны татбикъ эткенлернинъ севап коръдиги, онъа чагъыргъаннынъ Сыраты Мустакъимни булгъаны иляхий бир келямдыр. (Тирмизи, Федаилюль-Къуран, 14; Дарими, Федаилюль-Къуран, 1)

Къурани Керим эр тарафтан буюк бир муджизедир. Иште бу бакъымдан Къурани Керим, о кунъки белягъат ве эдебиятта юксек севиеге улашкъан араплардан ве къыяметке къадар келеджек инсанлардан кендисине бенъзеген бир сёзни ортагъа къоймаларыны асырлардан берли истемектедир. Бу хусуста Къурани Керимде ильк оларакъ Тур суресининъ 34 аети керимесинде:

فَلْيَأْتُوا بِحَدِيثٍ مِّثْلِهِ إِنْ كَانُوا صَادِقِينَ

«(Мушриклернинъ, Къураннынъ Аллаһ келямы олмагъаны иддаларында) Эгер догъру иселер онъа бенъзеген бир сёз кетирсинлер.» (эт-Тур, 34)

Бу иляхий хитаптан мушриклер аджыз къалынджа, Аллаһ, оларнынъ аджизликлерини даа бираз бир шекильде ифаде этерек шу аетни йиберди!

أَمْ يَقُولُونَ افْتَرَاهُ قُلْ فَأْتُوا بِعَشْرِ سُوَرٍ مِّثْلِهِ مُفْتَرِيَاتٍ وَادْعُوا مَنْ اسْتَطَعْتُمْ  
إِنْ كُنْتُمْ صَادِقِينَ مَنْ دُونِ اللَّهِ

«Ёкъса!» Оны (Къураннынъ) озю уйдурды, дейлерми? Де ки! Эгер догъру исенъиз, Аллаһтан башкъа чагъыра бильгенлерингъизни (ярдымгъа) чагъырынъ да, сиз де онынъ киби уйдурылгъан он суре кетиринъ». (Худ, 13)

وَإِنْ كُنْتُمْ فِي رَيْبٍ مِّمَّا نَزَّلْنَا عَلَىٰ عَبْدِنَا فَلْتَأْتُوا بِسُورَةٍ مِّثْلِهِ وَادْعُوا شُهَدَاءَكُمْ مِنْ دُونِ اللَّهِ إِنْ كُنْتُمْ صَادِقِينَ

«Эгер къулумызгъа эндиргенимизден эр анги бир шубеге тюшсенъиз, айби онъа бенъзеген бир суре кетиринъ, эгер идданъызда догъру олсанъыз, Аллаһтан гъайыры шаатларынгъызны (ярдымджыларынгъызны) да чагъырынъ.» (Бакъара, 23 айырыджа бакъынгъыз Юнус, 38)

Сонъ оларакъ Ибра суресининъ 88 аети Керимесинде:

قُلْ لِّئِنْ اجْتَمَعَتِ الْإِنْسُ وَالْجِنُّ عَلَىٰ أَنْ يَأْتُوا بِمِثْلِ هَذَا الْقُرْآنِ لَا يَأْتُونَ بِمِثْلِهِ وَلَوْ كَانَ بَعْضُهُمْ لِبَعْضٍ ظَهِيرًا

«Де ки: Ант олсын ки, бу Къурангъа бир бенъзегенни ортагъа къоймакъ узьре, инсанлар ве джинлер бир ерге кельселер, бир-бирлерине ярдым этселер де, онъа бенъзерини ортагъа кетиремезлер.» буюрды.

Мушриклер бу даветке джевап бермек ерине, яланламакъны, фитне чыкъармакъны ве ифтира атмакъны къулландылар.

إِنْ هَذَا إِلَّا سِحْرٌ يُؤْتَرُ

«...Бу (Къуран), олса-олса (сиирбазлардан огренилип) накъиль этильген бир тылсымдыр.» (эль-Мудессир, 24)

سِحْرٌ مُّسْتَمَرٌّ

«...Эскиден берли девам этип кельген бир тылсымдыр...» (эль-

Къамер, 2)



إِنْ هَذَا إِلَّا أَفْكُ افْتَرِيهِ

«...Бу (Къуран), олса-олса онынъ (Мухаммеднинъ) уйдургъан бир яландыр...» (эль-Фуркъан, 4)

إِنْ هَذَا إِلَّا أَسَاطِيرُ الْأَوَّلِينَ

«...Бу (Къуран) эскилернинъ масалларыдыр...» (эль-Энам, 25) киби акъыкъткъа уймагъан, айрыджа кендилерининъ къарасызлыкъларыны косътерген бир такъым манасыз сёзлернен мешгуль олдылар.

Къурани Керимнинъ бир суресине бенъзеген бир шей ортагъа кетирмек хусусында бутюн душманларына къаршы вакъый олгъан бу меселе, шу кунюмюзге къадар бутюн инанмагъанларнынъ хусран ве аджизлиги иле нетиджеленген ве ойле де девам этеджектир. Христианлар, арапларгъа арапча огретеджек дереджеде илим ве эдебийлик саиби папазлар етиштиргенлердир. Булардан ич бири шу Къураний иддиагъа къаршы эр анги бир тешеббюсте булунмакъ джуръатини косътермегендир. Асырлардан берли Ислямнынъ нуруны сёндюрмек ичюн эсапсыз мал ве джан масрафлары япылгъан, бир чокъ мешакъатларгъа къатлангъан имансыз ве динсиз алемининъ, о къадар замет ве мешакъат ерине бу ёлгъа, -Къурангъа бенъзеген бир суре кетирмеге- тырышмалары керек олмазмы эди? Иште бу тарихий керчек, бу Къураний иддианынъ азаметини ве онынъ къаршысындаки душман кучьлерининъ аджизлигини косътермекте дегильми?

Бу хусуста бир одагъа къапанып айларджа чалышкъан чокъ мешур ве маир эдиплер чыкъкъан, анджакъ чокъ гъайрет этмелерине рагъмен бир ает биле язамагъанлардыр. Нитеким Къурани Керимнинъ сурелерине къаршылыкъ язмакъ истеген Мусейлемет-уль Кеззаб ве онынъ кибилери, яптыкълары иле февкъульаде кулюнч вазиятке тюштиюлер. Яздыкълары шей де комедиядан башкъа бир шей дегиль эди, бунынънен анджакъ ахмакълыкъларыны ортагъа къойдылар. Чюнки Къуран, садедже ачыкълыкъ ве белягъат муджизеси дегиль, айны заманда бутюн асырлары, ичиндеки акъыкътлары иле бирликте чеврелеген муджизе китабыдыр. Бойле олунджа, не вакыт ве не ерде оледжегинден биле хабер олмагъан, аджыз бир инсаннынъ, эльбетте ки эшсиз ве ульвий акъыкътларны ичинде топлагъан муджизелер иле толу бир ает ортагъа къоймасы имкян-

сыздыр. Нитеким бешерий киришмелернен язылган бугунки Теврат ве Инджильлернинъ алы корюнмекте. Бу китаплар аслындан узакълашкъан, ве бир зытлыкъ меджмуалары алына кельгендир...

Къуранны, кунюмизге къадар тесиринден ич бир шей гъайып этмеден кельген бир муджизе китап олгъаныны косътерген энъ буюк ве инкяр этильмез делиль, теджрибедир. Илк эндирильмеге башлагъаны куньден заманымызгъа къадар, 15 асырдыр Къураннен акъикъатен мунакъаша этмеге кучю еткен киши чыкъмагъандыр. Амма мунакъаша этмеге тырышкъанлар исе бутюн инсанлыкънынъ узурьнда резиль оларакъ къыяметке къадар кендилеринден айырылмайджакъ бир айыпны озьлерине алдылар<sup>138</sup>.



Къурани Керим не шиир не де несирдир. Билъакис, эм шиирнинъ эм де несирнинъ хусусиетлерини топлагъан бир услуби ве бу услубке аким дешетли бир аэнк ве бир ич нагъмеси бардыр. Инсан не заман Къуран окъуса, бу ич мелодиясынынъ тесирини рухынынъ та деренликлеринде ис этер.

Къураннынъ назмында энъ уфакъ келиме ве джумлелерини еринден денъиштирмек я да эр анги бир денъишиклик япмакъ, аэнкни ве манасыны бозар.

Къурани Керим бу хусусиети иле инсанларнынъ гонъюллерине февкъульаде кучлю тесир уяндыргъан, Араплар, оны Расулюллах –салляллаху алейхи ве селлем-нинъ гузель тиллеринден динълеп джемаатларнен имангъа кельгенлердир. Бутюн мушриклер, бир онъа бенъзери ортагъа чыкъарамамалары себеби иле Къураннынъ мана ве белягъатыны виджданларынен къабул эткенлер. Олар Къуранны, садедже бир етимге бойсунмакъ истемегенлери ичюн редд этилер.

Ибн-и Аббастан ривает этильгенине коре мушриклернинъ даийлеринден Велид бин Мугъире бир кунъ Пейгъамбер –алейхисселям-нынъ янына келип кендисине Къуран окъумасыны талаб эткен эди. Варлыкъ Нуры онъа:

138 Бути, Саид Рамазан, Мин Реваи-иль Къуран, с. 126, 129, 130.



إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَىٰ وَيَنْهَىٰ  
عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ

**«Муакъкъакъ ки, Аллах адалетни, яхшылыкъны, акърабагъа ярдым этмекни эмир этер. Чиркин ишлерни, яманлыкъны ве Алахнынъ сынъырындан ашувны да ясакълар. О, тюшюнип тутар-сынъыз деп, сизге огют бермекте.»** (эн-Нахль, 90) аетини окъуду.

Велид:

«-Буны манъа бир даа окъу!» деди.

Пейгъамберимиз аетни текрар окъугъанджа, Велид:

«-Валлахи, бу сёзде ойле татлылыкъ, ойле бир гузеллик ве парлакъ-лыкъ бар ки, даллары бол емишли, тамыры сувлы, ем-ешил бир терекке бенъземекте. Буны инсан келимеси иле ифаде этмек мумкюн дегильдир. Ич шубесиз бу сёз эр шейге устюн келир. Онъа исе ич бир шей гъалип келемез, мухалифлерини мутлакъа магълубиетке огъратыр!» демектен озюни аламады.

Айретлер ичинде къалгъан Велид, турып Азрети Эбу Бекирнинъ эви-не кетти ве онъа Къурани Керим акъкъында бир такъым суаллер сорады. Сонъра Къурейшлилернинъ янына келерек:

«-Эбу Кебшенинъ огълунынъ сёйлегени шейлер, догърусы айретке ляйыкътыр! Валлахи о не шиир не тылсым не де бир делининъ сачмала-масыдыр! Онынъ сёйлегени ич шубесиз Аллах келямыдыр!» деди.

Онынъ бу сёзлери Эбу Джехильге улашкъанда:

«-Валлахи Велид дининден дёнеджек исе бутюн Къурейш те динин-ден дёнер!» деди ве аман онынъ янына кетип:

«Эй эмдже, къавминъ санъа бермек ичюн мал топламакъта. Мухаммедке баргъан ве ондан бир шейлер истегенсинъ.» деди.

Велид:

«-Къурейш мени яхшы билир, оларнынъ энъ зенгини меним.» деди.

Эбу Джехиль:



«-О алда Мухаммед акъкъында ойле бир шей сёйле ки сенинъ оны инкяр эткенини ве ондан хошланмагъанынъны къавминъ бильсин.» деди.

Велид:

«-Не сёйлейим? Валлахи, ичинъызде шиирни, *реджез*<sup>139</sup> ве къасиде-ни менден даа эйи бильген кимсе ёкътыр. Онынъ сёйледиклери буларнынъ ич бирине бенъземекте. Валлахи, Мухаммедтен аз эвель ойле бир сёз динъледим ки не инсан сёзю не де джин сёзюне бенъземекте эди. Онынъ мухтешем бир татлылыгъы ве хошлыгъы бар!» деди.

Эбу Джехиль исрар этерек:

«-Къавминъ, Онынъ алейхине бир шей сёйлемегенинъ муддетче сен-ден разы оламаз» деди.

О да:

«-Мени ялынъыз къалдыр, бираз тюшюнейим.» деди.

Сонъра да:

«-Бу накъиль этильген бир тылсымдыр.» деп сачмалады. (*Хаким, II, 550/3872; Табери, Тефсир, XXIX, 195-196; Вахиди, с. 468*)

Онынъ бу алы, Къурани Керимде бутюн джанлылыгъы иле шойле тасвир этилир.

إِنَّهُ فَكَّرَ وَقَدَّرَ فَقَتَلَ كَيْفَ قَدَّرَ ثُمَّ قَتَلَ كَيْفَ قَدَّرَ ثُمَّ نَظَرَ ثُمَّ عَبَسَ وَبَسَرَ ثُمَّ أَدْبَرَ  
وَاسْتَكْبَرَ فَقَالَ إِنْ هَذَا إِلَّا سِحْرٌ يُؤْتَرُ إِنْ هَذَا إِلَّا قَوْلُ الْبَشَرِ

«Зира, о, тюшюнди-ташынды, ольчеди, бичти. Джаны чыкъсын, не шекильде ольчеди-бичти! Сонъ джаны чыкъсын, текрар (ольче-ди-бичти); насыл ольчеди-бичти исе! Сонъ бакъты. Сонъ къашла-рыны чатты, юзюни экшитти. Энь сонъунда кибрини енъалмайып, аркъа чевирди де: Бу (Къуран), олса-олса (сиирбазлардан огренилип)

139 Реджез – арап шиир ольчулеринден бирисининъ адыдыр. Суръат ве сакинликнинъ, ургъулы ве ритмик бир шекильде бир арагъа кельмеси, тюрю алетлернен алып ба-рылмасына имкян берип; эм гъам ве кедер эм де севинч алларыны тильге кетирмеси-не имкян таныгъан реджезнинъ 15 фаркълы тюрю бар. (Тарих-уль Мевлеви, *Эдебият лугъаты*, с. 120, «реджез» маддеси)



**накъиль этильген бир тылсымдыр. Бу, инсан сёзюнден башкъа бир шей дегиль».** (эль-Муддессир, 18-25)

Халкъны Къуран динълемеге бермеген зорба Мушриклерден Эбу Суфьян, Эбу Джехиль ве Ахнес бин Шерик, геджелери Кябеде Къуран окъугъан Азрети Пейгъамбер –салляллаху алейхи ве селлем-ни учъ гедже бир-бирлеринден хаберсиз, гизлидже, зевкъле динълегенлер, тесадуфен къаршы-къаршыгъа кельгенлеринде де кендилерини айыплагъан ве бир-бирлерине шойле дегенлер:

«Аман кимсе фаркъ этмесин!.. Халкъ бизним бу алымыздан хабер-дар олур исе, сонъ дередже резиль олурмыз. Бундан сонъра да ич кимсе-ге, бу хусуста сёз кечиремемиз!..» диерек яптыкъларыны кынадыкътан сонъра бир даа бойле бир давранышта булунмайджакъларына даир ара-ларында ахтлашкъанлар. (Ибн-и Хишам, I, 337-338)

Бир чокъ инсан, Къураннынъ озюнде мевджут олгъан бу тесир са-есинде мусульман олгъандыр. Буларнынъ арасында Азрети Омернинъ, эништесининъ къапусына баргъанында бутюн гъадаплы алына бакъ-мадан Къуран кыраатыны эшитмеси иле къальбининъ насыл йымшап денъишкени чокъ билинген тарихий бир керчектир, ки Азрети Умернинъ табиатынынъ сертлиги иле билинир.

Булардан бири де Джубейр бин Мутим –радиаллаху анх-дыр. О да Расули Экрем -салляллаху алейхи ве селлем- Эфендимизден «Тур» суре-сини динълегендже къальби титреди ве ис эткенлерини:

«-Санки юрегим чатлайджакъ сандым!» шеклинде ифаде эткендир (Амед, IV, 83, 85)

Кендиси адисени шойле аңлатыр:

«Расулюллах -салляллаху алейхи ве селлем-ни акышам намазында «Тур» суресини окъугъанда динълеген эдим.

أَمْ خُلِقُوا مِنْ غَيْرِ شَيْءٍ أَمْ هُمُ الْخَالِقُونَ. أَمْ خَلَقُوا السَّمَوَاتِ وَالْأَرْضَ  
بَلْ لَا يُوقِنُونَ. أَمْ عِنْدَهُمْ خَزَائِنُ رَّبِّكَ أَمْ هُمُ الْمُصْطَفُونَ

**«Аджеба, олар ич бир яратыджы олмадан яратылдылармы? Ёкъса, озьлери яратыджылармы? Ёкъса, коклерни ве ерни олар**



**яраттылармы? Ёкъ! Олар бир тюрюю анълап инанмазлар. Яхут Раббинънынъ хазинелери оларнынъ янындамы? Я да эр шейге аким олгъан олармы?»** (эт-Тур, 35-37) аетине кельдикче юрегим эйджандан не-реде исе учаджакъ эди» (Бухари, Тефсир 52)

Мухаммед -салляллаху алейхи ве селлем-нинъ пейгъамберлигининъ башларында, шиир мусабакъасында шиири биринджи сайланып Кябенинъ дуварында асылы олгъан Имри-уль Къайснынъ къыз къардашы аятта эди. Кендисине Къурани Керимден бир къач ает окъудылар. Буны динълеген ве белягъатнынъ не демек олгъаныны бильген бу къадын:

«-Бу бир инсан сезю оламаз. Эгер ер юзюнде бойле бир сёз бар исе къардашымнынъ шиири Кябенинъ дуварында асылы турмасы догъру дегильдир. Оны эндирип о ерге бу сёзни асмакъ керек» демек межджбуриетинде къалды ве къардашынынъ къасидесине кенди эллери иле Кябе дуварындан эндириди. Ондан башкъа асувлы тургъан шиирлерге ич кимсе бир шей айтмагъан сонъ, олар да бирер-бирер эндирильди. (Ахмед Джевет Паша, I, 83. )

Акъылы сагълам инсаннынъ Къуранны садедже динълемеси биле онынъ Хакъ келямы олгъаныны анъламасына етерлидир. Бу себеппе Эфендимиз, биззат Къуранны инсанларгъа эшиттирмек иле вазифели эди. Аети Керимеде:

وَإِنْ أَحَدٌ مِنَ الْمُشْرِكِينَ اسْتَجَارَكَ فَأَجِرْهُ  
حَتَّى يَسْمَعَ كَلَامَ اللَّهِ ثُمَّ أَبْلِغْهُ مَأْمَنَهُ...

**«Ве эгер мушриклерден бири сенден аманлыкъ истесе, Аллахнынъ келямыны эшитип динълегенге къадар, онъа аманлыкъ бер, (мусульман олмаса) оны ишанч ичинде булунаджакъ бир ерге етиштир...»** (эт-Тевбе, 6)

Демек Къуран садасынынъ къулакъларгъа улашмасы, иман нурынынъ къальбке ерлешмесине весиле олмакътадыр.

Къураннынъ ифадесиндеки бу аэнк ве нагъме, ондаки сес низамындан, яни келимелернинъ, арифлернинъ, сукун ве арекелернинъ, узун ве къыска эджаларнынъ энъ уйгъун, тарзда тизилиш услубинден къайнакълангъандыр. Къуран битмек ве тюкенмек бильмеген бир аэнк иле то-





лудыр. Манасы аңламагъанлар биле бу эшсиз сада къаршысында хош-ланырлар<sup>140</sup>.

### Мушриклернинъ Къурангъа Къаршы Тавырлары

Ислям мушриклернинъ бир чокъ нефсаний истеклерине сонъ бере, акъикъаттан, адалеттен, къыямет ве янъыдан тирилип эсап бермектен ве джезадан бахс этмекте эди. Къафирлер бу вазиеттен чокъ раатсыз олдылар. Бундан гъайры Ислям мушриклернинъ табынгъаны иляхларны къабул этмей эди. Бундан башкъа, Варлыкъ Нурынынъ кетиргени «Буюк Хабер» иле Мекке сарсылмагъа башлагъан эди. Небе Суресининъ ильк аетлери, бу дешетли манзараны шойле тасвир этер:

عَمَّ يَتَسَاءَلُونَ عَنِ النَّبَاِ الْعَظِيمِ الَّذِي هُمْ فِيهِ مُخْتَلِفُونَ

**«Бир-бирилеринден нени сорап туралар? Акъкъында ихтиляфкъа тюшкенлери буюк хаберними?»** (эн-Небе, 1-3)

Инсан, Хакъкъа ве акъикъаткъа мейилли яратылгъаны ичюн, билимген шейлерге разылыкъ косътермез. Даима малюмгъа чапар. Бу бакъымдан бильмегени ве билемейджеги шейлер оны чокъ кедерлендирир. Эвельден берли олюм меселеси бешериятни чокъ мешгъуль эткендир.

Бешер тюшонджесинен къавранмасы мумкюн олмагъан бу истикъбалъ акъкъында тюшонджелерни анджакъ вахийнинъ къудрети чезе биллир. Бутюн пейгъамберлернинъ бильхасса Расули Экрем Эфендимизнинъ бергени бу истикъбалъ хабер, тешеккюрлернен, миннетлернен къаршыланмасы керек экенде, айыплы бир такъым кимселер тарафындан къабатлар, акъаретлер ве аджыларнен къаршылангъандыр. Къурейш, Расули Экрем -салляллаху алейхи ве селлем-нинъ хабер бердиги ахирет мевзу-сы узеринде озълерине хас бир фикирде инатлыкънен тургъанлардыр. Ахирет хаберини айрет ве тааджипнен къаршылагъанлардыр.

Къурани Керим ахиреттен, «*небеи азым - буюк хабер*» деп бахс эткендир. Бунынъ себеби ве икмети пек ачыкътыр. Чюнки инсанлар -аят

140 Бунынъ ичюн ки Къурани Керимнинъ окъунмасы биле айры бир илим оларакъ мейдангъа кельди ве о он айры усул узъре окъунды ки буларгъа «Къыраат-и Ашере» де-нильмекте. Эр къыраат усулынынъ да эр мезхепнинъ имамы олгъаны киби, «Къыраат имамы» да бар. Бизим мемлекетимизде «Асым Къыраты» яйгъындыр.



шартлары не олур исе олсун- олюм къаршысында муштерек бир азап ичиндедилер. Бутюн аят ёлларынынъ айлана-айлана олюм уфукларындан гъайыб олуш хусусиети имансыз гонъюллерни теренден-теренге сызлатыр. Яшагъанлар ичюн олюмден эмиетли адисе олмагъаны ичюн бунъа даир хабернинъ де энъ эмиетли хаберлер олмасы керек. Буны лайыкълыкънен къаврамагъанлар, кечиджи ниметлерни быракъкъанлардыр, яланджы истикъбальден керчек ве эбедий истикъбальге ёнельгенлердир. Олюмден ибрет алынмайып яшангъан аят, къаранлыкъ бир мусибет алектен фаркъсыздыр. Саадет йылдызы, анджакъ гузель яшангъан бир аятнынъ сонъында кельген олюмле догъар. Бундан долайдырки Ислям дини, олюмни эр анъ хатырламакъны ве онъа къаршы азырлыкълы олмакъны акъыл ве мантыкъ къабулы сайып тевсие эткендир.

Къураннынъ, ахирет ве олюм киби авеслерге къаршы беянларындан раатсыз олгъан къафирлер, Пейгъамбер Эфендимизден оны хошларына кетеджек шекильде деньиштирмесини истедилер. Варлыкъ нуруна келерек:

«-Бизге, ичинде Лат ве Узагъа ибадетини терк этмемизни эмир этмеген бир Къуран кетир. Эгер Аллаһ санъа бойле бир Къуран эндирмесе, Сен бойле бир Къуран озюнден сёйле, я да Аллаһынъдан санъа кельгенини бу шекильде деньиштир; азаб аети ерине рахмет аети къой, харамнынъ ерине эяллы, эялнынъ ерине арамны къой!» дедилер.

Бу кимселер акъкъында шу аети кериме назиль олды:

وَإِذَا تُتْلَىٰ عَلَيْهِمْ آيَاتُنَا بَيِّنَاتٍ قَالَ الَّذِينَ لَا يَرْجُونَ لِقَاءَ نَا أَتَيْتَ بِقُرْآنٍ غَيْرِ هَذَا أَوْ  
بَدَّلَهُ قُلْ مَا يَكُونُ لِي أَنْ أَبَدِّلَهُ مِنْ تِلْقَاءِ نَفْسِي إِنْ أَتَّبِعُ إِلَّا مَا يُؤْتَىٰ  
حَىٰ إِلَيَّ إِنِّي أَخَافُ إِنْ عَصَيْتُ رَبِّي عَذَابٌ يَوْمٍ عَظِيمٍ

«Оларгъа аетлеримиз ачыкъ-ачыкъ окъулгъан вакъытта (ольгенден сонъ), бизге къавушмакъны беклемегенлер: Я бундан башкъа бир Къуран кетир, я да буны деньиштир! дедилер. Де ки: Оны озьлюгимден деньиштирмем, мен ичюн оладжакъ шей дегиль. Мен, манъа вахий олунгъандан башкъасына уймам. Чюнки, Раббиме



**исъян этсем, эльбетте буюк куннинъ азабындан къоркъарым.»** (Юнус, 15) (Вахидий, с. 270, Алюси, XI, 85)

Мушриклер не япаджакъларыны шашыргъан эдилер. Мусульманларгъа япылгъан эзиетлер куньден-куньге артмакъта, Меккеде аят, зорлугъына даянылмаз бир алгъа кельген эди. Бунынъ узерине башкъа мусульманлар киби Азрети Эбу Бекир де хиджрет этмек узьре Расулюллах -салляллаху алейхи ве селлем- Эфендимизден изин истеген ве кендисине изин берилиндже, Хабешистангъа догъру ёлгъа чыкъкъан эди.

Бир эки кунь кеткен сонъ Къаре къабилесининъ реиси Ибн-и Дегине иле къаршылашты.

О дедики:

«-Эй, Эбу Бекир! Сенинъ киби бир зат не юртындан чыкъар не де чыкъарылып. Валлахи, сен Къавмининъ ве къабиленинъ зийнетисин! Эйилик этерсинъ, акърабаларынъны имае этерсинъ, ишлерини япмагъа кучълери етмегенлернинъ юкюню ташырсын! Кери къайт, сен меним имаемдесинъ» деди.

Азрети Эбу Бекир де Ибн-и Дегине иле бирликте Меккеге къайтты. Меккеге кирдиклери заман, Ибн-и Дегине имаесини бутюн Къурейшлилерге илян этти.

Бунъа къаршылыкъ Къурейшлилер Ибн-и Дегинеге шу шартны иле-ри сюрдюлер:

«-Эбу Бекирге сёйле, Раббине ибадетини эвининъ ичинде япсын! Эвинде истегени къадар намаз къылсын, Къуран окъусын, факъат эвинден башкъа ерде ачыкътан намаз къылып Къуран окъуяракъ бизни раатсыз этмесин! Чюнки биз, къадынларымызны ве балаларымызны мефтюн этер деп эндишеленмектемиз» дедилер.

Ибн-и Дегине мушриклернинъ бу истеклерини Азрети Эбу Бекирге сёйледди. О да мувафакъат эйледи Эвининъ огюнде бир намазгях<sup>141</sup> япты. О ерде намаз къылып Къуран окъумагъа башлады. Йымшакъ къальбли ве юфкъа юрекли бир зат олгъаны ичюн Къурани Керимни окъугъанда кедерленир, козь яшларыны тутамаз эди. О Къурани Керим окъугъанда мушриклернинъ балалары ве къадынлары башына топланып айретлик-

141 **Намазгях** - Намаз къылынган ер.



нен динълей эдилер. Бу ал Къурейш мушриклерини къоркъутты. Бунинъ узерине Ибн-и Дегинеге мураджаат этип Азрети Эбу Бекирининъ бойле япмамасыны я да узеринде олгъан имаесини токътатмасыны истедилер.

О да:

«-Эй Эбу Бекир, я эвинъде отурып сесини чыкъарма я да меним има-  
емден чыкъкъаныны илян эт» деди.

Бунинъ узьре Азрети Эбу Бекир Сыддыкъ шу теслимиет толу дже-  
вабны берди:

«-Мени имаенъден чыкъар. Манъа Аллахнынъ имаеси етер.» (Бухари,  
Менакъыб-уль Энсар, 45; Ибн-и Хишам, I, 395-396)

Арап джемиети, эдебиятны севгени ичюн темиз ве эдебий бир къо-  
нушмадан чокъ тесирленир ве онъа чокъ буюк истек косътере эдилер.  
Ойлеки ялынъызджа бир бейит, базыларыны коклерге чыкъаргъанда ба-  
зыларыныда ернинъ тюбине кечирмек ичюн етерли ола эди. Мушриклер  
озьлерини биле сиирлеген Къуран услубининъ чокъ тесирли олмасыны  
дикъкъаткъа алып ве инсанларнынъ Къуран сеси эшитмемеси ичюн ша-  
мата япа эдилер, я да оны окъумагъа ясакълай эдилер. Дженабы Аллах  
буны шойле бильдирир:

وَقَالَ الَّذِينَ كَفَرُوا لَا تَسْمَعُوا لِهَذَا الْقُرْآنِ وَالْغَوْا فِيهِ لَعَلَّكُمْ تَغْلِبُونَ

**«Инкяр эткенлер: Бу Къуранны динълеменъиз, окъулгъаны  
заман да гурюльти япынъ. Бельки устюн келирсинъиз, дедилер.»**  
(Фуссылет, 26)

Варлыкъ Нуры къавмининъ япкъаны яманлыкъларгъа бакъмайып,  
кенед еларгъа Ислямны анълатмагъа ве хайыргъа давет этмеге девам эте  
эдилер. Мушриклер исе араплардан Хадж, Умре я да башкъа бир макъсат-  
нен Меккеге кельгенлерни шеэрнинъ тышында къаршылап, Пейгъамбер  
эфендимизге якълашмамаларыны ве Онынъ айткъанларыны динълеме-  
мелери ичюн оларны тенбилей эдилер. Аллах Расулине дели ве сиирбаз  
киби, озьлерининъ биле инанмадыкълары, бир чокъ ифтиралар атып,  
оларны къоркъута эдилер.



Туфейл бин Амр<sup>142</sup> Меккеге кельгени заман, Къурейшнинъ буюкле-ринден базылары онынъ янына барып:

«-Эй Туфейл! Сен шаирсинъ ве къавминъ арасында сайгъы корь-ген бир адамсынъ. Мемлекетимизге кельдинъ амма, арамызда чыкъкъан шу адамгъа дикъкъат эт! Онынъ вазieti бизни сыкъынтыгъа тюшюр-ди. Джемиетимизни ве ишимизни дарма дагъын этти. Сёзю сиир киби тесирли олып инсаннынъ бабасы, къардашы ве апайынен арасыны ача. Башымызгъа кельген бу алынынъ, сенинъ ве къавмининъ башына да кельмесинден къоркъамыз. Онынънен асла лаф этме ве ондан ич бир шей динълем!» - деп насиятта булундылар.

Бу телькинлернинъ тесиринде къалгъан Туфейл озь-озюне, Расулюллах -салляллаху алейхи ве селлем-ден бир шей динълемемеге ве ондан ич лаф этмемеге къарар берди. Атта, Месджиди Харамгъа баргъан-да, Варлыкъ Нурынынъ айткъанларыны эшитмек ичюн къулакъларына памукъ тыкъады:

«-Языкълар олсын манъа! Мен акъыллы ве шаир бир кишийим. Сёзинъ гузелини де чиркинини де яхшы билирим. О алда шу адамнынъ айткъаныны динълемемде не яманлыкъ ола билир? Гузель исе къабул этерим, чиркин исе къабул этмем» - деди ве о ерде бекледи. Расулюллах -салляллаху алейхи ве селлем- о ерден айырылып эвине кеткенде о да аркъасындан кетти ве:

«-Я Мухаммед! Къавминъ манъа Сенинъ акъкъынгда бойле-бойле деди. Мени о къадар къоркъуттыларки сёзюнъни эшитмейим деп къу-лакъларыма памукъ биле тыкъадым. Сонъра Аллахнынъ ярдымындан сёзюнъни динълемеге муваффаъ олдым. Сен шу даваны манъа бир анъ-латса!»- деди.

Туфейл девамында шойле дер:

142 **Туфейл бин Амр эд-Девси** - радиаллаху анх-; шерефли, акъыллы, шаир ве мусафир-первер бир зат эди. Къапысы, кельген эр кеске ачыкъ эди. Ачларны тойдурып, озюне сыгъынгъан кишини къорчалар ве ярдым истегенге де ярдым этер эди. Пейгъамбер-ликнинъ 10-нджы йылында мусульман олгъан сонъ, Расулюллах -салляллаху алейхи ве селлем- Мединеге хиджрет эткенге къадар, Девс къабилесини Исламгъа давет эткен-дир. Емаме дженкинде, буюк бир къараманлыкъ косътердиктен сонъра о ерде шехид олгъандыр.



«-Расулюллах -салляллаху алейхи ве селлем- манъа Ислямны анълат-ты, Къуран окъуды. Валлахи мен ич бир вакъыт Къурандан даа да гузель бир сёз, Ислямдан даа гузель бир дин эшитмеген эдим! Аман мусульман олып Аллаһтан башкъа ич бир Илях олмагъанына шаатлыкъ эттим!»

Туфейл -радиаллаху анх-, Пейгъамбер Эфендимизинъ янында бир къач кунъ къалдыкътан сонъра изин истеди ве теблигъ ниетинен къабилесине къайтты. Инсанларгъа делиль оларакъ къулланабиледжеги бир керамети олмасы ичюн Расули Экрем Эфендимизден Аллаһа дуа этмесини истеди. Аллаһ Расулюнинъ дуасы берекетинден, башта эки козюнинъ арасында ышыкъ киби бир нур пейда олды. Сонърада озъ истегинен бу нур, юзюнден айырылып асасынынъ уджуна кечти. Бу шекильде къавмининъ янына къайтып шахит олып ольгендже теблигъ ве джихатнен мешгъул олды. (Ибн-и Хишам, I, 407-408; Ибн-и Сад, IV, 237-238)

Туфейл -радиаллаху анх-нынъ даветине ильк иджабет эткен киши, энъ чокъ хадис ривает эткен намлы сахаби Эбу Хурейре Азретлери олгъандыр. (Ибн-и Хаджер, *эль-Исабе*, II, 226).

Къуранни Керим къаршысында бу къадар ярамай даврансалар биле мушриклер вижданларынен баш-баша къалгъанлары вакъыт акъикъаткъа теслим ола эдилер, Къуранны сакълы сакълы динълей эдилер. Бу сефер де башкъа бир маначыкъ тапып:

وَقَالُوا لَوْلَا نُزِّلَ هَذَا الْقُرْآنُ عَلَى رَجُلٍ مِّنَ الْقَرِيبَيْنِ عَظِيمٍ

**Бу Къуран эки шеърден бир буюк адамгъа эндирилъсе олмаз эдими?** (эз-Зухруф, 31)

Азрети Пейгъамбер -салляллаху алейхи ве селлем-ни акъ Пейгъамбер ве Къуранни Керимни де акъ китаб оларакъ вижданларынен къабул эттиклерни алда нефислери тасдикъ этмелерине мани ола эди. Къураннынъ Аллаһнынъ китабы олгъаныны къабул этелер, факъат -Аллаһ къорусун- Аллаһнынъ ирадесинде ве такъдиринде янълышлыкъ коре эдилер. Къуранны я Меккенинъ зенгинлеринден Велид бин Мугъйиреге, я да Таифнынъ зенгинлеринден Амр бин Умейрге эндирилъмеси керек эди, дейлер. Велид бин Мугъйире шойле деген эди:



«-Къурейшнынъ буюгу ве эфендиси олгъан мен, я да Сакъифнинъ буюгу Амр бин Умейр тургъанда, Къуран Мухаммедге энеджек ми?!...»  
(Ибн-и Хишам, I, 385)

Албуки Аллаһ къатында къыймет, зенгинлик я да сойлулукънен дегиль, такъванендыр. Къалдыки, Азрети Мухаммед, сой тарафтанда оларнынъ энъ шерефлиси эди. Ялынъыз анадан ве бабадан оксюз къалгъан эди, зенгин де дегиль эди.

### Расулюллахкъа ве Къурангъа къаршы сучламалар

Расулюллах -салляллаху алейхи ве селлем-ге къаршы не япсалар да кучъсюз къалгъан мушриклер, бу кереси де онынъ умми олгъаныны яни окъума язма бильмегенини биле-биле, Къуранны христиан бир къулдан огренгенини айтаджакъ къадар ахмакълаштылар. Ич тюшюнмез эдилер ки, бойле юдже бир диннинъ темелини къурабиледжек бир къул, бу шерефни башкъасына къаптырыр эди ми? Эм де о вакъыткъаджа христиан оларакъ къалыр эди ми?

Бу ерсиз сучламанынъ джевабыны Къурани Керим шойле берген-дир:

وَلَقَدْ نَعْلَمُ أَنَّهُمْ يَقُولُونَ إِنَّمَا يُعَلِّمُهُ بَشَرٌ لِّسَانُ الَّذِي يُلْحِدُونَ إِلَيْهِ  
أَعْجَمِيٌّ وَهَذَا لِسَانٌ عَرَبِيٌّ مُبِينٌ

«Шубесиз, биз оларнынъ: «Къуранны онъа бир инсан огрете», дегенлерини бильмектемиз. Озьлерине нисбет эткен шахысларнынъ тили ябанджыдыр. Албуки, бу (Къуран) ап-ачыкъ бир арапчадыр.»  
(эн-Нахль, 103)

وَمَا كُنْتَ تَتْلُو مِنْ قَبْلِهِ مِنْ كِتَابٍ وَلَا تَخُطُّهُ بِيَمِينِكَ إِذَا لَأَزْتَابَ الْمُبِطُلُونَ

«Сен бундан эвель не бир язы окъур, не де элинънен оны язар эдинъ. Ойле олса эди, батылгъа уйгъанлар шубе дуяр эдилер.» (аль-Анкебут, 48)

Айрыджа Аллаһ Таала, мушриклернинъ сучламаларынынъ тесиринде къалмамасы ичюн Расулине де шойле буюра эди:

فَذَكِّرْ فَمَا أَنْتَ بِنِعْمَةِ رَبِّكَ بِكَاهِنٍ وَلَا مَجْنُونٍ أَمْ يَقُولُونَ شَاعِرٌ نَتَرَبَّصُ بِهِ رَبُّنَا  
الْمُنُونِ قُلْ تَرَبَّصُوا فَإِنِّي مَعَكُمْ مِنَ الْمُتَرَبِّصِينَ

«(Расулим!) Сен огют бер. Раббининъ лютфи иле сен не бир кяхинсинъ, не де бир дели. Ёкъса, олар: (О, ) бир шайрди; онынъ заман феякетлерине огъравыны беклемектемиз дейлерми? Де ки: Бекленъ. Мен де сизнен берабер беклегенлерденим.» (эт-Тур, 29-31)

قَالَ الَّذِينَ كَفَرُوا لِلْحَقِّ لَمَّا جَاءَهُمْ هَذَا سِحْرٌ مُّبِينٌ أَمْ يَقُولُونَ افْتَرَاهُ قُلْ إِنِ  
افْتَرَيْتُهُ فَلَا تَمْلِكُونَ لِي مِنَ اللَّهِ شَيْئًا هُوَ أَعْلَمُ بِمَا تُفِيضُونَ فِيهِ  
كَفَىٰ بِهِ شَهِيدًا بَيْنِي وَبَيْنَكُمْ وَهُوَ الْغَفُورُ الرَّحِيمُ

«Ёкъса, «Оны уйдурды»мы демектелер. Де ки: Эгер мен оны уйдургъан исем, Аллаһ тарафындан манъа келеджек шейни узакълаштырмагъа кучюньиз етмез. О, сизнинъ Къуранъ акъкъында якъкъан ифтираларынъызны даа яхшы билир. Меннен сизнинъ аранъызда шаат оларакъ О етер. О, багъышлайыджы, мерхаметлидир. Аетлеримиз оларгъа ачыкъча окъулгъан вакъытта, акъкъат озълерине кельгенде, оны инкяр эткенлер: «Бу, ап-ачыкъ бир тылсымдыр», дедилер.» (эль-Ахкъаф, 7-8)

Мушриклер, догъру ёлгъа кирмеге истемегенлери ичюн Аллаһ Расулине ве Къурангъа къаршы чешит тюрлю сучламалар тапмакътан чекинмез эдилер. Факъат акъкъатны да биле эдилер. Меселя Къурейшнинъ буюклери, мусульманлыкънынъ Мекке тышына ташып яйылмасындан раатсызлыкъкъа къапылып Велид бин Мугъйиренинъ янында топлангъан эдилер. Араларында:

«-Меккеге кельген къабилелерге Мухаммед акъкъында не айтайыкъ?» дедилер.

Велид, Азрети Пейгъамбер -салляллаху алейхи ве селлем-нен корюшкен, Ондан Къурани Керим динълеген эди. Шойле деди:

«- Мен шиирнинъ эр тюрлюсини билирим. Меним Ондан динълегеним шиир дегиль эди. Шиирден даа устюн бир сёз эди. О сёзлер, уйдурма





да дегильди. Чюнки ойле бенъзерсиз белягъат, юксек эдебият ве гузель аэнкни, мен даа эвель ич бир сёзде эшитмедим. Кахин сёзлерине исе ич бенъземез эди. Дели сёзю де дегиль... Мен Онда делиликнен алякъялы ич бир алямет биле корьмедим. Биз Онъа сиирбаз да айталмамыз, чюнки окъып уфлемей, туюм багъламай, онынъ ичюн сиирбазларгъа бенъзеген бир тарафы да ёкъ!»

Бу сёзлерден сонъра Велид, озь бозукъ ниетлерине илля бир чыкъыш ёлу тапмакъ ичюн де шу ачыкъламада булунды:

«- Анджакъ О, кърдашны кърдаштан айыра. Акъраба арасына айрылыкъ урлугъыны эке. Бу себептен сёзю де сиир ве джадылыкътан башкъа бир шей дегильдир!» (Ибн-и Джевзи, VIII, 403-404; Хаким, II, 550; Вахиди, с 468)



Къурани Керим акъкъындаки сучламаларында мувафакъиетке къазнамагъан мушриклер, бу кере де Азрети Пейгъамбер -салляллаху алейхи ве селлем-нинъ мубарек шахсыны нишан алдылар.

Аллах Расули -салляллаху алейхи ве селлем-нинъ огълу Къасымнынъ, эки яшында олгъанда вефат эткенини фырсат билип Ас бин Ваильнынъ агъзындан Онъа «эбтер» дедилер. Яни сою кесик, несли биткен, тюкенген деп устюнден куле эдилер. Бойле этип инсанларнынъ козюнден тюшюрип, Онынъ, гонъюллердеки тесирини ёкъ этмек истедилер.

Анджакъ бунда да мувафакъ олмадылар. Кевсер суреси, юзлерине бир шамар киби урды:

إِنَّا أَعْطَيْنَاكَ الْكَوْثَرَ فَصَلِّ لِرَبِّكَ وَانْحَرْ إِنَّ شَانِئَكَ هُوَ الْأَبْتَرُ

**«(Расулим!) Шубесиз, биз санъа Кевсерни бердик. Шимди сен Раббинъе къуллыкъ эт ве къурбан чал. Аслы сонъу кесильген, шубесиз санъа богъуз кутюджидир.»** (эль-Кевсер, 1-3)

Бу аеттен анълашылгъанына коре, Аллаһ Расули -салляллаху алейхи ве селлем-ге къайсы вакъытта ве не ерде олса олсун, кин ве душманлыкъ якъанларнынъ ортакъ сыфаты «эбтерликтир». Онъа бедевий демеге къалкъышкъан ахлякъсызлар, О юдже инсангъа озь алчакълыгъыны ёнетмеге чалышкъан ахмакълар, кетиргени динге бир «чёлъ къануну»



деген заваллы инсанлар, эп насипсиз, несильсиз ве сою кесильген киши-лердир.



Аллаһ Расулини -салляллаху алейхи ве селлем-ни чекемегенлер, огдеки пейгъамберлерде олгъаны киби, кибирли идареджилер ве шыма-рыкъ зенгинлер тайфасыдыр. Аллаһ Таала буюрыр:

وَمَا أَرْسَلْنَا فِي قَرْيَةٍ مِّنْ نَّذِيرٍ إِلَّا قَالَ مُتْرَفُوهَا إِنَّا بِمَا أُرْسِلْتُمْ بِهِ كَافِرُونَ وَقَالُوا  
نَحْنُ أَكْثَرُ أَمْوَالًا وَأَوْلَادًا وَمَا نَحْنُ بِمُعَذَّبِينَ

«Биз анги улькеге бир тенбиджи ёллагъан олсакъ, мытлакъа о ернинъ Варлыкълы ве къопайчоралары: Биз сизге ёлланылгъан шейни инкяр этмектемиз, дегендилер. Ве дедилер ки: Биз мал ве эвлят тарафындан даа зенгинмиз, биз азапкъа огъратыладжакъ да дегильмиз.» (Себе, 34-35)

وَلَا تُطِيعُ كُلَّ حَالِفٍ مَّهِينٍ هَمَّازٍ مَّشَاءٍ بَنَمِيمٍ مَّنَاعٍ لِلْخَيْرِ مُعْتَدٍ أَثِيمٍ عُتُلٌّ بَعْدَ  
ذَلِكَ زَنِيمٍ أَن كَانَ ذَا مَالٍ وَبَنِينَ إِذَا تُتْلَىٰ عَلَيْهِ آيَاتُنَا قَالَ أَسَاطِيرُ الْأَوَّلِينَ

«(Расулим!) Чокъ емин эткен, менфур, даима къусур къыдырып, тенкъит эткен, токътамадан лаф ташыгъан, яхшылыкълъа эп мани олгъан, теджавузкяр, гуняхкъа татынгъан, къаба ве серт, бутюн бу-лардан сонъ, бир де сойсызлыкълъен тамгъалангъан кимселерден ич бирине, малы ве огъуллары бардыр деп, сакъын боюн эгме. Онъа аетлеримиз окъулгъан вакъытта о: «Эвелькилернинъ масаллары!», дер.» (эль-Къалем, 10-15)

Озю акъкъында Теббет суреси энген Эбу Лехеб:

«-Мени башкъаларынен бир туткъан дин, олмаз олсун!..» деп айта эди.

Азрети Пейгъамбер -салляллаху алейхи ве селлем-нинъ ве Ислямнынъ энъ буюк душманларындан олгъан Эбу Джехиль де шойле айта эди:



ПЕЙГЪАМБЕРЛИКНИНЪ ДЁРДЮНДЖИ СЕНЕСИ

«-Мухаммеднинъ айткъанларыны догъру олгъаныны билемиз! Факъат шимдиге къадар Онынъ къабилеси не япкъан олса, биз де яптыкъ, олардан аркъада къалмадыкъ. Шимди исе олар: «Ичимизде бир пейгъамбер бар!» деп макътаналар. Биз арамыздан насыл онынъ киби бир пейгъамбер чыкъарабилирмиз? Бу мумкюн дегиль!.. Онынъ ичюн мен, Мухаммеднинъ пейгъамберлигини асла къабул этемем!..» (Ибн-и Кесир, *эль-Бидае*, III, 113)

Бойле деген Эбу Джехиль, душманлыгъы себебинен бир кересинде шойле деди:

«-Эгер Онынъ намаз къылгъаныны корьсем, башына басаджакъ-ман!»

Даа сонъ Хареми Шерифте Аллаһ Расули -салляллаху алейхи ве селлем-ни намаз къылгъанда корьди. Сёзюни ерине кетирмек ичюн аман арекетке кечти амма, бирден юзю сарарды, буюк бир къоркъугъа къапылды ве элине алгъан ташны тутамаз олды.

Аркъагъа айланып къачмагъа башлады. Не олгъаныны сорадылар. Теляш ве къоркъу ичинде:

«-Онъа якълашкъаным вакъыт бирден огюме къоркъунч бир деве чыкъты. Ёкъ! Валлахи онынъ киби къоркъунч бир деве шимдигедже асла корьмедим. Аз къалса о мени ютаджакъ эди!» деди. (Ибн-и Хишам, I, 318; Ибн-и Кесир, *эль-Бидае*, III, 92-93)

Чюнки Аллаһ Таала, къулу ве Расули Азрети Мухаммед Мустафа -салляллаху алейхи ве селлем-ни ве Онынънен ёллагъан динини къорчалай, оларны даима устюн къыла эди.

Вазиет бойле олгъанда мушриклер Аллаһ Расулюни чекемей эдилер, Къураннынъ акъикъатине узакъ тура эдилер. Санки иляхий керчеклерден къача эдилер.

Аллаһ Таала буюра:

فَمَا لَهُمْ عَنِ التَّذْكَرَةِ مُعْرِضِينَ كَانَهُمْ حُمُرٌ مُّسْتَنْفِرَةٌ فَرَّتْ مِنْ قَسْوَرَةٍ

**Бойле экен, оларгъа не ола ки, санки арсландан урькип, къачкъан кийик эшеклер киби (аля) огюттен юзь чевирелер?** (эль-Муддесир, 49-51)

Шаир, къафирлерни акъыкътны билип туруп имангъа якълашмадыкъларыны ве бунынъ бир насип меселеси олгъаныны не гузель ифаде этер:

Хидает Сенден олмаса дирает нейлесин Я Раб!

Арапча бильсede бу джаильге ает нейлесин Я Раб!

Анджакъ бу юзь чевирмелер, базы вакъытлар иляхий имтиан кереги оларакъ Аллах Расулине ве муминлерге нисбетен даянылмаз эзietлер ве ишкенджелер шеклинде корюне эди.

### Ишкендже деври

Эбу Талибке яптыкълары теклифлерден бир нетидже аламагъан, Аллах Расули -салляллаху алейхи ве селлем-ден де ич бир къаршылыкъ корьмеген мушриклер, чарени, къоркъутмада булмакъ истедилер. Илыкъ вакъытлар, къабилеси ве къорантасы къалабалыкъ олгъанларгъа токъунамадылар. Чюнки мусульманлар устюндеки бу залымджа давраныш, даа умумий дегиль эди.

Бу сырада мушриклернинъ ишкенджелерине огърагъанлар, даа зияде кимсесиз, къул ве джариелер эди. Оларгъа япылмагъан ишкендже къалмагъан эди санки...

Азрети Хаббаб<sup>143</sup>, къор атешлер устюне яткъызылгъан, атеш, беденинден ириген ягълардан сёнгенге къадар коксюне бастырылып беклетильген эди.

Хаббаб -радиаллаху анх-, демирджи эди; базы мушриклерден де аладжагъы бар эди. Истегени вакъыт онъа:

143 **Хаббаб бин Эрет** -радиаллаху анх- мусульманларнынъ алтындыксыдыр. Мушриклер тарафындан агъыр ишкенджелерге таби тутулгъан джефалы мусульманлардандыр. Корьгени ишкенджелернинъ излерини вефат эткенге къадар сыртында ташыды. Озо Мединеге хиджрет эткен сонъ Бедирден итибарен бутюн дженклерге къатылды. Расулюллах -салляллаху алейхи ве селлем-ден 32 хадис ривает этти. Етмиш яшларында олгъанда 37/657 сенесинде Куфедe вефат этти.



ПЕЙГЪАМБЕРЛИКНИНЪ ДЁРДЮНДЖИ СЕНЕСИ

«-Башта Мухаммедни инкяр эт, сонъ аладжагъынъны берерик!» деп айта эдилер.

Ода, фани дюнья менфаатыны бир кенаргъа быракъып:

«-Мен Оны асла инкяр этмем! Мен Онынънен бераберим!..» деп, эбедий саадетини терджих эте эди.

Чеккени бу чилелерден бирини озю шойле анылатыр:

«-Бир кунъ аладжагъымны истемек ичюн Ас бин Ваильге кеткен эдим:

«-Мухаммедни инкяр этмегендже параны бермейджегим» деди.

Мен де:

«-Сен ольгенге къадар, хатта янъыдан тирильгенге къадар Мухаммедни асла инкяр этмейджегим» дедим.

«-Яни мен шимди оледжегим, сонъ бир даа тирильтиледжегим ойле ми?» деди.

Мен:

«-Эбет» джевабыны бердим.

Ас бин Ваиль:

«-Ойле исе янъыдан тирильтильгеним вакъыт малларым олур да, о вакъыт мен де санъа боруджумы одерим» деди.

Бунынъ узерине шу аетлер назиль олды:

أَفَرَأَيْتَ الَّذِي كَفَرَ بِآيَاتِنَا وَقَالَ لَأُوتِيَنَّ مَالًا وَوَلَدًا . أَطَّلَعَ الْغَيْبَ أَمْ اتَّخَذَ عِنْدَ الرَّحْمَنِ عَهْدًا . كَلَّا سَنَكْتُبُ مَا يَقُولُ وَنَمُدُّ لَهُ مِنَ الْعَذَابِ مَدًّا . وَنَرَاهُ مَا يَقُولُ وَيَأْتِينَا فَرْدًا .

(Расулим!) Аетлеримизни инкяр эткен ве: «Муакъкъакъ суретте манъа мал ве эвлят бериледжек», деген адамны корьдинъми? О гъайбны бильдими, ёкъса, Аллахнынъ къатындан бир сёз алдымы? Къатиен ёкъ! Биз онынъ сёйлегенини язаджакъмыз ве азабыны узаттыкъча узатаджакъмыз. Онынъ дегенине биз варис олурмыз, (малы

ве эвляды бизге кяалыр); **озю де бизге яп-янгъыз келир.** (Мерьем, 77-80) (Бухари, Тефсир 19/3; Муслим, Мунафикъин, 35-36; Тирмизи, Тефсир, 19/3162)

Хаббаб -радиаллаху анх-нынъ саибеси Умму Энмар да онъа ишкендже этмек мевзусына обирлеринден аркъада кяалмаз, атеште къыздыргъан демирнен Азрети Хаббабнынъ башыны тамгъалар эди. Хаббаб -радиаллаху анх-, Пейгъамбер –алейхисселям-гъа келип Умму Энмарны шикает этти. Расулюллах -салляллаху алейхи ве селлем-:

«*Аллаһым! Хаббабкъа ярдым эт!*» деп дуа эттиктен сонъ Умму Энмар башындан бир дертке огърады ве копеклер киби улумагъа башлады. Онъа башыны атешнен тамгъатмасыны тевсие эттилер. Бунынъ узерине Хаббаб -радиаллаху анх- демирни алып, атеште къыздырып онынънен Умму Энмарнынъ башыны тамгъалады. (Ибн-и Эсир, *Усдуль-Гъабе*, II, 115)

Азрети Билял<sup>144</sup> де энъ аджымасыз ишкенджелерге маруз кяалгъанлардан бири эди. Сахаби Умейе бин Халеф, Билялгъа акъылгъа кельмейджек ишкенджелер япа эди. Къызгъын къумларгъа яткъызып, устюне буюк ташлар къояр эди, базы вакъытларда да Мекке сокъакъларында сюреклер эди. Биляли Хабеш -радиаллаху анх-ны бир кунъ бир гедже сувсыз быракътыктан сонъ, онъа темизден бир кольмек кийдирип, шиддетли сыджакънынъ астында къызгъын къумлар узеринде тутар, беденининъ ягъы иригенджеге къадар беклетир эди.

144 **Билял бин Ребах** -радиаллаху анх- Хабеш (Эфиопия) асыллы олгъаны ичюн Биляли Хабеш деп нам къазанды. Меккеде мусульман олгъаныны ачыкъча айткъан ильк еди кишиден бири эди. Анасы Хамаме де мусульман эди. Бу себептен эр экиси де Исламнынъ ильк йылларында чокъ эзиет корьдилер. Хиджретнинъ биринджи йылында ильк сефер эзанны окъумасындан танынгъан Билялы Хабеш -радиаллаху анх-, эвде ве ёлджукъкъа эр вакъыт Пейгъамберимизнинъ муэзинлигини япты. Расулюллах -салляллаху алейхи ве селлем-нен берабер бутюн дженклерге къатылды. Меккенинъ фетх этильген куню, Кябенинъ дамына чыкъып фетх эзаныны окъуды. Аллаһ Расулюнинъ абдест сувуны азырлап, шахсий ихтияджларыны къаршылап, дженклерде геджелери Оны къорчалап, куньдюзлери кольгелеп, дигер девлет ишлерининъ япылмасында ярдым эте эди. Расулюллах -салляллаху алейхи ве селлем- вефат эткен сонъ бир даа эзан окъумады. Азрети Омернинъ халифелиги вакъытында Меккеден айырылып Сириядаки дженклерге къатылды. О ерде Билял -радиаллаху анх-нынъ эзан окъумасы ичюн халифеге мураджаат эттилер. Халифенинъ истеге узерине Билял бир кере эзан окъуды. Расулюллах -салляллаху алейхи ве селлем-нинъ яшагъаны куньлерни хатырлагъан мусульманлар козь яшына богъулдылар. Биляли Хабеш Пейгъамбер Эфендимизден кыркъ дёрт хадис ривает этти. Бу Расулюллахкъа ашыкъ олгъан сахаби, алтмыш яшында Дамашкъта вефат этти.



Мушриклер Билял -радиаллаху анх-къа эр тюрлю ишкенджени япсар да истедиклери шейни сёйлетемедилер, о даима:

«-Эхад, Эхад, Эхад (Аллаһ бир, Аллаһ бир, Аллаһ бир)!» деп айта эди. (Ахмад, I, 404; Ибн-и Сад, III, 233; Белязури, I, 186)

Мусульманларнынъ башларына кельгенлер ялынъыз эзиетлер дегиль эди. Аммар –радиаллаху анх-нынъ бабасы Азрети Ясир<sup>145</sup> мушриклернинъ сёйлетмек истедиклери шейлерни сёйлемеди ве оларнынъ ишкенджелеринен шехид олды.

Анасы Азрети Сумейе де, вахшийдже ишкенджелерге маруз къалган сонъ бир аягъы бир девеге, дигер аягъы да дигер девеге багъланып аджымасызджа парчаланды, къоркъунчлы бир шекильде шехид этильди.

Бойлеликнен Ясирнинъ къорантасы -радиаллаху анхум- Ислямнынъ ильк шехитлери олдылар. (Ибн-и Хаджер, *эль-Исабе*, III, 648; Земахшери, III, 164)

Расулюллах -салляллаху алейхи ве селлем- бир кунъ, ишкендже япылганда оларгъа растлады:

«-*Сабыр этинъиз эй Ясир къорантасы, ич шубесиз сизинъ макъамынъыз дженнеттир!*» буюрган эди. (Хаким, III, 432, 438)

Азрети Аммар<sup>146</sup> да, нижде ишкендже ве эзиетлер коръди.

Къурейш мушриклери, Аммарны бир кунъ тутып, башыны къуюнынъ ичине батырып:

«-Мухаммедке акъарет этип, Лат ве Уззаны макътагъанджагъа къадар сени быракъмайджакъмыз!» дедилер ве сонъунда буны сёйлеттилер.

Аллаһ Расулине:

«-Я Расулюллах! Аммар кяфир олгъан!» деп хабар берильди.

Пейгъамберимиз -салляллаху алейхи ве селлем- Эфендимиз:

145 Ясир бин Амир, Йеменден келип Меккеге ерлешкен ве Эбу Хузейфенинъ къулу Сумейе Хатунла эвленген бир зат эди. Бу къадындан, Аммар ве Абдуллах адында эки огълу дюньягъа кельди. (Ибн-и Сад, IV, 136, VIII, 264) Ясир къорантасы топлуджа мусульман олгъан эдилер. Оларны дининден дёндюрмек ичюн чешит тюрлю ишкенджелер япылган эди.

146 Аллаһ Расули -салляллаху алейхи ве селлем-: «*Дженнет учъ кишиге - Али, Аммар ве Сельмангъа къавушмакъны арзу этер.*», «*Аммар, даима озюне арз этильген шейнинъ энъ догърусыны сайлар.*» буюрып бу гузель сахабесининъ фазилетини беян эткен эди. (Тирмизи, Менакъыб, 32, 34; Ибн-и Мадже, Мукъаддима, 11).

«-Ёкъ! Аммар, тепеден тырнакъкъа къадар иманнен толудыр! Иман онынъ этине ве къанына кечкендир!» буюрды.

О сырада Аммар -радиаллаху анх- Пейгъамбер Эфендимизнинъ янына кельди, агълай эди...

Алемлерин Эфендисини онынъ козьяшларыны эллеринен сильгенде:

«-Санъа не олды?» деп сорады.

Аммар -радиаллаху анх-:

«-Я Расулюллах! Мен санъа акъарет этмегендже, путларнынъ да Сенинъ дининъден даа да яхшы олгъаныны сёйлемегендже быракъмадылар!» деди.

Расулюллах -салляллаху алейхи ве селлем-:

«-Сен буларны сёйлегенде къальбинъ насыл эди?» деп сорады.

Аммар:

«-Къальбим Аллаһкъа ве Расулине иманнынъ раатлыгъы ичинде, диниме багълылыгъым да демирден даа да сагълам эди!» деди.

Бунынъ узерине Расулюллах -саллалаху алейхи ве селлем- бир тарафтан онынъ козьяшларыны силип дигер тарафтан да:

«-Эй Аммар! Эгер олар бир даа бу сёйледиклерини текрарлатмакъ ичюн сени зорласалар, текрар сёйле!» буюра эди.

Бу олай узерине шу аети кериме назиль олды:

مَنْ كَفَرَ بِاللَّهِ مِنْ بَعْدِ إِيمَانِهِ إِلَّا مَنْ أُكْرِهَ وَقَلْبُهُ مُطْمَئِنٌّ بِالْإِيمَانِ وَلَكِنْ مَنْ شَرَحَ  
بِالْكُفْرِ صَدْرًا فَعَلَيْهِمْ غَضَبٌ مِنَ اللَّهِ وَلَهُمْ عَذَابٌ عَظِيمٌ

«Тиллерингиз уйдургъан ялангъа базанып: «Бу эялдыр, шу да арамдыр», деменгиз, чюнки, Аллаһкъа нисбетен ялан уйдургъан олмакътасынгыз. Шубесиз, Аллаһкъа нисбетен ялан уйдургъанлар къуртулышкъа иришалмазлар.» (эн-Нахль, 106) (Ибн-и Сад, III, 249; Ибн-и Эсир, эль-Кямиль, II, 67; Хейсеми, IX, 295; Вахиди, с. 288-289)





Бу адисе имангъа терс бир сёзнинъ анджакъ бойле олюм телюкеси олгъаны вакъыт айтылабиледжегине, бунынъ тышында исе джаиз олмагъанына дини бир делильдир.

Азрети Сухейб<sup>147</sup> -радиаллаху анх-ны да байылынджагъа къадар котекледилер.

Зиннире Хатун исе мушриклер тарафындан бинъ-бир тюрюлю эзиет ве ишкендже корьген бир ханым къул эди. Эбу Джехильнинъ япкъаны эзиетлерден сонъ кёр олгъан эди.

Эбу Джехиль:

«- Корьдинъ ми? Лат ве Узза сенинъ козюни кёр этти!» деди.

Зиннире Хатун:

«-Ёкъ! Валлахи, меним козюмни кёр эткен олар дегильдир. Лат ве Узза, не файда не де зарар беребилир. Меним Раббим, козюмни къайтарып бермеге къадирдир!» деди.

Сабах олгъанда, Аллах Тааланынъ, Зиннире Хатуннынъ козьлерини къайтарып бергенини корьдилер. (Ибн-и Хишам, I, 340-341; Ибн-и Эсир, *эль-Кямиль*, II, 69; *Усдуль-гъабе*, VII, 123)

Мусульманларнынъ даа ниджелери бойле сыкъынты ве къыйынчылыкъ ичинде эдилер. Амр бин Фухейре, Эбу Фукейхе, Микъдад бин Амр, Умму Убейс, Нехдие Хатун ве къызы, Любейне Хатун киби Пейгъамбер-салляллаху алейхи ве селлем- Эфендимизнинъ гузель асхабы, акъылгъа кельмейджек ишкенджелер чектилер. Мушриклер оларны, урбасыз

147 **Сухейб бин Синан** -радиаллаху анх-, Сухейби Румий деп нам къазангъандыр. Кучюк яшта, башта Румларгъа сонърада Арапларгъа эсир тюшти. Меккеде Ибн-и Джеданынъ досту оларакъ булунгъанда Аммар бин Ясир -радиаллаху анх-тан Исламны огренип аман мусульман олды. Бутюн мал барлыгъыны мушриклерге берип бинъ бир захметнен Мединеге хиджрет этти. Акъкъында:

وَمَنْ النَّاسُ مَنْ يَشْرِي نَفْسَهُ ابْتِغَاءَ مَرْضَاتِ اللَّهِ وَاللَّهُ رَؤُوفٌ بِالْعِبَادِ

**«Инсанлардан ойлеси бар ки, Аллахнынъ ризасыны алмакъ ичюн, озюни ве малыны феда этер. Аллах да къулларына шефкъатлыдыр».** (эль-Бакъара, 207)

Аллах Расули -салляллаху алейхи ве селлем- оны корьгенде:

« Эбу Яхья! Чокъ къазанчлы ве берекетли бир алыш-вериш яптынъ!»- буюрды. (Хаким, III, 450-452). Окъ атмада буюк бир уста олгъан Сухейб -радиаллаху анх-, Азрети Пейгъамбернен берабер бутюн дженклерге къатылды. Орта бойлу, къырмызы тенли, чокъ джумерт бир инсан эди. Бутюн омюрини Ислам ёлунда буюк федакарлыкъларнен кечирген Сухейби Румий -радиаллаху анх-, хиджретнинъ 38 йылында 73 яшында олгъанда вефат этти ве Мединедеки Баки къабристанына дефн этильди.

олакак аякъларындан зынджырнен багълап сюйреклеп, сыджакънынъ энъ шиддетли олгъаны саатларда чѣльге чыкъарып, узерине буюк къая парчаларыны къойып, шуурларыны гъайып этип не сѣйледиклерини билемез ала кельгене къадар ишкендженинъ эр тюрюсине япа эдилер. Богъазларыны сыкъа эдилер ве ольдюклерини тюшюнгене къадар быракъмаз эдилер. (Ибн-и Мадже, Мукъаддима, 11; Ахмед, I, 404)

Бу вазияте, башта Азрети Пейгъамбер -салляллаху алейхи ве селлем- олмак узере бутюн муминлер кедерлене эдилер. Анджакъ о анда эллеринден бир шей кельмей эди<sup>148</sup>. Ялынъыз алы вакъты еринде олгъан иман абидеси Азрети Эбу Бекир -радиаллаху анх-, ичлеринде Азрети Биалнынъ де булунгъаны еди мусульман къулы саиплеринден сатын алып азат эдерек, оларнынъ аджымасыз ишкенджелерден къуртарды.

Мушриклернинъ ишкенджелери куньден куньге арта, зайыф ве кимсез муминлерден сонъра Аллах Русулы ве янында булунгъан Эбу Бекир, Зубейр бин Аввам, Азрети Осман, Мусаб бин Умейр киби барлыкълы инсанлар да эзиет ве ишкенджелерден насиплерине ала эдилер.

Мушриклер, Меккенинъ аякъ такъымы ве ашагъыларны къышкъыртып Пейгъамбер -салляллаху алейхи ве селлем- Эфендимизге салдырма эте эдилер. Онъа шаирлик, сиирбазлыкъ ве делилик... киби, ич кимсенинъ инанмайджагъы ялан ве ифтираларнен эзиет эте эдилер. (Ибн-и Хишам, I, 309-310)

Абдуллах бин Амр -радиаллаху анх-нынъ озъ козюнен корюп анълаткъанына коре, бир кунь Расули Экрем -салляллаху алейхи ве селлем- Кябенинъ Хиджр къысымында намаз къылгъанда Укбе бин Эби Муайт кельди, Варлыкъ Нуруны богъмакъ ичюн урбасыны бойнуна сарып шиддетле чекмеге башлады. Азрети Эбу Бекир етишип омузындан тутып оны узакълаштырды ве:

148 Мехмет Акиф, Пейгъамбер Эфендимиз мусульманларгъа эзиет берильмесинден буюк бир кедер дуйгъаныны ифаде этип шойле дер:

*Ич сыкъылмайсынъызмы Азрети Пейгъамберден  
Ки узакътаки бир муминни ынджытса тикен  
Къальби пакинде дююр экен о мусибеттен аджджы  
Сизден эльбетте олур Рух-у Неби даваджы.*

Бу себептен бир муминни эр анги бир шекильде джан агъыртмакънынъ Расуллаллакъа адджы бергенини тюшюнип арекет этмели, акъсызлыкъ япмакъ, ошек айтмакъ, къальп къырмакъ киби эр тюрюк къырыджы давраныштан узакъ турмалыдыр.



«-Раббинъизден апачыкъ делиллернен кельген бир кишини «Раббим Аллаһ» дегени ичюн ольдюрджексинъизми?» деди. (Бухари, Тефсир, 40)

Кене бойле бир адисени Ибн-и Месуд -радиаллаху анх- шойле анъ-латыр:

«Бир кунь Расулюллах –салляллаху алейхи ве селлем- Кябеде намаз кыла эди. Эбу Джехиль ве аркъадашлары да о ерде эдилер. Бир кунь огюне бир деве союлган эди. Эбу Джехиль аркъадашларына:

«-Фаланджа къорантанынъ сойгъаны девенинъ ишкембесини ким кетирип, седждеге баргъаны вакъыт Мухамеднинъ омузларына къояр?» деди.

Анда олганларнынъ энъ бахытсызы сычрап турды ве ишкембени алып Аллаһ Расули седждеге къапангъанынен, онынъ эки омузы арасына къойды. Бунъа эписи кульдилер, атта кейфлеринден бирбирлерининъ устуне эгильмеге башладылар. Мен узакъча бир ерде аякъта туруп оларгъа бакъа эдим. Эгер де мени къорчалайджакъ бир кимсе олса эди, о ишкембени аман аркъасындан алып атар эдим. Расулюллах –салляллаху алейхи ве селлем- седждеде эди, башыны котерип оламай эди. Бу арада бир кимсе барып Азрети Фатмагъа хабер берди. О, даа уфакъ бир кызычыкъ эди. Келип ишкембени мухтерем бабасынынъ аркъасындан ерге атты. Сонъра оларгъа айланып агъыр сёзлер сёйледи. Мушриклер, Фатма –радиаллаху анха-гъа бир шей джевап бермедилер. Варлыкъ нуры намазыны тамамлагъандже сесини юксельтти:

«-Аллаһым, Къуреишини Санъа авале этем!» деди ве буны учъ кере текрарлады.

Мушриклер, Расули Экрем эфендимизнинъ дуасыны эшиткенлеринен кульмеге токътадылар. Онынъ дуасындан къоркъугъа тюштилер. (Чюнки олар, Варлыкъ Нурынынъ дуаларынынъ айны суретте керчеклешкенлерини пек чокъ кере теджрибе эткен эдилер). Сонъра Аллаһ Расули:

«-Эй Аллаһым, Эбу Джехильни, Утбени, Шейбени, Велидни, Умейе бин Халефни, Утбе бин Эби Муайтны Санъа авале этем!» деп адларыны сайды.

Мухаммедни хакъ иле джиберген Аллаһкъа емин этерим ки, Расулюллахнынъ анъгъаны бу адамларнынъ эписини, Бедир куню ерде серилип яткъанларыны коръдим. Даа сонъра исе Бедир къуюсына сюй-



рекленип атылдылар» (Бухари, Саят, 109; Джихад, 98; Джизье, 21; Муслим, Джихад, 107)

Бутюн буларгъа ве дигер залымджа тавырларгъа рагъмен Аллах Расули –салляллаху алейхи ве селлем-, тевхид давасында мушриклернен ич бир шекиль ве суретте узлашувгъа янашмады; дининден тавиз бермедди. Эм де асхабы кирамдан сорай эдилер:

*«Ичингизден ким барып Кябеде мушриклерге Къуран окъур?»*

Бу теклифке джан гонъюльден «Мен, эй Расулаллах» деген Абдуллах бин Месуд, Кябеде мушриклерге Къуран окъугъан ве бу себептен о частсыз залымлар тарафындан пек котекленген эди.

Аркъадашлары:

«-Затен биз сенинъ бу алгъа огъраманъдан къоркъкъан эдик!» дедилер.

О:

«-Шу анда меним назарымда олардан даа зайыф вазиетте олгъан ич кимсе ёктыр! Истерсенъиз мен ярын да кетер, оларгъа текрар Къуран динълетебилирим!» деди.

Аркъадашлары:

«-Ёкъ! Оларгъа бегенмедиклери шейни динълеттин. Санъа бу къада-ры етер!» дедилер. (Ибн-и Хишам, I, 336-337)

Эбу Джехиль, не заман зенгин ве кучлю бир кимсенинъ мусульман олгъаныны эшитсе аман барып онъа акъарет этер:

«-Сен бабанынъ динини ташладынъ я! Албуки, о сенден даа хайырлы эди. Демек сен онынъ фикрини ич саймадынъ, шерефини тюшюрдинъ, ойле ми? Ант олсын ки биз де сенинъ корюшине къыймет бермейджек-миз ве онынъ янълышлыгъыны ортагъа къояджакъмыз. Итибарынъны ёкъ этеждекмиз!» деп техдитлерде булуныр эди.

Эгер мусульман олгъан киши, тиджаретнен огърашкъан бириси исе онъа:

«-Валлахи, сенинъ тиджаретини кесаткъа огъратаджакъмыз, серветинъи батыраджакъмыз!» дер эди. Мусульман олгъан зайыф ве факъыр



бир кимсе исе оны котеклер эди, алдатыджы сёзлернен алдатмагъа ве Ислямдан саптырмагъа тырыша эди.

Бир дефасында Ибн-и Аббас -радиаллаху анх-къа:

«-Расулюллах –салляллаху алейхи ве селлем- ве асхабы мушриклерден, динълерини быракъаджакъ къадар ишкендже корер эдилер ми?» деп суаль берильген эди.

«-Эбет, Валлахи мушриклер якъаладыкълары бир кимсени о къадар котеклер, ач ве сувсыз быракъаракъ ишкендже этер эдилер ки, таякънынъ шиддетинден отурамаз алгъа келир, онъа истедиклери эр шейни сёйлетири эдилер. Онъа:

«-Аллаһтан башкъа, Лат ве Узза да иляхмы?» деп сорарлар, о да:

«-Эбет!» дерди.

Хатта янларындан гечмекте олгъан Джуаль къуртына косътерип:

«-Шу Джуаль да, Аллаһтан башкъа иляхмы?» деп сорарлар, о да япылгъан агъыр ишкенджене къуртулмакъ ичюн:

«Эбет!» дер эди.

Айылып эси башына кельгенде исе, тевхидке къайтыр эди.» деди. (Ибн-и Хишам, I, 339-343; Ибн-и Сад, III, 233; Ибн-и Кесир, эль-Бидае, III, 108)

Бутюн бу зулым нумайышлары –накъиль эттиклеримиз ве накъиль этип оламагъанларымызнен бирликте- эйидже тюшюнип «Ислям» нийметининъ бинълердже инсанынъ нидже эзиетлерге къатланмасы саесинде бизге къадар келип еткенини ве асла тавиз берильмегенини анъламылы, онынъ къыйметини такъдир этмелимиз.



Аллаһ Таала тилеген олса Ислямнынъ инкишаф этип яйылмасыны къолайлаштырыр ве мусульманларгъа ич бир мешакъкъат чектирмеге билирди. Лякин о заман бу ёлгъа башыны адагъанларнынъ самимилиги ортагъа чыкъмаз, сабит олмаз эди. Эльбетте о вакъыт, мумин иле мунафыкъ, садыкъ иле яланджы бирбиринден фаркъ этильмез эди. Нитеким Аллаһ Таала:

اَلْمُحْسِبِ النَّاسِ اَنْ يُّتْرَكُوْا اَنْ يَقُوْلُوْا اٰمَنًا وَهُمْ لَا يُفْتَنُوْنَ وَلَقَدْ فَتَنَّا الَّذِيْنَ مِنْ



قَبْلِهِمْ فَلْيَعْلَمَنَّ اللَّهُ الَّذِينَ صَدَقُوا وَلْيَعْلَمَنَّ الْكَاذِبِينَ

«Элиф. Лям. Мим. Инсанлар, имтиандан кечирильмеден, тек «Иман эттик» деп айтмаларынен быракъыладжакъларыны мы зан-  
нетилен? Ант олсын ки Биз олардан эвелькилерни де имтиан эттик,  
эльбетте Аллах, садыкъ олгъанларны да яланджы олгъанларны да  
ортагъа чыкъараджакътыр.» (Анкебут, 1-3)

أَمْ حَسِبْتُمْ أَنْ تُدْخِلُوا الْجَنَّةَ وَلَمَّا يَعْلَمِ اللَّهُ الَّذِينَ جَاهَدُوا مِنْكُمْ  
وَيَعْلَمِ الصَّابِرِينَ

«Ёкъса Аллах ичинъизден джихад эткенлерни ве сабыр эткен-  
лерни ортагъа чыкъармадан дженнетке кетеджегинъизни ми зан эт-  
тинъиз?» (Али Имран, 142)

أَمْ حَسِبْتُمْ أَنْ تُدْخِلُوا الْجَنَّةَ وَلَمَّا يَأْتِكُمْ مَثَلُ الَّذِينَ خَلَوْا مِنْ قَبْلِكُمْ مَسْتَهْتُمُ  
الْبَأْسَاءِ وَالضَّرَّاءِ وَزُلْزِلُوا حَتَّى يَقُولَ الرَّسُولُ وَالَّذِينَ آمَنُوا مَعَهُ مَتَى نَصُرَ اللَّهُ أَلَا إِنَّ  
نَصَرَ اللَّهِ قَرِيبٌ

«Ёкъса сиз, озюнъизден огюне келип кечкенлернинъ алы (огъ-  
радыкълары кыйынчылыкълар) башынъызгъа кельмеден дженнетке  
киреджегинъизни ми зан эттинъиз? Оларгъа ойле ёкъсуллыкълар,  
ойле сыкъынтылар токъунды ве ойле сарсылдылар ки, атта пейгъ-  
амбер ве бераберинде иман эткенлер: «Аллахнынъ ярдымы не за-  
ман?» деп айта эдилер. Бакъ иште! Керчектен Аллахнынъ ярдымы  
якындыр.» (Бакъара, 214)

Бу бир суннетуллахтыр. Бутюн пейгъамберлер ве садыкъ къуллар  
эп зорлукъ чеккен, кыйынчылыкъларгъа огърагъан, атта бир къысмы да  
шехид этильгендир. Бу себептен бир мусульманнынъ, кыйынчылыкъ ве  
зорлыкъларнен къаршылашкъанда умютсизликке къапылмасы догъру  
дегильдир. Бильакис муминлер, Аллахнынъ эмирини керчеклештирме  
хусусында зарар ве мусибетлерге не къадар чокъ къатлансалар, заферге о  
къадар чабукъ эриширлер.



### Мусульманларгъа Сабыр ве Себат Телькини

Аллаһ Расули –салляллаху алейхи ве селлем- де бир бешер эди. Заман заман кендисине япылгъан агъыр давранышлар, онынъ джаныны агъырта, хидаети ичюн бутюн кучюнен огърашкъаны инсанларнынъ чиркин тавырлары, гонъюлини агъырта эди. Базан ойле кыйын анылар яшай эди ки, мутлакъкъа бир теселлиге ихтияджы ола эди.

Онынъ теселлиси Раббинден келе эди. Аллаһ Таала, демек мумкюн ки, Расулонинъ махзун олмасыны истемей, оны аети керимелернен дестеклей эди:

إِنَّ فَضْلَهُ كَانَ عَلَيْكَ كَبِيرًا

«(Эй Расулим!) Онынъ Санъа къаршы джумертлиги ве ярдымы буюктыр.» (эль-Исра, 87)

وَمَنْ كَفَرَ فَلَا يَحْزُنكَ كُفْرُهُ إِلَيْنَا مَرْجِعُهُمْ فَنُنَبِّئُهُمْ بِمَا عَمِلُوا إِنَّ اللَّهَ عَلِيمٌ بِذَاتِ الصُّدُورِ نُمَتِّعُهُمْ قَلِيلًا ثُمَّ نَضْطَرُّهُمْ إِلَىٰ عَذَابٍ غَلِيظٍ

«Ким де инкяр этсе, артыкъ онынъ инкяры сенинъ джанынъны агъыртмасын. Оларнынъ къайтышы бизгедир. Иште о заман япкъанларыны озьлерине хабер берирмиз. Аллаһ юреклерде олгъаныны шубесиз пек яхшы билир. Оларны аз бир вакъыт файдаландырырмыз, сонъра да агъыр бир азапкъа сүрюклермиз!» (Локман, 23-24)

وَلَا تَحْزَنْ عَلَيْهِمْ وَلَا تَكُنْ فِي ضَيْقٍ مِّمَّا يَمْكُرُونَ

«(Хабибим!) Оларнынъ себебинден кедерленме, къурайткъан тузакъларындан толайы, сыкынты дуйма!» (Немль, 70)

Аллаһ сабырны тевсие эте эди:

فَاصْبِرْ عَلَىٰ مَا يَقُولُونَ وَسَبِّحْ بِحَمْدِ رَبِّكَ قَبْلَ طُلُوعِ الشَّمْسِ وَقَبْلَ الْغُرُوبِ

**«(Расулим!) Оларнынъ дегенлерине сабыр эт. Кунешнинъ догъувындан эвель де, батышындан эвель де, Раббинъни хамд иле тесбих эт.»** (Къаф, 39)

Бу аети керимелернен къарарлылыгъы ве шевкъи къуветлендирилген Аллаһ Расули –салляллаху алейхи ве селлем- де асхабынынъ аджыларыны диндире, оларнынъ гонъюль яраларыны сара эди.

Хаббаб –радиаллаху анх- дер ки:

Бир кунь Аллаһ Расули Кябенинъ кольгесинде отургъанда, янына барып мушриклерден корьгенлеримиз ишкенджелерни шикает шеклинде икяе эттик.

О да бизге шойле буюрды:

*«-Сизден эвельки несиллер арасында, якъаланып бир чукъургъа къоюлгъан, сонъра пычкъынен баштан ашагъы экиге болюнген ве демир таракъларнен этлери сыдырылгъан ве кене де динлеринден дёнмеген муминлер олгъандыр. Аллаһкъа ант олсун ки, Аллаһ Таала бу динни тамамлайджакъ, хаким къыладжакътыр. О дередже ки, бир киши, Аллаһтан ве къойларына къашкъырынъ уджум этмесинден гъайры бир къоркъу дуймаздан, Санадан Хадрамевтке барып келеджектир. Факъат сиз сабырсызланасынъыз!...»* (Бухари, Менакибуль-Энсар, 29)

Бундан сонъра Аллаһ Расули –салляллаху алейхи ве селлем-, шу аети керимени окъуды:

لَا يَغُرَّنَكَ تَقَلُّبُ الَّذِينَ كَفَرُوا فِي الْبِلَادِ مَتَاعٌ قَلِيلٌ ثُمَّ مَأْوِيَهُمْ جَهَنَّمُ وَبِئْسَ الْمِهَادُ لَكِنَّ الَّذِينَ اتَّقَوْا رَبَّهُمْ لَهُمْ جَنَّاتٌ تَجْرَى مِنْ تَحْتِهَا الْأَنْهَارُ خَالِدِينَ فِيهَا نُزُلًا مِنْ عِنْدِ اللَّهِ وَمَا عِنْدَ اللَّهِ خَيْرٌ لِلْأَبْرَارِ

**«Инкярджыларнынъ (ферах ичинде) дияр-дияр долашувы сакъын сени алдатмасын! Азачыкъ бир менфааттыр о. Сонъра оларнынъ бараджакъ ерлери джезнемдир. О не фена барыладжакъ ердир! Факъат Раббилерине къаршы кельмектен сакъынгъанлар ичюн Аллаһ тарафындан бир икрам оларакъ тюблеринден озенлер акъкъан, эбедий оларакъ къаладжакъ дженнетлери бардыр. Эйи ин-**





**санлар ичюн Аллаһ къатындаки (ниметлер) даа хайырлыдыр.»** (Али Имран, 196-198)

Мушриклернинъ эзиет ве ишкенджелери девам этип кыйнамалар арткъанынен, бу манадаки аети керимелернен Аллаһ Таала муминлернинъ гоньюллерини пишкинликке эриштире эди. Бир тарафтан, аджылар ве зорлукълар къулларны Раббилерине якълаштыргъан себеплер ола эди, дигер тарафтан муминлернинъ Аллаһкъа тебеккуль ве теслимиетлерини де ольчеген иляхий бир теразе вазифесини коре эди. Бойле заманларда мусульмангъа тюшкен энъ гузель давранышны Къурани Керим шойле теспит эте:

فَاصْبِرْ لِحُكْمِ رَبِّكَ وَلَا تُطِعْ مِنْهُمْ آيْمًا أَوْ كَفُورًا وَاذْكُرْ اسْمَ رَبِّكَ بُكْرَةً وَأَصِيلًا  
وَمِنَ اللَّيْلِ فَاسْجُدْ لَهُ وَسَبِّحْهُ لَيْلًا طَوِيلًا

**«Раббининъ укмюне сабыр эт!»** (Аллаһнынъ укмю кельгендже беклемесини билъ! Бу укмю беклер икен де сакъын) **олардан ич бир нанкёрге я да гуняхкяргъа бойсунма! Саба-акъшам Раббининъ исмини анъ! Гедженинъ бир кысмында Онъа сядже эт; гедженинъ узун бир болюминде де Оны тесбих эт!»** (Инсан, 24-26)

Бу эмирлерге риает эткен муминнинъ гонъюлю итминана эришеджегинден, онынъ, артыкъ кыйнамаларнынъ ве сабырнынъ аджыларына кокусини керип оладжакъ бир къуветке саип оладжакъ муакъкъакътыр. Хусусан гедже кылынган техеджуд намазы, къулны Аллаһа якълаштыраракъ рухкъа ойле февкъульаде бир къувет ве къудрет къазандыра ки, артыкъ онынъ гонъюлю иман иле къуветлене эди. Нитеким, Аллаһ шойле бюрмакътадыр:

إِنَّ نَاشِئَةَ اللَّيْلِ هِيَ أَشَدُّ وَطْأً وَأَقْوَمُ قِيلاً

**«Шубесиз гедже турышы эм даа тесирли, эм де сёз бакъымындан даа сагъламдыр.»** (эль-Музземмилъ, 6)

Техеджуд эмири, догърудан догъру Азрети Пейгъамбер –салляллаху алейхи ве селлем-ге махсус исе де, умметине де –такъатлары нисбетинде арзуларына авале этильген бир теклиф маиетиндедир. Нитеким фарз иба-



детлернинъ тышында олып руханий теракъкъиге себеп олмасы бакъымындан такъва эхлине тевсие буюрылгъан ибадетлер бу джумледендир.



Муминлерге эр джиттен саадет ёлларыны бахшыш эткен Аллах, Расулине айрыджа шойле буюргандыр:

وَقُلْ جَاءَ الْحَقُّ وَزَهَقَ الْبَاطِلُ إِنَّ الْبَاطِلَ كَانَ زَهُوقًا

**«Эй Расулим!» Де ки: Хакъ кельди, батыл йыкылып кетти. Затен батыл йыкылмагъа махкюмдир!»** (эль-Исра, 81)

Анджакъ хакъны юджелътмек иле вазифели олгъанлар, бу хусуста эллеринден кельгенини япмакъ меджбурлар. Чюнки инсан, имтиан макъсадынен юз юзге келеджеги нидже нидже зорлукълар ичинде яратылгъандыр. Бунунъ ичюн о, курешмегендже ич бир вакъыт арзу эткени нетиджеге эришмез! Нитеким Аллах, бу акъыкътнынъ пейгъамберлер ичюн биле кечерли олгъаныны аети керимеде шойле беян буюра:

حَتَّىٰ إِذَا اسْتَيْسَسَ الرُّسُلُ وَظَنُّوا أَنَّهُمْ قَدْ كُذِّبُوا جَاءَهُمْ نَصْرُنَا فَنُجِّيَ مَنْ نَشَاءُ وَلَا يُرَدُّ بَأْسُنَا عَنِ الْقَوْمِ الْمُجْرِمِينَ

**«Ниает, пейгъамберлер умютлерини кесип де, озьлерининъ ялангъа чыкъарылгъанларыны зан эткен вакъытларында, оларгъа ярдымымыз келир ве истеген кимсемиз къуртулышкъа ириштирилir. (Факъат) сучлылар топлулыгъындан азабымыз асла кери чевирильмез».** (Юсуф, 110)

Бу аетлерни эшиткен муминлернинъ гонъюллери, не къадар раатлыкъкъа къавуша ве гъайретлери зияделеше исе, мушриклернинъ кин ве нефретлери де о къадар арта эди. Аллах Расули –салляллаху алейхи ве селлем-ге япкъанлары эзиетлерден ваз гечмек бир тарафкъа, эр кунъ янъы къыйнама ве ишкендже усуллары тапып чыкъара эдилер.

Бу иш о къадаргъа барды ки, артыкъ вахийнинъ къайнагъыны къурутмакъ ичюн алчакъча бир тюшонджени биле акъылларына кетирдилер.



Бу вазияте Варлыкъ Нуры, сабырнынъ зирвесинде Аллаһкъа, Онынъ инает ве муафазасына сыгына эди. Факъат иляхий ваде даа керчеклешмей эди. Сыкынтылар битмей ве ниятке иришмей эди.

Расулюнинъ ичинде булунгъаны аджы ве кедер толу алларгъа енъильмемесини истеген Рабби, оны тенбиеледи:

فَلَا تَحْسَبَنَّ اللَّهَ مُخْلِفَ وَعْدِهِ رُسُلَهُ إِنَّ اللَّهَ عَزِيزٌ ذُو انتِقَامٍ

«О алда, сакъын санма ки Аллаһ пейгъамберлерине берген сёзюнден вазгечеджек! Чюнки, Аллаһ мутлакъ усьтюндир, кимсенинъ япкъаныны янына быракъмаз.» (Ибрахим, 47)

فَاصْبِرْ كَمَا صَبَرَ أُولُوا الْعِزْمِ مِنَ الرُّسُلِ وَلَا تَسْتَعْجِلْ لَهُمْ كَانَهُمْ يَوْمَ يَرَوْنَ مَا يُوعَدُونَ لَمْ يَلْبُثُوا إِلَّا سَاعَةً مِنْ نَهَارٍ

«О алда (Расулим), пейгъамберлерден азим саиби олгъанларнынъ сабыр эткени киби, сен де сабыр эт. Олар акъкъында аджеле этме, олар ваде этильген азапларны корьген куньлери, санки дюньяда садедже куньдюзнинъ бир сааты къадар къалгъанларыны зан этерлер. Бу, бир теблигъдир. Ёлдан чыкъкъан топлулыкълардан башкъасы эляк этилирми ич!» (Ахкъаф, 35)



## ПЕЙГЪАМБЕРЛИКНИНЪ

### Хабешистан Хиджрети

Расули Экрем –салляллаху алейхи ве селлем- эфендимиз, Къурейшлилернинъ инсафсыз эзиетлери къаршысында мусульманларгъа хиджрет эмири берди. Чюнки олар, диний вазифелерини урь ве сербест бир суретте япамай эдилер. Айрыджа динни яйма вазифелери де бар эди.

Асхабы Кирам, къайда хиджрет этип оладжакъларыны сорагъанларында Расули Экрем эфендимиз:

*«-Хабешистангъа! Чюнки анда, халкъына зулум этмеген бир укюмдар бардыр. Эм де о ер бир догърулыкъ улькесидир. Аллаһ Таала, ичинде булунгъан сыкъынтылардан бир къуртулыш ёлы лютюф эткенге къадар анда къалынъ!»* буюрды. (Ибн-и Хишам, I, 343; Ибн-и Сад, I, 203-204)

Бу ильк хиджрет, Мекке деврининъ 5. йылынынъ Реджеб айында япылды. Ильк къафиле он эки эркек иле беш къадындан мутешеккиль олып он еди киши эди. Ичлеринде Осман бин Аффан, апайы Азрети Рукъийе, Зубейр бин Аввам, Мусаб бин Умейр, Абдуррахман бин Авф, Эбу Селеме, Умму Селеме, Осман бин Мазун, Ибн-и Месуд –радиаллаху анхум- киби асхабнынъ огде кельгенлери де бар эди.

Меккеден гизлидже чыкъкъан мухаджирлер<sup>149</sup> Шуайбе портына баргъанларында, Аллаһ Таала лютфундан оларгъа эки тиджарет гемиси джиберди. Мухаджирлер оларнен ярым алтынгъа анълашып Хабешистангъа кечтилер. Къурейшлилер, якъаламакъ ичюн мухаджирлернинъ пешине тюшкен олсалар биле мувафакъ оламадылар. Ялыгъа баргъанларында, гемилер чокътан денъизге чыкъкъан эдилер. (Ибн-и Сад, I, 204)

Расулюллах –салляллаху алейхи ве селлем-, Хабешистангъа хиджрет эткен Азрети Осман ве къызы Рукъийеден бир муддет хабер алып оламады. Фахры Кяинат Эфендимиз заман заман тышары чыкъар, о тараф-

149 Мухаджир – хиджрет эткен киши.



лардан кельгенлерден эвлятларынынъ хаберини сорар эди. Къурейштен бир къадын Хабеш диярындан кельди. Варлыкъ Нуры къызы ве киевини ондан да сорады. О да:

«-Эй Эбу-ль Къасым мен оларны корьдим!» деди.

Аллаһ Расули –салляллаху алейхи ве селлем-:

*«Насыл эдилер, яхшы эдилер ми?»* деп сорады.

Къадын:

«-Осман, Рукъыйени бир аткъа миндирген алып кете эди, озю де ар-къасындан юрип кете эди.» деди.



Бунынъ узерине Фахры Кяинат Эфендимиз:

*«Аллаһ яр ве ярдымджылары олсун! Шубесиз Осман бин Аффан, Лут –aleyхисселямдан- сонъра къорантасынен берабер Аллаһ ичюн хиджрет эткен ильк инсан олды.»* буюрды. (Али эль-Муттакъи, XIII, 63/36259)

Ильк мухаджирлер Хабешистанда учъ ай къалып олдылар. Чюнки мусульманлар арасында, мушриклернинъ де артыкъ иман эткенлерине даир бир хабер яйылды. Бунынъ узерине хиджрет къафилеси къайтты. Отуз учъ эркек, алты къадындан мейдангъа кельген отуз докъуз кишилик бир къафиле нубювветнинъ бешинджи йылында Шевваль айында Меккеге якълашкъанларында мушриклернинъ мусульман олгъанлары акъкъындаки хабернинъ темельсиз олгъаныны огрендилер. Хабеш улъкесине гери къайтмакъ оларгъа чокъ агъыр кельди. Къорчалавсыз оларакъ Меккеге кирмектен де къоркътылар. Анджакъ мушрик олгъан акъраба ве достларынынъ къорчалувынен я да гизлидже Меккеге кирип олдылар. (Ибни Хишам, II, 3-8; Ибни Сад, I, 206; Хейсеми, VI, 33)

### Гъараник Меселеси

Аллаһ Расули –салляллаху алейхи ве селлем-, янъы энген **«Неджм (йылдыз) Суреси»**ни Харем-и Шерифте о ерде олгъанларгъа юксек сеснен окъуды. Суренинъ сонъунда седжде аети кельгенинен, Азрети Пейгъамбер –салляллаху алейхи ве селлем-, Аллаһкъа седждеге къапан-ды. Онынънен берабер олгъан мусульман-мушрик, инс-джин эр кес седждеге бардылар. (Бухари, Тефсир, 53/4)

Анджакъ мушриклер, суренинъ ичинде кечкен путларынынъ исимлеринден толайы Аллаһкъа дегиль, кенди путларына седжде эте эдилер.

Иште сонърадан уйдурылгъан ве «Гъараник меселеси» деп ортагъа чыкъарылгъан резиль иддиагъа темель япылмагъа истенильген адисе бундан ибареттир.

Меккели мушриклернинъ Ислям динине киргени акъкъындаки хабернинъ себеби, мусульманларнен мушриклерге аит олгъан айры айры эки седжденинъ айны вакъытта япылмасыдыр.

Ишнинъ темели садедже бундан ибарет олмасына рагъмен сонъралары «Гъараник Меселеси» денильген бир ифтира ортагъа атылгъандыр.



Санки шейтан, аетлернинъ арасына «путларнынъ шефаатининъ умют этиледжеги» манасында бир фысылты иляве этти, мушриклер де бунъа мемнюн олып сездеге баргъанлар. Факъат янълышлыкъ сонърадан анълашылгандыр!..

Бу адисени садедже, Ислям душманлыгъы кутъкен базы шаркъыятчылар киби бир такъым кимселер акъыкъат зан эткендирлер. Ойса энъ буюк тефсир, хадис, сийер ве Ислям тарихи алимлери эм ривает тарафындан, эм де иддианынъ Ислям акъидесинен мунасебети тарафындан бу уйдурылгъан адисени теткъыкъ ве кесин бир шекильде яланлагъанлардыр.

Биринджиден, Аллаһ Расули –салляллаху алейхи ве селлем- иляхий вахийни инсанларгъа теблигъ этме вазифесинде гъафлеттен, янъылмадан муафаза этильгендир. Шейтаннынъ пейгъамберлернинъ рисалет вазифелерине киришмеси асла мумкюн дегильдир. Аллаһ Таала шейтаннынъ, мумин къуллар узеринде биле бир кучьюнинъ олмагъаныны бильдиргени такъдирде (Хиджр, 42), шейтаннынъ Варлыкъ Нурынынъ теблигъине киришмеси тюшюнильмез.

Пейгъамбер Эфендимиз рисалетинде эр тюрлю унутма, гъафлет, гуних ве хатадан узакъ олгъаны киби, онынъ кетиргени Къурани Керим де иляхий муафаза астындадыр. Аети керимелерде буюрылыр:

لَا يَأْتِيهِ الْبَاطِلُ مِنْ بَيْنِ يَدَيْهِ وَلَا مِنْ خَلْفِهِ تَنْزِيلٌ مِنْ حَكِيمٍ حَمِيدٍ

«Онъа (Къурани Керимге) не огюнден, не де артындан батыл якълашмаз. О, бутюн кяинатнынъ макътагъаны бир икмет саиби тарафындан парча-парча эндирильгендир.» (Фуссилет, 42)

إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ

«Ич шубе ёкъ ки, Къуранны Биз эндирдик, эльбетте оны кене де биз корчалайджакъмыз.» (Хиджр, 9)



Гъараник иддиасы кечкен ривает сенед тарафындан мердут<sup>150</sup>тыр. Бу хусус иле алякъалы оларакъ Ибн-и Хузейме:

«Гъараник адисеси, зындыкъларнынъ яланларындандыр» дегендир (Исмаил Джеррахогълу, ДИА, «Гъараник» мад. , XIII, 363)

Сахих хадислерни ривает эткен ич бир китапнынъ буны накъиль этмемеси, ич бир ишанчлы равининъ буны сахих<sup>151</sup> ве муттасыл<sup>152</sup> бир сенетнен ривает этмемеси, чюрюклигини косътермеге етерлидир. (Къады Ияд, II, 132)

Гъараник иддиасы акълен де мумкюн дегильдир. Чюнки Гъараникте бир ширк иддиасы бардыр. Албуки Ислям дини ильк андан итибарен *келимеи тевхидни* теблигъ эткендир. Ислямнынъ темель ташы олгъан тевхид инанджынынъ къаршысында бу киби иддиаларнынъ акъылгъа сыгъаджакъ ич бир тарафы ёкътыр. Мевзу бахс этильген Неджм суресинде баштан сонъуна къадар ширк ве Аллаһкъа ортакъ къошулув тенкъид этильмектедир, путларнынъ къуры исимлерден ибарет олгъаны, мушриклернинъ сырф зан ве авеслерине уйгъанлары бильдирильмектедир. Бойле бир суре ичинде мушриклернинъ бегенип седжде этеджеклери бир сёзнинъ къарыштырылмасы мумкюн дегильдир.

Бу бевтангъа энъ гузель джеваб биззат бу суренинъ башында берильмектедир:

مَا ضَلَّ صَاحِبُكُمْ وَمَا غَوَىٰ وَمَا يَنْطِقُ عَنِ الْهَوَىٰ ۚ إِنْ هُوَ إِلَّا وَحْيٌ يُوحَىٰ

**«Аркъадашынъыз (Мухаммед) сапмады ве батылгъа инанмады; о арзусына коре де лаф этмез. О (бильдиргенлери) вахий этильгенден башкъа шей дегиль.»** (эн-Неджм, 2-4)

Ислям алимлери тарафындан, бу меселенинъ, мусульманларгъа къаршы кинли бир душманлыкънынъ эсери оларакъ ортагъа чыкъартылгъаны, пек чокъ джеэттен исбат этильгендир. Он учь сенелик Мекке деври, ширкни ёкъ этмек ве юреклердеки инанчны пекиштирмекнен кеч-

150 Мердут – ред этильген.

151 Сахих - догъру.

152 Муттасыл – кесиксиз, аралыкъсыз, бирлешкен.





кендир. Чюнки тевхид инанджы, юректе Аллаһтан башкъа эр анги бир варлыкънынъ ортакълыгъыны къабул этмез.

### Экинджи Хабешистан Хиджрети

Меккели мушриклер, кельген мухаджирлернинъ Хабешистанда яхшы къабул этильгенлерини эшиткенлеринен, буюк бир эндише дуйдылар ве япкъанлары ишкенджелерни даа да артырдылар.

Велид б. Мугъиренинъ имаесинде раат бир аят кечирген Осман бин Мазун –радиаллаху анх-, Расулюллах –салляллаху алейхи ве селлем- ве асхабынынъ къыйнамаларгъа огърагъанларыны, базыларынынъ атешнен куйдюрилип, къамчынен урылгъаныны коръгенинен тюшюнджеге далды:

«Валлахи, аркъадашларымнынъ ве Пейгъамбер къорантасынынъ Аллаһ ёлунда огърагъанлары чешит тюрлю ишкенджелерге меним огърамайышым, бир мушрикнинъ къорчалувында аманлыкъ ичерисинде яшайышым, буюк бир нукъсанлыкътыр! Аллаһнынъ къорчалувы даа шерфли ве даа эминлидир!» деп Велиднинъ янына кетти:

«-Эй эмджемнинъ огълы! Сен мени имаега алдынъ! Гузель суретте имае эттинъ ве сёзюнъни ерине кетирдинъ! Шимди сенинъ имаенъден чыкып Расулюллах –салляллаху алейхи ве селлем-нинъ янына кетмеге истейим. О ве асхабы меним ичюн энъ яхшы бир мисальдир. Мени Къурейшлилернинъ янына алып барып узеримдеки имаенъден вазгечкенинъни билъдир!» деди. (Ибн-и Исхакъ, с. 158; Хейсеми, VI, 34)

Ишкенджелернинъ даа да артмасы себебинен мусульманлар кене шу сене экинджи кере Хабешистангъа хиджрет этмеге меджбур олдылар. Бу сефер докъсан киши эдилер. Етмиш едиси эркек, он учю къадын эди. Башлары Азрети Алининъ буюк къардашы Джафери Тайяр<sup>153</sup> –радиаллаху анх- эди.

<sup>153</sup> **Джафер бин Эби Талиб** –радиаллаху анх- Азрети Пейгъамбернинъ эмджесининъ огълудыр. Азрети Джафер, Расулулах –саллаллаху алейхи ве селлем- даа Эркъамнынъ эвине кирип Исламны яймагъа башламадан эвель мусульман олгъан эди. Омюр аркъадашы Эсма бинт-и Умейс иле бирликте Экинджи Хабешистан хиджретинде иштирак этти. (Ибн-и Сад, IV, 34)

Джафер бин Эбу Талиб ве аркъадашлары хиджретнинъ единджи йылында Хабешистандан Мединеге къайттылар. Бу сырада Варлыкъ Нуру хайбер гъазвесинде булуна эди. Хайбер гъаниметлеринден Хабешистандан кельгенлерге де пай берильди. (Бухари, Мегази, 38)

Лейля Хатун шойле тарифлер:

«Мусульман олгъанымыз ичюн Омер бизге чокъ ачувланыр эди. Хабешистангъа хиджрет этмек ичюн ёлгъа чыкъмагъа азырлангъанымызда, мен девенинъ устюнде икен кельди ве:

«-Къайда кетесинъ эй Умму Абдуллах?» деп суаль берди.

«-Динимиз хусусында бизге эзиет эттинъиз, биз де ишкендже коръ-мейджегимиз бир ерге кетемиз» дедим.

«-Аллаһ сизнен берабер олсун!» деди.

Акъайым Амир кельгенинен, Омер бин Хаттабнынъ бу йымшакъ арекетини онъа икяе эттим.

О:

«-Гъалиба сен онынъ мусульман оладжагъыны умят этесинъ. Валлахи Хаттабнынъ аты мусульман олур да о кене мусульман олмаз.» деди.

Омерден о вакъыткъа къадар корюльген сертлик ве къатты юреклилик, мусульманлыгъындан о дередже умят кестирген эди.» (Хейсеми, VI, 23-24)

Фахр-ы Кяинат –салляллаху алейхи ве селлем- Эфендимизнинъ зевджеси Азрети Умму Селеме –радиаллаху анха- дегендир ки:

Биз Хабешистангъа аякъ баскъанымыз андан итибарен, Неджашиден пек чокъ икрам ве ильтифат коръдик. Бизни даима къорчалады. Раатлыкъ ве аманлыкъ ичерисинде Аллаһу Таалагъа ибадет эттик. (Ахмед, I, 201-202)

Хабешистан мухаджирлеринден Умму Хабибе –радиаллаху анха- валидемиз о кунълерге аит анылаткъаны шу хатыра да мусульманларнынъ,

Азрети Джафер, хиджретнинъ секизинджи йылында мейдангъа кельген Муте дженкинде иштирак этти ве бу дженкте шехид олды. Ибн-и Омер дер ки:

«Джафер -радиаллаху анх-ны шехидлер арасында къыдырдыкъ. Вуджудында докъсан-дан зияде мызракъ, окъ ве къылыч ярасы бар эди». (Бухари, Меъгази, 44)

Азрети Джафернинъ эки къолу кесильген сонъ Расуллаллах -саллаллаху алейхи ве селлем-, онъа эки къанат бахшыш этильгенини хабер берип:

«Джаферни дженнетте мелеклернен берабер учкъаныны коръдим», - буюргандыр. (Тирмизи, Менакъыб, 29/3763) Бундан сонъра Джаферге -радиаллаху анх- «Тайяр» лагъабы такъылгандыр.



корьмегенлери алда Расулюллах –салляллаху алейхи ве селлем-ге не къадар терен бир севги дуйгъанларыны косътермектедир:

Неджашининъ Эбрехе адында бир джариеси бар эди. Расулюллах –салляллаху алейхи ве селлем- иле никяхым Хабешистанда къыйылып Мединеге кельме азырлыкъларым япылгъанда манъа:

«-Сенден риджам, Расулюллах –салляллаху алейхи ве селлем-ге селямымы айтманъ ве динине киргенимни бильдирменьдир» деди.

Эбрехе манъа чокъ лютюфкяр давранды, ёл азырлыгъымны япты. Яныма эр не вакъыт кирсе:

«-Сакъын риджамны унутма! Аллах Расулине мутлакъа селямымны сёйле!» деп айта эди.

Мединеге Расулюллахнынъ янына кельгенимнен Эбрехенинъ манъа япкъанларыны анълатып селямыны сёйледим. Аллах Расули тебессюм этти ве:

*«-Ве алейхасселям ве рахметуллахи ве берекятух»* деп селямыны алды. (Ибн-и Сад, VIII, 98)



## ПЕЙГЪАМБЕРЛИКНИНЪ АЛТЫНДЖЫ СЕНЕСИ

### Къуреишнинъ Неджашиден Мухаджирлерни Кери Истемеси

Биринджи Хабешистан хиджретине пек къулакъ асмагъан Къуреиш мушриклери, мухаджирлерге япылгъан бу яхшы къаршыламадан хабердар олгъанынен теляшке къапылдылар. Ислямнынъ этрафкъа яйылмасы алында буны токътатып оламайджакъларыны тюшюне эдилер. Хабеш укумдарындан мусульманларны кери истемек хусусында бир къараргъа келип, аман Абдуллах бин Рабиа ве Амр бин Асны чешитли эдиелернен ёлладылар.

Эбу Талиб, Къуреишлилернинъ Неджашиге эльчи ве эдиелер джибергенлеринден хабердар олгъанынен, мухаджирлерни мушриклернинъ айнеджилигинден къорчаламагъа тешвикъ ичюн Неджашиге, оны макътагъан бир шиир язып джиберди. (Ибн-и Хишам, I, 356)

Амр ве аркъадашы, Неджаши иле корюшмеден эвель, ярдымджыларына чешитли эдиелер берип оларны озъ тарафларына чектилер. Мушрик эйет даа сонъра Неджашиге эдиелерини такъдим эттилер ве шойле дедилер:

«-Эй укумдар! Бизден бир такъым акълы эрмеген яшлар сенинъ мемлекетинге келип сыгъындылар. Олар аталарынынъ динини терк эткенлери киби сенинъ дининге де кирмедилер. Олар янъы бир дин ортагъа чыкъардылар. Акърабалары оларны къайтарып кетирмемиз ичюн бизни санга ёлладылар. Чюнки къавми, буларны эр кезден даа яхшы таныр ве къабаатларыны эр кезден даа яхшы билирлер.»

Олар, Неджашининъ Джафер ве аркъадашларыны динълемесинден къоркъа эдилер. Истей эдилер ки, Неджаши муакеме этмейип мухаджирлерни оларгъа теслим этсин.

Укумдарнынъ везирлери де:



«-Эфендим! Бу адамлар догъру айталар. Къавимлери оларны даа яхшы билирлер. Сен оларны бу адамларгъа теслим эт ки мемлекетлерине алып кетсинлер!» дедилер.

Неджаши ачувланды ве:

«-Асла! Мен оларны дингълемеден аман теслим этеджек дегилим! Мени башкъаларына терджих эдerek мемлекетиме сыгъынгъан бу джемааткъа яманлыкъ япаджакъ дегилим» деди ве хабер берип мухаджирлерни янына чагъырты.

Неджаши кенди дин адамларыны да чагъырды. Олар, Неджашининъ чевресинде, китапларыны ачыкъ бир вазиетте отурдылар.

Мухаджирлер кельгенинен Неджаши эр эки тарафны да, узурында юзь-юзьге кетирди. Тарихий бир эеджан яшанды. Мусульманларнынъ сѣзджюси Азрети Джафер –радиаллаху анх- эди.

Неджаши, мухаджирлернинъ башкъаны Джафери Тайяргъа чеврильди:

«-Къурейшлилер эльчи джибердилер, Меккеге къайтмангъызны истейлер?» деди.

Джафер укюмдаргъа:

«-Эй укюмдар, сорангъыз булардан! Къулмыз мы, бизлерни кери истейлер?» деди.

Неджаши Амр бин Аскъа бакъты. О да джеваплады:

«-Ёкъ, эписи урьлер!»

Къонушма шойле девам этти:

«-Сорангъыз булардан! Биз борчлу кимселермизми ёкъсам, бизлерни истейлер?»

«-Ёкъ ич бирисининъ кимсеге борджу ёкъ!»

«-Сорангъыз булардан! Биз къатильмиз ми бизлерни къысас ичюн чагъыралар?»

«-Ойле дегиль, бойле бир истегимиз де ёкъ!»

«-О алда бизлерни не деп кери истейлер?»



О заман Амр шойле деди:

«-Булар, деделеримизнинъ дининден айрылдылар. Иляхларымызгъа акъарет этелер. Яшларымызнынъ инанчларыны боздылар. Халкъымызнынъ арасына тефрикъа, болюджилик сокътулар. Бутюн Мекке халкъы экиге болюнди.»

Неджаши:

«-Сиз не меним диниме не де озъ къавминъизнинъ динине кирмегенинъизге коре, сизинъ къабул эткенинъиз бу дин насыл бир диндир?» деп сорады.

Джафери Тайяр сёзге башлады:

«-Эй эмир! Биз джаиль бир къавим эдик. Таштан, агъачтан япылгъан путларгъа илях деп табына эдик. Ольген айванларнынъ этлерини ашар, къыз балаларымызны тири тири комер эдик. Къумар<sup>154</sup> ойнар, фаизджилик япар эдик. Зинаны ве бир апайнынъ биркъач акъайнен мунасебеттеки ифдетсизликни хош корер эдик. Акърабаларымызгъа нисбетен вазифелеримизни бильмез эдик. Къомшуларымызнынъ акъларыны танывмаз эдик. Кучлюлер зайыфларны эзер; зенгинлер фукъаренинъ аркъасынен къазаныр эди. Арамызда акъ-укъукъ недир, билинмез эди.

Аллаһ Таала бизлерге мерхамет этти, бизим тюзельмемизни тиледи ве ичимизден бир пейгъамбер ёллады. О пейгъамбер, асаметли, сою ве къабилеси темиздир. Озюни эль-Эмин (ишанчлы) деп исимлендирген эдик. О бизлерни Аллаһнынъ бирлигине чагъырды. Онъа ибадет этмекни огретти. Деделеримизнинъ путларындан къуртарды. Бутюн ахляксызлыкълардан узакълаштырды. Къан текмекни, къумар ойнамакъларны, ичкини, фаизни, яланджылыкъларны, етимлернинъ малларына токъунмакъларны ясакълады. Бизге эп эйиликлерни огретти. Догърулыкъларны, сёзде турмакъларны, къомшу ве акърабагъа яхшы давранмакъларны, къадынларнынъ шерефини, къыз балаларынынъ аятыны къуртармамызны эмир этти. Бизни вахшийликтен къуртарды. Меденийликке къавуштырды. Эй бир инсан олмамызны теминледи. Онынъ ёлундан юремиз. Бу себептен Къурейшлилернинъ душманлыгълары къазандыкъ. Чешитли ишкенджелерге огърадыкъ. Факъат ишкенджелер даянылмаз алгъа кельгенинен,

154 **Къумар** – къумар оюнлары, шанскъа багълар оюнлар. Меселя; казино оюнлары, карта, домино, нарды киби.



динимизден де къайтмакъ истемегенимиз ичюн Пейгъамберимизден рухсет алып укюмдарлар арасында сизни сайладыкъ ве мемлекетингизге кельдик. Юртынъызда зулумгъа огърамайджагъымызны уют этип къорчалувынъызгъа сыгъындыкъ!..»

Джафер –радиаллаху анх-нынъ айткъанларыны дикъкъат иле динъ-леген Неджаши:

«Аллаһ тарафындан Пейгъамберингизге джиберильген вахийден эзберинъде бир шей бар мы?» деп сорады.

Джафер –радиаллаху анх-:

«-Эльбетте» деди ве Меръем суресининъ ильк аетлеринден, Яхъя ве Иса -aleyhimusselam-нынъ догъумларынен алякъалы аетлерни окъугъанынен Неджаши ве адамлары тесирленип агъладылар.

Неджаши деди ки:

«-Аллаһкъа емин этерим ки, бу сёзлер Азрети Муса ве Азрети Исагъа энген вахийнинъ менбаындандыр.» деди ве Къурейш эльчилерине чеврилип:

«-Мен бу мухаджирлерни сизлерге теслим этип оламам!» деп теклифлерини къабул этмеді.

Эльчилер Неджашининъ янындан айрылгъанлары вакъыт, Амр:

«-Аллаһа емин этерим ки Неджашиге, буларнынъ Иса бин Меръемнинъ бир къул олгъанына инангъанларыны хабер береджем ве оларнынъ тамырларыны къурутаджам!» деди.

Эртеси кунъ, Неджашининъ узурына чыкъып:

«-Эй укюмдар! Олар Иса бин Меръем акъкъында пек агъыр бир сёз сёйлейлер! Истерсенъ янынъа чагъыр да, онынъ акъкъында нелер айткъанларыны сора.» деди.

Неджаши мусульманларны текрар янына чагъырды ве оларгъа:

«-Меръем огълу Иса акъкъында не тюшонесингиз, айтынъыз бакъайыкъ.» деди.

Джафери Тайяр Азретлери:

«-Биз оны, Пейгъамберимизнинъ огреткени киби билемиз. Аллаһ Расули онынъ акъкъында шойле буюра:

*«Иса Аллаһнынъ къулы, Расули, Рухы ве эр шейни ташлап озюни Аллаһкъа адагъан Азрети Меръемге берильген Келимесидир.»* дегенинен Неджаши ерден бир чоп аларакъ:

«-Аллаһа емин этем ки Иса бин Меръем де сенинъ айткъанларындан башкъа бир шей дегильдир! Сизнинъ айткъанларынынъизнен, Азрети Исанынъ акъкъаты арасында, шу къадар бир фаркъ биле ёктыр!» деди.

Неджаши буны айткъанынен этрафындаки везирлери мырылдан-магъа башладылар. Неджаши оларгъа:

«-Валлахи сиз мырылдасангъыз биле акъкъат будыр!» деди.

Мухаджирлерге де:

«-Барынъыз! Сизлер, меним мемлекетимде аманлыкътасынъыз! Сизге тиль узаткъан кимсе джезаландырыладжакъ. Дагъ къадар алтын берселер биле мен сизден бирине эзиет этмек истемем. Кетиргенлери эдиелерни де шу эки адамгъа къайтарып беринъ! Меним оларгъа ихтияджым ёкъ! Эгер пейгъамбернинъ янында олса эдим онынъ аякъларына сув тёкер, онъа хызмет этер эдим!..» (Ибн-и Хишам, I, 356-361; Ахмед, I, 202-203, Хейсеми, VI, 25-27)

Башкъа бир риваетте бильдирильгенине коре Неджаши шуларны да сёйлегендир:

«Мен шехадет этем ки Мухаммед Аллаһнынъ Расулидир. О Азрети Исанынъ муждегени заттыр. Эгер мен шу салтанатнынъ башында олмаса эдим ве инсанларнынъ ишлерини устюме алгъан олмаса эдим онынъ аякъкъапларыны ташымакъ узьре янына кетер эдим.» (Эбу Давуд, Дженаиз, 55-57/3205)

Азрети Джафер –радиаллаху анх-, Неджашиге бергени джеваплар иле Ислям теблигъджилерине, къайда ве насыл лаф этмелери керек олгъаны хусусында гузель бир мисаль тешкиль этер. Бу усулгъа эр заман риаает этмек керек. Къурани Керим окъумасы истенильген вакъыт, эр анги бир ерни дегиль де, о ал ве вазиятке уйгъун аетлерни, яни Меръем суресининъ Азрети Иса иле алякъалы къысмыны окъуп джевап берме-





си такъдирге шаяндыр. Айны шекильде мушриклернинъ, оларны кери къайтармакъ ичюн огге сюргенлери баханелерге акъыллы ве мантыкълы джеваплар берип, кендилерине кельген диннинъ акъ, укъукъ ве гузель ахлякъны эмир эткенини сёйлемеси дикъкъат чекиджидир.

Пейгъамбер эфендимизнинъ мухаджир къафилесине реис оларакъ Джафер –радиаллаху анх-ны сайламасында да буюк икметлер бардыр. Аллах Расули –салляллаху алейхи ве селлем- бу арекетинен, идареджи оларакъ тайин этиледжек кимселернинъ, булунаджакълары ерге ве истидатларына коре вазифе берильмеси керек олгъаныны бизлерге огрете.

Экинджи Хабешистан иджретине иштирак эткен мухаджирлернинъ бир къысмы, Мединеге хиджреттен сонъра, бир къысмы да Худейбие анылашмасы эснасында къайттылар. Азрети Джафернинъ реислигинде олгъан къафиле исе Хайбер фетхинде<sup>155</sup> Мединеге кельдилер ве Расули Экрем –салляллаху алейхи ве селлем-ни къувандырдылар.

### **Азрети Хамзанынъ Мусульман Олмасы**

Аллах Расули –салляллаху алейхи ве селлем-, мушриклерге Кябеде Къурани Керим окъумакъ ичюн садедже асхабыны ёлламаз эди. Заман заман озю де барып Аллахнынъ аетлерини оларгъа окъур эди. Бойле бир кетишинде Эбу Джехиль, Азрети Пейгъамбер –салляллаху алейхи ве селлем-ге пек чокъ акъарет этти. Этрафында топлангъан мушриклерге де кучъ ве къуветини косътермек истерджесине, даа да пек уджум этмек узъре эди ки, бир къадын, чапып барып шу сырада авдан янъы къайткъан Азрети Хамзагъа хабер берди:

«Эй йигитлер йигити! Торунынъа Кябеде акъарет этелер, къоркъам ки онъа эзиет этип бир феналыкъ япаджакълар!..» деди.

Азрети Хамза аман Кябеге ашыкъып барды ве мельун Эбу Джехильге мани олды. Элиндеки яйнен о пис адамнынъ башына ойле бир урды ки, Эбу Джехильнинъ башындан къанлар акъмагъа башлады. Бойле бир шейнинъ оладжагъыны тюшонмеген иман душманы, шашкъын бир вазиятте ве джанындан къоркъып о ерден къачып кетти. Буны корьген дигер мушриклер де яваш яваш дагъылдылар. Чюнки эписи Хамзанынъ кучюни пек

155 **Хайбер фетхи** – хиджретнинъ 8-джи йылында керчеклешкен фетих.



яхшы биле эдилер. Ондан, Къурейшнинъ бутюн пельванлары чекинир ве къаршысына чыкъмагъа джесюрликлери етмез эди.

Бундан сонъра Азрети Хамза, Алемлернинъ Эфендисе олгъан то-руны Мухаммед Мустафа –салляллаху алейхи ве селлем-нинъ янына келип:

«-Иште интикъамынъны алдым я Мухаммед; энди раат ол!» деди.

Расули Экрем де, эмджесининъ бу арекетине джевабен:

«-Эй эмдже! Мен асыл сенинъ мусульман олманъ иле къуванаджам!» дегенинен, Азрети Хамзанынъ гонълюндеки гъафлет перделери коте-рильди, о йигитлер йигити, акъикъатны анълап тебессюм иле торунына бакъты ве Онынъ юдже нурыны сейир эте-эте:

أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

деп келимеи шехадет кетирди.

Азрети Хамза –радиаллаху анх-, Пейгъамберимизден эки яш буюк эди ве онынъ эм эмджеси эм де сют къардашы эди. (Ибн-и Хишам, I, 312-313; Хаким, III, 213; Ибн-и Кесир, *эль-Бидае*, III, 84)

Аллаһ Расули: «Эй эмдже мен асыл сенинъ мусульман олманъ иле севинеджегим!» демек иле, шахсий интикъамынъны алынмасы иле де-гиль, асыл онынъ хидаетине къуванаджагъыны бильдирип, дюнья ерине ахиретни терджих эткенини косътергендир.

Бу адиседен, Ислямны юджельткен хызметлерни шахсий менфаатла-рымызгъа терджих этмемиз ве бу хусустаки хызметлер ичюн севинмемиз керек олгъаныны огренмектемиз.



Азрети Хамзанынъ мусульман олгъаны кунъ Эбу Бекир –радиаллаху анх- Варлыкъ Нурына, эп берабер Месджиди Харамгъа барып андакилер-ни Ислямгъа давет этмеси ичюн исрар этти. Аллаһ Расули исе:

«-Эй Эбу Бекир! Даа сайымыз нек аз!» - буюрдылар.

Азрети Эбу Бекир даа чокъ исрар эткенде, Пейгъамбер Эфендимиз асхабынен бирликте Даруль Эркъамдан чыккып Месджиди Харама кет-



тилер. Кябеге кельгенде, Эбу Бекир -радиаллаху анх- инсанларны Аллаһа ве Расулине имангъа давет этмеге башлагъанында, мушриклер Азрети Эбу Бекир ве мусульманлар узерине юрюп оларны котеклемеге башладылар. Атта фасыкъ Утбе, Эбу Бекир -радиаллаху анх-нынъ устуне чыкып таптады ве юзюни демир табанлы аякъкъабынен тепти. Эр тарафы къан ичинде къалды. Къабилеси Теймогъуллары, Азрети Эбу Бекирни мушриклернинъ элинден зор къуртардылар.

Теймогъуллары оны байгъын бир алда эвине кетирдилер. Оледжегини тюшюнип аман Месджиди Харамгъа кирдилер ве:

«- Эгер Эбу Бекир оледжек олса, Валлахи биз де Утбени ольдюримиз!» дедилер.

Азрети Эбу Бекир акъшам озюне кельди ве башта бинъбир заметнен шуны сорады:

«- Расулюллах –салляллаху алейхи ве селлем- насыл, яхшы мы?»

Анасы Уммуль Хайр девамлы:

«-Бир шей ашасан, ичсен!» деп исрар эте эди.

Эбу Бекир –радиаллаху анх- оны дуймагъан киби:

«Расулюллах не япа, не алдадыр?» деп сорай эди.

Уммуль Хайр:

«- Балам! Достунъ акъкъында бир шей бильмейим.» деди.

Азрети Эбу Бекир анасыны Расулюллах акъкъында бильги алмакъ ичюн, мусульман бир ханым олгъан Умму Джемильге<sup>156</sup> ёллады. Умму Джемиль келип, Азрети Эбу Бекирни бойле перишан бир алда корьген озюни тутамдан ферьят этти:

«- Аллаһкъа емин этерим ки сангъа буны япкъанлар муакъкъакъ фасыкъ ве кяфирдирлер! Оларнынъ сангъа япкъанларыны Аллаһ янларына быракъмасын.» деди.

Даа сонъ Эбу Бекирнинъ суали узьре, Аллаһ Расулюнинъ Даруль Еркъамда селяметте олгъаныны бильдирди. Азрети Эбу Бекир:

<sup>156</sup> Бу ханым, Умму Джемиль бинт-и Хаттаб олып, мусульман бир къадын эди. Эбу Лехб-нинъ ханымынынъ ады да Умму Джемильдир. Бири- биринен къарыштырылмаасы керек.

«- Аллаһа емин олсун ки, Расулюллахны корьмеден не ашар не ичери!» деди.

Орталыкъ сакинлешип эр кес эвлерине кеткенлери заман, анасы ве Умму Джемиль къолларынынъ астындан тутып Эбу Бекир –радиаллаху анх-ны Варлыкъ Нурынынъ янына кетирдилер.

Азрети Эбу Бекир, Фахри Кяинат -салляллаху алейхи ве селлем-ни корер корьмез тизлерине къапанды. Къыйметли достунынъ бу алы Алемлернинъ Султаны Эфендимизни сонъ дередже кедерлендирди. Азрети Эбу Бекир:

«- Анам бабам санъа феда олсун, меним ич бир сыкъынтым ёкъ я РасулАллаһ! О фасыкъ мени азчыкъ хырпалады, о къадар» деди ве Аллаһ Расули –салляллаху алейхи ве селлем- ден анасынынъ хидаети ичюн дуа этмесини истеди.

Варлыкъ Нурынынъ дуасы берекетинен, Эбу Бекир -радиаллаху анх-нынъ анасы да иман этти. (Ибн-и Эсир, *Усду-ль Гъабе*, VII, 326; Ибн-и Кесир, *эль-Бидае*, III, 81)

Мусульманларнынъ сайысынынъ хызнен чокъалмасы ве Азрети Хамза –радиаллаху анх- киби батырларнынъ Ислямгъа кирмеси узерине теляша къапылан мушриклер, бир топланты япып:

«- Мухаммеднинъ вазieti джиддилешти, ишлеримизни къарыштырды. Сиирде, кеанетте, шиирде энъ алиимизни Онъа ёллайыкъ да Онынънен къонушсын!» айттылар.

Утбе бин Ребианы Варлыкъ Нурына ёлладылар. Утбе, мушриклернинъ даа эвель япылгъан теклифлерни, фазласынен текрар этип узун узун къонушты. Сёзлерни битиргенджеге къадар Аллаһ Расули оны сессиздже динъледи.

«- *Эбуль Велид! Айтаджакъларынъ битти ми?*» деп сорады.

Утбе:

«- Эбет!» айтмасынен Расулюллах –салляллаху алейхи ве селлем-:

«- *Шимди де сен мени динъле!*» буюрды.

Бисмиллях чекип Фуссилет Суресини окъумагъа башлады. Седжде аети олгъан 37-джи аетини окъуп седжде эттиктен сонъ:



«- Эбуль- Велид! Окъугъанларымны динълединъ. Артыкъ иште сен, иште о!» буюрды.

Утбе турып аркъадашларынынъ янына кельгенде, олар:

«- Валлахи Эбуль Велид башкъа бир юзнен келе. Алы башкъаджа олды?!» дедилер.

Янларына кельгенде эеджаннен Утбеге:

«- Не олды, анълат?» дедилер.

Утбе:

«Валлахи, ойле бир сёз динъледим ки бу замана къадар ич эшитмедим. О не шиир, не сиир, не де кеханеттир! Мухаммед:

فَإِنْ أَعْرَضُوا فَقُلْ أَنْذَرْتُكُمْ صَاعِقَةً مِّثْلَ صَاعِقَةِ عَادٍ وَنُوحٍ

«Эгер юз чевирселер оларгъа сёйле ки: Ад ве Семуд (*къавымларнынъ*) башына кельген йылдырымгъа ошагъан бир йылдырымнен сизни икъаз этем.» (Фуссилет, 13) айткъанда, даа чокъ окъумасын деп элимнен агъзыны тутуп, акърабалыгъымыз акъкъы ичюн емин эттим. Мухаммеднинъ айткъаны эр шейнинъ мейдангъа кельгенини бильгеним ичюн бизге азабын келеджегинден къоркътым.

Эй Къурейш джемааты! Келинъ мени динъленъ! Оны озю ишинен баш-башкъа къалдырынъ, арадан чекилинъ! Эгер оны башкъа Араплар ольдюрселер, сиз де башкъасынынъ элинен Ондан къуртулырсынъыз. Арапларгъа аким олса, Онынъ акимieti сизинъ акимietиниз, Онынъ къудрет ве шерефи сизинъ къудрет ве шерефинъиз демектир. Бойледже Мухаммед саесинде инсанларнынъ энъ саадетлиси олурсынъыз!» деди.

Къурейшлилер:

«- Эй Эбуль Велид! О сени де тилинен сиирледи!» дегендже, Утбе:

«- Меним фикирим будыр. Сиз насыл истесенъиз ойле япынъ! Къаршылыгъыны берди. (Ибн-и Хишам, I, 313-314; Ибн-и Кесир, *эль-Бидае*, III, 111-112)

### Азрети Омернинъ мусульман олмасы

Азрети Омер, Аллаһ Расулинден он учъ яш кучюктир. Сою, докбъ-зынджы бабада Пейгъамбер Эфендимизнен бирлешир.

Мушриклер, Дару-н Недведе топлангъанлар ве Азрети Пейгъамберни ольдюрмек ичюн Омерни сечип ёлладылар. Омер де, Алемлернинъ Эфендисини ольдюрмек истегинен ёлгъа чыкъты. Ёлда Нуайм бин Абдуллах –радиАллаһу анх-къа раст кельди.

Нуайм:

«- Эй Омер! Къайда кетесин?» деп сорады.

О:

«- Аталарынынъ динини быракъып янъы бир дин кетирген Мухаммедни ольдюрмеге кетем.» деди.

Нуайм –радиаллаху анх- :

«- Эй Омер! Валлахи нефсин сени алдатты! Сен Оны ольдюргенде Абди Менаф Огъулларынынъ сени сагъ быракъаджагъыны мы тюшюнесинъ?! Сен эвель озъ аилене бакъсанъ даа яхшы этерсинъ!...» деди.

Азрети Омер:

«Кимни айтасын?» деп сорады.

Нуайм –радиаллаху анх-:

«- Эништенъ Саид бин Зейд ве къардашынъ Фатыманы айтам! Валлахи экиси де мусульман олдылар.» деди.

Нуайм, онынъ ярамай ве чиркин амелини корюндже, вазиетни Аллаһ Расулине бильдирмек ичюн заман къазанмакъ тюшюнджесинен, Омерни, къардашы ве эништесининъ эвине чевирди. Янъы хабер алгъан Омер, чокъ гъадапланды ве къардашининъ эвине кетти.

О арада, къардашы ве эништесининъ янларында Хаббаб –радиаллаху анх- бар эди ве Къурани Керим окъуй эди. Омернинъ кельгенини коръ-диклери заман, Хаббабны эвде бир одагъа сакъладылар. Фатыма Хатун да аман Къурани Керим саифелерини сакълады.

Омер эвге киргенде:



«- Не эди о эшиткеним сёзлер?» деп сорады.

Эништеси ве къыз кърдашы:

«- Сен янълыш дуйдунъ, мында ойле бир шей ёкъ!» дедилер.

Омер:

«- Хайыр! Валлахи экинъизнинъ де Мухаммедке таби олгъанынъ-ызны огрендим!» деди ве ачувнен эништесининъ узерине кетти. Оны урмагъа башлады. Арагъа кирген кърдашы Фатыманы да урды. Бунунъ узерине Фатыма:

«- Я Омер! Не япарсан яп! Истесенъ бизни ольдюр. Биз мусульман-лыкътан асла вазгечмемиз!..» деди.

Юзюнде индже бир чизги алында къанлар сюзюле эди.

Кърдашындан бойле бир джевап беклемеген Омер шашырды. Къызкърдашынынъ юзюндеки къанларны корьгенде де япкъанына пишман олып:

«- Шу окъугъанларынъызны бир кетиринъ!» деди.

Къызкърдашы:

«- Биз сенинъ о сайфелерге бир шей япмакътан къркъамыз!» деди.

Омер:

«- Къркъма!» деди ве оны окъугъан сонъ къайтараджагъына танърылар адына емин этти.

Бунунъ узерине, Фатыма Хатун, онынъ мусульман оладжагъыны умют этип:

«- Эй кърдашым! Сен путкъа табынъганынъ муддетче темиз дегильсин! Амма Къуран язылы сайфеге темиз олгъандан башкъасы эллинен токъунамаз!» деди.

Омер туруп ювунды, Фатыма Хатун онъа сайфелери берди. Сонъ аети керимелерини<sup>157</sup> окъумагъа башлады:

157 Башкъа бир риваетке коре, Азрети Умер, Хадид суресининъ илк аетлери окъугъан эди. (Бейхаки, Деяиль, II, 217)

طُهُ. مَا أَنْزَلْنَا عَلَيْكَ الْقُرْآنَ لِتَشْقَى. إِلَّا تَذَكُّرَةً لِّمَن يَخْشَى. تَنْزِيلًا مِّمَّنْ خَلَقَ الْأَرْضَ  
وَالسَّمَوَاتِ الْعُلَى. الرَّحْمَنُ عَلَى الْعَرْشِ اسْتَوَى. لَهُ مَا فِي السَّمَوَاتِ وَمَا فِي الْأَرْضِ  
وَمَا بَيْنَهُمَا وَمَا تَحْتَ الثَّرَى. وَإِنْ تَجَهَّرْ بِالْقَوْلِ فَإِنَّهُ يَعْلَمُ السِّرَّ وَأَخْفَى. اللَّهُ لَا إِلَهَ  
إِلَّا هُوَ لَهُ الْأَسْمَاءُ الْحُسْنَى. وَهَلْ أَتَاكَ حَدِيثُ مُوسَى. إِذْ رَأَى نَارًا فَقَالَ لِأَهْلِهِ امْكُثُوا  
إِنِّي أَنَسْتُ نَارًا لَّعَلِّي آتِيكُم مِّنْهَا بِقَبَسٍ أَوْ أَجْدُ عَلَى النَّارِ هُدًى. فَلَمَّا أَتَاهَا نُودِيَ  
يَا مُوسَى. إِنِّي أَنَا رَبُّكَ فَاخْلَعْ نَعْلَيْكَ إِنَّكَ بِالْوَادِ الْمُقَدَّسِ طُوًى. وَأَنَا اخْتَرْتُكَ  
فَاستَمِعْ لِمَا يُوحَى. إِنِّي أَنَا اللَّهُ لَا إِلَهَ إِلَّا أَنَا فَاعْبُدْنِي وَأَقِمِ الصَّلَاةَ لِذِكْرِي. إِنَّ  
السَّاعَةَ آتِيَةٌ أَكَادُ أُخْفِيهَا لِتُجْزَى كُلُّ نَفْسٍ بِمَا تَسْعَى. فَلَا يَصُدُّكَ عَنْهَا مَن لَّا  
يُؤْمِنُ بِهَا وَاتَّبَعَ هَوَاهُ فَتَرْدَى

«Та. һа. Биз Къуранны санъа, кучълик чекерсинъ деп дегиль, ан-  
джакъ Аллаһтан къоркъкъанларгъа бир огют олсун, деп эндирик.  
(Къуран) ерни ве юдже коклерни яраткъан Аллаһ тарафындан пеш-  
пешине эндирильгендир. Рахман, Аршкъа истива эткендир. Коклерде,  
ерде ве экиси арасында олгъан шейлернен, топракънынъ алтын-  
да олгъанлар – эп Онынъдыр. Эгер сен, сѣзни ачыкъ сѣйлер исенъ,  
билесинъ ки, О, гизлини де, гизлининъ гизлисини де билир. Аллаһ  
– озюнден башкъа илях олмагъандыр. Энъ гузель исимлер Онъа мах-  
сустыр. (Расулим!) Муса (вакъиасынынъ) хабири санъа келип етти-  
ми? О вакъытта, о бир атеш корьген ве аилесине: Бекленъ! Эминим  
ки, бир атеш корьдим. Бельки, ондан сизге бир мешале кетиририм я  
да атешнинъ янында бир ребер тапарым, деген эди. О ерге баргъан-  
да онъа (тарафымыздан): Эй, Муса! деп селсенильди: Муакъкъакъ  
ки, мен, эбет мен сенинъ Раббинъым! Аман папучларынынъ чыкъар!  
Чюнки, сен мукъаддес вадий Тувадасынъ! Мен сени сечтим. Шимди  
вахий этильгенге къулакъ бер. Муакъкъакъ ки, мен, ялынъыз мен  
Аллаһым. Менден башкъа илях ёкътыр. Манъа къуллыкъ эт; мени  
анъмакъ ичюн намаз къыл. Къыямет куню мытлакъа келеджек. Эр  
кес пешинден чапкъан шейининъ къаршылыгъыны булсын, деп  
аман-аман, оны (озюнден) гизлейджем. Онъа инанмагъан ве нефси-





**нинъ истеклерине уйгъан кимселер сакъын сени ондан (къыяметке инанувдан) вазгечтирмесин; сонъунда махв олурсынъ!»** (Таха, 1-16)

Бу аетлерни окъугъан Омер шашып къалды:

«- Бу сёзлер не къадар гузель! Не къадар дегерли!» айтмакътан озюни аламады.

Къураннынъ фесахат ве белягъаты оны сонъ дередже тесирледи. Бу сёзлер, бир инсаннынъ асла сёйлеймейджеги акъикъат ве икметлернен толудыр. Бир анъ терен терен тюшонджелерге далды.

Азрети Омернинъ сёзлерни эшиткен Хаббаб –радиаллаху анх-, сакълангъан ерден чыкып:

«-Эй Омер! Валлахи Расулюллахнынъ дуасы санъа насиб оладжакъ. Варлыкъ Нуры кечкен кунъ:

*«Я Рабби! Исламны Эбуль-Хакем бин Хишам я да Омер бин Хаттабнен кучьлендир!»* деп дуа этти. Эй Омер! Артыкъ Аллаһтан къоркъ!» деди.

Азрети Омер, Хаббабкъа:

«- Эй Хаббаб! Сен мени Мухаммеднинъ булунгъан ерге алыпкет де мусульман олайым!» деди.

Аман ёлгъа чыкътылар. Бу сеферки адымлар, иман, ашкъ ве эеджан ичерисинде Расулюллахнынъ акъикъатыны идракъ этебильменинъ мухаббет ве истегинен толы эди.

О, Эркамнынъ эвине баргъанда оны Азрети Хамза къаршылады. Белинде къылыджы азыр вазиятте эди. Чюнки Нуайм –радиаллаху анх-, оларгъа даа эвельки хаберни берди. Ондан сонъ Омернен не олгъаныны кимсе бильмей эди.

Варлыкъ Нуры да турып догъру Омернинъ янына барды. Оны къаршылады ве не ичюн кельгенини сорады. Азрети Омер джевабыны бир джумленен берди:

«Мусульман олмагъа кельдим, я РасулАллаһ!»

Бунынъ узерине Аллаһ Расули –салляллаху алейхи ве селлем-, Аллаһкъа шукюр этерек:

اللَّهُ أَكْبَرُ

буюрды. Бутюн асхаб юксек сеснен текбир кетирмеге башлады. Бойледже Аллах Расули –салляллаху алейхи ве селлем-нинъ бир дуасы даа джевабыны алды.

Азрети Омер кьонушмагъа башлагъанында къальби мутмаин бир шекильде ильк сёйлегени сёз *келимеи шехадет* олды:

أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

Пейгъамбер эфендимизнинъ дуасы, Омер бин Хаттабкъа насиб олды. Эбу Джехиль исе, тюшкен бахтсызлыкъ чукъурында эляк олып кетеджек эди. (Ибн-и Хишам, I, 365-368)

Азрети Омернинъ Аллах Расулюнинъ янында *келиме-и шахадет* кетирип Ислямгъа кирмесинден сонъ, онынъ теклифинен бутюн мусульманлар топлу оларакъ Эркъамнынъ эвинден чыкътылар. Текбирлер кетирип Кябеге догъры юрьмеге башладылар...

Бу вазият мушриклерни кьоркътутты. О заман Аллах Расули Азрети Омерге, хакъ иле батылны айыргъаны ичюн «Фарукъ» сыфатыны берди. (Диярбекри, I, 296)

Азрети Омер о кунълерни шойле анълатыр:

«Мусульман олып да эза ве джефа чекмеген, муджаделе этмеген кимсе ёкъты. Амма манъа кимсе токъунмаз эди. Озь озюме дедим ки:

«Мусульманлар чешитли мусибетлерге огърагъаны вакъыт, мен се-ляметте къалмакъ истемем!»

Ислямгъа киргеним гедже тюшюндим, Мекке мушриклеринден, Расулюллах –салляллаху алейхи ве селлем-ге къаршы душманлыкъта энъ огде олгъан ким исе, барып онъа мусульман олгъанымны айтмагъа къарар бердим. Сабах олгъанда Эбу Джехильнинъ къапысыны чалдым. Къапыгъа чыкъты:

«- Хошкельдин эй Омер! Не хабер кетирдинъ?» деди.

Мен:



«- Аллаһ ве Расулине иман этип Онынъ кетирген бутюн шейлерни тасдикъ эткенимни санъа хабер бермеге кельдим!» дегенде, манъа лянет этип къапыны юзюме къапатты.» (Ибн-и Хишам, I, 371)

Даа сонъ Азрети Омер, Къурейшнинъ азылы мушриклеринден дайысы Велид бин Мугъиреге ве акъикъат душманы олгъан башкъа эки мушрикке даа кетип бу гузель хаберни берди, факъат олардан ич бири онъа бир шей япмагъа джесарет этамадылар, къапыны юзюне чарпкъан, эвлерине чекинген эдилер.

Абдуллах ибн Месуд –радиаллаху анх- шойле дер:

«- Азрети Омернинъ мусульман олмасы бир фетих, хиджрети бир ярдым, халифелиги де бир рахмет эди! Омер –радиаллаху анх- мусульман олгъангъа къадар Кябенинъ янынъда ачыкътан намаз къыламаз эдик. О мусульман олунджа Къурейшли мушриклернен муджаделе этти, олар да бизни сербест быракътылар. (Хейсеми, IX, 62-63)

Азрети Омер, Хиджретке къадар Ислям огърунда муджаделе этти ве пек чокъ сыкъынтыгъа маруз къалды.



## НУБУВВЕТНИНЪ 7-9-джи СЕНЕЛЕРИ: БОЙКОТ ЙЫЛЛАРЫ

### **Мушриклернинъ мусульманларны ёкъ этюв сиясети: учъ йыл сюрген бойкот**

Ислям, бутюн энгеллемелерге рагъмен кунъ кечтикче келишме къайд эте ве бу вазият мушриклернинъ кин ве аседлерининъ артмасына себеп ола эди. Бу алгъа даянмагъан мушриклер, Варлыкъ Нурыны ольдюрмек хусусында англаштылар:

«- Оны гизли я да ачыкътан, муакъкъакъ ольдюреджекмиз!» деп емин эттилер.

Эбу Талиб, Къурейш мушриклерининъ бу джинаетни ишлемеге азимли олгъаныны корьгендже, Аллаh Расулюнинъ аяты акъкъында эндишеге тюшти. Хашим ве Мутталиб огъууларыны топлап, Фахри Кяинат –салляллаху алейхи ве селлем- Эфендимизнинъ янында булунмаларыны ве оны эр тюрюлю телюкелерден къорчаламасыны эмир этти.

Мухаррем айынынъ догъдугъы гедже, Эбу Талиб башларында олмакъ узьре, Аллаh Расули, бутюн Хашим ве Мутталиб огъуулары Эбу Талибнинъ мааллесинде топландылар. Садедже Эбу Лехеб оларгъа къа-тылмады, мушриклернинъ сафында ер алмагъа девам этти.

Бунунъ узерине мушриклер, Ислямны даа чокъ яйылып къуветленмеден эвель ёкъ этебильмек ичюн хаиндже бир тедбир тюшюнди-лер: Иктисадий ве ичтимай бир бойкот ве баскъынен бу диннинъ тазе кутюджилерни буналтып ёнельдиклерини нурлы истикъаметтен –гуя- кери чевирмек!.. Бу макъсаднен, Эбу Джехильнинъ башкъанлыгъында Хайфи Бени Кинанеде топлангъан къаранлыкъ къальплер, мусульманлар ве оларны къорчалагъан Хашимогъууларынен эр тюрюлю алыш-веришни кесмектен, къыз алып-бермек киби медений мунасебетлерге къадар, бутюн бешерий мунасебетлерни къопардылар. Буны бир ахтнаменен де тасдыкълап Кябе дуварына астылар.



Бу саифени Мансур бин Икриме язган эди. Саифенинъ язылган куню Аллах Расули дуа этти ве Мансурнынъ эли кьуруды. Бунынъ узери-не мушриклер араларында:

«Хашим огъуллаарына зулум эткенимиз ичюн Мансур мусибетке огърады!» демеге башладылар. (Ибн-и Хишам, I, 372-373; Ибн-и Сад, I, 208-209; Бухари, Хадж, 45)

Бу бойкот узерине, эвельдже Меккенинъ фаркълы мааллелеринде дагъыныкъ бир суретте яшагъан мусульманлар, араларындаки алякъаны даа кьолайлаштырмакъ ичюн, Азрети Пейгъамбернинъ эмджеси Эбу Талибининъ мааллесине кочтилер. Расуллалах –салляллаху алейхи ве селлем- де Эркъамнынъ эвинден чыкып бу мааллеге ерлешти.

Эбу Талиб, эр анги бир ярамайлыкъ я да суикъасткъа кьаршы бутюн тедбирлерни алган эди. Пейгъамбер Эфендимиз акъшам бир ятакъкъа ятар, гедже инсанлар юкьугъа далдыкътан сонъ Эбу Талиб, огъуллаарындан бирисини, Аллах Расулюнинъ ятагъына яттырыр, Эфендимизни де онынъ ерине ёлларды. (Ибн-и Кесир, *эль-Бидае*, III, 132)

Буюк бир махрумиет деври башлады. Эбу Джехиль ве онынъ адамлары, гедже куньдюз мусульманларнынъ мааллесини козете эдилер ве анда къачакъ эрзакъ кирмесине дахи мани олмагъа чалыша эдилер.

Чаршы ве базарларнынъ мусульманлар тарафына кеткен ёлларыны кестилер. Сатылмакъ ичюн кельген ашларны, мусульманларгъа быракъмайып оларны озюне сатын ала эдилер. Мусульманлар садедже хадж мевсимлерде Эбу Талиб мааллесинден тышары чыкъа биле эдилер. Бу эснада муминлерден бири бала-чагъасы ичюн азчыкъ ашайджагъыны алмакъ ичюн эр анги бир сатыджынынъ янына барса, Эбу Лехеб аман эрзакъ юклерининъ башына турар:

«- Эй туджджарлар! Фиятларны Мухаммеднинъ асхабына ойле юк-сельтинъиз ки, олар сизден бир шей аламасынлар! Сиз меним зенгин ве сёзюни ерине кетирген бир кимсе олгъанымны билирсинъиз. Бойле япкъанынъыз такъдирде сизге бир зарар кельмейджегине мен кефилим!» дей эди.

Мусульманлар ачлыкътан агълагъан балалары ичюн ашамагъа бир шей аламадан кьайта эдилер. Туджджарлар эртеси сабах Эбу Лехебнинъ



янына бара, о да къалгъан малларыны юксек фиатнен алыр эди. (Сухейли, II, 127-128)

Бу яман вазият къаршысында Расулюллах –салляллаху алейхи ве селлем- ве Азрети Хатидже валидемиз, бутюн серветлерини мусульманларгъа дагъыттылар. (Якъуби, II, 31)

Мушриклер маалле ёлларыны къапатмакъ ичюн япылгъан бутюн гъайретлерге рагъмен, базы Меккелилер сакълыджа акърабаларына ярдым эте эдилер. Хаким бин Хизам бир керваннен Шамдан богъдай кетирген эди. Бир девенинъ узерине богъдай юклеп сакълыджа маалле ёлуна кетирди ве девесинден тюшип оны мусульманларгъа догъру къувалады. Олар да девенинъ узериндеки богъдайны алдылар. Бир башкъа гедже девеге ун юклейип маалленинъ ичине салды.

Хишам бин Амр да айны шекильде мусульманларгъа ярдым эткен адамлардан эди. Хишамнынъ бир къач деве юкю аш йибергенини огренген мушриклер, оны серт бир шекильде къоркъуттылар. Бунъа рагъмен Хишам акърабаларына ярдым этмеге девам этмесинен, мушриклер онъа агъыр сёзлер сёйлейип оны урмагъа башладылар.

Эбу Суфьян арагъа кирип ольдюрюльмесине мани олды ве:

«-Быракъынъыз адамны! Акърабаларына яхшылыкъ япты! Биз де кешке, онынъ япкъаны киби япабильсек!.. Не гузель оладжакъ эди!» деп, Хишамны къуртарды.

Бу девирде мусульманлар пек чокъ къыйынлыкъ чектилер. Бази керелер терек япракъларынен къарынларыны тойдырмакъ зорунда къалдылар. Бала-чагъа ачлыкътан эпей зайыфлагъан эди. Оларнынъ ферьятлары, маалленинъ тышарысында биле дуола эди.

Мушриклернинъ бу яптыкълдарындан макъсад, Азрети Пейгъамбер –салляллаху алейхи ве селлем-ни озьлерине теслим эткенджеге къадар мусульманларны ач быракъмакъ ве бу шекильде, Аллахнынъ Расулюни ольдюрмек ичюн фырсаат къазанмакъ эди. Амма Эбу Талибнинъ тедбир алмасынен Хашимогъуллаарынен бирлешкен мусульманлар, Варлыкъ Нурыны къорумакъ ичюн къанларыны сонъ тамласына къадар акъытмагъа къарарлы эдилер.



Салляллаху алейхи ве селлем эфендимиз Меккелилернинъ ишкендже ве эзиетлерни чокъ агъырлашынджа, мубарек эллерини ачты ве:

«- Я Рабби! Шу залым къавмге, Юсуф –aleyхисселям-нынъ зама-  
нында киби еди сене къытлыкъ азабы берип манъа ярдым эйле!» деп,  
Къурейш мушриклерини къаргъады.

Бунынъ узерине, ягъмурлар кесильди. Къурейшли мушриклерни ойле бир кургъакълыкъ ве къытлыкъ якъалады ки эр шейни тамырындан къурутты! Бир чокълары ачлыкътан ольдюлер! Ашайджакъ бир шей тап-  
майынджа, ольген айванларнынъ этлерини, терилерини... ашамагъа баш-  
ладылар. Олардан бири семагъа бакъкъанында, ачлыкъ себебинен орта-  
лыкъны думан къаплагъан киби коре эди! Аллах Таала Къуруани Керимде  
бу адиседен шойле бахс этер:

فَارْتَقَبْ يَوْمَ تَأْتِي السَّمَاءُ بِدُخَانٍ مُّبِينٍ يَغْشَى النَّاسَ هَذَا عَذَابٌ أَلِيمٌ

**«Шимди сен, кокнинъ инсанларны сараджакъ ачыкъ бир думан  
чыкъараджакъ кунни козьле. Бу, элем бериджи бир азаптыр.»** (эд-  
Духан, 10-11)

Бу къургъакълыкъ сонъ дередже шиддетленгендже Эбу Суфьян  
Варлыкъ Нуры Эфендимизге кельди:

«- Эй Мухаммед! Сен рахмет олып йиберильгенинъни айтасынъ,  
Аллахкъа итаатны, акърабагъа ярдым этмекни эмир этесинъ. Къавминъ  
исе къытлыкътан ёкъ олмакъ узьредир! Олардан бу фелякет кетсин деп  
Аллахкъа дуа эт! Эгер Сенинъ дуанъ весилесинен Аллах бу беляны узе-  
римизден алса, Аллахкъа иман этермиз!» деди ве емин этип сёз берди.

Бунынъ узерине Фахри Кяинат –салляллаху алейхи ве селлем-  
Эфендимиз дуа этти. Ягъмур ягъды. Къытлыкъ ниаетке эрди.

Рааткъа эрген мушриклер исе текрар ширкке девам эттилер. (Бухари,  
30, 44; Муслим, Мунафикъин, 40; Ахмед, I, 431, 441)

Аллах куфюрнинъ бу психологиясы акъкъында шойле буюра:

وَإِذَا مَسَّ الْإِنْسَانَ الضُّرُّ دَعَانَا لِجَنْبِهِ أَوْ قَاعِدًا أَوْ قَائِمًا فَلَمَّا كَشَفْنَا عَنْهُ ضُرَّهُ مَرَّ  
كَانَ لَمْ يَدْعُنَا إِلَى ضُرِّ مَسَّهُ كَذَلِكَ زِينٌ لِلْمُسْرِفِينَ مَا كَانُوا يَعْمَلُونَ



**«Инсангъа бир зарар кельген вакъытта, ян ятаракъ, отурааракъ, я да аякъта тураракъ (о зарарнынъ ёкъ олувы ичюн) бизге дуа этер; Факъат биз оны сыкъынтысындан къуртаргъанымызнен, санки озюне токъунгъан бир сыкъынтыдан отърю, бизге дуа этмеген киби кечип кетер. Иште, бойледже, адден ашкъанларгъа япаяткъан шей-лери гузель косътерильди.»** (Юнус, 12)

### **Бойкотнынъ битмеси**

Бинъ-бир аджынен кечкен учъ сененинъ ичинде, Аллаһ Таала бир агъач къуртуны, мушриклернинъ Кябеге аскъанлары анълашма саифесине йиберди. Къурт «Бисмике Аллаһумме: Сенинъ исминен башларым эй Аллаһым» джумлесинден башкъа, зулум ифаде эткен бутюн языны ашады. Расулюллах –салляллаху алейхи ве селлем-, озюне вахийнен хабер этильген бу вазиетни Эбу Талибке накъиль этти. Эбу Талиб бу хаберни къардашларына бильдирди ве :

«-Энъ гузель эльбиселеринъизни кийип Къурейшлилернинъ янына кетинъыз! Озьлери фаркъ этмеден эвель саифелерининъ акъибетлерини оларгъа хабер беринъыз!» деди.

Эбу Талиб ве къардашлары мушриклерге бу хаберни бергенлеринде аман бир адам йиберип саифени кетирттилер ве оны Варлыкъ Нурынынъ айткъаны шекильде коръдилер. Къурейшлилернинъ эллери янларына тюшти! Эбу Талиб бундан къувет ве джесарет булып:

«-Артыкъ, зулум эткенинъиз, акърабанен алякъаны кесип ярамайлыкъ эткенинъизни сиз де анъладынъыз, дегиль ми?!» деди.

Мушриклерден ич бири Эбу Талибке джевап берамады. Садедже:

«-Бу сиирден башкъа бир шей дегильдир!» дедилер ве зулумларына девам эттилер.

Къурейшнинъ илери кельгенлеринден базылары исе Хашим огъулларына къаршы яптыкълары шейлерден бирбирлерини айыпладылар:

«-Къардашларымызгъа къаршы бу япкъанымыз зулумдан башкъа бир шей дегильдир!» дедилер.





Нубувветнинъ онунджи сенесине келинген эди ки, Къурейшлилерден бир-къач киши бойкотны токътатмакъ ичюн арекетке кечти. Хишам бин Амр, Зухейр бин Эби Умейеге:

«-Эй Зухейр! Дайыларынь бир шей алып сатмакътан, эвленмектен махрум этилип тарлыкъ ве ёкълукъ ичинде къывраныркен, сенинь истегинини ашап ичменъе, кийинип къушанманъа гонъюлинъ насыл разы ола? Валлахи Эбу Джехильни, озъ дайыларына къаршы бойле бир анълашмагъа давет этсе эдинъ, ич бир заман иджабет этмезди.» деди.

Хишам, Зухейрни икъна эттиктен сонъ Мутим бин Адий, Эбуль Бахтери ве Зема бин Эсведи де тек тек янына чекти. Бу беш киши Меккенинь юкъарысындаки Хаджун мевкъиинде гедже топланып не япмалары керек олгъаны акъкъында къонуштылар. Анълашманы бозгъангъа къадар арекет этеджеклерине де емин эттилер.

Сабах олгъанда Месджид-и Харамгъа кеттилер. Зухейр узеринде къыйметли бир эльбисе олгъаны алда Кябени таваф этти ве:

«-Эй Меккелилер! Бизлер истегенимиз киби ашап ичейик, кийинип къушанайыкъ да, Хашим ве Мутталиб огъуллары алыш-вериштен махрум къалып эляк олсунлар, бу оладжакъ шей ми?! Аллахкъа емин этерим ки акърабалыкъ багъларыны кескен шу залым анълашма саифеси йырытылгъанына къадар отурмайджагъым!» деди.

Эбу Джехиль итираз этсе де дигер дёрт аркъадашы анълаштыкълары шекильде Зухейрни дестеклейиндже мусбет бир ава эсти. Мутим турып Кябенинь ичинде асылы олгъан саифени йыртты. Бунуень узерине Адий бин Къайс, Зема, Эбуль Бахтери ве Зухейр сияхланып Хашим ве Мутталиб огъулларынынъ янына кеттилер, оларны Эбу Талиб мааллесинден чыкъарып эвлерине кетмелерине ёл ачтылар. Бойледже мусульманлар, учъ йыллыкъ къыйын бир муасарадан Аллахнынъ лютфунен къуртулгъан эдилер. Эбу Талиб, бойкотны токътаткъанларны бир ширнен макътады. Мушриклер де Варлыкъ Нурынынъ Ислямны теблигъ этмесине мани оламайджакъларыны анъладылар ве уютлерины джойдылар. (Ибн-и Хишам, I, 397-406; Ибн-и Сад, I, 210-211)



Пейгъамберликнинъ секизинджи сенесинде, Иранлылар Румларны енъдилер. Румларнынъ шеэрлерини якъып йыкътылар, Истамбулгъа къа-



дар кеттилер ве Бизанс императорыны буюк пара одемеге меджбур бы-  
ракътылар.

Иранлылар путперест олгъанлары ичюн арап мушриклер оларнынъ  
тарафыны тута эдилер ве гъалибиетлерине чокъ севиндилер. Христиан  
олгъан Румларнынъ енъилиюви исе Фахри Кяинат Эфендимизни чокъ ке-  
дерлендирди. Бунынъ узерине Аллах Таала да бу хусуста шу аетлерни  
эндирди:

الْمُغْلِبَتِ الرُّومُ فِي أَدْنَى الْأَرْضِ وَهُمْ مِنْ بَعْدِ غَلَبِهِمْ سَيَغْلِبُونَ فِي بَضْعِ سِنِينَ  
لِلَّهِ الْأَمْرُ مِنْ قَبْلُ وَمِنْ بَعْدِ وَيَوْمَئِذٍ يَفْرَحُ الْمُؤْمِنُونَ بِنَصْرِ اللَّهِ يَنْصُرُ مَنْ يَشَاءُ وَهُوَ  
الْعَزِيزُ الرَّحِيمُ

«Элиф. Лям. Мим. Румлар, (араплар булунгъан больгеге) энъ  
якъын бир ерде магълюбиетке огърадылар. Албуки, олар, бу магълю-  
биетлеринден сонъ, бир къач йыл ичинде гъалип келеджеклер. Энъ  
сонъунда эмир Аллахнынъдыр. О куню муминлер де Аллахнынъ яр-  
дымынен севинеджеклер. Аллах тилегенине ярдым этер. О, мутлакъ  
кучъ саибидир, чокъ мерхаметлидир.» (эр-Рум, 1-5)

Аллах Расули –салляллаху алейхи ве селлем- :

«Муакъкъакъ ки Фарисилер (иранлылар) магълюб оладжакълар-  
дыр!» буюрды. (Ахмед, I, 276)

Бу иляхий хаберни огренген Эбу Бекир –радиаллаху анх-, мушри-  
клерден Убей бин Халефнен Румларнынъ Фарслыларны учъ сене ичинде  
енъеджегине даир он деве къаршылыгъында бахске кирди.<sup>158</sup>

Азрети Эбу Бекир бу бахсны Варлыкъ Нурына хабер эткенде О:

«-Аеттеки «бид» келимеси учъ иле докъуз арасындаки сайыларны  
ифаде этер. Сен аман кет, девелерин сайысыны артыр, муддетни де  
узат!» буюрды.

Азрети Эбу Бекир кетти ве муддетни докъуз сенеге, девелерин сайы-  
сыны да юзге чыкъарды.

158 Бу адисе бахске кирменинъ ясакъланмасындан эвель олды.



Румлар бирден бирге Иранлыларны агъыр бир енъилювге огъраттылар. Буны хабер алынджа Эбу Бекир –радиаллаху анх- Убейден юз деве алып Пейгъамбер эфендимизге кетирди. Аллах Расули –салляллаху алейхи ве селлем-:

*«-Буларны факъирлерге дагъыт!» деди.*

О да факъирлерге дагъытты.

Къурани Керимнинъ бу муджизесини корьген Меккели мушриклерден бир чокъ кимсе мусульман олдылар. (Тирмизий, Тефсир, 30/3194; Куртуби, XIV, 3)

### **Шакъкъ-ы Къамер: Айнынъ экиге ярылмасы муджизеси**

Аллах, догъру ёлгъа давет ичюн вазифелендирген пегъамберлерини, инсанларны инандырмакъ ичюн ве къаршылашаджакълары имансызлыкъ инадыны къырабильмек ичюн аджайип кучъ саиби къылды. Айрыджа пейгъамберлерине, инсанларнынъ озьлерине табиий олмалары ичюн бир такъым инсан кучюнинъ тышында олгъан лютуфлар да берди ки, буларгъа «муджизе» денилир.

Муджизелер, эр пейгъамберге, кенди девирлеринде айрет уяндыргъан къудрет ве къуветке даялы оларакъ лютф этильгендир. Месея, Азрети Муса девринде сиирбазлыкъ пек яйгъын эди. Бу себепле Онъа бунынънен багълы бир муджизе берильди: Аса ве безз эль<sup>159</sup>...

Азрети Иса девринде де тиб ильми теракъкъият къайд эткен эди. Табиpler, халкънынъ козюнде чокъ устюн бир мевкъи къазангъан эдилер. Бунынъ ичюн Онъа да энъ маир табиplerни биле аджизликке тюшюрген бир муджизе эдие этильди: Олюлерни тирильтмек киби...

Пейгъамбер -алейхиссалату vessелям-нынъ нубуввети исе, къыяметке къадар бутюн заман ве мекянларны къаврагъаны ичюн, О, эвельки пейгъамберлернинъ эписининъ кучъ, икътидар ве муджизелерине саип олып эписининъ устюндедир. Бу джиеттен Онынъ муджизелери, заманынынъ энъ тесирли иши олгъан белягъат ве фесахатнен къалмайып чешитли сааларда да керчеклешкендир. Булардан бири де, юкъары-

<sup>159</sup> **Безз эль** - Азрети Мусагъа берильген докъуз муджизеден биридир. (эль-Араф, 108; эль-Исра, 101; Таха, 22; эш-Шуара, 33; эн-Немль, 12; эль-Касас, 32). О, элини чыкъаргъаны заман эр тараф айдынланыр, санки кунеш чыкъкъан дайын олур эди.

да изах этильген залым мушриклернинъ бойкотлары себебинен ёргъун алгъа кельген мумин гонъюллерге бир тазелик, кяфирлерге исе къаршы Ислямнынъ къудрет уфукъларыны косътермек ичюн керчеклешкен «ин-шикъакъы къамер» муджизесидир.

Расулюллах -салляллаху алейхи ве селлем-нинъ бу буюк муджизеси, бойкот йылларында, яни Мекке деврининъ докъузынджы сенесинде мейдангъа кельгендир.

Бир гедже Аллах Расули -салляллаху алейхи ве селлем-, Раббине дуа этти ве ай да экиге болюнди, бу муджизе эр тарафтан корюльди. Ай экиге айрылгъанында бир парчасы Эбу Къубейс Дагъы тарафында, дигер парчасы Къуайкъыан Дагъы тарафында корюнди. Буны корьген мушриклер, кене имангъа кельмедилер. Атта Эбу Джехиль «Сиирбазлыкътыр!» деп бу муджизени де инкяр этти.

Бу муджизени корьген мушриклер, Азрети Пейгъамбер -салляллаху алейхи ве селлем- акъкъында:

“–Бизни сиирлединъ, амма эркесни сиирлемез!” дедилер.

Бунынъ узерине, Мекке тышындаки узакъ ерлерден кельген керванларгъа да бойле бир адисе соралды. Олар да айнынъ ярылгъаныны коръдиклерини сёйледилер. Бу адисенинъ артындан шу аети кериме энди:

اِقْتَرَبَتِ السَّاعَةُ وَاَنْشَقَّ الْقَمَرُ. وَاِنْ يَرَوْا آيَةً يُعْرِضُوا وَيَقُولُوا سِحْرٌ مُّسْتَمِرٌّ

**«Къыямет якълашты ве ай ярылды. Олар бир муджизе коръселер, аман юзь чевирир ве: «Эскиден берли девам этип кельген бир тылсымдыр», дерлер.»** (эль-Къамер, 1-2) (Вахиди, с. 418; Тирмизи, Тефсир, 54/3286)

Бутюн Мекке халкъы, айнынъ экиге болюнгени акъкъында иттифакъ этти. Къальбинде иман олгъанлар, тасдикъ этти. Килитли къальплер исе, «Не буюк сиирбаз!» дедилер.

Нитеким мешур астрономия алими Франсыз астроном *Лефранчоис де Лаланде*, айнынъ кечмиш арекетлерини инджелеркен «Айнынъ Ярылмасы» муджизесининъ догърулыгъыны къабул этмек зорунда къалгъандыр. (Зекаи Конрапа, с. 110)



Аллаһнынъ, пейгъамберлерге берген муджизелернинъ икметлерини бир-къач мадде иле хуляса этсек:

-Инсанларгъа тесир этмек ве оларны инандырмакъ.

-Иман эткенлернинъ иманларыны къуветлендирмек ве дертлерине къаршы теселли этмек.

-Пейгъамберимизнинъ пейгъамберлигини исбат этмек.

-Инанмагъанларны аджизликке, муминлери айретке тюшюрмек.

Къурани Керимнинъ эр бир аети, муминлернинъ иманыны, инанмагъанларнынъ да инкярыны арттыра. Муджизе де Раббининъ хидает бермейджеги кимселернинъ инкярыны арттыыр.<sup>160</sup>

«Айнынъ ярылмасы» Пейгъамбер Эфендимизнинъ буюк бир муджизесидир. Пейгъамберимиз, ахир заман пейгъамбери олгъаны ичюн Онынъ дюньягъа кельмеси, къыяметнинъ аляметлеринден биридир. Аетте:

اِقْتَرَبَتِ السَّاعَةُ وَاَنْشَقَّ الْقَمَرُ

«Къыямет якълашты ве ай ярылды.» (эль-Къамер, 1) буюрылгъандыр.

### Пейгъамберимизнинъ Эр Алда Теблигъге Девам Этмеси

Варлыкъ Нуры, къавмининъ бутюн эзиет ве джефаларына рагъмен хакъкъа даветтен бир анъ олсун токътамаз эди. Эр фырсаатта инсанларны хидаетке чагъыра, мухатабынынъ алына коре муамеле эте эди.

Къурейшлилернинъ энъ кучлюлеринден ве ич енъильмеген пельван олгъан Рукане, бир кунъ Мекке вадилеринден бирисинде Расулюллах - салляллаху алейхи ве селлем-нен къаршылашты. Варлыкъ Нуры онъа:

160 يَا أَيُّهَا النَّبِيُّ: Аллаһ хидает бермез. Бу ифаде, Къурани Керимде 26 кере кече:

وَاللّٰهُ لَا يَهْدِي الْقَوْمَ الظَّالِمِينَ

«...Аллаһ, залым кимселерни догъру ёлгъа эрдирмез!» (эль-Бакъара, 258)

وَاللّٰهُ لَا يَهْدِي الْقَوْمَ الْكَافِرِينَ

«...Аллаһ, кяфирлерни догъру ёлгъа эрдирмез!» (эль-Бакъара, 264)

وَاللّٰهُ لَا يَهْدِي الْقَوْمَ الْفَاسِقِينَ

«...Аллаһ, гоняхкяр кимселерни догъру ёлгъа эрдирмез!» (эль-Маиде, 108) аетлери, бунынъ бирер мисалидир.

«-Эй Рукане! Сен даа Аллахтан къркъмайджакъ ве Ислямны къабул этмейип тиренип тураджакъсынъмы? Кель мусульман ол!» деп, оны Ислямгъа давет этти.

Рукане:

«-Я Мухаммед! Сен мени куреште енъсен, санъа иман этерим!» деди.

Расули Экрем -салляллаху алейхи ве селлем-:

«-Мен енъсем, айткъларымнынъ хакъ олгъаныны къабул этерсинъми?» деп сорады.

Рукане:

«-Сен мени енъсен мен я Ислямны къабул этерим, я да шу къойларым Сенинъ олур! Мен Сени енъсем Сен шу пейгъамберлик ишинъден вазгечерсинъ!» деди.

Курешке башладылар. Фахри Кяинат -салляллаху алейхи ве селлем- оны тутар тутмаз ерге йыкътырды! Рукане озюни кърчаламагъа кучю етмеди.

«-Я Мухаммед! Бир даа курешейик!» деди.

Расулюллах –салляллаху алейхи ве селлем– текрар курешти ве оны бир даа енъди.

Рукане:

«-Эй эмджемнинъ огълу! Айды бир даа курешейик?» деди.

Учюнджи кереси де енъильген Рукане кене де иман этмеди.

Варлыкъ Нуры, Руканенинъ иман этмегенине ве бу арада сёйлегени базы сёзлеринден кедерленди. Онъа:

«-Ал кет къоюнларынъы!» буюрды.

Бунынъ узерине Рукане:

«Валлахи Сен, менден даа хайырлы ве даа шерейлисинъ!» деди.

Рукане -радыяллаху анх- йыллар сонъ Меккенинъ фетхинде мусульман олгъан, Мединеге кетип о ерге ерлешкендир. (Ибн-и Хишам, I, 418, Ибн –и Эсир, *Усд-уль Гъабе*, II, 236)



Бир кересиндеде Эзд-и Шенуэ къабилесинден Дымад бин Салебе, умре япмакъ ичюн Меккеге кельген эди. Дымад, экимликни севе эди, акъыл хасталарына окъуп уфлеген ве илим къазанмагъа тырышкъан бир киши эди. Мушриклернинъ «Мухаммед делидир!» дедиклерини эшиткенде озъ озюне:

«-Мен барып шу затны корейим. Бельки Аллах Онъа меним весилемнен шифа берир» деп мушриклернинъ меджлисинден турды. Варлыкъ Нурына келип:

«- Я Мухаммед! Мен делиликни тедавий этерим. Истесенъ сени де тедавий этейим. Бельки Аллах Санъа шифа берир!» деди.

Аллах Расули Дымадкъа шу джевапны берди:

*«Хамд Аллаһкъа махсустыр. Биз Онъа хамд этип, ярдымны ве багъышланмакъны да Ондан тилермиз. Нефислеримизнинъ шерринден Аллаһкъа сыгъынырмыз. Аллаһ кимни догъру ёлгъа эрдирген олса оны кимсе саптырмаз, кимни де догъру ёлдан чыкъарса оны кимсе догъру ёлгъа эрдирмез. Мен шаатлыкъ этерим ки Аллаһтан башкъа ич бир илях ёкътыр. О бирдир, тектир. Онынъ эши ве ортагъы ёкътыр. Кене де шаатлыкъ этерим ки Мухаммед Онынъ къулу ве Расулидир!»*

Расули Экрем -салляллаху алейхи ве селлем-нинъ сёзлерини Дымад пек бегенди ве:

«Мен ич бир вакъыт, бундан даа гузель сёз эшитмедим! Сен шу сёзлеринъни бир даа текрар этерсинъми?» деди.

Фахри Кяинат Эфендимиз сёзлерини текрарлады. Дымад бу инджи киби гузель сёзлерни эки кере даа текрар эттирдиктен сонъра:

«-Валлахи мен кяхинлернинъ, сиирбазларнынъ, шаирлернинъ, эр тюрлю инсаннынъ сёзюни динъледим. Амма сенинъ шу сёйледикилеринъ киби ич бир сёз эшитмедим. Булар белягъат ве фесахат дерьясынынъ энъ къыйметли инджилеридир. Элинъни бер де санъа бейат этейим!» деди ве мусульман олды.

Расулюллах -салляллаху алейхи ве селлем-:

«-Къавмининъ адына да бейат этерсинъми?» деп сорады.

Дымад:

«-Къавмим адына да бейат этем!» деди. (Муслим, Джума, 46; Ахмед, I, 302; Ибн-и Сад, IV, 241)

Варлыкъ Нуры, Дымад -радиаллаху анх-ны мусульман олмагъа икна эткен сонъ, аман къавмининъ адына да ондан бейат алды. Бойледже оны, къавмине Ислямны теблигъ этмек ичюн эльчи ве оджа оларакъ вазифе-лендирди.





## ПЕЙГЪАМБЕРЛИКНИНЪ ОНУНДЖЫ СЕНЕСИ

### Кедер сенеси: Азрети Хатидже ве Эбу Талибнинъ вефаты

Мушриклерининъ муасарасындан сагъ-селямет чыкъкъан Аллаһ Расули -салляллаху алейхи ве селлем-нинъ ве мусульманларнынъ севинчи узун сюръмеди. Чюнки бойкотнынъ битишинден аман сонъра, оны ве муминлернинъ къоруюджысы, оларны федакяр бир шекильде къоругъан эмджеси Эбу Талиб вефат этти.

Азрети Пейгъамбер -салляллаху алейхи ве селлем-, оны иман этмеси ичюн заман-заман чокъ исрар эте эди. Эбу Талиб де, бу исрар къаршысында торунына:

«-Мен сенинъ акъикъатынъы билем. Лякин санъа иман этсем, Къурейшнинъ къадынлары мени айыпларлар» деп айта эди.

Азрети Пейгъамбернинъ пейгъамберлигини виджданынен къабул эте эди, амма нефисине уяракъ оны ред эте эди. Аллаһ Расули -салляллаху алейхи ве селлем-, оны иманлы оларакъ рухуны Раббине теслим этмеси ичюн олюм тешегинде олгъанда:

*«-Эй эмдже! Не олурсынъ, бир келиме сёйле ки, Аллаһ санъа сонъсуз саадет берсин!»* деп исрар эте эди.

О сырада о ерге кельген Эбу Джехиль, бунъа мани олды. Чюнки Эбу Талибке эр вакъыт келимеи шехадетни телькъин эткен Азрети Пейгъамбер –салляллаху алейхи ве селлем-ге къаршы Эбу Джехиль:

- Сен аталарынынъ дининденсинъ! - телькъинини япа эди.

Сонъунда Эбу Талибнинъ, Расулюллах -салляллаху алейхи ве селлем-ге сонъ сёзю:

«Мен эски дин (Абдулмутталибнинъ дини) узъре олем. Къурейш меним ичюн, олюмден къоркъты да дини денъиштирди деп айтмайд-



жакъ олсалар эди, сенинъ сёзлеринъни къабул этер эдим!...» олды (Бухари, Дженаиз, 81; Ибн-и Сад, I, 122-123).

Бу сёзлер узерине Азрети Пейгъамбер -салляллаху алейхи ве селлем-:

«-Менде сенинъ ичюн эр вакъыт истигъфар этеджегим!» буюрды, факъат эмджесининъ эвинден кедерли оларакъ айырылгъан эди.

Расулюллах -салляллаху алейхи ве селлем-нинъ чокъ кедерленип эмджеси ичюн «сенинъ ичюн эр вакъыт истигъфарда булунаджагъым!» деп айтмасындан сонъ аети керимеде шойле буюрылды:

إِنَّكَ لَا تَهْدِي مَنْ أَحْبَبْتَ وَلَكِنَّ اللَّهَ يَهْدِي مَنْ يَشَاءُ

«(Расулим!) Сен севгенинъни хидаетке приштиралмазсынъ; факъат Аллах истегенине хидает берир...» (эль-Къасас, 56) (Муслим, Иман, 41-42)

Хидает – къулны «сыраты мустакъым»ге илеткен иляхий нурдыр. Кимнинъ гонъюли хидаетке истекли ве хакъкъа мейилли олса, анджакъ онъа насиб олур. Аети керимеде буюрылыр:

يَهْدِي إِلَيْهِ مَنْ أَنَابَ

«...озюне ёнельгенни де хидаетке приштирир.» (эр-Рад, 27)

Бу хусуста башкъаларынынъ гъайрети, ялынъыз весиле олмактыр. Акси алда башкъа бир кимсенинъ –пейгъамбер де олса- гъайретинен хидаетнинъ насиб олмасы эр вакъыт мумкюн дегильдир. Бойледже -Азрети Пейгъамбернинъ о къадар гъайретине рагъмен- Эбу Талиб, Акъикъатны билъгени алда нефисине енъилип Хакъкъа мейиль этмемеси узерине онъа хидает насиб олмагъан эди.



Эбу Талибнинъ кедерли вефатындан даа учъ кунъ кечмеген эди ки, Аллах Расулининъ, дёрт ортагъы, буюк дестеги, джан ёлдашы Сейидет-ун Ниса (къадынларнынъ эфендисе) Хатидже анамыз –радиаллаху анха-вефат этти. Аджы устюне бир аджы даа юкленди. Расули Экрем –саллял-



лаху алейхи ве селлем-, чокъ севгени мубарек апайыны, къабри шерифи-не озъ эллеринен эндирдилер. Гонъюли къасеветли ве кедерли, козьлери яш толгъан эди.

Азрети Хатидже анамыз Пейгъамберимиз ичюн Ислям давасында садыкъ бир мушавир, дерт ортагъы ве сакинлик къайнагъы эди. Онынъ вефаты Аллаһ Расулине:

«*Шу уммет устюне кельген эки буюк белядан ангисине даа чокъ кедерленеджегимни билемейим.*» (Якуби, II, 35; Табери, *Тарих*, II, 229) айттырад-жакъ къадар агъыр кельген эди.

Бу эки гъамлы адисе себебинен Мекке деврининъ онунджы сенесине «Кедер сенеси» деп айтылды.

Эмджеси ве апайынынъ вефатындан сонъ тевеккюль ве теслимиетининъ ялынъыз Аллаһкъа олмасы ичюн, Азрети Пейгъамбер Эфендимизге корюнген ич бир сыгъанакъ къалмады. Онынъ гонъюль дюнъясы бойледже Хакъ Таалагъа аданды. Чюнки балалыгъында да ана, баба ве деде имаесинден махрум быракъылып Аллаһнынъ тербиесинде етиштирилген эди.



Хатидже анамыз чокъ фазилетли бир инсан эди. Вахий мелеги бир кунъ Расули Экрем эфендимизге келип:

«-Я Расулюллах! Хатидже элинде бир савут ашнен санъа келе. Янынъа кельгени вакъыт, онъа Раббинден ве менден селям айт! Оны, гурюльти, шамата ве ёргъунлыкъ олмагъан дженнетте, инджиден япылгъан бир сарайнен мужделе!» буюрды. (Бухари, Менакъыбуль-Энсар, 20)

Азрети Хатидже –радиаллаху анха- бу иляхий селямгъа шойле къаршылыкъ берди:

«- О (шаны юдже Аллаһ) Селямнынъ озюдир, селям Ондадыр, селям олсун! Эй Аллаһнынъ Расули, Аллаһнынъ селямы, рахмети ве берекети Сенинде узерине олсун».

Аллаһ Расули –салляллаху алейхи ве селлем- аяты боюнджа бу мубарек апайыны унутмады. Онъа къаршы вефанынъ энъ гузель орьнегини косътерди. Айше –радиаллаху анха- шойле анълата:



«Пейгъамбер –aleyхисселям-нынъ апайларындан ич бирисине, Хатиджеге олгъаны къадар гъыпта этмедим. Даасы, оны ич коремеген эдим. Факъат Расули Экрем –саллалаху алейхи ве селлем- оны сыкъ-сыкъ анъар эди. Бир къоюн сойып этини парчалагъанда, чокъ вакъыт Хатидженинъ достларына ёллар эди. Бир кересинде (даянамайып) Аллаh Расулине:

«-Санки дюньяда Хатиджеден башкъа къадын къалмады!» дедим.

Пейгъамбер –саллаhu алейхи ве селлем-:

«-О шойле шойле эди» деп гузель сыфатларыны сайды ве:

«- Балаларым да ондан олды!» буюрды.

Ичимден:

«-Бир даа Хатидже акъкъында ярамай сёз сёйлемеджегим.» дедим.»

(Бухари, Менакъыбуль-Энсар, 20; Эдеб 73: Муслим, Фезаилус-сахабе 74-76)

Бир кунъ Хатидженинъ къыз къардашы Хале бинти Хувейлид, Расуллалаху –саллаллаху алейхи ве селлем-нинъ янына кирмек ичюн изин истеген эди. Расули Экрем, Хатидженинъ сесини хатырлады ве:

«-Аллаһым, бу (Хатидженинъ къардашы) Хале бинти Хувейлид!» деп эеджанланды.

Бу манзараны корьген Айше -радиаллаху анха- даянамады.

«-Къартлыкътан агъзынынъ тишлери тёкюльген ве бир вакъытлар олюп кеткен Къурейшли бир къартынъ несини анъып турасынъ? Аллаh санъа онынъ ерине даа да хайырлысыны берди.» деди (Бухари, Менакъыбуль-Энсар, 20)

Азрети Айше «даа да хайырлы» сёзюнен озюни къаст эте эди. Онынъ бу сёзюни догъру булмагъан Аллаh Расули шу джевапны берди:

«Ёкъ, Аллаh Таала манъа ондан даа да хайырлысыны бермедди. Халкъ Манъа инанмагъанда о инанды. Эр кес, Манъа яланджы деп айткъанда о догъру сёйлегеними къабул этти. Кимсе манъа бир шей бермегенде о мени малынен дестекледди ве Аллаh Манъа ондан балалар ихсан этти.»

(Ибн-и Ханбель, VI, 118).



### Таиф ёлджулыгы

Эмджеси ве апайынынъ вefатларынынъ артындан, Азрети Пейгъамбер -салляллаху алейхи ве селлем-ге япылган баскылар пек артты. О Султануль-Энбиягъа къаршы япылган душманджа уджум-лер вахшийет дереджесине улашты. Ойле ки, Расули Экрем -салляллаху алейхи ве селлем-нинъ такъатыны зорламагъа башлады. Бунынъ узерине Аллах Расули янына Зейд –радиАллаһу анх-ны алып Меккенинъ тахминен 120 км. узагъындаки Таиф шеэринге кетти. О ерде он кунъ къалды.

Таифлилерге Ислямны анълатты. Оларны тевхидке давет этти. Буюклеринден корюшип, путкъа тапмакътан вазгечип бир Аллаһкъа къуллыкъ япмаларыны телькын этти. Таиф буюклерининъ янына барып, къонушмагъаны киши къалмады.

Факъат бу давет, Къурейшлилер киби путперест бир къавим олган, Таифлилернинъ арасында да къоркъунч бир фыртына къопмасына себеп олды. Нефислерине къул оларакъ яшадыкълары ичюн ич бири Ислямгъа янашамады. Бунынъда устуне Азрети Пейгъамбер –салляллаху алейхи ве селлем-ге эзиет ве ишкендже этмекни де къачырмадылар.

Башта онъа кульдюлер. Сонъра ашаламагъа башладылар. Артындан да ёлунынъ узерине эки сыра олып къул ве ыргъатлары тизерек акъарет эттирди ве таш аттырдылар. Бойледже шеэрден чыкъкъанына къадар Аллаһ Расули –салляллаху алейхи ве селлем-ге эзиетлерге девам эттилер. Атта къулларыны артындан ёллайып бир муддет даа да таш ягъмурына туттылар. О Пейгъамберлер Султанынынъ аякълары къан ичинде къалып, аякъ-къаплары къан толгъан эди. Оны, атылган ташлардан къорумакъ истеген Зейд -радиаллаху анх- да яралангъан эди. О, эм Аллаһ Расулини атылган ташларгъа къаршы озъ беденинен къорчаламагъа тырыша, эм:

«- Эй Таиф халкъы! Ташлагъанынъыз кишининъ бир пейгъамбер олгъаныны билесинъизми?!» деп айта эди.

Озьлерини зор-замет Меккелилерге махсус олган бир багъчагъа, бир хурма терегининъ тюбуне аттылар. Ерлер кедерли, коклер кедерли эди. Мелеклер кедерли эди. Джебраиль кедерли эди. Микаиль, Исафилъ, Азраиль кедерли эди.

Башта Джебраиль олмакъ узьре мелеклер, Аллаһ Тааладан изин алып Расулюллах –салляллаху алейхи ве селлем- нинъ янына кельдилер!

«- Я РасулАллаһ! Истесенъ, бу къавми эляк этейик!» дедилер.

О рахмет къайнагъы ве мерхамет Пейгъамбери, огърагъаны бу чиркин арекет къаршысында биле беддуа этмейип эллерини котерип Аллаһкъа шойле дуа этти:

*«Аллаһым! Къуветимнинъ зайыфлагъаныны, чаресизлигимни, халкъ козюнде ашагъы тюшмемни Санъа арз этем. Эй мерхаметлилернинъ энъ мерхаметлисиди! Эгер манъа нисбетен гъадаплы дегиль исенъ, чеккеним зорлукъ ве беляларгъа даянырым! Аллаһым, Сен къавмиме хидает бер! Олар бильмейлер! Иляхи, Сен разы олгъанынъа къадар иште афунъы тилейим...»* (Ибн-и Хишам II, 29-30; Хейсеми, VI, 35; Бухари, Бедул-Халкъ, 7)

Расулюллахнынъ раатлангъаны багънынъ саибиди Рабиа огъуулары, Алемлернинъ Эфендисининъ вазиятини корюп оны адждыды ве онъа къуулары Аддаснен бир табакъ юзюм ёлладылар. Аддас табакъны Варлыкъ Нурына узатты:

«- Буюрынъыз, ашанъыз!» деди.

Азрети Пейгъамбер –салляллаху алейхи ве селлем- де:

*«Бисмиллях»* дейип ашамагъа башлады.

Бу сёз Аддаснынъ дикъкъатыны чекти. Шимдиге къадар ич кимседен бойле бир сёз эшитмеген эди, Меракъланып ве тааджиплинип:

«- Бу сёзни, бу ерде яшагъанлар не билер, не де сёйлерлер!» деп мырылданды.

Артындан кене тааджиплинип:

«- Сиз башкъа бир инсансынъыз! Бу ернинъ инсанларына бенъземейсинъиз! Кимсинъиз?» деди.

Аллаһ Расули –салляллаху алейхи ве селлем-де:

«- Сен нерелисин, къайсы динденсинъ?» деп сорады.

Аддас:

«- Ниновалыйым, христианым!» деди.

Расули Экрем Эфендимиз:

«- Демек сен салих къул, Юнус пейгъамбернинъ мемлекетинденсинъ!» деди.



Аддаснынъ шашкъынлыгъы даа да пек артты:

«- Сен Юнусны не ерден билесинъ?» деди.

Варлыкъ Нуры:

*«- Юнус меним къардашымдыр. О, бир пейгъамбер эди. Мен де бир пейгъамберим!»* буюрды.

Бу сёзлер узерине Аддаснынъ гонъюль алейминден иман пынарлары фышкъырмагъа башлады ве шевкънен еринден къалкъып Азрети Пейгъамбер –саллаллаху алейхи ве селлем–нинъ элине ве аягъына къапанъп келимеи шехадет кетирди. (Ибн Хишам, II, 30; Якъуби, II, 36).

Эфендилери Аддасны бу давранышы себебинен айыпладыкълары вакъыт, шу джевабыны берди:

«Мен озюмни бильдим билели, дюньяда Ондан даа да хайырлы бир инсан коръмедим! О манъа ойле бир сёз сёйледи ки, оны анджакъ бир пейгъамбер билип олур эди» (Ибн -н Хишам, II, 31)

Не саадет ки Аддас, Аллаһ Расулининъ аятында энъ къыйын шартларда иман этип, Оны теселли эткен бир мумин юреги олма шерефини къазанды. Алемлернинъ Эфендиси онынъ мусульман олмасына пек севинди.

Бугунъ Аддаснынъ Ислямгъа киргени ерде онынъ адына япылгъан бир джами бар.

### **Бензерсиз бир Мерхамет ве Рахманий Теселлилер**

Азрети Айше -радиаллаху анх- анамыз буюрырлар:

«-Ухуд дженкинден даа да чокъ зорлангъанынъ бир кунъ олды мы я Расулюллах?»

Шойле буюрдылар:

*«-Эбет, сенинъ къавминъден чокъ яманлыкъ коръдим. Бу яманлыкъларнынъ энъ яманы, оларнынъ манъа Акъабе Куню<sup>161</sup> якъанларыдыр.*

<sup>161</sup> **Акъабе Куню** – Аллаһ Расулининъ Минада, Акъабе денильген ерде турып, инсанларны Ислямгъа давет эткени кунъдир. О кунъ инсанларнынъ бир къысмы Расулюллах -саллаллаху алейхи ве селлем-нинъ даветине уйдылар ве Исламны къабул эттилер, амма башкъа бир къысмы онъа эзиегъ эттилер. Иште бу кунъ Акъабе Куню деп нам къазанды.

*Айрыджа Таифли Абдукъулялнынъ огълы Ибн-и Абдияллыге сыгъынмакъ истеген эдим де мени къабул этмеген эди. (Аксине мени къулларына ташлар аттырып, эр тарафымы къанлар ичинде быракъып, япмадыкъ эзиет быракъмагъан эди). Менде аркъагъа айланып терен кедерлер ичинде юрип кете эдим. Къарн-ус Сеалиб деген ерге баргъангъа къадар озюме келямадым. О ерде башымы котерип бакъкъаным вакъыт, бир булутнынъ мени кольгелегенини корьдим. Дикъкъатлы бакъкъанджа, булутнынъ ичинде Джебраиль -алейхисселям-ны фаркъ эттим. Манъа;*

*«-Аллаһ Тааля къавмининъ Санъа не айткъаныны ве Сени имае этмени насыл къабул этмегенини дуйгъандыр. Оларгъа истегинъни япманъ ичюн де санъа Дагълар Мелегини ёллагъандыр», деп сесленди.*

*Бунынъ узерине Дагълар Мелеги манъа сесленип селям берди. Сонъра да:*

*«-Эй Мухаммед! Къавмининъ Санъа не айткъаныны Аллаһ эшитти. Мен Дагълар Мелегийим. Не эмир этсенъ оны япмам ичюн Аллаһ Тааля мени санъа ёллады. Не япмамны истейсинъ? Эгер истесенъ шу эки дагъны оларнынъ башына йыкъайым!» деди.*

*О вакъыт;*

*«-Ёкъ, мен Аллаһтан, оларнынъ сойларындан ялынъызджа Аллаһкъа ибадет этеджек ве Онъа ич бир шейни ортакъ къошмайджакъ кимселер чыкъармасыны тилерим!» дедим. (Бухари, Бедуль-халькъ, 7 Муслим, Джихад, 111)*

*Шаир, Аллаһ Таалянынъ Хабибине олгъан севгисини не гузель ифадетер;*

*Сен ол махбубсынъ ки Хакъ Тааля рехгюзарында*

*Этер дюнья ве мафиханы къурбан я РасулАллаһ!*

*« Сен ойле бир севгилисинъ ки Аллаһ, Сенинъ ёлуна,*

*дюньяны ве ичиндеки эр шейни къурбан этер! Я Расулюллах!»*



*Таиф ёлджулыгъы пек чокъ ибретлернен толудыр:*





-Эвеля, теблигънинъ чокъму молгъаныны косътере. Пейгъамберимиз, кедер йылы олмасына бакъмайып теблигъине ара бермеди, бунъа сабыр ве себатнен девам этти.

-Таифлилер Оны таш ягъмуруна туттылар, амма кене де Расулюллах –салляллаху алейхи ве селлем– оларгъа беддуа этмегендир. Бу, эм Аллаһ Расулюнинъ мерхаметини косътере эм де теблигъджининъ мерхаметли олмасы керек олгъанына ишареттир.

-Теблигъджи хатаны озюнде бильмели, инсанларнынъ хидаети ичюн дуа этмели ве умулсизликке тюшмемели. Расулюллах –салляллаху алейхи ве селлем– бир хата къаршысында, озюне изафе этип:

*«Манъа не ола ки, сизни бойле корем!»*<sup>162</sup> буюра эдилер. Тыпкъы Азрети Сулейманнынъ Худхуд къушынынъ топлантыда олмагъаныны фаркъ эткени вакъыт:

مَا لِي لَا أَرَى الْهُدُودَ . .

**«...Худхудны не ичюн коралмайым?...»** (Немль, 20) деп айтмасы да, бу теблигъ услуб ве усулындандыр.

-Таиф ёлджулыгъындан сонъра, Аддаснынъ иманы чокъ муимдир. Чюнки Расулюллах –алейхисселям– энъ сыкъынтылы анында бунынънен раатлыкъ коръди. Бу адисе косътере ки, энъ буюк сыкъынтылар ичинде олсакъ биле бир кишининъ иманы бизни раатлатмалы.

-Теблигъджи озъ яшайышынен орьнек олмалыдыр.

-Ислямны теблигъ эткен киши, инсанларнен лаф этмекни бильмели, медениетли олмалы, Пейгъамбер Эфендимизнинъ Аддаскъа давранышында олгъаны киби не ерде ве кимге не айтаджагъыны бильмелидир.

### **Джинлернинъ Варлыкъ Нурындан Къуран Динълейип Иман Этишлери**

Алдастан башкъа кимсенинъ иман этмегени Таифтен къайткъанда Аллаһ Расули –салляллаху алейхи ве селлем– ни, геджени кечирген ерде Къуран окъугъанда джинлерден бир джемаат оны динъледиди. Эписи де

162 Бакъынъыз, Муслим, Саят, 119; Эбу Давуд, Хатем, 4; Эдеп, 14.



акъикъатны анълайып Расулюллах –салляллаху алейхи ве селлем– ге иман эттилер. Къавимлерининъ янына теблигъ вазифесинен къайттылар. (Ибн-и Сад, I, 212).

Ибн-и Аббас –радиАллаһу анхума– шойле деген эди:

Расулюллах –салляллаху алейхи ве селлем– бир такъым асхабынен Укъаз панайырына кетмек ниетинен ёлгъа чыкъкъан эди.

О вакъыт, шейтанларнынъ коктен кельген хаберлерни алмалары ясакъ олунгъан эди.<sup>163</sup> (Бунынъ ичюн, девамлы оларакъ коктен хабер кетирген) шейтанларнынъ узерине атешлер ёлланылды.<sup>164</sup> Бойледже шейтанлар къавимлерине (эли бош ве хаберсиз) къайттылар.

Къавимлери:

«-Не бар, не ичюн (бош) къайттынъыз?» деп сорадылар.

Олар:

«-Бизнен семави хаберлер арасына мания къоюлду, узеримизге атешлер ёлланылды. (Биз де къачып кельдик)» дедицер.

Къавимлери:

«-Бу, янъы чыкъкъан бир шей себебинен олмалы, ернинъ шаркъыны ве гъарбыны кезинъиз, (бу мания акъкъында бир хабер кетиринъиз.)» дедицер.

Джинлер (дюньянынъ эр ерини арамакъ ичюн такъымлар алында ёлгъа чыктылар. Булардан) Тихаме Тарафына кеткен бир такъым, (Укъаз панайырына кеткенде (Нахледе) асхабынен берабер сабах намазыны къылмакъта олгъан Азрети Пейгъамбер –салляллаху алейхи ве селлем–ге растлады. Къуруани Керимнинъ окъунгъаныны эшиткенде турып къулакъ къабарттылар;

163 «Джинлер кокке юкселип вахийни динълей эдилер. Бир тек келиме эшитселер, онъа докъсан докъуз келиме озълеринден къоша эдилер. О тек келиме догъру, къошулгъан келимелер исе ялан эди. Расулюллах –салляллаху алейхи ве селлем– пейгъамбер оларакъ ёллангъан сонъ, джинлернинъ коклердеки ерлерге чыкъмалары ясакъланды. Бундан эвель, Джинлерге бильги алмакъ ясакъ дегиль эди.» (Тирмизи, Тефсир, 72/3324).

164 **Шихаб** - алев, атеш шулес демектир. Хусусан коктен йылдыз таймасы киби корюнген алевге айтылыр. Шихабларнынъ кокташлары олгъаныны кунюмизнинъ муфессирлери къайд этелер.



«-Бизним коктен хаберлер алмамызгъа мани олгъан шей иште буйдыр!» деп къайттылар.

Къавимлерине шойле дедилер:

«-Эй къавмимиз, керчектен биз, догъру ёлгъа алып баргъан, аджайип гузель бир Къуран динъледик ве онъа иман эттик. Артыкъ кимсени Раббимизге асла ортакъ къошмайджакъмыз.»

Бунунъ узерине Аллах, Небийи Экремине Джин суресини эндирип джинлернинъ Къуран динълегенлерини ве къавимлерине сёйлегенлери сёзлерини хабер берди:

قُلْ أَوْحَىٰ إِلَيَّ أَنَّهُ اسْتَمَعَ نَفَرٌ مِّنَ الْجِنِّ فَقَالُوا إِنَّا سَمِعْنَا قُرْآنًا عَجَبًا.  
يَهْدِي إِلَى الرُّشْدِ فَآمَنَّا بِهِ وَلَنْ نُشْرِكَ بِرَبِّنَا أَحَدًا.

«(Расулим!) Де ки: Джинлерден бир топлулыкънынъ (мен окъугъан Къуранны) динълеп де, бойле сёйлегенлери манъа вахий олунгъандыр: Акъикъатен, биз догъру ёлгъа къавуштыргъан аলেখусус гузель бир Къуран динъледик де, онъа иман эттик. (Артыкъ) кимсени Раббимизге асла ортакъ къошмайджакъмыз.» (эль-Джин, 1-2) (Бухари, Тефсир, 72; Эзан, 105; Муслим, Саят, 149, Тирмизи, Тефсир, 72/3324)

Аллах Таала Ахкъяф суресинде бу адисени шу шекильде анълата;

وَإِذْ صَرَفْنَا إِلَيْكَ نَفَرًا مِّنَ الْجِنِّ يَسْتَمِعُونَ الْقُرْآنَ فَلَمَّا حَضَرُوهُ قَالُوا أَنصِتُوا فَلَمَّا قُضِيَ وَلَّوْا إِلَىٰ قَوْمِهِمْ مُنْذِرِينَ. قَالُوا يَا قَوْمَنَا إِنَّا سَمِعْنَا كِتَابًا أُنزِلَ مِن بَعْدِ مُوسَىٰ مُصَدِّقًا لِّمَا بَيْنَ يَدَيْهِ يَهْدِي إِلَى الْحَقِّ وَإِلَىٰ طَرِيقٍ مُّسْتَقِيمٍ. يَا قَوْمَنَا أَجِيبُوا دَاعِيَ اللَّهِ وَآمِنُوا بِهِ يَغْفِرَ لَكُم مِّن ذُنُوبِكُمْ وَيُجِرْكُم مِّنْ عَذَابٍ أَلِيمٍ. وَمَنْ لَا يُجِبِ دَاعِيَ اللَّهِ فَلَيْسَ بِمُعْجِزٍ فِي الْأَرْضِ وَلَيْسَ لَهُ مِن دُونِهِ أَوْلِيَاءُ أُولَٰئِكَ فِي ضَلَالٍ مُّبِينٍ.

«Хатыранъдамы, джинлерден бир топуны, Къуранны динълев-лери ичюн, санъа ёнелтъкен эдик. Къуранны динълемеге азыр олгъа-

нынен, (бир-бирлерине) «Сусынъ» дегенлер. Къураннынъ окъулывы биткенинен, тенбиджилер оларакъ, къавмларына дёнген эдилер. Эй, къавмымыз! дедилер, догърусы, биз Мусадан сонъ эндирилген, озюнден эвелькисини догърулагъан, хакъкъа ве догъру ёлгъа къавуштырыджы бир китап динъледик. Эй, къавмымыз! Аллаһнынъ даветчисине уйынъ. Онъа иман этинъ ки, Аллаһ да сизнинъ гунахларынъызны къысмен багъышласын ве сизни адджы бир азаптан къорчаласын. Аллаһнынъ даветчисине уймагъан кимсе ер юзюнде Аллаһны аджиз быракъаджакъ дегильдир. Озо ичюн Аллаһтан башкъа достлар да булунмаз. Иште, олар, ап-ачыкъ бир сапыкълыкъ ичиндедилер.» (эль-Ахкъаф, 29-32)

Аети керимелерде, джинлернинъ кок хаберлерини динълемектен мани этильдиклери акъкъында шойле буюрыла:

وَأَنَّا لَمَسْنَا السَّمَاءَ فَوَجدْنَا هَا مُلِئَتْ حَرَسًا شَدِيدًا وَشُهُبًا. وَأَنَّا كُنَّا نَقْعُدُ مِنْهَا مَقَاعِدَ لِلسَّمْعِ فَمَنْ يَسْمَعُ الْآنَ يَجِدْ لَهُ شِهَابًا رَصَدًا. وَأَنَّا لَا نَدْرِي أَشَرٌّ أُرِيدَ بِمَنْ فِي الْأَرْضِ أَمْ أَرَادَ بِهِمْ رَبُّهُمْ رَشَدًا

«Догърусы, биз (джинлер), кокни ёкъладыкъ, факъат оны серт бекчилернен, алев деметлеринен толдурылгъан алда таптыкъ. Албуки, (даа эвель) биз онынъ базы къысымларында (хабер) динълемек ичюн отураджакъ ерлер (тапып) отура эдик; факъат шимди ким динълемек истесе, озюни козеткен бир алев демети тапмакъта. Бильмеймиз, ер юзюндекилерине яманлыкъ мурат этильдими, ёкъса, Рабблери оларгъа бир хайыр тиледими?» (эль-Джин, 8-10)<sup>165</sup>

165 Мевляна Азретлери бу адисни, меджаз мисаллернен не гузель анылата:

«Шейтанлар кок юзюне чыкъып эсрар-ы семавиеге къулакъ бере эдилер.»

«О сырлардан аз бир микъдарыны къырслагъанда, аман коктен шихаплар келир, оларны семадан сюрер эди.»

«Ве дерди ки: Бир пейгъамбер йиберильди. Онынъ булундыгъы ерге кетинъ ве не истерсенъиз Ондан алынъ.»

«Эгер къыйметли инджи къыдыра олсанъыз, «Эвлерге къапыларындан киригъиз!»

«О къапынынъ алкъасыны ур ве къапы огюнде тур. Зира санъа ве сенинъ кибилерге кокке догъру ёл ёкътыр.»

«Эм сизинъ ичюн ойле узакъ ёлларгъа кетмеге керек ёкътыр. Биз сырларнынъ сырыны топракътан яратылгъан кулумызгъа бердик.»

«Эгер хаин дегиль исенъиз, Аллаһнынъ Халифеси олгъан О затнынъ хузурына келигъиз. Бош къамыш киби олсанъыз биле, Онынъ субети иле шекер къамышы киби олурсынъыз.»



Расулюллах -салляллаху алейхи ве селлем-нинъ Таиф ёлджулыгъын-дан корюнген къазанчы садедже Аддас -радиаллаху анх-нынъ иман эт-меси эди. Лякин акъикъатта Аллах Тааля Онъа пек чокъ лютуфларда бу-лунды. Меселя Пейгъамберимизге эки алемнинъ султанлыгъыны берди. Илк оларакъ даа Меккеге къайтмадан джинлер Ондан Къуран динъледи ве озъ алемлеринде теблигъ этмеге башладылар. Бундан къыскъа бир муддет сонъ да Аллах Тааля, Хабибини сема алемининъ султаны япты ве Мираджны лютуф этти.



Расулюллах -салляллаху алейхи ве селлем- Таиф къайтышы Нахледен Меккеге догъру кельгенде, Хира дагъынынъ янында, Меккели бирисине расткельди. Оны башта Ахнес бин Шерикке, даа сонъ да Сухейль бин Амр ве Мутим бин Адийге йиберди. Оларгъа:

«–Мухаммед «Раббининъ манъа бергени рисалет вазифесини те-блигъ этип ерине кетиринджеге къадар, мени къорчалав астына алыр-сынъ мы?» деп сорады.» демесини истеди.

Дигер экиси къабул этмеди анджакъ Мутим, мусбет джевап берди. Варлыкъ Нуры, о гедже Мутимнинъ эвинде къалды. Сабах олгъанда Мутим огъулларыны ве къавмини янына чагъырып:

«–Силяларынынъ кюшанынынъ ве Бейтуллахнынъ къатында бу-лунынъыз!» деди.

Месджид-и Харамгъа кеткенлери заманда къавмине бакъып:

«–Эй Къурейш джемаати! Мухаммедни къорчалавыма алдым! Онъа кимсе токъунмасын!» деп сесленди.

---

\* «Эвлерге къапыларындан киринъиз.» (эль-Бакъара, 189): Джахилие девринде ве Исламнынъ илк йылларында киши хадж я да умре ичюн ихрамгъа киргени вакъыт багъ-багъчасына ве эвине къапысындан кирмез эди. Шеэрде яшагъанлар исе дамдан бир делик ачар, о ерден кирер чыкъар эди. Бедевий исе чадырнынъ къапысындан кир-мез, чадырны аркъасындан йыртар, о ерден кирер эди. Ихрамдан чыкъкъангъа къадар бойле япар ве буны эйилик ве таат оларакъ билир эди. Аллах Тааля Бакъара Сүресининъ 189-нджи аетини йиберип, эвлерге аркъаларындан кирменинъ эйилик ве итаат олмагъаныны билдирди. (Вахиди, с. 56-57)  
Даа сонъ бу ает, «бир ишни усулына коре япмакъ» манасында кулланылмагъа башлады. Азретги Мевляна да: «Аллаһны тапмакъ ичюн Онынъ къапысы сайылгъан эхлюллахкъа мураджаат этинъиз» деп тасаввуфий тefsирини япты.



Варлыкь Нуры Кябени таваф этип эки рекят намаз кыыларакъ эвине къайткъанына къадар Мутим ве огъулары Оны муафаза эттилер. (Ибн-и Сад, I, 212; Ибн-и Кесир, *эль-Бидае*, III, 182)

Арадан сенелер кечти. Иман шеревине наиль оламагъан Мутим, Бедирде мусульманларгъа къаршы дженк этти ве ольдюрильди. Душман есирлерине не япыладжагъы акъкъында тартышылгъаны вакъыт, Расулюллах -салляллаху алейхи ве селлем-, Мутимнинь огълу Джубейрге:

*«–Шает Мутим аятта олып да менден эсирлерин багъышланмасыны истесе эди, фидье алмадан эписини быракъыр эдим.»* буюраракъ онъа олгъан вефасыны косътерди. (Бухари, Хумус, 16; Ибн-и Хишам, I, 404-406)

Ислямны теблигъ эткенде озюне кьолайлыкъ косътерген бир мушрикке биле узангъан бу вефа дуйгъусы, не юдже бир ахлякнынъ сыфатыдыр!..

### **Мухтелиф Къабилелернен корюшмеси ве Оларны Ислямгъа Давети**

Таиф дёнюши Аллаһ Расули -салляллаху алейхи ве селлем-, бир муддет халкътан узакъ яшады. Сонъ текрар даветине девам этти. Мушриклер пек серт ве къатты даврамагъа башлагъанлары вакъыт, Аллаһ Таала Пейгъамбер Эфендимизге Арап къабилелеринен корюшип оларгъа Ислямны анълатмасыны эмир этти.

Бунунъ узерине Варлыкь Нуры, хадж заманы Меккеге кельгенлерге ве Укъаз, Медженне, Зульмеджаз киби панайырларгъа къатылгъанларгъа хитаб этип Къураны Керим аетлерини окъуп, оларны Ислямгъа давет эте эди.

Расулюллах -салляллаху алейхи ве селлем- бу буюк панайырларда топлангъан Бени Амир, Мухариб, Фезара, Гассан, Мюрре, Ханифе, Сюлейм, Абс, Бени Наср, Бени Бекка, Кинде, Кельб, Харисе, Узре, Худариме... киби къабилелернинъ кьонакъ ерлерине кетип, оларны Ислямгъа давет эте эди. Пейгъамберлигини тасдикъ этмелерини ве пейгъамберлик вазифесини ери-не кетирмеге ярдым этмелерини олардан истей эди. (Ибн-и Сад, I, 216-217; Ахмед, III, 322, 492; Ибн-и Кесир, III, 183-190)



Джабир<sup>166</sup> -радиаллаху анх- шойле анълата:

«Аллаһ Расули хадж мевсиминде вакфе еринде хаджыларгъа сесленип:

*«Мени къавмине алып бараджакъ бир кимсе ёкъмы? Къуреиш, Раббимнинъ сёзю Къуранны теблигъ этмемге мани олдылар.»* дей эди. (Эбу Давуд, Суннет, 19-20/4734)

Лякин олардан даветини къабул этеджек, озюни къорчалап ярдым этеджек бир кимсе чыкъмай эди. Аксине, кимиси Пейгъамберимизге сурет асып, къаба ве къатты даврана эди; базылары де «Сени къавмин даа яхшы билир! Олар санъа не ичюн таби олмайлар?» деп Аллаһ Расули - салляллаху алейхи ве селлем- иле тартыша эдилер. Варлыкъ Нуры исе керек олгъан джевапларны берип оларны Хакъ ёлуна даветке девам эте эди. (Ахмед, III, 322; Ибн-и Сад, I, 216)

Мудардан я да Йеменден бир кимсе, хаджгъа я да панайырларгъа кельмек узъре ёлгъа чыкъкъанда, къавми онъа:

«—Сакъын ол! Къуреишлилернинъ генджи сени дининъден дёндюрмесин!» деп тенбилей эдилер. (Хаким, II, 681/4251)

166 **Джабир бин Абдуллах** -радиаллаху анх-, хиджреттен 16 сене эвель Мединеде догъды. Бабаасы Абдуллах бин Амр, Ухуд дженкинде шехид олгъан ильк сахабидир. Бабаасы аятта экен 9 кыз къардашына бакмакъ ичюн дженклерге къатыламагъан эди. Бабаасынынъ вефатындан сонра Аллаһ Расули иле бирликте 19 дженкке къошулды. Джабир -радиаллаху анх-, Экинджи Акъабе Бейатына иштирак эткен эйетнинъ энъ кучюк азасы эди. Пейгъамбер Эфендимиз Джабирни чокъ севе эди. Вакты-вакътынен оны девесининъ аркъасына миндирип, астанангъаны вакъыт зияретине кетер эди. Бабаасы шехид тошкени заман, артында чокъ бордж къалдыргъан эди, Джабир бу борджларны къайтарувда зорлукъ чекти. Чокъу борджлар еудийлрге эди. Олар да борджларыны аман истей эдилер. Бунынънен берабер о йыл махсул да аз эди. Расулюллах -салляллаху алейхи ве селлем- топлангъан хурмаларны топлатты. Мубарек элине ольчекни алып эр кеске борджларыны бермеге башлады. Аллаһ Расулининъ бир муджизеси оларакъ Джабирнинъ бутюн борджлары берильген сонъ хурма ич эксильмеген эди. Азрети Джабир, энъ чокъ хадис ривает эткен еди сахабиден, «Муксирун»дан бири эди. 1540 хадис ривает эткен эди. Асхабы Кирамдан олгъан Абдуллах бин Унейсининъ шойле бир хадис ривает эткенини эшитти, «узунинде мазлум акъкъы булунгъан кимсе дженнетке киремез». Бу хадисни Пейгъамбер Эфендимизден дуйгъан ильк агъыздан эшитмеге ирседди. Анджакъ бу сахаби Шамгъа ерлешкен эди. Джабир бир деве сатын алып Мединеден ёлгъа чыккы. Бир ай сюрген узун бир ёлджукътан сонъра Шамгъа барды ве хадисни Абдуллах бин Унейстен огренди. Аятынынъ сонъларына догъру козьлери кёр олды. 78/697 сенесинде 94 яшында Мединеде вефат этти. Мединеде энъ сонъ вефат эткен сахаби эди.

Расулюллах -салляллаху алейхи ве селлем- бир кунь Минада, Шейбан бин Салебе Огъулларынынъ янына барды. Озюнинъ Аллаһнынъ Расули олгъаныны билъдирди. Къабиле буюклеринден Мефрукъ бин Амр:

«—Эй Къурейшли къардаш! Сен инсанларны нелерге давет этесинъ я?» деп сорады.

Расулюллах -салляллаху алейхи ве селлем- келип янларына отурды. Эбу Бекир -радиаллаху анх- да аякъкъа турып Варлыкъ Нурыны ельбисе-синен кольгелий эди. Аллаһ Расули, Мефрукъкъа:

«—Мен сизни Аллаһтан башкъа ич бир илях олмагъанына, Аллаһнынъ ортакъсыз ве бир тек олгъанына, меним де Аллаһнынъ Расули олгъаны-ма шаатлыкъ этменъизни, Аллаһ тарафындан манъа эмир олунгъан шейлерни ерине кетирунджегине къадар мени муафаза этменъизни ве манъа ярдымджы олманъыз ичюн сизни давет этем. Чюнки Къурейш, Аллаһнынъ эмирине къаршы кельди, Аллаһнынъ Расулини яланлады, ба-тылны тутып акъыкъаттан юзь чевирди. Аллаһ эр шейден буюк ве эр тюрлю хамдкъа (макътавгъа) ляйыкътыр!» деп буюрды.

Мефрукъ:

«—Эй Къурейшли къардаш! Сен башкъа нелерге давет этесинъ?» деп сорады.

Варлыкъ Нуры Энам Суресинден шу аетлери окъуды:

قُلْ تَعَالَوْا أَتْلُ مَا حَرَّمَ رَبِّيَ عَلَيْكُمْ الْأَشْرَكَ بِهٖ شَيْئًا وَبِالْوَالِدَيْنِ إِحْسَانًا وَلَا تَقْتُلُوا أَوْلَادَكُمْ مِنْ إِمْلَاقٍ نَحْنُ نَرْزُقُكُمْ وَإِيَّاهُمْ وَلَا تَقْرُبُوا الْفَوَاحِشَ مَا ظَهَرَ مِنْهَا وَمَا بَطَنَ وَلَا تَقْتُلُوا النَّفْسَ الَّتِي حَرَّمَ اللَّهُ إِلَّا بِالْحَقِّ ذَٰلِكُمْ وَصِيَّتُكُمْ بِهٖ لَعَلَّكُمْ تَعْقِلُونَ. وَلَا تَقْرُبُوا مَالَ الْيَتِيمِ إِلَّا بِالَّتِي هِيَ أَحْسَنُ حَتَّىٰ يَبْلُغَ أَشُدَّهُ وَأَوْفُوا الْكَيْلَ وَالْمِيزَانَ بِالْقِسْطِ لَا تَكْلَفُ نَفْسًا إِلَّا وُسْعَهَا وَإِذَا قُلْتُمْ فَاعْدِلُوا وَلَوْ كَانَ ذَا قُرْبَىٰ وَبِعَهْدِ اللَّهِ أَوْفُوا ذَٰلِكُمْ وَصِيَّتُكُمْ بِهٖ لَعَلَّكُمْ تَذَكَّرُونَ. وَإِنَّ هَٰذَا صِرَاطِي مُسْتَقِيمًا فَاتَّبِعُوهُ وَلَا تَتَّبِعُوا السُّبُلَ فَتَفَرَّقَ بِكُمْ عَنْ سَبِيلِهِ ذَٰلِكُمْ وَصِيَّتُكُمْ بِهٖ لَعَلَّكُمْ تَتَّقُونَ.





«Де ки: Келинъ, Раббинъизнинъ сизге нелерни арам эткенини окъуйым: Онъа ич бир шейни ортакъ къошманъ, ана-бабагъа яхшылыкъ япынъ, факъырлыкъ къоркъусынен балаларынъызны ольдюрменъ -сизнинъ де, оларнынъ да рызкъыны биз берирмиз- ; феналыкъларнынъ ашкъарына да, гизлисине де якълашманъ ве Аллаһ ясакълагъан джанны хакъсыз ерде къыйманъ! Иште, булар – Аллаһнынъ сизге эмир эткенлеридир. Умют этилир ки, тюшюнип анъларсынъыз. Пишкинлик чагына кельгенге къадар, етимнинъ малына, садедже энъ яхшы тутумнен якълашынъ; ольчу ве чекини адалетнен япынъ. Биз эр кеске анджакъ кучюнинъ еткени къадарыны юклермиз. Сёз сёйлеген вакътынъызда, якъынларынъыз дахи олса, адалетли олунъ, Аллаһкъа берген сёзюнъизни тутынъ. Иште, Аллаһ сизге эйидже тюшюнирсинъиз деп, буларны эмир этти. Шубесиз, бу – меним дос-догъру ёлумдыр. Бунъа уйынъ. (Башкъа ёлларгъа уйманъ). Зира, о ёллар сизни Аллаһнынъ ёлундан айырыр. Иште, сакъынувынъыз ичюн Аллаһ сизге буларны эмир этти.» (эль-Энъам, 151-153)

Мефрукъ:

«-Эй Къурейшли къардаш! Сен даа нелерге давет этесин? Валлахи булар инсан сёзю дегильдир! Эгер инсанларнынъ келямындан олса эди биз оны чокъ эйи таныр эдик!» деди.

Бу дефа Фахри Кяинат -салляллаху алейхи ве селлем-:

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَىٰ وَيَنْهَىٰ  
عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ

« Муакъкъакъ ки, Аллаһ адалетни, яхшылыкъны, акърабагъа ярдым этмекни эмир этер, чиркин ишлерни, яманлыкъны ве адден ашувны да ясакълар. О, тюшюнип тутарсынъыз деп, сизге огют бермекте.» (эн-Нахл, 90) аетини окъуду.

Мефрукъ:

«-Эй Къурейшли къардаш! Валлахи Сен мени энъ устюн ахлякъкъа ве энъ гузель амеллерге давет эттинъ! Санъа яланджы деген къавим ифтира эткен демектир!» деди.



Къабиленинъ буюклеринден Хани ве Мусенна да бойле джевап бердилер. Лякин къавимлеринен корюшип къонушмадан бу теклифни къабул этмейджеклерини, айрыджа Кисра ве Фарсларнен анълашма яптыкъларыны, оларнынъ бу иштен мемнюн олмайджагъыны сёйледилер.

Нетиджеде виджданларынен къабул эткенлери алда менфаатларынынъ кесиледжеги ве башларына бир зарар келеджеги къоркъусы иле Варлыкъ Нурунынъ теклифини ред эттилер. (Ибн-и Эсир, *Усдуль-Гъабе*, V, 250-251; Ибн-и Кесир, *эль-Бидае*, III, 187-189)

Тарыкъ бин Абдуллах шойле анълатыр:

«Расулюллах -алейхисселям-ны Зулмеджаз Панайырында, узеринде къырмызы бир эльбисе иле корьген эдим:

«—Эй инсанлар! «*Ля иляхе илляллах*» *денъиз де къуртулынъыз!*» деп юксек сеснен хитап эте эди.

Бир адам да элиндеки ташнен оны такъип эте де:

«—Инсанлар! Сакъын Онъа итаат этмень, чюнки О яланджыдыр.» деп бакъыра эди.

Аткъан ташларнен Небийи Экрем Эфендимизнинъ аякъларыны къанаткъан эди.

О ерде булунгъан кимселерге:

«—Бу киши кимдир?» деп сорадым.

«—Абдуль Мутталиб Огъулларындан бир яштыр.» дедилер.

«—Онынъ артына тюшип таш аткъан ким?» дедим.

«—О да эмджеси Эбу Лехебдир.» дедилер. (Хаким, II, 668; Ибн-и Эсир, *Усдуль-Гъабе*, III, 71)

Варлыкъ Нурунынъ Ислямны теблигъ огъруна къатлангъаны мешакъьатларгъа мисаль оларакъ бир адисени де Мудрик эль-Езди шойле накъиль этмектедир:

«Бабамнен бирликте хадж япа эдим. Минада къонакълагъанымызда бир топлулыкънен къаршылаштым. Бабамгъа:

«—Бу джемаат не ичюн топлангъан экен?» деп сорадым.

Бабам:



«–Къавмининъ динини терк эткен шу киши ичюн!» деди.

Ишарет эткени тарафкъа бакъкъанда Расулкуллах -салляллаху алей-  
хи ве селлем-ни коръдим:

*«–Эй инсанлар! «Ля иляхе илляллах» денъиз де къуртулынъыз!»* деп  
сеслене эди.

Инсанлардан кими Онынъ юзюне тюкюре, кими башына топракъ  
сача, кими де Оны сёге эди. Уйлеге къадар бу ал девам этти. О эснада  
якъасы ачылгъан бир къыз, бир къап сув ве элинде мендиль иле кель-  
ди. Агълай эди. Варлыкъ Нуры къапны алып сувдан ичти, элини юзюни  
ювды. Башыны къалдырып:

*«–Эвлядым, якъаны баш ортюнъле ортъ! Бабанъ акъкъында ту-  
закъкъа тюшюрюлип ольдюрюледжек ве зилетке огърайджакъ деп  
къоркъма!»* буюрды.

Бу кельгеннинъ ким олгъаныны сорадым:

«–Къызы Зейнеб!» дедилер. (Ибн-и Эсир, *Усдуль-Гъабе*, V, 130; Хейсеми, VI,  
21)

Азрети Зейнеб, Азрети Фатыма ве Варлыкъ Нурынынъ дигер къыз-  
лары, чоджукълыкъларыны ве генчликлерини Ислямнынъ энъ зайыф,  
мусульманларнынъ энъ чокъ эзильген бир девирде кечирдилер. Варлыкъ  
Нурынынъ ве мусульманларнынъ чеккени аджыларгъа энъ аз олар къадар  
Азрети Зейнеб ве къардашлары да ортакъ олдылар. Бабалары эвден чыкъ-  
ып Ислямны теблигъ эткенде олар, я къоркъу ичинде меракънен къапыда  
беклер я да мухтерем бабаларыны адым адым такъип этерек Оны муафа-  
за этмеге чалыша эдилер.

Пейгъамбер Эфендимизнинъ бу мухтерем къызлары, аналары Азрети  
Хатидже вефат эткенинде де бабаларына ярдым эттилер, Онынъ чилеле-  
рине ортакъ олдылар. Чеккени эзиетлер къаршысында кедерленип козъя-  
шы тэктюлер. Фатыма къаныны сильди, Зейнеб аркъасындан сув алып  
кетип элини юзюни ювды, йылларджа къоркъу толу бир аят яшадылар.

Варлыкъ Нурынынъ Укъаз панайырында Ислямгъа давет эткени пек  
чокъ къабиледен бири де Амир бин Сасаа Огъулла ры эди. Оларгъа:

*«–Мен Аллахнынъ Расулим! Эгер сизинъ янынъызгъа кельсем,  
Раббимнинъ эмирлерини халкъкъа улаштыргъангъа къадар, пейгъам-*

*берлик вазифемни ерине кетиринджеге къадар мени къорчаларсызмы? Ичинъизден ич кимсени зорламайджагъым!»* буюрды.

«—Биз, Сени не янымыздан къувармыз не де Санъа иман этермиз. Садедже вазифени ерине кетиргенге къадар муафаза этермиз!» дедилер.

Бу сырада Бейхара исминде о къабиледен бир адам чыкъып кельди. Эфендимизнинъ ким олгъаныны бильген сонъ Бейхара, озъ озюне:

«—Валлахи, шу адамы Къурейшлилерден алып олсам, Онынъ саесинде бутюн Арапларгъа устюн келир эдим» деп мырылданды. Сонъ Расулюллах -салляллаху алейхи ве селлем-ге:

«—Эгер биз Санъа бейат этер, Аллаһ да Сени душманларынъа гъалип япса, Сенден сонъ реислик бизге къалыр мы?» деп сорады.

Варлыкъ Нуры:

«—*Иш Аллаһкъа аиттир! Аллаһ оны тилегенине берир!*» деп буюрды.

Бейхара:

«—Демек, коксюмиз Сенинъ огърунда бутюн Арапларын окъларына нишан оладжакъ, Аллаһ Сени музаффер къылгъаны заман да реислик башкъасына бериледжек ха?! Бу бизим ишимизге кельмез!» деп, къавмине дёнюп:

«—Шу панайырдан, сизнинъ къазангъанынъыздан даа яман бир шейнен къайткъан кимсе бильмейим. Бутюн Арап къабилелерини къаршынынъызгъа аладжакъсынъыз ха? Оны, озъ къавми сизден даа эйи билир. Эгер къавми Онда бир хайыр коръсе эди, эр кесден эвель Онъа саип чыкъар эди...» деп бакъырып чагъырды. Даа сонъ, Пейгъамбер Эфендимизге дёнюп:

«—Аман тур ве кет бу ерден!» деди.

Аллаһ Расули янларындан турып девесине мингенинде, Бейхара девенинъ коксюне бирден тюртти. Деве сычрап турайткъанда Севгили Пейгъамберимизни ерге тюшюрди.

Дубаа бинти Амир исминде мусульман бир къадын Эфендимизге япылгъан бу акъаретни коръгенинен:



«–Эй Амир кърорантасы! Козюнъизнинъ огюнде Аллаһнынъ Расулине япылган шу эзиетни корюп де ичинъизден Оны хатырым ичюн кърорча-лайджакъ кимсе ёкмы?» деди.

Эмдже огъуллерындан учъ киши аман кълкып мельун Бейхаранынъ узерине юрьдилер.

Бу вакъиадан сонъ Расулюллах -салляллаху алейхи ве селлем- булар акъкъында:

*«Эй Аллаһым! Буларгъа берекетини ихсан эт!»* деп дуа этти.

Бу дуа берекети иле Аллаһ Таала оларгъа иман насиб этти ве сонъунда шехидлик мертебесине наиль олдылар.

Бу къабиленинъ хадж мевсимлерине къатыламагъан пек къарт бир реислери бар эди. Юртларына дёндюклери заман олгъанларыны онъа анълаттылар. Ихтияр, аман эллерини башынынъ узъре къойды ве:

«–Эй Амир огъуллеры! Къачыргъанынъыз бу фыршатны насыл телляфи этеджексинъиз? Нефсим къудрет элинде булунгъан Аллаһкъа ант олсун ки Исмаил огъуллерындан ич бириси шимдиге къадар ялан ерге пейгъамбер олгъаныны сёйлемегендир! Эльбетте ки, Онынъ сёйлегени акъ ве керчектир! Сизнинъ о догъру корюшинъиз о эснада не ерде эди?» деп оларны айыплады. (Ибн-и Хишам, II, 33-34; Ибн-и Кесир, эль-Бидае, III, 184; Ибн-и Хаджер, эль-Исабе, IV, 353)

Эфендимиз -салляллаху алейхи ве селлем-, корюп олгъаны бутюн яман муамелелерге рагъмен, ап ачыкъ динни инсанларгъа теблигъ этмектен асла вазгечмеди ве панайыргъа кельген дигер къабилелерге де акъикъатны ачыкълай эди.

### Пейгъамберимизнинъ Азрети Севде Иле Эвлилиги

Севде анамыз Секран бин Амрнынъ никяхлысы эди. Мусульманлар ишкенджеге огърагъан сонъ Хабешистангъа хиджрет эттилер. Секран бир муддет сонъ вефат этти. Азрети Севде, Ислям хусусында вефакяр ве федакяр эди ве Аллаһ Расули -салляллаху алейхи ве селлем-нинъ такъдирини къазанды. Оны бу мушкуль алдан къуртармакъ ичюн Пейгъамбер Эфендимиз онынъ иле эвлendi.



Аллаһ Расулининъ Азрети Севде валидемизнен эвленмесине, Осман бин Мазуннынъ апайы Хавле Хатун весиле олды.

Хавле Хатун, эвленме меселесини Азрети Севденинъ бабасына бильдиргенде, о:

«–Догърусы Мухаммед пек шерефли бир къоджа олур!» деп эвлен-мелерине разы олды.

Факъат Севде Хатун вефат эткен къоджасындан беш я да алты кучюк баласы олгъаны ичюн Пейгъамбер Эфендимиз иле эвленмеге джесарет этип оламай эди.

Варлыкъ Нуры -салляллаху алейхи ве селлем- онынъ къарарсыз къалгъаныны корюндже:

«–Сенинъ менимнен эвленмене мани олгъан недир?» деп сорады.

Азрети Севде:

«–Валлахи, я Расулаллах! Манъа Сенден даа севгили кимсе ёкъ, меним Сенинъ иле эвленмеге не мани ола билир? Факъат шу кучюк балаларым, сабах акъшам Сенинъ башында багъырып чагъыраракъ раатсызлыкъ бермелеринден къоркъарым. Ёкъса мен бу ишни Сени мемнюн ве месрур этмек ичюн севе севе къабул этерим» деди. (Ибн-и Сад, VIII, 53-57; Ахмед, I, 318-319; VI, 211; Хейсеми, IV, 270)

Бу эвлилик Пейгъамберликинъ онунджы сенеси Рамазан айында олды.

Севде валидемиз Варлыкъ Нурына буюк бир эмиет косътере эди, хызметинде къусур этмез эди. О, Эфендимизнинъ ялынъыз къалгъаны бир сырада озюне аркъадаш олгъан, Аллаһ Расулининъ бакъымгъа ве ана шефкъатына мухтадж олгъан кучюк къызларына да буюк бир шефкъат ве мераметнен бакъкъан, оларны севгинен буюткендир.



## ПЕЙГЪАМБЕРЛИКНИНЪ ОН БИРИНДЖИ СЕНЕСИ

### Акъабе корюшмеси

Бир гедже вакъыты эди...

Кябени зияретке кельген алты кишилик Мединели бир топлулыкъ, Акъабе мевкъиинде Алемлернинъ Эфендиси, энбиялар Сервери Расулюллах -салляллаху алейхи ве селлем-ге раст кельдилер. Онынъ джанларны айдынлаткъан нурына бакъып «Бу не гузель бир инсан!» деп араарында сёйлештилер. Гонъюллерине тариф этемейджеклери бир лезет берген ве ичлериндеки муаббет филизлерини ешерткен рахмет дамлалары акъмагъа башлады. О сырада янларына якълашкъан Варлыкъ Нуры да, Пейгъамберлик вазифеси керектиргени ичюн эр кесни олдыгъы киби оларны да Ислямгъа давет этмек ичюн сесленди:

*«–Бираз отурсанъыз да субет этсек!»* деди.

Мединели алты кишилик бу бахтлы группа, бегенгенлери бу киши иле лаф этмекни джанларына миннет бильдилер. Аман Пейгъамбер Эфендимизнинъ этрафына, ышыкънынъ этрафында кобелеклер мисали топландылар.

Аллах Расули -салляллаху алейхи ве селлем-, оларгъа къурани Керимден аетлер окъуп Ислямны теблигъ этти. Эки джианда да саадетли олмагъа истей иселер, бу иман даветине джевап бермелери керек олгъаныны сёйледи.

Мединелилер, якъында бир пейгъамбер келеджегини даа эвельки яшагъан аталарындан эшиткен эдилер, айрыджа къомшулары олгъан еудийлерден де сыкъ сыкъ дуйгъан эдилер. Пейгъамбер Эфендимизнинъ даветини эшиткендже, бири-бирлерине:

*«–Аркъадашлар! Валлахи бу, еудийлернинъ бизни къоркъуткъан пейгъамбердир! Сакъын, еудийлер Онъа иман этмекте бизни кечмесинлер!»* дедилер.



Расули Экремнинъ баштан берли хайран олгъанлары, айдан гузель бетине бир даа бакътылар ве аңлаткъан акъикъятларны аңлап иляхий даветке «эбет» дедилер. Келимеи шехадет кетирдилер:

أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

Пейгъамбер Эфендимиз оларгъа, эгер мусульманларнен Мединеге кельселер ярдымджы олып оламайджакъларыны сорады.

Мединенинъ бу ильк мусульманлары исе, Эвс ве Хазредж къабилелери арасында пек чокъ дженклер олгъаныны, араларындаки душманлыгъынынъ сонъ дереджеге улашкъаныны, бу сене келеджек олса, кендилерине там манасынен ярдым эталмайджакъларыны сёйлеп бир йыл вакъыт истедилер. Мединелилерни Ислямгъа давет этме сёзюни берип келеджек сене хадж мевсиминде текрар кельмеге ваде эттилер.

Бу кучюк иман къафилеси, мемлекетлерине бам-башкъа бир неше ве севинч ичинде къайттылар. Джехалет кирлеринден арынгъан, узерлериндеки къасеветнинъ агъырлыгъы дагъылгъан ве бир къуш киби хафифлеген эдилер. Мединеге бардыклары заман, Кяинатнынъ Эфендиси эки джиан Кунешини аңлатмагъа ве оларны Ислямгъа давет этмеге башладылар. Мединеде, ичинде Азрети Пейгъамбер -салляллаху алейхи ве селлем-нинъ бахс этильмегени тек бир эв биле къалмады. (Ибн-и Хишам, II, 38; Ибн-и Сад, I, 219; Хейсеми, VI, 40)

### Учюнджю Шерхи Садр (кокюснинъ ярылмасы): Мираджгъа Азырлыкъ

Исра ве Мирадж геджесинде, Фахри Кяинат -салляллаху алейхи ве селлем-нинъ Аллаһ Таала иле корюшмектен эвель, темиз пейгъамбер юреги учюнджи кере иляхий теджрибелерге азырланаракъ кокюслери иман ве икметле толдурылгъандыр. (Бухари, Саят, I; Муслим, Иман, 263)

Варлыкъ Нуры бу адисени шойле аңлатыр:

*«Мен Кябенинъ Хатим къысымында ята эдим. Юкъу иле уяныкълыкъ арасында мангъа бири кельди, шу ерден шу ерге къадар (кокюсюми) ярды. (Буны сёйлегенде богъазындан, кокюсюнинъ къыл биткен ерге къадар олгъан къысымыны косътерди). Къальбимни чыкъарды. Сонъ иман ве икмет иле толу алтын бир къаб кетирильди. Къальбим (чыкъарылып*





Земзем сувы иле) ювылды. Сонъ ичериси иман ве икметнен толдырылып текрар ерине къоюлды...» (Бухари, Бедуль-Халькъ, 6; Энбия, 22, 43; Муслим, Иман, 264)

### Махбубнынъ Хабибине Олгъан Эшсиз Икрамы: Мирадж

Исра адисеси, хиджреттен 18 ай эвель олды.

Исра ве Мирадж оларакъ билинген бу иляхий эдие, козьден бутюн бешерий перделернинъ алынмасынен, идракъларнынъ тышында ве тамамен иляхий ольчулер иле керчеклешкен бир лютфтир. Месея, бизим анълагъанымыз манада межян ве заман ёкъ олды, миллиардларджа инсан омрюне сыгъмайджакъ къадар узун бир ёлджулыкъ, бир саниеден даа аз бир заман ичинде олгъан. Аллах Таала буюрыр:

سُبْحَانَ الَّذِي أَسْرَى بِعَبْدِهِ لَيْلًا مِّنَ الْمَسْجِدِ الْحَرَامِ إِلَى الْمَسْجِدِ الْأَقْصَى الَّذِي بَارَكْنَا حَوْلَهُ لِنُرِيَهُ مِنْ آيَاتِنَا إِنَّهُ هُوَ السَّمِيعُ الْبَصِيرُ

«Бир гедже онъа аетлеримизден бир къысмыны косътерейик деп, (Мухаммед) къулыны Месджид-и Харамдан, этрафыны мубарек къылдыгъымыз Месджид-и Акъсагъа алып баргъан Аллах, нукъсан сыфатлардан узакътыр; О, акъикъатен эшитиджидир, корюджидир.» (эль-Исра, 1)

Аети кериме, ифаде эткени муим ве шашыладжакъ ишлернинъ эмиетине дикъкъат чекмек узьре тензихнен, سُبْحَانَ (субхане) сёзюнен башлагъандыр. Тефсир<sup>167</sup> алимлерининъ беянына коре سُبْحَانَ, Аллахнынъ, нукъсан сыфатлардан узакъ олгъаныны там бир шекильде ифаде этер.

Айрыджа Аллахнынъ юдже санааты къаршысында, айрет ифадеси оларакъ да къулланылмакътадыр. Айны заманда Аллахны анъма хусусында муим бир тесбихаттыр.

Къыскаджан бу келиме;

1. Акъылларгъа айрет берген Исра адисесини юджельтме ве догърулама; къальблернинъ темизленмесине земин азырламадыр. Бу келиме,

167 Тефсир – Къурани Керимнинъ изааты ве кениш ачыкъланувы.

инсанларны Аллаһны махлюкъткъа бенъзетме ве джысым шеклинде тюшюнмеден де къорчалар.

2. Мираджны мумкюн корьмегенлерге къаршы, Аллаһнынъ аджизлик ве бенъзери эр тюрлю нукъсан сыфатлардан узакъ олгъаны акъикъатыны ифаде этер.

Аетнинъ девамында, геджеге дикъкъат чекильмектедир. Чюнки Ибра, бир гедже ёлджулыгъыдыр. Вахий бир чокъ вакъыт гедже кельгендир. Нитеким нафиле ибадетлерде де техеджуд намазы энъ фазилетли ибадеттир.

Месджиди Акъса ве этрафынынъ мубарек олмасы шойле изах этиле:

1. Дин ве дюнья берекетинен берекетлендирильген. этрафында ешилликлер ве ырмакълар бар.

2. Пек чокъ пейгъамбер о ерде яшагъан ве бу себеп иле де вахийнинъ эниш мекаяны олгъан.

3. Ибра адисеси себебинен де айрыджа берекетли къылынгъан.

Бу ёлджулыкъта Аллаһ, къулу ве Расули Мухаммед Мустафа -салляллаху алейхи ве селлем-ге аджайып адиселер косътергендир.



Аллаһ Расули -салляллаху алейхи ве селлем-, о гедже Месджиди Аксада бутюн пейгъамберлерге имам олып намаз къылдырды. (Ибн-и Сад, I, 214)

Эбу Хурейре -радиаллаху анх-ден ривает этильгенине коре, Ибра геджеси Расули Экрем -салляллаху алейхи ве селлем-ге, биринде шарап дигеринде сют булунгъан эки чанакъ кетирильди. Азрети Пейгъамбер -салляллаху алейхи ве селлем- шойле бир бакътыкътан сонъ сют чанагъыны алды. Бунунъ узьре Джебраиль:

«—Сени, инсаннынъ яратылыш гъаесине уйгъун олгъангъа ёнелткен Аллаһкъа хамд олсун. Шаёт ички толу чанакъны алса эдинъ, умметнинъ сапыкълыкъкъа тюшер эди.» деди. (Муслим, Иман, 272; Эшрибе, 92. Айрыджа бк. Бухари, Тefsир, 17/3, Эшрибе, 1, 12; Несай, Эшрибе, 41)



Расулюллах -салляллаху алейхи ве селлем- бойледже бутюн умме-  
тини темсиль эте эди. Сют инсаннынъ фытратыны, шарап исе дюньягъа  
багъылыкъны темсиль этмекте эди.

Аллаһ аети керимеде:

وَمَا يَنْطِقُ عَنِ الْهَوَىٰ

«... **О, арзусына коре де лаф этмез!**» (эн-Неджм, 3) буюраракъ Варлыкъ  
Нуры Эфендимизнинъ озъ арзусына уяракъ къонушмагъаныны ве озюн-  
ден бир шей япмагъаныны бильдиргендир. Асыл иш корюджи Аллаһтыр  
ве Пейгъамберимиз де Онъа там манасынен теслим олгъандыр. Бу ерде  
Аллаһ Таала, сютю терджих эттиререк Хабибини энъ фазилетли олгъан-  
гъа ёнетти.

Исра адисесинен Месджиди Харамдан Месджиди Аксагъа алып ба-  
рылгъан Пейгъамбер -алеѳхисселям-гъа, бу ерден семагъа юксельме, яни  
Мирадж шерефи багъыш этильди. Керчектен Месджиди Аксагъа бар-  
гъан Азрети Пейгъамбер бу ерден Азрети Джебраильнинъ реберлигин-  
де «Сидретуль-Мунтеха»<sup>168</sup>гъа къадар чыкъты. Кяинатнынъ Эфендиси  
Сертаджы Энбия<sup>169</sup> -салляллаху алейхи ве селлем- бу адисени шойле анъ-  
латырлар:

*«–Мен Кябенинъ Хатим къысымында юкъу иле уяныкълыкъ ара-  
сында эдим... Яныма эшектен буюк, къатырдан кучюк безз бир айван  
кетирильди. Бу Буракъ эди. Огюндеки аягъыны козьнинъ корьгени энъ  
сонъки нокътагъа къоюп ёл ала эди. Мен онынъ узьре миндирильген эдим.  
Бойледже Джибриль -алеѳхисселям- мени алып кетти. Дюнья семасына  
къадар кельдик. Къапынынъ ачылмасыны истеди.*

*«–Кельген ким?» денильди.*

*«–Джебраиль!» деди.*

*«–Берабериндеки ким?» денильди.*

*«–Мухаммед -алеѳхисселяту vessелям-» деди.*

*«–Онъа Мирадж давети ѳиберильдимми?» денильди.*

168 Сидрет-уль Мунтеха – Маддий дюньянынъ сонъу. Махлюкъат алеймининъ худуды.

169 Сертадж-ы Энбия – Пейгъамберлер таджы.



«—Эбет!» деди.

«—Хош кельгенлер! Бу келиш не эйи келиштир!» денильди ве къапы ачылды.

Къапыдан кечкенде, о ерде Азрети Адем -алейхисселям-ны корьдим.

«—Бу бабанъыз Адем! Селям бер Онъа!» деди.

Мен де селям бердим. Селямымны алды . Сонъ манъа:

«—Салих эвляд, хош кельдинъ, салих пейгъамбер, хош кельдинъ!» деди.

Сонъ Азрети Джебраиль мени юксельтти ве экинджи семагъа кельдик. Бу ерде Азрети Яхъя ве Азрети Иса -алейхимесселям- иле къаршылаштым. Олар тизе огуллары эди. Сонъ Джебраиль мени учюнджи семагъа чыкъарды ве о ерде Азрети Юсуф -алейхисселям-нен къаршылаштыкъ. Дёрдюнджи къат семада Азрети Идрис -алейхисселям- иле, бешинджи къат семада Харун -алейхисселям- иле, алтынджи къат семада исе Азрети Муса -алейхисселям- иле къаршылаштыкъ.

«—Салих къардаш хош кельдинъ, салих пейгъамбер, хош кельдинъ!» деди.

Мен оны кечкендже, агълады. Онъа:

«—Не ичюн агълайсынъ?» денильди.

«—Чюнки, менден сонъ бир деликъанлы пейгъамбер олды, Онынъ умметинден дженнетке кетеджеклер, меним умметимден дженнетке кетеджеклерден даа чокъ!» деди<sup>170</sup>.

Сонъ мени единджи семагъа чыкъарды ве Ибрахим -алейхисселям- иле къаршылаштыкъ.

Джебраиль -алейхисселям-:

«—Бу бабанъ Ибрахимдир, онъа селям бер!» деди.

Мен селям бердим. О да селямымы алды. Сонъ:

«—Салих огулум хош кельдинъ, салих пейгъамбер, хош кельдинъ!» деди.

170 Азрети Мусанынъ агъламасы куньджиликтен дегиль эди. Къазанып оламагъаны кемал алына кедерлене эди.



*Даа сонъ манъа:*

*«–Я Мухаммед! Умметинъе менден селям сѣйле ве оларгъа дженнетнинъ топрагъы чокъ гузель, сувы татлы, ери чокъ кениш ве тютюз олгъаныны бильдир. Сѣйле де дженнетке чокъ терек отуртсынлар. Дженнетнинъ тереклери де «Субханаллаhi вель-хамду лилляhi ве ля иляхе иллаллаhu валлаhu экбер» демектен ибареттир.» деди.*

*Сонъ Сидретуль-Мунтехагъа чыкъарылдым. Бунынъ мейвалары (Йеменнинъ) Хеджер тестилери киби ири эди, япракълары да филь къулакълары киби эди.*

*Джебраиль -алейхисселям- манъа:*

*«–Иште бу Сидретуль-Мунтехадыр!» деди.»* (Бухари, Бедуль-Халькъ, 6; Энбия, 22, 43; Менакъыбуль-Энсар, 42; Муслим, Иман, 264; Тирмизи, Тефсир, 94; Деават 58; Несаи, Салат, 1; Ахмед, V, 418)

О ерде Джебраиль -алейхисселям- шойле деди:

*«–Эй Аллаһнынъ Расули! Бу ерден отеге ялынъыз кетеджексин!»*

Расулюллах -салляллаху алейхи ве селлем- сорады:

*«–Не ичюн эй Джибриль?»*

О да джевапнен:

*«–Аллаһ манъа бу ерге къадар кельмеге изин берди. Эгер бу ерден илерге бир адым атсам, янар куль олурым!...» деди. (Рази, XXVIII, 251)*

Артыкъ бундан сонъки ёлджулыкъкъа Аллаһ Расули -салляллаху алейхи ве селлем- ялынъыз девам этти. Кендисине табиат устю шейлер лютф этильди. Аллаһнынъ джемалини коръди.

Бу ёлджулыкътаки табиат устю вакъиаларны ифаде этмек, хаял отеси бир акъикъатны, инсан идракъынынъ черчевесине сыгъдырабильмек заруретинден догъмакътадыр. Керчекте асылыны Аллаһ иле Онынъ Пейгъамбери арасында эбедий бир сыр оларакъ, тамамен гъайб алеймининъ шартлары ичинде керчеклешкендир. Бунынънен бирликте, Аллаһ иле Онынъ юдже Пейгъамбери арасындаки бу сырлар, вахийге инангъанларгъа Раббининъ сонъсуз къудрет, юджелик ве салтанатыны косътерир. Айрыджа, иляхий бир макъсат оларакъ, Азрети Пейгъамбер -салляллаху алейхи ве селлем- Эфендимизнинъ Таифте коръгени зулум нетиджесинде



къальбини толдыргъан гъам ве кедер ерине севинч ве къуванчен денъ-иштирмектир. Анджакъ, заман ве меяннынъ тышында керчеклешкен бу вакъиалар, инсан акъылы ичюн къавранмасы имкянсыз шейлердир.

Бойледже, Варлыкъ Нуры Азрети Пейгъамбер -салляллаху алейхи ве селлем-, бутюн пейгъамберлерге берильген лютуфларны ашкъан ве Мираджда Аллахнынъ затына замансыз ве меянсыз бир алемде قَابُ قَوْسَيْنِ «(Мухаммед Мустафа иле Раббининъ) **аралары, эки яй арасы къадар, атта даа да якъын олды.**» (эн-Неджм, 9) деп билинген бир якъынлыкъта булунды. Бу якъынлыкънынъ бир зерресини корьген Азрети Муса<sup>171</sup>, улюль-азм пейгъамбери олмасына рагъмен тюшюп байылгъаны хатырланырса, Пейгъамбер Эфендимизнинъ Аллах къатындаки мевкыйи иле кучюнинъ дереджеси аз-чокъ къаврана билир.



Аллах Таала, Мираджны, Къурани Керимде шойле беян буюрыр:

وَالنَّجْمِ إِذَا هَوَىٰ

«Энемкте олгъан йылдызгъа ант олсун.»<sup>172</sup> (эн-Неджм, 1)

Суренинъ бу шекильде бир антнен башламасы, къафирлернинъ япад-жакълары итиразларгъа къаршы Мираджнынъ акъикъатыны исбат этмек ичюндир. Нитеким бу хусус, антнынъ артындан кельген аети керимелерле де шойле ачыкъланыр:

مَا ضَلَّ صَاحِبُكُمْ وَمَا غَوَىٰ. وَمَا يَنْطِقُ عَنِ الْهَوَىٰ. إِنْ هُوَ إِلَّا وَحْيٌ يُوحَىٰ. عَلَّمَهُ شَدِيدُ الْقُوَىٰ. ذُو مِرَّةٍ فَاسْتَوَىٰ. وَهُوَ بِالْأُفُقِ الْأَعْلَىٰ.

171 Азрети Муса, Аллахтан корюльмесини истеген эди. Аллах «Шу дагъгъа корюнеджем, эгер о еринде къалса сен де мени къорерсинъ» деди ве дагъгъа корюнди. Дагъ Аллахнынъ азамети къаршысында йыкылып дагъылмагъа башлады. Азрети Муса бу корьгенлерине даянамады ве эсини джойды.

172 Аллахнынъ ант эткен йылдыз келимеси акъкъында тефсир алимлири бир чокъ изаатларда булундылар, буларнынъ энъ муими оларакъ да, «йылдыз»дан макъсат Азрети Пейгъамбер -салляллаху алейхи ве селлем-, я да Къурани Керимден къысым-къысым энген аетлер олгъаныны сёйледилер. Бу алда «йылдыз» иле ант этменинъ манасы шойле ифаде этильмекте:

а. Мираджгъа чыкып кельген Мухаммед Мустафагъа емин олсун!

б. Къураннынъ энюви эснасында эр энген къысымнынъ келишине емин олсун!



**«Аркъадашынъыз (Мухаммед) сапмады ве батылгъа инанмады; о арзусына коре де лаф этмез. О (бильдиргенлери) вахий этильгенден башкъа шей дегиль. Чюнки, оны кучьлю-къуветли ве усьтюн яратылышлы бири (олгъан Джебраиль, Раббининъ эмири узьре) огретти. Сонъра энъ юксек уфукъта (Сидретуль-Мунтехада) олгъанда, асыл шеклинен догърулды.»** (эн-Неджм, 2-7)

Аетте кечкен *истива* сёзю, къаплама, къушатма ве догърулма маналарына келир. Тефсир алимлерининъ чокъу, бу аетте Джебраиль -алей-хисселям- акъкъында сёз этильгенини сёйлемекнен бирликте базылары Азрети Пейгъамбер -салляллаху алейхи ве селлем- акъкъында олгъаныны сёйлерлер. Буны дикъкъаткъа алсакъ, *истива*, Аллах Расулюнинъ къадри ве къыйметининъ, рутбе ве макъамынынъ юксеклигини ифаде этмектедир. Яни Аллах Расули -салляллаху алейхи ве селлем-, ильк башта энъ юксек уфукъта догърулды:

ثُمَّ دَنَا فَتَدَلَّى

«Сонъра якъынлашты, деркен, даа да якъынлашты. (Яни, Варлыкъ Нуры, булунгъаны ер ве макъамдан даа юкъары чыкъарылды.)» (эн-Неджм, 8)

Бойледже Пейгъамбер, Мираджа энъ юксек уфукъта ялынъыз *истива* иле къалмайып Аллахкъа догъру якълашты. Артындан иляхий кучюнинъ тесири артты, артты, артты ве Азрети Пейгъамбер -салляллаху алейхи ве селлем-, бир аныда энъ юксек уфукънынъ обир тарафына кечти:

فَكَانَ قَابَ قَوْسَيْنِ أَوْ أَدْنَى

«(Мухаммед Мустафа иле Раббининъ) аралары, эки яй арасы къадар, атта даа якъын олды.» (эн-Неджм, 9)

Аети керимедеки: *قَابَ قَوْسَيْنِ أَوْ أَدْنَى* «Эки яй арасы атта даа аз **месафе**», керчекни инсан идракъына уйдурмакъ ичюн къулланылгъан бир ошатма ифадесидир. Шойле ки:



Ислямдан эвель Араплар, бир иттифакъ къурмакъ узьре аңлашад-жакълары заман эки яй чыкъарыр, бирини дигерининъ узерине къояракъ экисининъ «къаб»ыны бирлештирлер, сонъ да экисини берабер чекип оларнен бир окъ атар эдилер. Бу, олардан бирининъ разы оладжагъы шейге дигерлерининъ де разы оладжагъыны, бирисини ачувландыргъан шейни дигерлерини де ачувландыраджагъыны ифаде эткен бир бераберлик, бутюнлик аңлашмасы эди.

Бунъа коре «къабе къавсейн», эм маддий эм де маневий якъынлыкъны ичине алгъан ве инсан акъылыны ашкъан юдже бир акъикъаттыр. Яни Мухаммед Мустафа -салляллаху алейхи ве селлем-, бу нокътада Раббине о къадар якъынлашты ки, оларнынъ арасында бутюн эр шей къалдырылды. Ве догърудан догъру:

فَأَوْحَىٰ إِلَىٰ عَبْدِهِ مَا أَوْحَىٰ

**«Аллаһ о аңда къулуна вахийни бильдирди.»** (эн-Неджм, 10)

Бу вахийнинъ не олгъаны шойле ифаде этильгендир.

1. Намаз: Мираджада энъ муим хусус, беш вакъыт намазнинъ фарз къылынмасыдыр. Азрети Пейгъамбер -салляллаху алейхи ве селлем-, Муса -алейхисселям-нынъ тевсиелеринен Аллаһкъа мураджаат эткен ве башта элли вакъыт оларакъ фарз къылынгъан намаз, беш вакъыткъа азлаштырылды. Бунунъ иле бирликте Аллаһ, бирге он беререк, беш вакъытны къылгъангъа элли вакъытнынъ севабыны береджегини бильдирди. Даа сонъ Аллаһ шойле буюрды:

*«Эр ким бир хайыр ишлемек истер ве оны япмазса, о кимсеге (бу зийнетиинден долайы) бир севаб язылып, якъаны такъдирде исе он севаб язылып.*

*Эр ким де, бир яманлыкъ япмакъ истер, анджакъ оны япмаса, кендисине гунах язылмаз. Шаёт о феналыкъны япса, бир гунах язылып!»* (Муслим, Иман, 259)

Бу хусустаки узун хадиси шерифте беян олунгъаны узьре Аллаһ Таала, башта намазны элли вакъыт оларакъ эмир эткен, Расули Экремнинъ бир къач мураджааты иле беш вакъыткъа тюшюргендир. Бунунъ манасы шудыр, инсанлар узериндеки Аллаһкъа къаршы бордж оларакъ намаз-





нынъ элли вакъыт кылынамасы керек, анджакъ Аллаһнынъ лютф ве керем-ми кереги, бирге он нисбетинде азлаштырылды. Аллаһнынъ шу беянына бакъсакъ:

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ

«Мен джинлерни ве инсанларны анджакъ манъа ибадет этсин-лер деп яраттым.» (эз-Зарият, 56), инсаннынъ асыл иши ибадеттир, анджакъ иляхий мерамет кереги бу сайы, энъ зайыф инсан дикъкъаткъа алынаракъ азалтылгъандыр. Анджакъ беш вакъыт усьтуне де изин берильди, атта керекли олгъаны да ифаде этильгендир. Текмиль муминлер фарз олгъан бу беш вакъыткъа къошма оларакъ Къушлукъ ве Эввабин<sup>173</sup> намазларыны кыыларлар ве хусусан гедже Техеджуд<sup>174</sup> намазына турарлар. Бутюн булар бу вакъианынъ табиий бир нетиджесидир. Анджакъ бу киби ибадетлер-нинъ, инсанларнынъ такъатлары ете биледжегини ве о зевкъке улаша биледжегини косътермек ичюн, намаз эмири башта элли вакъыттан баш-латылып сонъунда Пейгъамбер -aleyхисселям-нынъ мураджааты иле бешке эндирильгендир.

2. Аллаһ Расули -салляллаху алейхи ве селлем-ге хитапнен:

«Пейгъамберлерден ич бири Сенден эвель дженнетке кирмейджек, умметлерден ич бири де, Сеннинъ умметинден эвель дженнетке кирмейд-жектир!» деп буюрылгъандыр. (Рази, XXVIII, 248)

3. Бакъара Суресининъ сонъ эки аети керимеси вахий этильгендир.

Муслимде ривает этильген бир хадиси шерифте буюрылып:

«Расулюллах -салляллаху алейхи ве селлем-ге (Мираджда) учъ шей берильди: Беш вакъыт намаз, Бакъара Суресининъ сонъу (эки аети) ве умметинден ширкке тюшмегенлерге буюк гуняхларынынъ афу этильгени хабери...» (Муслим, Иман, 279)

173 **Къушлукъ (Духа) намазы** – Сабах намазы вакъытынынъ битмесинден 50 дакъыкъа сонъра башлап уйле намазына 50 дакъыкъа къалгъангъа къадар кылынган суннет намаздыр. 2-12 рекат оларакъ кылына биле. **Эввабин намазы** – акъшам намазындан сонъра 2-6 рекат оларакъ кылынган нафиле намаз.

174 **Техедждуд намазы** – гедженинъ сонъ учъте биринде кылынган 2-8 рекатлыкъ бир намаз.



Бунинъ иле бирликте Мираджаки вахийнинъ тафсилат ве кейфие-тини анджакъ Аллах ве Пейгъамбери билир.

Бу ерде ачыкъ олгъан, Аллах Расули -салляллаху алейхи ве селлем-нинъ Мираджаки корьгенлери бир хаял оларакъ дегиль, къальб ве вид-жданынынъ да тасдикъ эткени бир акъикъат оларакъ корьгени кейфие-тир. Яни:

مَا كَذَبَ الْفُؤَادُ مَا رَأَى. أَفْتُمَارُونَهُ عَلَى مَا يَرَى.

**«(Мухаммед Мустафанынъ) къозьлеринен корьгенини къальби яланламады. (Эй инкярджылар!) Онынъ корьгенлери акъкъында шимди онынънен тартышаджакъсынъызмы?»** (эн-Неджм, 11-12)

Аллах Расули, Мирадж геджеси Раббинен корюшип сайысыз ибрет-ли адиселер корьген сонъ, ич бир къулнынъ улашамайджагъы о хусусий макъамдан къайткъанда, Джебраиль -алейхисселям-ны быракъкъаны ерде (Сидретуль-Мунтехада) бир дефа даа асыл суретинде корьди. Аетте буюрылып:

وَلَقَدْ رَآهُ نَزْلَةً أُخْرَى. عِنْدَ سِدْرَةِ الْمُنْتَهَى.

**«Ант олсун (Мухаммед Мустафа), оны (Джебраильни) Сидретуль-Мунтеханынъ янында бир кере даа корьген эди.»** (эн-Неджм, 13-14)

Аетте Аллах Расули -салляллаху алейхи ве селлем-нинъ макъам ити-барынен Джебраиль -алейхисселям-дан даа илериде олгъанына ишарет этильгендир. Нитеким Джебраиль -алейхисселям-, Мирадж геджесинде кендисининъ: «Бир пармакъ уджу даа якълашса эдим, муакъкъакъ янар эдим!» дегени макъамда къалгъан ве Пейгъамбер Эфендимиз даа илериге кеткендир. Бу акъикъат, Аллах Расулюнинъ дёнюште текрар Джебраильге растламасы иле даа ачыкъ бир шекильде анълашылмакътадыр.

عِنْدَهَا جَنَّةُ الْمَأْوَى. إِذْ يَغْشَى السِّدْرَةَ مَا يَغْشَى.

**«Дженнетуль-Мева да онынъ янындадыр. Сидрени къаплагъан къапламыш эди.»** (эн-Неджм, 15-16)



Фахри Кяинат -aleyхи экмелют-тахийят- Эфендимизге соралды:

«–Я Расулюллах! Сидрени кьаплагъан не корьдинъ?»

Буюрдылар ки:

«–Алтындан перванелернинъ оны буюргъаныны ве эр япрагъында бир мелекнинъ отурып Аллаһны тесбих эткенини корьдим.» (Таברי, XXVII, 75; Муслим, Иман, 279)

Бу итибар иле Ибн-и Аббаснынъ риваетлерине коре:

Аллаһ Таала, Мусаны келям (онынънен лаф этти), Ибрахимни достлукъ ве Мухаммед Мустафаны да руетуллах (Аллаһны, кейфиети бизлер тарафындан билинемейджек бир суретте корьмек) шерефини лютф этти. (Таברי, XXVII, 64)

Козьнинъ Махбуптан (севгилиден) башкъа бир ерге кьоймамасы эдепнинъ энъ усть нокътасыдыр. Акъикъатен:

مَا زَاغَ الْبَصَرُ وَمَا طَغَى. لَقَدْ رَأَى مِنْ آيَاتِ رَبِّهِ الْكُبْرَى.

«(Мухаммед Мустафанынъ) кьозю о ерден не къайды ве не де сынъырны ашты. Ант олсун, о Раббининъ энъ буюк аетлеринден бир къысымыны корьди.» (эн-Неджм, 17-18)

Бу аетлерден де анылашылгъаны киби Азрети Пейгъамбер -салляллаху алейхи ве селлем-, Джебраиль -aleyхисселям- дахи ич бир махлюкънынъ худутны ашамагъаны *Сидретуль Мунтеханынъ* обир тарафына кечирильди. Аетте, инсан акълына «бирлештирильген эки яй арасы я да даа аз» месафе оларакъ бильдирильген кейфиединен кьулларджа кьавранмасы мумкюн олмагъан, гизли бир корюшме олды.

Бу корюшмеде Пейгъамберлер Султаны, сёзлернинъ худутына сыгъмайджакъ дереджеде юдже ве буюк акъикъатлар, яни Раббининъ Рабблыкъ аетлеринден, мулк ве салтанатынынъ буюклигинден, анджакъ корьмекнен улашылабиледжек энъ буюк аетлерни корьди. Бу ерде тефсир алимлерининъ беяны: «Азрети Пейгъамбер -салляллаху алейхи ве селлем-, къальби иле Аллаһны корьди.» шеклиндедир. (Таברי, XXVII, 63)

Ибн-и Аббас -радиаллаху анх-дан кельген риваетке коре Варлыкъ Нуры:



«*Мен, Юдже Раббимни корьдим!*» буюргъандыр. (Ахмед, I, 285; Хейсеми, I, 78)

Бир башкъа риваетте Пейгъамбер Эфендимиз «Раббинъни корьдинъ-ми?» суалине джевапнен:

«*Бир нур корьдим!*» буюргъанлардыр. (Муслим, Иман, 292)

Энъ догърусыны Аллаһ билир.<sup>175</sup>



Азрети Пейгъамбер -салляллаху алейхи ве селлем-ден, Исра ве Мираджла алякъалы бир чокъ хабер накъиль этильгендир. Олардан бир къачы шулардыр:

Аллаһ Расули, Миражда бир топлулыкъ корьди, оларнынъ дудакъ-лары деве дудагъы кибидир. Бир такъым вазифелилер де оларнынъ дудакъларыны кесип агъызларына таш къоя.

«—*Эй Джабриль! Булар кимлердир?*» деп сорады.

Джебраиль -алейхисселям-:

«—Булар, етимлернинъ малларыны акъсызлыкъла ашагъанлар!» деди. (Табери, XV, 18-19)

Сонъ Расулюллах -салляллаху алейхи ве селлем-, башкъа бир джемааткъа растлады. Олар да бакъырдан тырнакъларла юзьлерини ве къокюслерини тырмалай эдилер:

«—*Эй Джебраиль! Булар кимлердир?*» деп сорады.

Джебраиль -алейхисселям-:

«—Булар, (ошек айтмакънен) инсанларнынъ этлерини ашагъанлар ве оларнынъ шерев ве намусларынен ойнагъанлардыр.» джевабыны берди. (Эбу Давуд, Эдеб, 35/4878)

Даа сонъ Азрети Пейгъамбер -салляллаху алейхи ве селлем-Эфендимиз о ерде; зинакъярларны - леш ашагъан бедбахтлар оларакъ; фаиз ашагъанларны - къарынлары эйидже шишкен ве шейтан чарпкъан резиль бир вазиятте; зина этип чоджукъларыны ольдюрген къадынларны

175 Мирадж иле алякъалы аети керимелернинъ изахында Эльмалылы Хамди Языр эфендининъ «*Хакъ Дини Къуран Дили*» адлы тефсиринден истифаде этильгендир.



да, бир кысымыны кокюслеринден, бир кысымыны баш ашагъы асылы бир алда коръди. (Табери, XV, 18-19)

Бу себепле Варлыкъ Нуры Эфендимиз:

*«Эгер меним бильгенимни сизлер де бильген олса эдинъиз, Муакъкъакъ ки, нек аз кулер ве чокъ агълар эдинъиз!»* буюргъандыр. (Бухари, Тефсир, 5/12)

Расулюллах -саллаллаху алейхи ве селлем- шойле буюргъанлардыр:

*«Мирадж геджесинде дженнетнинъ къапысы узеринде шу ибаренинъ язылы олгъаныны коръдим:*

*«Садакъагъа он мисильнен, бордж берювге исе он секиз мисильнен мукъяфат бериледжектедир.»*

Мен:

*«-Эй Джибриль! Бордж берильген шей не ичюн садакъадан даа устюн ола?» деп сорадым.*

*«-Чюнки, тиленджи янында пара олгъаны алда садакъа истер. Бордж истеген исе, ихтияджы себебинен истемекте.» джевабыны берди.»* (Ибн-и Мадже, Садакъат, 19)

Варлыкъ Нуры дигер бир хадиси шерифлеринде шойле буюргъанлардыр:

*«(Мирадж эснасында) дженнетнинъ къапысында туруп ичери бактым. Чокъусы факирлер эди. Зенгинлер де (эсап бермек ичюн) апс этильген эдилер. Булардан джеэннемлик олгъанларнынъ атешке атылмалары эмир этильген эди.*

*Джеэннемнинъ къапысында да турдым. О ерге киргенлернинъ чокъу къадын эдилер.»* (Бухари, Рикъакъ, 51; Муслим, Зюхд, 93)

Джеэннемликлернинъ чокъусы къадын олмасы, оларнынъ, саип олгъанлары аджеледжи ве эйджанлы фытратлары себебинен коръдиклери эйиликлерге къаршы чокъча нанкёрлюк этмелери ве кенди япкъанлары эйиликлерни де башкъа къакъмалары себебиндендир. Пейгъамбер Эфендимиз бу хадиси шерифлеринен ханымлары, джеэннемге тюшмемелери ичюн икъаз этмектедир.



Мирадж весилесинен шу акъикъаткъа да ишарет этильмелидир ки, инсанлар, заман бакъымындан садедже мазининъ хатыралары иле толугъанлары алда, пейгъамберлер, -Аллаһнынъ дилегени ольчюде- эм мази, эм ал, эм де истикъбаль бильгилери иле донангъанлардыр. Расулюллах -салляллаху алейхи ве селлем-нинъ махшер ахвалындан хабер берюви ве бу хаберлерни «корьдим, дуйдым...» киби олгъан бир суретте ифаде буюрмасы, иште бу керчекнинъ бир тезахюридир. Бунынъ иле алякъалы бир мисаль де Ашерей Мубешшерен<sup>176</sup> олгъан Абдуррахман бин Авф Азретлери акъкъындадыр. Хадиси шерифте буюрылыр:

*«—О гедже (Мирадж геджесинде) Абдуррахман бин Авфы корьдим. Дженнетке, отургъаны еринде сюйрекленип кире эди. Онъа дедим ки:*

*«—Не ичюн бу къадар агъыр келесин?»*

*Деди ки:*

*«—Я Расулюллах! Малымнынъ эсабы себебинен, чоджукълары биле къартайтаджакъ къадар агъыр сыкъынтылар кечирдим. Ойле ки, бир даа сизни коремейджегимни зан эттим...» (Мухаммед Парса, Фаслуль-Хытаб, с. 403)*

Абдуррахман бин Авф, бу адисени Мирадждан сонъ дуйгъанында, аман Азрети Аише -радиаллаху анха-нынъ янына кетип, Азрети Пейгъамберден бойле бир хадис бар мы деп сорады. Аише -радиаллаху анха-, бу хадиснинъ олгъаныны сёйлегендже, Абдуррахман Азретлери, о сырада Шамдан янъы кельген кervаныны олгъаны киби деръал инфакъ эйледи.

Керчектен Мираджта Аллаһ Расули -салляллаху алейхи ве селлем-, сайыламайджакъ къадар чокъ аетлер корьгендир. Нитеким бир хадиси шерифлеринде шойле буюрырлар:

*«—(О гедже) кокке юксельтильдим. Ойле бир макъамгъа чыкътым ки, о ерде къалемлернинъ гъыджыртыларыны дуя эдим. (Яни ойле бир макъам ве севиеге чыкъарылдым ки, кяинатнынъ къадерининъ насыл джерьян эткенини корьдим.)» (Бухари, Саят, 1)*

176 Ашере-и Мубешшере – даа дюньяда экенде дженнетнен мужделенген он киши.



Юкъарыдаки хадиси шерифтен де ачыкъча аңлашылмакътадыр ки, Аллах Расули -салляллаху алейхи ве селлем-, Мираджа мази, ал ве истикъбальни бир бири ичинде, айны аньда яшай эди.

### **Мирадждан Бир къач Нокъта**

1. Расулюллах -салляллаху алейхи ве селлем- Эфендимиз, бу ёл-джулыккъа чыкъмадан эвель *шакъкъы садыр* адисеси олгъандыр. Бу да косътере ки, маневий юкселиш, къальб иле мумкюндир. Ойле бир къальб иле ки, ичинде иляхий нурдан башкъа бир шейге ер ёкътыр.

2. Къальб, къаттылыкътан къуртулунджа, иляхий сырлары гонъюльни сармагъа башлар.

3. Ибра адисесинде, къулуны мустесна бир шекильде юргизген Аллахнынъ къудрети ве юдже бир салтанаты корюнмектедир.

4. Дигер бир нокъта да Мираджнынъ, аджы ве кедер юкю бир Таиф сеферинден сонъ лютф этильмеси, мешакъкъатлар артындан сеvincнинъ кельмесидир.

5. Къурани Керимде бизге бильдирильген фарзлар, Джебраиль вастасынен йиберильгендир. Намаз исе, Мираджа догърудан догъру, вастасыз Аллах тарафындан эмир этильгендир. Бу да намазнынъ айры бир эмиети олгъаныны косътерир.

6. Мираджа Варлыкъ Нурына сема къапыларынынъ ачылмасы, Онынъ Пейгъамберлигининъ Мекке, Къурейш, Сакъиф иле махдуд олмагъаныны, Онынъ бутюн кяинатнынъ небиси, Алемлернинъ Эфендисидир олгъаныны косътермектедир.

7. Мирадж иле, инсаннынъ текамулининъ бараджагъы сонъ нокъта косътерильген, яни инсаннынъ юкселишининъ худуты косътерильгендир.

### **Мираджнынъ Акислери**

Варлыкъ Нуры Кяинатнынъ Севинджи Эфендимиз, Ибра ве Мирадж адисесини Къурейш мушриклерине хабер береджеги заман:

*«—Эй Джебраиль, къавмим мени тасдикъ этмез!»* деди.

Джебраиль -алейхисселям-:



«–Эбу Бекир Сени тасдиқ этер. О сыддықтыр.» деди. (Ибн-и Сад, I, 215)

Мушриклер, Мирадж адисесини дуйғанларында, деръал яланламаға кьоюлдылар. Орталыққа бир ошек аким олды. Буны фырсаат билерек, муминлери де бу ёлда весвеселернен иманларындан вазгечирмек истедилер. Атта Азрети Эбу Бекирге биле кельдилер. Анджак о, Азрети Пейгхамбер -саллаллаху алейхи ве селлем-ге олған кучлю иман ве садақат ичинде:

«–О не сойлесе доғрудыр! Чюнки Онынъ ялан сёйлемесине имкян ве ихтимал ёқтыр! Мен, Онынъ эр кетиргенине шимдиден инанырым...» деди.

Мушриклер:

«–Сен Оны тасдиқ этесинъ ве бир геджеде Бейтуль-Макъдиске<sup>177</sup> кетип кельгенине инанасынъмы?» дедилер.

Азрети Эбу Бекир -радиаллаху анх-:

«–Эбет! Бунда шашыладжакъ не бар? Валлахи О манъа, гедже я да кундюзнинъ эр анги бир вакъытында кендисине Аллаһтан хабер кельгенини сойлей де мен кене Оны тасдиқ этем.» деди.

Даа сонъ Эбу Бекир -радиаллаху анх-, о сырада Кябеде булунған Пейгхамбер Эфендимизнинъ янына кетти. Онынъ мубарек агъызындан анълатылғанларыны динъледи ве:

«–Садақта (доғру сёйлединъ), я Расулаллах!...» деди.

Аллаһ Расули де, Онынъ бу тасдиқынден мемнюн къаларакъ джанны айдынлатқан тебессюмнен Азрети Эбу Бекирге:

«–Я Эбу Бекир, сен «Сыддыкъ»синъ!...» буюрды (Ибн-и Хишам, II, 5)

О кунден сонъ Эбу Бекир -радиаллаху анх«сыддыкъ» лағабынен мешур олды.

Бутюн асхабы кирам да Эбу Бекир -радиаллаху анх- киби Аллаһ Расули -саллаллаху алейхи ве селлем-ни тасдиқ эттилер.

<sup>177</sup> Бейт-уль Макъдис – Иерусалимде булунған мукъаддес мабет.





Муминлерни къандырамагъан мушриклер, бу дефа Пейгъамберимизнинъ янына келерек акъылларынджа Оны имтиан этмеге къалкътылар. Бейт-и Макъдисни сорадылар. Аллах, оны Расулюнинъ козылерининъ огюне кетирди. Аллах Расули -aleyхиссалату vessелям-, айнен джевапладылар. (Бухари, Менакыбуль Энсар, 41; Тефсир, 17/3; Муслим, Иман, 276)

Бу сефер ёлдаки бир кervандан ве о кervандаки базы хусусиетлерден сорадылар. Кervан да, о анъ тыпкъы Месджиди Акъса киби Расулюллахнынъ козылерининъ огюне кетирильди. Аллах Расули -салляллаху алейхи ве селлем- де керекли малюматны, оларнынъ истедиклеринден фазласынен берди. Фазладан оларакъ кervаннынъ кунеш догъ-гъанда Меккеге киреджегини де бильдирдилер.

Алгъан джевапларгъа шашкъына дёнген мушриклер, «Бельки сонъ сёйлегени догъру чыкъмаз» тюшюнджесинен шафакъ вакъыты юкъламайып, эп бирликте кervанны козылемеге башладылар. Сонъунда кervан корюнди, лякин къальплери килитли олгъанлар, инатларында девам этерек:

«—Бу ап-ачыкъ бир сиирдир!» дедилер. (Ибн-и Хишам, II, 10)

Аллах Таала:

اَفَعَيْنَا بِالْخَلْقِ الْاَوَّلِ بَلْ هُمْ فِي لَبْسٍ مِّنْ خَلْقٍ جَدِيدٍ

**«Ильки яратувда аджизлик косътердикми? Ёкъ, олар янъы бир яратув хусусында шубе ичинделер.»** (Къаф, 15) буюрмакътадыр. Эр шейни ёкътан бар эткен Аллахнынъ, къулуны Мираджкъа чыкъармасындан даа къолай не бардыр ки? Буны къабул этмемек, анджакъ сагълам акъылдан марумиетини косътерир.



Заваллы, ахмакъ ве бедбахт мушриклер, Мирадж адисесине де инанмагъанлар, кене Аллахнынъ Расулини усътюнден кульдилер. Артыкъ Алемлернинъ Эфендис оларнынъ арасындан айрыладжакъ ве бу нимет, япкъанлары яман арекетлер себебинен эллеринден алынаджакъ эди. Зира олар, шерефине яратылгъанлары бир Пейгъамберге къаршы акъылгъа



аялгъа кельмез, акъсызлыклар ве яманлыкълар япкъан, яптыкъларында да адни эйидже ашкъан эдилер.

Керчектен япыладжакъ тек шей къалгъан эди: Аллахнын, Варлыкъ Нурыны оларнынъ арасындан чекип алмасы ве Онынъ къадри ве къыйметини биледжек башкъа бир топлулыккъа йибермеси!..

Затен Аллах, Таиф ёлджулыгъындан фазла бир заман кечмеден Къурангъа ве Расульге бейат этеджек мумтаз джемиетнинъ ильк группасыны Севгили Хабибине йиберген эди.



## ПЕЙГЪАМБЕРЛИКНИНЪ ОН ЭКИНДЖИ ВЕ ОН УЧЮНДЖИ СЕНЕЛЕРИ

### Биринджи Акъабе Бейаты

Алты кишинен Меккеге келип де Акъабеде иман нуры иле шерефленген Мединелилер, бир сонъки йыл он эки киши оларакъ кельдилер. Булушма ерлери кене Акъабе олды.

Аллаһ Расули -салляллаху алейхи ве селлем-, янъы кельгенлерни де тевхидке давет этти. Аркъадашларындан Ислямнынъ юджелигини ве гүзельлигини эшитип дигер алты киши де иман этилер.

Акъабе корюшмесинден фаркълы оларакъ, бу сеферки корюшмеде Варлыкъ Нурына бейат этилди. Мединелилер, Аллаһ Расули -салляллаху алейхи ве селлем-нинъ элини тутмакъ суретинен ильк бейатларыны япып сёз бердилер. Бу бейат себебинен экинджи Акъабе корюшмесине «Биринджи Акъабе Бейаты» денильгендир.

Бу бейатта Мединелилер, Аллаһ Расулине шу мевзуларда сёз бердилер:

1. Аллаһкъа ич бир шекильде ширк къошмамакъ,
2. Хырсызлыкъ япмамакъ,
3. Зинагъа (фуушкъа) якълашмамакъ,
4. Къыз балаларыны тири-тири коммек,
5. Кимсеге ифтира, бефтан этмек,
6. Аллаһкъа ве Пейгъамберине итааттан айрылмамакъ. (Бухари,

Менакыбуль Энсар, 43)

Мединелилернинъ бу ильк сёз беришлери, Ислям тарихи ичюн бир дёнум нокътасы олды. Бунунъ иле Хиджаз ве бутюн Арабистанда укюм сюрмекте олгъан ширк, зулум ве фена адетлернинъ ортадан къалдырылмасы хусусында ант этилди.



## Мусаб бин Умейрнинъ Муаллим Оларакъ Йиберильмеси ве Мединенинъ Къуранла Фетихи

Мединели янғы мусульманлар, бир мектюп язаракъ Ислямны огрен-мек ичюн Расулюллах -салляллаху алейхи ве селлем-ден кендилерине Къурани Керим окъуйджакъ, Ислямны анълатаджакъ ве намаз къылды-раджакъ бир муаллим йибермесини истедилер. Алейхиссалату vessелям Эфендимиз де Мусаб -радиаллаху анх-ны йиберди. (Ибн-и Сад, I, 220)

Азрети Мусаб, чокъ генч яшта хидаетке эрген, аилесининъ кендисине агъыр зулумлар япмаларына, атта мирасларындан марум быракъмаларына рагъмен дининден дёнмеген эди. Чюнки о, факъир ве гъарип къалса да, асыл иманнен толу зенгин бир гонъюльге саип эди. Ислямнынъ яйылмасы хусусында пек эйджанлы эди.<sup>178</sup>

Нитеким Мусаб -радиаллаху анх-нынъ Мединеге кетишинен Ислям, о ерде эйидже яйылды. Пейгъамбер Эфендимизнинъ теблигъ иле вазифелендиргени бу генч сахаби, инсанларгъа Аллаһнынъ динини анълатмакъ ичюн геджесини кунъдюзине къатаракъ чалышмагъа башлады. Мусаб -радиаллаху анх-нынъ гъайретлери берекетинен хидаетке ильк бахтиярлардан Эсад бин Зураре эрди, оны эвинде агъырлай ве бутюн чалышмаларында ярдым эте эди.

О, бир кунъ Мусабны янына аларакъ Зафер огъуллерынынъ багъчасындаки къуюнынъ башына отурды. Абдульэшхел Огъуллерынынъ огде кельгенлеринден Сад бин Муаз, буны дуюнджа Усейд бин Худайргъа:

«—Сен ишини эйи бильген ве кимсенинъ ярдымына мухтадж олмагъан бир адамсын. Зайыфларымызнынъ инанчларыны бозмакъ ичюн

178 Али -радиаллаху анх- анълата:

«Биз Пейгъамбер -салляллаху алейхи ве селлем- иле бирликте Месджитте отура эдик. Мусаб кельди. Усьтюнде кюрк парчаларынен ямалгъан бир хыркъадан башкъа бир шей ёкъ эди. Аллаһ Расулы оны корьгенде, Меккедеки ниметлер ичинде яшагъаны алынен шимдики алыны тюшюнип агълады. Сонъра да шойле буюрды:

«*Биринъиз саба айры, уйледен сонъра айры гузель эльбисе кийгени, огюне бир табакънынъ къоюлып обирининъ къалдырылгъаны, эвлеринъизни Кябенинъ орьтюльгени киби орьтюлерге бурюнгенинъиз заман алынъыз нидже олур!*»

«Эй Аллаһнынъ Расули, табиий ки алымыз о кунъ бутунъкиден даа эйи олур. Чюнки о заман кечинмек сыкъынтымыз олмаз, кендимизни тамамен ибадетке берермиз»- дедилер.

Расуллоллах -салляллаху алейхи ве селлем- шойле буюрды:

«*Аксине, бугунъ сиз о кунъден даа хайырлы алдасынъыз*». (Тирмизи, Къыямет, 35/2476)



мааллемизге кельген шу адамларнынъ янына кет ве оларны икъаз эт ки бир даа мааллемизге кельмесинлер. Эсад акърабам олмаса эди, бу ишни кендим япар эдим.» деди.

Усейд аман мызрагъыны аларакъ о ерге кетти ве кызгын бир шекильде:

«—Сиз не ичюн бу ерге кельдинъиз? Шу янындаки ябанджыны, зайыфларымызнынъ инанчларыны бозмасы ичюн кетирдинъми?! Бир даа сакъын бойле бир шей япмагъа тырышма! Эгер джанынъызны севе исенъиз аман бу ерден кетин!» деди.

Индже акъылинен арекет эткен Мусаб -радиаллаху анх- онъа:

«—Бираз отурып сёйледжеклеримни динълерсинъми? Сен акъыллы бир кимсесин, сёзлеримни бегенсенъ къабул этерсинъ, бегенмесенъ къабул этмесинъ.» деди.

Усейд:

«—Догъру бир сёз сёйлединъ!» дедиктен сонъ, мызрагъыны ерге саплайып янларына отурды. Мусаб Ислямны анълатып Къурани Керим окъуды.

Усейд, Къурани Керимни динълегени заман, даа къонушмагъа башламадан эвель юзюнде Ислямнынъ нуры парылдады ве къальби Ислямгъа йымшады. Къурани Керим акъкъында да:

«—Бу не гузель, не юдже бир сёз!<sup>179</sup> Сиз бу динге кирмек истегенинъиз заман не япарсынъыз?» деди.

179 Усейд -радиаллаху анх-, Аллахнынъ Келямынынъ гузеллигини аман анълагъан эди ве аяты боюнда буюк бир ашкъ ичинде оны окъумагъа девам этти. Нитеким кендиси шойле анълата:

«Бир гедже Бакъара суресини окъуй эдим. Атым да янбашымда багълы тура эди. Бир вакъытта ат шахланмагъа башлады. Окумамны токътаттым; ат сакинлешти. Текрар окъумагъа башладым, ат кене шахланды. Атта огълум Яхьянынъ устуне басмасын деп яныма алдым. О эснада кокке бакъкъаным заман усьтюмде къандиллерге бенъзеген бир шейлер олгъаныны корьдим. Сонъра олар кокке догъру юкселип козьден гъайып олдылар. Саба олунджа, башыма кельгенлерни Расулюллах -салляллаху алейхи ве селлем-ге анълаттым. Манъа деди ки:

«*Окъу эй Усейд, окъу!*»...

Ве сонъра:

«*Эй Усейд! О корьген шейлер не эди, билесинъми?*»- деп сорады.

«Ёкъ»- дедим.

Аллах Расулю -салляллаху алейхи ве селлем-:



Оларнынъ талиматы узьре Усейд -радиаллаху анх- къалкъып гъусуль алды, эльбиселерини темизледі ве шехадет кетирди. Сонъ да эки рекят намаз къылды ве:

«—Кериде ойле бир адам быракътым ки о сизге таби олса, къавминден ич бир кимсе онъа къаршы чыкъмаз. О, Сад бин Муаздыр! Мен шимди оны сизге йиберирим!» деди.

Сад, къызгын бир шекильде янларына кельди. Ниаетинде о да Азрети Усейд киби Мусаб -радиаллаху анх-ны динълеген сонъ мусульман олды. Сонъ къабилесининъ янына келерек:

«—Эй Абдульэшхель Огъулары! Мени насыл билирсинъиз?» деп со-рады. Олар:

«—Сен бизим сеййидимиз (эфендимиз), фикирдже энъ устюнюмиз ве реисимизсинъ.» дедилер. Бунынъ узьре Сад -радиаллаху анх-:

«—Сиз Аллахкъа ве Расулине иман этинджеге къадар, эркек ве къадынларынынъ иле къонушмакъ манъа харам олсун.» деди.

О кунъ акъшамгъа къадар бу къабиледен мусульман олмагъан кимсе къалмады. (Ибн-и Хишам, II, 43-46; Ибн-и Сад, III, 604-605; Ибн-и Эсир, *Усдуль-Гъабе*, I, 112-113)

Азрети Мусаб, Селиме огъуларынынъ эшрафындан олгъан Амр бин Джемухны да Ислямгъа давет этти. Онъа Юсуф Суресининъ ильк секиз аетини окъуды. Амр тюшонмек ичюн бираз вакъыт истесе де бир тюрлю къарар берамады. Бунынъ узьре Амрнынъ даа онджеден мусульман олгъан огълу Муаз, къабилесиндеки мусульман генчлер иле анълашаракъ, бир гедже бабасынынъ путуны гизлидже якъында булунгъан пислик чукъурына аттылар. Сабах бу алны корьген Амр дешет ичерисинде

---

*«Олар, сенинъ Къуран тияветинъни динълемеге кельген мелеклер эди. Эгъер сен окъумагъа девам этсе эдинъ, сабагъа къадар сени динълейеджек эдилер. О мелеклер, инсанларгъа гизли къалмагъандже, инсанлар да оларны кореджек эдиле», - буюрды. «(Бухари, Фезаилул-Куран, 15)*

Аише -радиаллаху анха- анълата:

«Усейд бин Худайр -радиаллаху анх- энъ фазилетли кишилерден эди. Эр заман шойле дей эди: «Эгер шу учъ алдан бириси узеринде даима олса эдим, ич шубесиз дженнетликлерден олур эдим. Къуранны окумакъ яда окъунгъан Къуранны динълемек, Пейгъамберимизнинъ хутбелерини динълемек ве дженазе корьмек. Эбет, не заман бир дженазе корьсем онъа япыладжакъ олгъанларны манъа япыладжакъ киби, онынъ кеткен ерге мен кетем киби тюшонем.» (Хаким, III, 326/5260)



къаларакъ путуны чукъурдан чыкъартты ве темизлеп гузель къокъулар суререк ерине къойды.

Айны адисе бир къач кунъ даа текрар этиндже, путнынъ озюни къорчаламасы ичюн бойнуна къылычыны асты. Эртеси куню путуны текрар чукъурда корюндже, ибадет эткени джансыз путнынъ ич бир шейге ярамагъаныны, кендини къорумакътан дахи аджыз олгъаныны анълады ве ширк къаранлыгъындан Ислямнынъ нурлу сабахына уянды. Янълыш яшайыштан, Пейгъамбер вастасынен къуртаргъан Аллаһкъа шукюр этти. Даа сонъ да къавмини Ислямгъа тешвикъ этти. (Ибн-и Хишам, II, 61-63; Зехеби, *Сийер*, I, 182)

Варлыкъ Нуры, Мусаб -радиаллаху анх- иле бирликте ильк иман эткенлерден бири олгъан Абдуллах бин Умми Мектумны да Мединеге Къуран огретмеси ичюн йиберген эди. (Бухари, Менакъыбуль Энсар, 46)

Ислямнынъ Мединеде бу шекильде эйи корюльгенини хабер алгъан Аллаһ Расули -салляллаху алейхи ве селлем- ве Меккели мусульманлар, чокъ къувандылар. Ойле ки о сенеге «*Севинч Сенеси*» денильди. Чюнки артыкъ Медине, Ислямнынъ бешиги олмагъа азыр алгъа келе эди.

Пейгъамбер Эфендимиз шойле буюргъандыр:

*«Улькелер къылычнен фетих этильди. Лякин Медине Къуран иле фетих этильгендир.»* (Беззар, *Мюснад*, № 1180; Рудани, № 3774)

### **Экинджи Акъабе Бейаты**

Экинджи Акъабе корюшмесинден бир сене сонъ Мединелилер, кене хадж мевсиминде Расулюллах -салляллаху алейхи ве селлем- иле корюштилер. Бу сефер экиси къадын, етмиш беш киши эдилер.

Кене Аллаһ Расулине бейат этилер. Бунгъа да «Экинджи Акъабе Бейаты» денильди.

Къафиленинъ башында кельген Мусаб -радиаллаху анх- кенди эвине якълашмадан эвель Расулюллах -салляллаху алейхи ве селлем-нинъ янына кетти. Энсарнынъ Ислямны сурьатнен къабул этмелерини хабер берди. Алемлернинъ Эфендиси онынъ кетирген хаберлерге къуванды. Азрети Мусабнынъ эвель Аллаһ Расули -салляллаху алейхи ве селлем-нинъ янына бармасындан, мушрик анасынынъ хабери олунджа чокъ къызды.



О исе:

«—Мен Расуллоллах -салляллаху алейхи ве селлем-ден эвель кимсенинъ янына кетмем.» деди.

Эфендимизден изин истедиктен сонъ анасынынъ янына барды ве оны Ислямгъа давет этти. (Ибн-и Сад, III, 119)

Иште асхабнынъ Расуллоллахкъа севгиси бойле эди.

Джабир -радиаллаху анх- дер ки:

«Азрети Пейгъамбер -салляллаху алейхи ве селлем- Эфендимизнинъ кендисини ве мусульманларны имае этеджек бир къабиле къыдырып да кимсенинъ Онъа къуджакъ ачмагъаны кунълерде, Аллаһ Таала бизни Есриб (Медине)ден Онъа йиберди де, биз иман эттик ве кендисини имае эттик. Бизден бири кетип Аллаһ Расулине иман этер эди, Эфендимиз де кендисине Къуран окъур эди. Эвине дёнгени заман бутюн эв халкъы онъа уяракъ мусульман олур эдилер. Ислямнынъ ачыкъланмагъаны бир Энсар эви къалмады. Сонъ да бир арагъа келерек къонуштыкъ ве:

«—Расуллоллах -салляллаху алейхи ве селлем-ни даа не замангъа къадар Мекке дагъларында эзиет ве джефа ичинде быракъаджакъмыз?!» дедик.

Бунынъ узъре хадж мевсиминде бейат этмек ичюн Онынъ янына бардыкъ.» (Ахмед, III, 322; Хаким, II, 681-682)

Бу бахтлы кишилер, Пейгъамбер Эфендимизле тешрик кунълеринде Акъабе мевкъийинде булушмакъ узъре сёзлештилер. Аллаһ Расули Мединелилерге:

«—Юкълагъанны уятманъ, заманында корюшме ерине кельмегени де беклемень!» буюрды.

Гедженинъ учъте бири кечиндже Фахри Кяинат Эфендимиз иле къарарлаштыкълары Акъабе ерине кетип Оны беклемеге башладылар. Ниает, Расуллоллах Эфендимиз эмджеси Аббас иле бирликте кельди. Аббас, даа мусульман олмаса да Эбу Талиптен сонъ торунынынъ имаесини узерине алгъан эди. Мединелилернинъ Аллаһ Расулини давет эткенлери вакъыт оларгъа шойле деди:





«—Эй Мединелилер! Бизлер Оны душманлардан кърчаладыкъ. Кене де кърчаладжакъмыз. Онынъ арамыздаки ери юксектир. Факъат сиз севги ве сайгынъыздан долайы даа эминликте олмасы ичюн Мединеге давет этесиз. О да буны истемектедир. Анджакъ Оны душманлардан кърчалап олсанъыз мемлекетинъизе алып кетинъиз. Мен сизден Оны ярдымсыз быракъмайджагынъызгъа, алдатмайджагынъызгъа даир, къатты бир сёз алмакъ истейим. Чюнки къомшуларынъыз олгъан еудийлер торунума душмандырлар. Оларнынъ тузакъ кърмайджакъларындан эмин дегилим. Бу ишке, анджакъ Арап къабилелерининъ душманлыкъларына кокюс кереджек къадар дженк кучюнъиз бар исе киришинъиз. Аранъызда эйидже корюшюнъиз ки сонъ бу хусуста ихтиляфкъа тюшменъиз! Шаेत янынъызгъа баргъан сонъ къркъып Онъа ярдым этамайып, Оны душманларнынъ элине быракъаджакъ олсанъыз, озюнъизге ишанчынъыз олмаса шимдиден бу даветтен вазгечинъиз! Аранъызда къонушмакъ истеген барса буюрсын къонушсын, факъат къонушмасыны фазла узатмасын. Зира эр тарафта мушриклернинъ джасуслары бар! Бу ерден дагъылгъанынъыз заман да, бу меселени гизли тутунъыз!»

Эсад бин Зураре аякъкъа туруп, Пейгъамбер Эфендимизнинъ Эмджеси Аббаснынъ сёйлегенлерине джевап оларакъ шойле бир къонушма япты:

«—Я Расулаллах! Сен бизни эвельден берли инангъан динимизни быракъмагъа ве озь дининъе таби олмагъа давет эттинъ. Бу чокъ зор ве агъыр бир шей олгъаны алда, биз Сенинъ бу теклифинъни къабул эттик. Сен бизни, якъын узакъ бутюн мушрик акъраба ве къомшулар иле алякъаларымызны кесмеге давет эттинъ! Бу да чокъ зор ве агъыр бир шей олгъаны алда биз Сенинъ бу теклифинъни де къабул эттик! Бизлер Сени, сатедже къавминъ дегиль, эмджелерининъ биле ольдюрмек истегенлерини билерек имае этмеге азырмыз ве Сеннинъ бу теклифини де къабул эттик. Эй Аллахнынъ Расули! Биз кендимизни, огъуллаарымызны ве къадынларымызны кърчалагъанымыз киби Сени де кърчаладжакъмыз. Эгер биз бу ахтымызны бозаджакъ олсакъ, Аллахнынъ ахтыны бозгъан бедбахт кимселер олайыкъ! Я Расулюллах! Бу санъа къаршы бизим садакъат еминимиздир! Ярдымына сыгъыныладжакъ олгъан исе анджакъ Аллах Таалядыр!»



Азрети Эсадтан сонъ Абдуллах бин Реваха аякъкъа къалкъаракъ Расулюллах -салляллаху алейхи ве селлем-ге:

«—Я Расулюллах! Раббинъ ве кендинъ ичюн бизге истегенинъ шартны къош!» деди.

Расулюллах -салляллаху алейхи ве селлем- Эфендимиз шойле буюрды:

«—Раббим ичюн шартым, Онъа ибадет этменъиз ве ич бир шейни Онъа ширк къошмаманъыздыр. Кенди акъкъымдаки шартым исе, джанларынъызны ве малларынъызны насыл къорчалай олсанъыз мени де ойле къорчаламанъыз!»

Асхабы кирам сорадылар:

«—Бойле япарсакъ къаршылыгъында бизге не бар?»

Азрети Пейгъамбер -салляллаху алейхи ве селлем- джевабен:

«—Дженнет бар!» буюрунджа, о ердекилер:

«—Не кярлы бир алыш-вериш! Бундан не дёнериз, не де дёнюльмеси ни истериз!» дедилер. (Ибн-и Кесир, *Тефсир*, II, 406)

Абдуллах бин Реваха, Муте дженкинде бу кярлы алыш-веришни тамамлагъан, Варлыкъ Нурындан шехид оладжагъы муждесини аларакъ, дженкте оледжегини биле-биле буюк бир истек иле муаребеге къатылгъан, малыны бейтуль малгъа<sup>180</sup>, джаныны да Аллаһкъа адап Дженнети Алягъа учкъандыр. Дигер сахабилер де башкъа ерлерде, Аллаһ ёлундаки джихад ве гъайретлерине девам этерек бу бейатларына садыкъ къалгъанлар, маневий тиджаретлерини берекетлендиргенлер.

Мединели мусульманларнынъ япкъанлары бу бейатла алякъалы оларакъ шу аети кериме назиль олды:

إِنَّ اللَّهَ اشْتَرَى مِنَ الْمُؤْمِنِينَ أَنْفُسَهُمْ وَأَمْوَالَهُمْ بِأَنْ لَهُمُ الْجَنَّةَ يُقَاتِلُونَ فِي سَبِيلِ اللَّهِ فَيَقْتُلُونَ وَيُقْتَلُونَ وَعَدًا عَلَيْهِ حَقًّا فِي التَّوْرَةِ وَالْإِنْجِيلِ وَالْقُرْآنِ وَمَنْ أَوْفَى بِعَهْدِهِ مِنَ اللَّهِ فَاسْتَبْشِرُوا بِبَيْعِكُمُ الَّذِي بَايَعْتُمْ بِهِ وَذَلِكَ هُوَ الْفَوْزُ الْعَظِيمُ

180 Бейт-уль Мал – девлет хазинеси.



**«Аллаһ муминлерден малларыны ве джанларыны, озьлерине (бериледжек) дженнет кьаршылыгында сатын алгъандыр. Чюнки, олар Аллаһ ёлунда дженклеширлер, ольдюрирлер, олюрлер. (Бу), Тевратта, Инджильде ве Къуранда Аллаһ узерине хакъ бир ваде-дир. Аллаһтан даа чокъ сёзюни ерине кетирген ким бар! О алда Онынънен япкъан бу алыш-веришинъиз себебинен севининъ. Иште бу, (акъикъатен) буюк къазанчтыр.»** (эт-Тевбе, 111)

Бундан сонъ бир къач киши даа сёз аларакъ къонушты. Оларнынъ артындан Пейгъамбер Эфендимиз Мединелилерге хитап этти ве оларгъа Къурани Керим окъуяракъ Ислямны анълатты. Сонъ да анги шартлар узь-ре бейат этеджеклерини билъдирди. Эвельки мадделерге иляве оларакъ шу хусуслар да бу бейатта зикр этильди:

а. Эмир ве акимет муминлерден эр кимде олса олсун, онъа кьаршы чыкъмамакъ,

б. Аллаһ ёлунда юргени ичюн мушриклер ве кяфирлер тарафындан айыпланмакътан кьоркъмамакъ,

в. Саадет ве сыкъынтыда, севинч ве кедерде Аллаһнынъ Расулине итаат емек ве Оны озюнден устюн тутмакъ; Онъа ич бир суретте кьаршы кельмемек.

Пейгъамбер Эфендимиз:

*«–Ичинъизден манъа он эки накъиб<sup>181</sup> чыкъарынъ ки олар къабилелерининъ темсильджиси олсунлар!»* буюрды.

Мединели мусульманлар, докъузы Хазредж къабилесинден, учю де Эвс къабилесинден олмакъ узьре он эки накъиб чыкъардылар.

Варлыкъ Нуры темсильджилерге:

*«–Хаварилернинъ Иса бин Меръем ичюн кефиль олгъанлары киби сизлер де къавминизнинъ кефиллерисинъиз. Мен де мусульман олгъан къавмининъ кефилийим!»* буюрды.

Накиблер:

*«–Эбет!»* дедилер.

181 Накъиб - Векиль. Бир къавим я да къабиленинъ реиси я да векили.



Варлыкъ Нурынынъ эмджеси Аббас, бир терекнинъ тюбюнде Пейгъамберимизнинъ элинден тутуп Мединели мусульманларгъа бирер бирер бейат эттирди.

Бу бейатнен, Аллах Расули -салляллаху алейхи ве селлем- давет этилерек Мединеге хиджрети къарарлаштырылды. Чюнки о сыралар исми Есриб олгъан Мединенинъ шартлары, эр бакъымдан Ислямгъа къуджакъ ачмагъа азыр алгъа кельген эди.

Бейат, гедже япылгъаны ичюн, бундан Меккели мушриклернинъ хаберлери олмады. Бейатнынъ япылып тамамлангъаны сырада Акъабенинъ узеринден шейтан:

«—Эй Мина халкъы! Эй Къурейш джемаати! Мухаммед иле янында булунгъан ве динлерини дёнъиштиргенлернинъ сизнен дженк этмек узъре топланып анълашкъанларындан хабериниз ёкъмы?!» диерек кескин ве узун бир феръят къопарды.

Расули Экрем -салляллаху алейхи ве селлем-:

«—*Бу сес сизни къоркъутмасын! О, Аллахнынъ душманы Иблисининъ сесидир! Динъле эй Аллахнынъ душманы! Сени де енъеджегим!*» буюргъан сонъ мусульманларгъа:

«—Аман къонакъ ерлеринъизге къайтынъыз!» деди.

Аббас бин Убаде -радиаллаху анх-:

«—Сени, хакъ дин ве китап иле йиберген Аллахкъа емин этерим ки истесен Мина халкъыны да къылычтан кечирирмиз!» деди.

Пейгъамбер Эфендимиз:

«—*Биз даа бунынънен эмир олунмадыкъ! Сизлер шимди ерлеринъизге дёнюнъыз!*» буюрды.

Мусульманлар ерлерине дёнюп сабахкъа къадар юкъладылар. Сабах Къурейш мушриклеринден базылары янларына келерек Варлыкъ Нуры иле анълашма япып япмагъанларыны сорадылар. Ич бир шейден хабер илмагъан къафиледеки мушриклер, емин этерек бойле бир шейнинъ олмагъаныны сойледилер. Анджакъ Къурейш мушриклери, Акъабе Бейатыны араштырмагъа девам эттилер. Бейат хаберининъ догъру олгъаныны анълайынджа, Медине ёлларыны кестилер, мусульманларны бул-



макъ ичюн эр тарафкъа группалар йибердилер. Мушриклернинъ такъип-чилери ёлда Сад бин Убаде -радиаллаху анх-ны якъаладылар:

«–Сен Мухаммеднинъ динине кирдинми?» деп сорадылар.

«–Эбет!» дегендже эки элини бойнуна сыкъып багъладылар. Дёге дёге, узун сачынынъ перчеминден чеке-чеке Меккеге алып кеттилер. Оньа зулум ве ишкендже этмеге башладылар. Даа эвель кендилерине яр-дым эткени ве акъсызлыкътан къоругъаны Джубейр бин Мутим<sup>182</sup> иле Харис бин Харб аман кетип Сад -радиаллаху анх-ны мушриклернинъ элинден къуртардылар.

Энсар топланып оны къуртармакъны къонушкъанлары бир анда Сад -радиаллаху анх- янларына чыкъып кельди. (Ибн-и Хишам, II, 47-57; Ибн-и Сад, I, 221-223; III, 602-603; Ахмед, III, 322, 461, 462; Хейсеми, VI, 42-44)

Ибн-и Аббас -радиаллаху анхума- шойле дегендир:

Расулюллах -салляллаху алейхи ве селлем-, Азрети Эбу Бекир ве Азрети Омер мухаджирлердендир. Чюнки олар мушриклерден къачаракъ Мединеге хиджрет эткенлердир. Айны шекильде Энсардан да мухаджирлер бардыр. Олар да Акъабе Геджеси, ширк юрту олгъан Мединеден Расулюллах -салляллаху алейхи ве селлем-ге кельгенлер. (Несаи, Бейат, 13)



Акъабе бейатлары, садедже он эки я да етмиш беш кишининъ дегиль, бутюн мусульманларнынъ Аллаһ иле япкъанлары бир ахттыр.

Бу дюнья, ахирет аятынынъ сатып алынгъан бир базар. Расулюллах -салляллаху алейхи ве селлем- иле япылгъан бу бейаткъа бизим де бутюн къальбимиз иле иштиракъ этмемиз ве асхабы кирам мисали «не кярлы бир алыш-вериш» демемиз керек.

Мусаб -радиаллаху анх- Мединеде Ислямнынъ темели олды. Биз де гоньюллерде Ислямнынъ темеллерини атмамыз керек. Теблигъджи ке-

182 **Джубейр бин Мутим** -радиаллаху анх-, Расулюллах -салляллаху алейхи ве селлем-нинъ акърабаларындандыр. Узун муддет Исламны къабул этмеді. Варлыкъ Нуруны ольдюрмеге къарар берген эйетте о да бар эди. Бедир дженкинде мушриклернинъ арасында эди. Ухуд дженкинде къулу «Вахши»ге Азрети Хамзаны шехид эттирди. Худейбие анылашмасындан аман сонъра (628 йылында) иман этти ве чокъ самимий бир мусульман олды. Йымшакъ табиятлы ве узакъ корюшли бир сахаби эди. Алтмыш хадис ривает этти, 58/678 сенесинде Мединеде вефат этти.



рек олса эв эв юрюмеси ве алынен орьнек олмалыдыр. Теблигъджининъ къальби Аллахъ ве Расулунинъ муаббетинен толса, Мусаб -радиаллаху анх- киби, дюньявий хазларыны Ислям ичюн феда эте билир.

### Мекке Деврининъ Тахлили

Он учъ йыл сюрген Мекке деври боюнджа Меккели мушриклернинъ мусульманларгъа къаршы татбикъ эткенлери яманлыкълары шу беш мад-деде топламакъ мумкюндир:

1. Истихза (устюнден кульмек)
2. Акъарет
3. Ишкендже ве эзиет
4. Тиджарий ве медений мунасебетлернинъ кесильмеси
5. Мусульманларны хиджретке меджбур этеджек дереджеде шиддет къуullanмакъ.

Оларнынъ бу вазиетлерини, Аллахъ аети керимелерде шойле бильдир-рир:

إِنَّ الَّذِينَ أَجْرَمُوا كَانُوا مِنَ الَّذِينَ آمَنُوا يَضْحَكُونَ. وَإِذَا مَرُّوا بِهِمْ يَتَغَامَزُونَ. وَإِذَا انْقَلَبُوا إِلَىٰ أَهْلِهِمْ انْقَلَبُوا فَكِهِينَ. وَإِذَا رَأَوْهُمْ قَالُوا إِنَّ هَؤُلَاءِ لَضَالُّونَ.

**«Шубесиз, гунахярлар (дюньяда) иман эткенлерге кулер эдилер. Оларнен расткелишкенде къаш-козь ойнатып, алай эте эдилер. Аилелерине къайткъанларында, (алайлары себебинден) кейфлене-рек дёне эдилер. Муминлерни корьгенде: «Шубесиз, булар сапкъан», дер эдилер.»** (эль-Мутаффифин, 29-32)

Бунъа джевап оларакъ, сюрекли вахийле кучьлендирильген Аллахъ Расули -салляллаху алейхи ве селлем-нинъ такъип эткени усул да шойле олгъандыр:

1. Мумин гоньюллерде иман кучюнинъ артмасына гъайрет,
2. Мешакъкъат ве чилелерге сабыр,
3. Гузель насиат,



4. Муджаделеге кери адым атмадан девам,

5. Аллаһкъа даянмакъ ве онынъ укъумлерине теслим олмакъ.

Бу усул нетиджесинде, Аллаһ Расули давасында муваффакъ олгъан, къаршылашкъан манияларны мувафакъиетли бир шекильде чезгендир. Бу узун чалышманынъ мейвасы оларакъ да муим ве стратегик бир шеър олгъан Мединенинъ инсанлары иман эткенлердир. Ойле ки, озъ истегинен Ислямны анълатмакъ ичюн кеткени Таифтен къувулгъан Аллаһ Расули -салляллаху алейхи ве селлем-, давет ичюн Мединеде ич олмагъаны алда, о ерде Ислям, Аллаһнынъ ярдымынен яйылды ве аз бир вакъытта, башта Азрети Пейгъамбер олмакъ узъре бутюн муминлерге къуджакъ ачкъандыр.

Бир мутефеккир, Расулюллах -салляллаху алейхи ве селлем-нинъ давасындаки мувафакъиетинден арекет этерек, Онынъ не буюк бир деагъа саип олгъаныны шу сёзлеринен косьтергендир:

«Гъаенинъ буюклиги, эльдеки васталарнынъ кучюклюги ве сонъунда барылгъан нетидженинъ азамети инсан деасынынъ учъ буюк олъчюси исе, янъы тарихнинъ энъ буюк шахсиетлерини Мухаммед -салляллаху алейхи ве селлем- иле къыясламагъа ким джесарет этер?» ( A. de Lamartine, *L'histoire de la Turquie*)

Аллаһ муминлернинъ хиджрет этмелерине, анджакъ адджы ве къыйынчылыкъларнен кечкен он учъ сенелик бир девирден сонъ изин бергендир. Он учъ йыллыкъ бир зулумнынъ артындан муминлернинъ иманы къуветленген, юреклер джошкъу иле толгъандыр. Яни муминлер, иманларынынъ беделини тёлегенлердир.

Бу девирде, Мединеде тесис этиледжек ве бутюн инсанлыккъа нумюне оладжакъ Ислям Девлетининъ темеллери атылгъан, къаршылашаджагъы зорлукъларда заиф тюшмеген, иманлы, сагълам табиятлы ве шахсиетли инсанлар етиштирилъгендир. Бу инсанлар, бутюн умметке реберлик этеджек йылдыз инсанлар алына кельгенлердир.

### **Меккеде Энген Аетлернинъ Хусусиетлери**

Билингени узъре, ильк назиль олгъан аетлер тевхидке давет, олюмден сонъ тирильме, муминлерни дженнет иле мужделеме, къафирлерни ве асийлерни джеэннем иле къоркъутма киби иманнен алякъалы хусуслар-



да эди. Бу мевзуларда делиллер иле инсанларнынъ иманларыны къуветлендирген сонъ, инсанлар арасы алякъаны тертиплеген укумлер энмеге башлады. Чюнки инсанлар янълыш итикъат ве алышкъанлыкъларына сыкъы сыкъыгъа багълы олгъанлары ичюн булардан вазгечмелери чокъ къолай дегильдир. Бирден, адым адым кетмей инсанларны фена алышкъанлыкълардан къуртармагъа чалышмакъ, нефретке ве узакълашмагъа себебиет берир.

Азрети Аише анамыз шойле демектедир:

«Ильк назиль олгъан суре муфассал сурелерден<sup>183</sup> бири эди. Бунда дженнет ве джеэннемден бахс этиле эди. Хелял ве харамнен алякъалы укумлер исе анджакъ инсанлар Ислямгъа там оларакъ сарылгъан сонъ назиль олмагъа башлады. Эгер ильк дефа:

«—Ички ичмейин!» эмири энсе эди инсанлар:

«—Биз ичкиликни кесинликнен быракъамамыз!» дер эдилер.

Кене ильк оларакъ:

«—Зина этмень!» эмири кельсе эди инсанлар айны шекильде:

«—Зина этмекни асла быракъамамыз!» дер эдилер.

Мен Меккеде оюн ойнагъан бир бала экенде Мухаммед -алеихисселям-гъа:

بَلِّ السَّاعَةَ مَوْعِدُهُمْ وَالسَّاعَةَ أَذْهَى وَأَمْرٌ

«Догърусы, къыямет оларгъа ваде этильген асыл сааттыр. Ве о саат даа белялы ве даа адджыдыр.» (эль-Къамер, 46) (киби иман ве къыяметле алякъалы) аетлер назиль олгъан эди. (Муамелят иле алякъалы укумлер ихтива эткен) Бакъара ве Ниса сурелери исе анджакъ мен Онынъ янында экенде (Мединеде) энгендир.» (Бухари, Федаилуль Къуран, 6)

Меккеде энген сурелер услуп итибарынен къыскъа олып ширк ве путперестликке къаршы кескин ве ачыкъ бир тавыр косътерди. Чюнки Меккели мушриклер эдеби Мусабакъалар япкъан эдебиат саиби кимсе-

<sup>183</sup> Муфассал сурелер, Къурани Керимнинъ сонъ болугидир, Къаф суресинден Нас суресине къадарки къысымдыр. Къыскалыгъы себеби иле сыкъ-сыкъ Бесмеле иле айрылгъаны ичюн бу исим берильгендир.





лер эди. Оларгъа тесир этеджек сѣз, энъ темиз ве энъ эдебий олмалы эди. Нитеким Аллаһ Таала мушриклернинъ эдебияттаки теракъкъи ве севиелерини ичке саяракъ, зиинлерини алт усть этмек ичюн сѣзге башларкен алыша кельгенлери усулнынъ аксине Хуруфы Мукъаттаа<sup>184</sup>ны къулангъандыр. Бакъара ве Али Имран сурелерден башкъа, башында Хуруфы Мукъаттаа булунгъан бутюн сурелер эп Меккеде энгендир.

Бу хусусиетлери себеби иле ильк аетлернинъ эдебий услуби ойлесине тесирли эди ки, мухатаплаарынынъ тап къальбине энъе; гузеллиги ве акъыджылыгъы динълегенлери сарып ала эди.

Меккеде назиль олгъан аети керимелернинъ башкъа бир хусусиети даа, хитап аетлерининъ чокъу «Эй инсанлар!» шеклинде олмасыдыр.

Меккий сурелерде мушриклернинъ къанаатларына ве итиятларына зыт олгъан пек чокъ хусуснынъ, оларнынъ назарында къабулгъа мазхар олабильмеси ичюн, итибар эткенлери Кунеш, Ай, йылдызлар, гедже-кундюз ве бенъзери махлюкълар узьре этильген еминлер ер алмакътадыр. Чюнки емин этильген бу махлюкълар иле айны заманда Аллаһнынъ къудрети ве къианаттаки къудрет акъышлары сергилене эди.

Дигер тарафтан, башкъа пейгъамберлер акъкъында къыссаларынынъ пек чокъу Мекке девринде назиль олгъандыр. Зира «кечмиштен ибрет алма», Меккеде энген аетлернинъ энъ чокъ узеринде тургъаны хусустыр. Пейгъамберлернинъ ве кечмиш миллетлернинъ икяелерини анълаткъан, билъхасса Адем -алейхисселям- ве Иблис къыссасынынъ зикр этильгени сурелер, умумен Меккийдир. Буннынъ тек истиснасы Мединеде назиль олгъан Бакъара суресидир.

Кечмиш миллетлернинъ башларындан кечкен ибретли къыссаларнынъ анълатылмасы, Мекке мушриклерине акъыкъатнынъ теблигъ этильмесинде ве оларнынъ итикъатлары тюзельтильмесинде муим бир роль ойнагъандыр. Бу аетлерде «тевхид» даима биринджи ерде тутулгъандыр.

Меккий аетлер, бир теблигъджининъ арекет тарзыны ортагъа къояр. Онынъ бу давети, дюнья малы ве менфааты ичюн дегиль, садедже Аллаһнынъ рызасыны къазанмакъ ичюн япмасы, мукъяфатыны да анджакъ Аллаһтан беклемеси керек олгъаныны косътермектедир. Нитеким, Шуара

184 **Хуруфы Мукъаттаа** – базы сурелернинъ башларында олгъан **م** (Элиф Лям Мим) киби арифлер.



Суресинде Нух, Худ, Салих, Лют ве Шуайб -aleyхимусселам-нынъ къавимлерине даима Аллаһкъа итаатны ве такъваны эмир эткен бирер эмин эльчи олгъанларыны сойлеп:

وَمَا أَسْأَلُكُمْ عَلَيْهِ مِنْ أَجْرٍ إِنْ أَجْرِيَ إِلَّا عَلَى رَبِّ الْعَالَمِينَ

**«Бунъа къаршы сизден ич бир акъ истемейим. Меним эджримни береджек анджакъ алемлернинъ Раббидир.»** дедиклери накъиль этилир. (эш-Шуара, 109, 127, 145, 164, 180)

Къураннынъ экинджи ярысынынъ чокъу Меккеде назиль олгъандыр. Меккелилернинъ чокъу кибири кимселер олгъаны ичюн «كَأَنَّ - хайыр ойле дегиль» лафзынынъ теклары иле оларнынъ вазieti ред этильген ве булар къоркъутылгъандыр. Бу себеп иле «келля» сёзю кечкен сурелернинъ эписи Меккеде энген сурелеридир ве бутюн «келля» лафызлары Къурани Керимнинъ экинджи ярысындадыр.

Айны шекильде седже аетлерини ичине алгъан сурелер де Меккеде назиль олгъандыр. Бу суретле Аллаһтан башкъа шейлерге седже эткен инсанлар, Аллаһкъа седже этмеге чагъырылдылар.

Меккеде назиль олгъан бу ильк аетлер, эски адетлернинъ джаильдже япылгъан янълыш арекетлер олгъаныны исбатлар. Айны заманда джианны къуджакълайджакъ ахлякый эсасларны ортагъа къояр.

Меккий аетлер, иман, ахлякъ ве фикир джиэтинден сагълам джемиетнинъ темеллерини аткъандыр. Бу аетлерде ахлякый эмир ве уюмлер ер алмакътадыр. Бойледже муминлер къуветли бир имангъа саип оладжакъ, сабыр, себат, азим, гъайрет... ве бенъзери сыфатлар къазанаджакъ ве янълыш итикъат ве итиятлардан темизленеджек эдилер.

Меккий аетлерде укъукый мевзулар ёкътыр. Намаздан башкъа ибадетлерге аит уюмлер де ёкътыр. Месея, Юнус, Рад, Фуркъан, Ясин, Хадид сурелери Меккий олып, буларда ахкам аетлери ер алмамакъта. Бу сурелерде умумиетнен иман эсаслары, яратма, Аллаһнынъ сыфатлары, пейгъамберлернинъ ибрет бериджи икяелери ве къыямет аллары анълатылмакътадыр.



## **Пейгъамберлернинъ Сонъ Чареси: ХИДЖРЕТ** **Хиджретке Изин Берильмеси ве Мединеге Хиджрет**

Экинджи Акъабе бейатындан сонъ мушриклер, мусульманларнынъ сыгынып кендилерини къоруяджакъ бир ерге хиджрет этеджеклерини огренгендже, якъанлары эзиетлери эп арттырдылар. Мусульманлар бу даянылмаз ишкенджелер себебинен Меккеде отурамайджакъ алгъа кельдиклери ичюн алларыны Пейгъамбер Эфендимизге арз этилер ве хиджрет ичюн изин истедилер. Аллах Расули -салляллаху алейхи ве селлем-, Аллахнынъ изини иле мусульманларгъа Медине ёлларыны косътерди. Шойле буюрды:

*«—Бундан бойле сизинъ хиджрет этеджегинъиз шеэрнинъ, эки къара ташлыкъ арасында хурмалыкъ бир ер олгъаны мангъа косътерильди.»* (Бухари, Кефалет, 4)

Оларгъа Энсар къардашлары иле къуджакълашмаларыны эмир этти ве:

*«—Аллаһ Таала сизинъ ичюн къардашлар ве раат буладжагъынъыз бир дияр лютф этти!»* буюрды.

Бундан сонъ мусульманлар, ис эттирмеден азырландылар, бирбирлерине ярдым этерек гизлидже хиджрет этмеге башладылар. (Ибн-и Хишам, II, 76; Ибн-и Сад, I, 226)

Чюнки мусульманларнынъ даа эвель хиджрет этип де гузель къаршылав корьгенлери Хабешистан, джианны къуджакълайджакъ бир дин ичюн меркез олма шартларыны ташымамакъта эди. Медине исе, эм сиясий, эм тиджарий, эм де даа бир чокъ джеэтлеринен Ислямгъа меркез ола биледжек васыфта бир шеэр эди. Бунынъ ичюн топлу хиджрет, о мубарек ерге насиб оладжакъ эди.

Нитеким, Медине, мусульманлар ичюн бир барынакъ ве сыгынакъ мекаяны алына кельди. Бойледже Меккели мушриклер де къоркъкъан шейлерине огърадылар. Ислям, Мекке тышына чыкъты ве Мединеде буюк бир итибар къазанды. Бу, мушриклернинъ, Азрети Пейгъамбер -салляллаху алейхи ве селлем-ни юртундан чыкъармакъ ичюн раатсыз этип турмаларынынъ озьлери ичюн не къадар буюк зарар ве гъайып олгъаныны бир тюрлю анъламамаларындан къайнакълана эди. Акъикъатен бу, олар ичюн буюк бир гъайып эди. Факъат ис этамай, къавраямай эдилер.



Аллаһ Таала, Расулине буюрды:

... وَإِذَا لَا يَلْبَثُونَ خِلَافَكَ إِلَّا قَلِيلًا

**«...Олар да Сенден сонъ, юртларында пек аз къаладжакълар-дыр!»** (эль-Исра, 76)

Заваллы мушриклер, о анки кучьлерине ве нефислерине алдана-ракъ мусульманларны чекиштирип, устьлеринден кулюп, къоркъутып, эмбарго, шиддет ве ишкендже этип мусульманларны къоркъуткъалары-ны сая эдилер, бойледже Меккедеки кучьлерини муафаза эткенлерине инана эдилер. Ойса пек якъын заманда нелерге шаат оладжакъ эдилер! Кендилерини мутлакъ ве буюк бир магълубиет ве перишанлыкъ беклей эди...

Чюнки акъын-акъын Мединеге кеткен мусульманлар, олардан къоркътукълары ичюн дегиль, Ислямнынъ темеллерини энъ гузель бир шекильде къурмакъ ичюн хиджрет эте эдилер.

Хиджрет, ич бир заман ашалыкъ ве зайыфлыкъ ичерисинде чаресиз-дже бир къачыш оларакъ аңлашылмамалы. Медине, Мухаджирлер ичюн бир хиджрет юрту, дигер къардашлары иле бирлешип топарланаракъ, чыкъартылгъан топракъларда Аллаһнынъ динини аким къылмакъ ичюн ерлешкен бир меркездир. Мешур шаир Неджип Фазыл бу акыкъатны бир шииринде шу шекильде ачыкълай:

*Хиджрет, юрт тышында арангъан дестек*

*Дава саубине озъ юрту костек*

*Меркези тышардан сармакътыр мурад*

*Меркезнинъ чевреден фетхидир истек*

*Хиджрет, юрт тышында арангъан дестек*

Мухаджирлер, бунынъ ичюн мал-мульк, акъраба нелери барса Меккеде быракъа эдилер. Кими гизли, кими ачыкътан ачыкъкъа Медине ёлларына къююла эдилер.

Азрети Али дер ки:

«Мухаджирлерден ич кимсе бильмейим ки, гизли оларакъ хиджрет эткен олмасын. Омер бин Хаттаб бундан мустеснадыр. О хиджрет этеджеги заман къылычыны къушанды, яйыны омузына асты, окъларыны



ве мызрагъыны элине алды ве Кябеге кетти. Къурейш мушриклерининъ илери кельгенлери, о сырада Кябенинъ янында отура эдилер. Омер -ради-аллаху анх- Кябени еди дефа таваф эттиктен сонъ оларнынъ янына барды ве мушриклерге бакъырды:

«—Иште мен Мединеге кетем! Анасыны агълатмакъ, къадыныны тул, балаларыны етим быракъмакъ истегенлер аркъама тюшсин, шу вадининъ аркъасында къаршыма чыкъсын!»

Анджакъ ич кимсе артына тюшюп оны такъип этамады.» (Ибн-и Эсир, *Усдуль-Гъабе*, IV, 152-153)

Мединелилер, Меккеден кельген къардашларыны къуджакълап къаршылай, оларгъа джан гонъюльден ярдым эте эдилер. Бу юзден Меккели мусульманларгъа «Мухаджир», Мединели мусульманларгъа исе ярдым эткенлер манасына «Энсар» денильди.

Аллаһ Таала буюрыр:

وَالسَّابِقُونَ الْأَوَّلُونَ مِنَ الْمُهَاجِرِينَ وَالْأَنْصَارِ وَالَّذِينَ اتَّبَعُوهُمْ بِإِحْسَانٍ رَضِيَ اللَّهُ عَنْهُمْ  
وَرَضُوا عَنْهُ وَأَعَدَّ لَهُمْ جَنَّاتٍ تَجْرِي تَحْتِهَا الْأَنْهَارُ خَالِدِينَ فِيهَا أَبَدًا ذَلِكَ الْفَوْزُ الْعَظِيمُ

«(Ислям динине кирмек хусусында) огте кечкен ильк мухаджир-лер ве энсар иле оларгъа гузелликнен табий олгъанлар бар я, иште, Аллаһ олардан разы олгъандыр, олар да Аллаһтан разы олгъандыр-лар. Аллаһ оларгъа, ичинде эбедий къаладжакълары, земининден ирмакълар акъкъан дженнетлер азырлагъан. Иште, бу буюк къурту-лыштыр.» (эт-Тевбе, 100)



Ислям алимлери, мусульманларнынъ хиджрет этмелерине изин берильмесинден шу укъомлерни чыкъардылар:

Хиджрет Азрети Пейгъамбернинъ дёнеминде фарз эди. Онынъ фар-зieti къыямет кунюне къадар бакъыйдыр.

Меккенинъ фетхи иле сонъа эрген хиджрет, садедже Расулюллах - салляллаху алейхи ве селлем- деврине махсустыр. Бир мусульманнынъ эзан, джемаат, ораза, намаз ве дигер Ислямий укъомлерни ерине кетире-



мегени бир ерде кълалмагъа девам этмеси джаиз дегильдир. Аллахнынъ шу аети бу хусуста делильдир:

إِنَّ الَّذِينَ تَوَفَّيَهُمُ الْمَلَائِكَةُ ظَالِمِي أَنْفُسِهِمْ قَالُوا فِيمَ كُنْتُمْ قَالُوا كُنَّا مُسْتَضْعَفِينَ فِي الْأَرْضِ قَالُوا أَلَمْ تَكُنْ أَرْضُ اللَّهِ وَاسِعَةً فَتُهَاجِرُوا فِيهَا فَأُولَٰئِكَ مَأْوَاهُمْ جَهَنَّمُ وَسَاءَتْ مَصِيرًا إِلَّا الْمُسْتَضْعَفِينَ مِنَ الرِّجَالِ وَالنِّسَاءِ وَالْوِلْدَانِ لَا يَسْتَطِيعُونَ حِيلَةً وَلَا يَهْتَدُونَ سَبِيلًا

«Озьлерине языкъ эткен кимселерге мелеклер жанларыны алгъанда: «Не иште эдинъиз!», дедилер. Олар: «Биз ер юзюнде чаресиз эдик», деп джевап бердилер. Мелеклер де: «Аллахнынъ ери кениш дегиль эдими? Хиджрет этсенъиз эди, я!», дедилер. Иште, оларнынъ бараджакъ ери джеэннемдир; о ер не фена бир барыладжакъ ер. Эркеклер, къадынлар ве балалардан (акъикъатен) аджиз олып, ич бир чареге кучю етмегенлер, ич бир ёл тапалмагъанлар истиснадыр.» (эн-Ниса, 97-98)

Бу аетте, Мединеге хиджрет этмейип мушрик бир джемиет ичинде къалгъанларнынъ, кендилерине зулум эткенлери бильдирильмектедир. Булар раатлыкъларыны, итиятларыны, аилелерини, мал, мульк ве менфатларыны динлерине устюн тута эдилер. Бу себептен **«Биз ер юзюнде зайыф кимселер эдик»** шеклинде себеп косътермелери къабул этильмеди. Бунынънен бирликте акъикъатен хиджретке кучю етмеген къарт, зайыф эркек, къадын ве бала-чагъанынъ мазеретлери къабул этильгендир.

Хиджрет адисесинден чыкъарылгъан бир башкъа укум исе, мусульманларнынъ мемлекетлери не къадар айры олса биле, дигер мусульманларгъа мумкюн олгъаны къадар ярдым этмелерининъ фарз олмасыдыр. Ислям алимлери, мусульманларнынъ ер юзюнде эранги бир ерде зулум корьген, эсир тюшкен я да эзиет корьген къардашларына ярдым этмеге кучълери еткени алда ярдым этмеселер, буюк бир гунахкъа киреджеклерини сёйлегенлердир.

Варлыкъ Нуры, Хиджретке буюк эмиет берген, Мекке фетхине къадар бутюн мусульманларнынъ Мединеге хиджрет этмесини истегендир.



Чюнки Медине тышындаки ерлер имансызлыкъ дияры эди ве мусульманларнынъ бу ерде инанчларыны огренип яшамалары чокъ зор эди.

### Мушриклернинъ Суикъаст Планы

Меккенинъ кунъ кечтикче бошалгъаныны корьген мушриклер, яваш яваш ишнинъ озьлери ичюн не алгъа келеджегини тюшюнмеге башладылар. Аман бир фесат оджагъы олгъан Дарун-Недведе топландылар. Топлантыгъа Неджид шеэринден олгъаныны сойлеген бир къарт да къатылгъан эди. Бу ихтияр, инсан суретине кирген шайтан эди.

Не япаджакъларыны узун узун тартыштылар. Пейгъамбер Эфендимизни якъалап апис этмек я да Меккеден сюрьгюн этип чыкъармакъ киби бир чокъ теклифлер олды. Теклифлернинъ эписине шейтан къаршы чыкты. Сонъында энъ резиль бир къарарда фикир бирлигине бардылар:

Аллаһ Расули -салляллаху алейхи ве селлем-ни ольдюреджек эдилер. Бу теклифни, деврининъ Фирауны олгъан Эбу Джехиль шойле тильге кетирди:

«—Эр къабиледен бирер сиялы генч сайлайыкъ. Онъа бир анъда уджюм этсинлер. Эп бирликте урып ольдюрсинлер. Бойледже Ондан къуртулайыкъ, рааткъа къавушайыкъ! Яшлар бу шекильде япса, Онынъ къаны бутюн къабилелерге дагъылыр! Абди Менаф Огъуллары исе, бутюн къабилелер иле дженк этмеге кучълери етмез, диет (компенсация) алмагъа разы олурлар. Биз де, Абди Менаф Огъулларына Онынъ диетини одермиз!» деди.

Неджидли бир къарт суретиндеки шейтан -Аллаһ оны лянет этсин- :

«—Иште еринде сёз, бу адамнынъ сёзюдир! Бундан даа акъыллы бир теклиф оламаз.» деди. (Ибн-и Хишам, II, 93-95)

Бу къарар алынгъаны вакъыт Аллаһ Расули -салляллаху алейхи ве селлем-, Меккеде аман-аман ялынъыз къалгъан эди. О, умметине тюшкюн бир Пейгъамбер оларакъ башта оларны йиберди, кендиси де Мухаджирлерден сонъ кетип, оларны артларындан къорчалайджакъ эди. Аллаһнынъ мурады да бойле эди. Атта мукъаддес ёлджулыкъта бирид-жик ёлдашы оладжакъ Эбу Бекир -радиаллаху анх-, хиджрет ичюн кендисинден изин истегенинде шойле буюрды:



«—Сабыр эт! —Бельки Аллах санъа хайырлы бир ёл аркъадашы берир!» (Ибн-и Хишам, II, 92)

Бунъа чокъ севинген Азрети Эбу Бекир, хиджрет азырлыгъы олмакъ узьре секиз юз дирхемге эки деве сатып алды ве эвинде дёрт ай итинанен беследиди. (Бухари, Менакъыбуль Энсар, 45)

Мушриклер, алгъан къарарны татбикъ ичюн арекетке кечкенлеринде, Аллах Расули -салляллаху алейхи ве селлем- де Аллаһтан эмирни алды:

وَقُلْ رَبِّ اَدْخِلْنِيْ مُدْخَلَ صِدْقٍ وَّاَخْرِجْنِيْ مُخْرَجَ صِدْقٍ  
وَاَجْعَلْ لِّيْ مِنْ لَّدُنْكَ سُلْطٰنًا نَّصِيْرًا

«(Расулим! Бойле ялвар) Раббим! Киреджек ериме дюрюстликнен кирмемни теминле; чыкъаджакъ еримден де дюрюстликнен чыкъмамны теминле. Манъа тарафынъдан хакъкъы иле ярдым этиджи бир къувет бер!» (эль-Исра, 80)

Бу аети керимеден башкъа, Джебраиль -алейхисселям- да мушриклернинъ бу планыны Азрети Пейгъамберге бильдирди ве:

«—Бу гедже ятагъына ятмайджакъсын!» деди. (Ибн-и Хишам, II, 95)

Бунуны узьре Азрети Пейгъамбер -салляллаху алейхи ве селлем-, куньдюзнинъ эр кеснинъ истираат эткени уйле сыджагъында Эбу Бекир -радиаллаху анх-нынъ янына барып хиджрет эмирининъ кельгенини бильдирди.

Азрети Эбу Бекир сорады:

«—Берабермизми эй Аллахнынъ Расули?!»

Расулюллах -салляллаху алейхи ве селлем-:

«—Эбет, берабермиз!» буюрды.

Азрети Эбу Бекир бу джеваптан ойле мемнюн олды ки, козь яшларыны тутамалды. (Ибн-и Хишам, II, 97-98)

Даа сонъ Пейгъамбер Эфендимиз -салляллаху алейхи ве селлем-, Азрети Алини чагъырааракъ хиджрет хаберини берди ве узеринде олгъан базы эманетлерни саиплерине теслим этмеси ичюн Оны векиль быракъты.





Чюнки Меккеде, кыйметли бир эшьясы олгъанлар, оны Расулюллахкъа эманет эте эдилер. Чюнки О, эминлик ве сыдыкъ саиби эди.

Мушриклернинъ планларына тедбир оларакъ да шойле буюрды:

*«—Я Али! Бу гедже меним ятагъымда сен ят! Шу хыркъамны да устюне орт; къоркъма! Санъа хошланмайджагъын бир шей исабет этмейджек!»* (Ибн-и Хишам, II, 95, 98)

Бу ерде дикъкъат чеккен бир хусус даа, Азрети Алининъ Расулюллах -салляллаху алейхи ве селлем-ге олгъан теслимиетидир. Сахабе-и кирам Аллаһ Расулининъ эмирлерине шексиз-шубесиз теслимиет косътере эдилер, Онынъ сёз ве фииллерине эр заман уяр эдилер. Ич бир заман не ичюн деп сорамазлар, берильген эмир не исе деръал оны ерине кетире эдилер. Суннетлеринден ич бирисини къачырмаз, эписинен амель эте эдилер, Онынъ ёлуны терк этселер догъру ёлдан айрыладжагъыны чокъ эйи билир ве бундан къоркъар эдилер. (Бухари, Хумус, I; Муслим, Джихад, 52; Эбу Давуд, Харадж, 18; Ахмед, I, 10)

Оларнынъ китаб ве суннетке багълылыгъы, кольгенинъ саибине багълылыгъы киби эди.



Азрети Али -керремаллаһу веджхех- шойле анълата:

«Расулюллах -салляллаху алейхи ве селлем- Меккеден хиджрет этеджеги заман, берабер Кябеге кеттик. Кяинатнынъ Эфендиси манъа:

*«—Отур!»* деди.

Омузыма басып Кябенинъ устюне чыкъаджакъ олды. Бирден кучюм къуветим кетти! Фахры Алем Эфендимиз меним къуветтен тюшкенимни корюп, аман омузымдан энди. Кендиси ерге чёкип:

*«—Бас омузларыма!»* буюрды.

Омузларына бастым. Манъа бирден ойле бир кучъ къувет кельди ки истесем семанынъ уфукъларына улашабиледжегимни тюшюндим! Ниает, Бейтуллахнынъ устюне чыкътым. О ерде тунчтан я да бакъырдан бир пут бар эди. Расулюллах -салляллаху алейхи ве селлем- манъа:

*«—Оны ашагъы ат эй Али!»* буюрды.

Ашагъы атар атмаз о, бир чанакъ киби къырылды!



Аман Кябенинъ узеринден эндим. Эр анги бир кимсе иле кършылашмамакъ ичюн аман о ерден узакълаштыкъ.» (Ахмед, I, 84; Хаким, III, 6/4265)



О гедже Расулюллах -салляллаху алейхи ве селлем-, даа эвинден чыкъмадан мушриклер эвиннъ этрафыны сардылар. Факъат Аллахкъа тебеккуль ве теслимиети сонъсуз олгъан Азрети Пейгъамбер -салляллаху алейхи ве селлем-, ич бир къркъу ве паника косътермеди. Мубарек эллерине бир авуч топракъ аларакъ мушриклерниннъ юзюне серпти ве Ясин Суресининнъ шу аети керимелерини окъуп араларындан сюзюлип кечти:

إِنَّا جَعَلْنَا فِيْ أَعْنَاقِهِمْ أَغْلَالًا فَهِيَ إِلَى الْأَذْقَانِ فَهُمْ مُّقْمَحُونَ. وَجَعَلْنَا مِنْ بَيْنِ أَيْدِيهِمْ سَدًّا وَمِنْ خَلْفِهِمْ سَدًّا فَأَغْشَيْنَاهُمْ فَهُمْ لَا يُبْصِرُونَ.

«Биз оларнынъ боюнларына алкъалар кечирдик. О алкъалар ченгелерине къадар таянмакътадыр. Бунынъ ичюн башлары юкъары къалкъыктыр. Оглеринден бир сед ве артларындан бир сед чектик де, оларны къапаттыкъ, артыкъ коралмазлар!» (Ясин, 8-9)

Коралмаз эдилер, эльбетте. Чюнки оларнынъ къальп кёрлюги козьлерини кёр эткен эди. Араларындан кечкен зат исе, Фахри Кяинат олгъан бир Нур эди. Табиий ки, кёр къалплерниннъ ве козьлерниннъ Нурны коръмеси мумкюн дегиль эди. Коръмедилер де.

Бир кимсе мушриклерниннъ янына келип оларгъа:

«—Сиз бу ерде не беклейсинъиз?» деп сорады.

Олар:

«—Мухаммедни беклеймиз!» дедилер.

Бунынъ узъре о шахыс:

«—Аллаһ сизни ниетленгенинъизге эрдирмесин! Валлахи Мухаммед чокътан чыкты ве башынъызгъа топракъ сачып кетти!» деди.

Мушриклер эллеринен башларына токъунгъанлары заман топракъ ичинде къалгъанларыны коръдилер. Аман ичери бакътылар. Пейгъамбер Эфендимизниннъ тёшегинде бириси уюмакъта олгъаныны коръдилер:



«–Иште Мухаммед! Ортюсюне бюрюнип юкъялай!» дедилер.

Азрети Али ятакътан къалкъкъанджа аман узьре юрьдилер! Бир де не корсьюнлер? Къаршыларындаки киши Али экен! Кенди кендилерине:

«–Валлахи, адамнынъ бизге сёйлегени догъру экен!» дедилер.

Къурейш мушриклери, Али -радиаллаху анх-къа:

«–Эмджанынъ огълу не ерде?» дедилер.

Азрети Али:

«–Бильмейим, бу хусуста бир фикрим ёкъ! Эм Онынъ козьджюси де дегилим! Сиз Онъа Меккеден чыкъып кетмесини сёйлединъиз! «Бизден айрыл, кет!» дединъиз. О да чыкъып кетти.» деди.

Бунынъ узьре, мушриклер Алини азарладылар ве дёгдюлер; атта Месджиди Харамгъа алып кетип бир суре апс эткен сонъ, быракътылар. (Ибн-и Хишам, II, 96; Ахмед, I, 348; Якюби, II, 39)

Къальблери килитли ве акъикъаткъа кёр мушриклер, пейгъамбери-мизнинъ эви этрафында чиркин бир ниет иле беклегенде, Аллаһ Расули -салляллаху алейхи ве селлем-, иляхий эминлик ичинде, чокътан Эбу Бекир -радиаллаху анх-нынъ эвине баргъан эди. Чюнки мушриклернинъ бир планы бар эди, амма Аллаһнынъ да планы бар эди ки, Аллаһнынъ истегени шейден башкъа ич бир шей олмаз. Бу хусусны Аллаһ шойле бильдир:

وَإِذْ يَمْكُرُ بِكَ الَّذِينَ كَفَرُوا لِيُثْبِتُوكَ أَوْ يَقْتُلُوكَ أَوْ يُخْرِجُوكَ وَيَمْكُرُونَ  
وَيَمْكُرُ اللَّهُ وَاللَّهُ خَيْرُ الْمَاكِرِينَ

«(Эй Расулим!) Хатырла ки, кяфирлер сени тутып багълавлары я да ольдирювлери, яхут сени (юртунъдан) чыкъарувлары ичюн санъа тузакъ къура эдилер. Олар (санъа) тузакъ къургъанларында, Аллаһ да (оларгъа) тузакъ къура эди. Чюнки, Аллаһ тузакъ къургъанларнынъ энъ эйсидир.» (эль-Енфал, 30)

### Четин Ёлджулыкъ

Эвинден чыкъкъан сонъ Азрети Эбу Бекирнинъ ханесине кельген Аллаһ Расули -салляллаху алейхи ве селлем-, кендиси ичюн азырлан-



гъан девенинъ парасыны берди. Бираз эвель мушриклернинъ ортасындан оларгъа корюнмеден кечкен Аллах Расули -салляллаху алейхи ве селлем-, уммете нумюне олмакъ ичюн бу сефер тедбирли арекет этти. Азрети Эбу Бекирнен берабер, эвнинъ аркъа тарафындан чыкътылар. Девелери бир къач кунъ даа бу ерде къаладжакъ эди.

Кене индже бир тедбир оларакъ Мединенинъ акси истикъаметине догъру ёлгъа къоюлдылар.

Эбу Бекир Эфендимиз, Варлыкъ Нурынынъ де онюнде, де артында кете эди. Аллах Расули онынъ бу арекетини фаркъ этиндже:

«—Эй Эбу Бекир, не ичюн бойле япасынь?» деп сорады.

Азрети Эбу Бекир:

«—Я Расулюллах! Сизинъ акъкъынъызда эндише эткеним ичюн бойле кете эдим!» деди.

Ниает Севр Магъарасына улаштылар.

Эбу Бекир Азретлери:

«—Я Расулюллах! Мен магъараны темизлейим, сиз бу ерде беклейин!» деди ве магъарагъа кирди. Магъаранынъ ичини темизлейип ашерат деликлерини къапатктан сонъ:

«—Келинъиз артыкъ эй Аллахнынъ Расули!» деди. (Ибн-и Кесир, *эль-Бидае*, III, 222-223)

Бу сырада мушриклер, Эбу Джехильнинъ башкъанлыгъында Азрети Эбу Бекирнинъ эвине кельдилер, къызы Эсмадан бабасы акъкъында «бильмейим» джевабыны алынджа, заваллы къызгъа бир токъат урып. кеттилер.

Варлыкъ Нуры ве Онынъ магъара досту къобада бир муддет къаладжакъ эдилер. Бойледже, кендилерини Медине ёлларында арайджакъ олгъан мушриклерден даа рахат сакъланаджакъ эдилер. Затен Аллахнынъ лютф ве инаети оларнынъ узеринде эди ве къулнынъ тедбири тюкенген ерде, иляхий ярдым башлай эди. Нитеким бир такъым мушриклер, излери такъип этерек, Севр магъарасынынъ агъызына къадар кельген эдилер. Анджакъ бакътылар ки, магъаранынъ агъызы ич эль тиймеген киби орюмчек агълары иле къаплы эди ве айрыджа бир гогерджин ювасы



бар эди. Аллах Таалаянынъ эмиринен магъаранынъ огюнде Пейгъамбер Эфендимизнинъ юзюни ортюп косътермейджек алда бир терек осьти! (Ибн-и Сад, I, 229; Ибн-и Кесир, *эль-Бидае*, III, 223-224)

Мушриклер, Алемлернинъ Эфендисининъ бу ерде тапмайып кери дёндюлер.

Бу эки азиз ёлджунинъ ярдымджысы, даянагъы, сыгъынагъы ве барынагъы, Аллаһу Таала эди. Бунынъ ичюн магъаранынъ огюне кельген мушриклер, бир гогерджин ювасы иле орюмчек агъындан башкъа бир шей коралмагъан эдилер. Шаир Ариф Нихат Асьянынъ дегени киби:

*Орюмчек не авада,  
Не сувда, не ерде эди...  
Акъыкъатны коръмеген  
Козълерде эди!*

Анджакъ бутюн булар олып тургъанда, магъаранынъ ичинде Азрети Эбу Бекир -радиаллаху анх- назик анълар яшады. къоркъкъан эди; кенди-си ичюн дегиль, Аллах Расули -салляллаху алейхи ве селлем- Эфендимиз ичюн...

Зира мушриклер азыджыкъ эгилип бакъсалар, оларны аман кореджек эдилер. Олар магъаранынъ сагъыны солуны долаша ве:

«—Эгер магъарагъа кирген олса эдилер, гогерджинлернинъ юмурта-сы къырылып, орюмчек агъы да бозулып эди» дей эдилер.

Базылары:

«—Магъаранынъ ичине кирип бакъайыкъ!» дедиклери заман, Умейе бин Халеф:

«—Сизинъ ич акъылынынъ ёкъмы? Магъарада не ишинъиз бар?! Узеринде усть-устьке, къат-къат орюмчек агъы булунгъан шу магъарагъа мы киреджексинъиз?! Валлахи манъа коре шу орюмчек агъы, Мухаммед догъмадан эвельсине аиттир!» деди.

Эбу Джехиль исе:

«—Валлахи, ойле занн этем ки, О якъынымыздадыр! Факъат сири иле козьлеримизни багълады, коръмез этти!» деди. (Ибн-и Сад, I, 228; Халеби, II, 209)



Бу эснада эндишеге эткен Азрети Эбу Бекир Сыддыкъ, Расулюллах -салляллаху алейхи ве селлем-ге шойле деди:

«—Мен ольдюрюльсем, олюр кетерим, ниает бир тек кишийим. Факъат Санъа бир шей олса, о заман бир уммет эляк олур.» деди.

Пейгъамберимиз аякъта намаз кыла, Азрети Эбу Бекир де этрафны козьлей эди. Эфендимизге:

«—Шу къавминъ Сени арап туралар. Валлахи мен кендим ичюн энди-шеленмейим. Факъат санъа зарар бермелеринден къоркъам.» деди.

Расули Экрем Эфендимиз яр-ы гъарына:

«—Эй Эбу Бекир, къоркъма! ич шубесиз Аллаһ бизим иле!» буюрды.  
(Ибн-и Кесир, *эль-Бидае*, III, 223-224; Диярбекри, I, 328-329)

Къурани Керимде бу адисе шойле анълатылмакътадыр:

إِلَّا تَنْصُرُوهُ فَقَدْ نَصَرَهُ اللَّهُ إِذْ أَخْرَجَهُ الَّذِينَ كَفَرُوا ثَانِيَ اثْنَيْنِ إِذْ هُمَا فِي الْغَارِ إِذْ يَقُولُ  
لِصَاحِبِهِ لَا تَحْزَنْ إِنَّ اللَّهَ مَعَنَا فَأَنْزَلَ اللَّهُ سَكِينَتَهُ عَلَيْهِ وَأَيَّدَهُ بِجُنُودٍ لَّمْ تَرَوْهَا وَجَعَلَ  
كَلِمَةَ الَّذِينَ كَفَرُوا السُّفْلَى وَكَلِمَةُ اللَّهِ هِيَ الْعُلْيَا وَاللَّهُ عَزِيزٌ حَكِيمٌ

«Эгер сиз онъа (Расулюллахкъа) ярдым этмесенъиз (бу муим дегиль); онъа Аллаһ ярдым эткендир. Аслында, къафирлер оны эки адамдан бири оларакъ, (Эбу Бекирнен бирликте Меккеден) чыкъ-аргъан эдилер; Аслында, олар магъарада эдилер; о аркъадашына: Кедерленме, чюнки, Аллаһ бизнен берабердир, дей эди. Бунунъ узери-не Аллаһ онъа (сукюнет теминлеген) ишанчыны эндирди, оны сиз коръмеген бир ордунен дестекледи ве къафир олгъанларнынъ сёзюни алчалтты. Аллаһнынъ сёзю исе, затен юджедир. Чюнки, Аллаһ усь-тюндир, икмет сабидир.» (эт-Тевбе, 40)

Эбу Бекир -радиаллаху анх- дей ки:

«Магъарада экенде мушриклернинъ аякъларыны коре эдим:

«—Эй Аллаһнынъ Расули, олар аякъларынынъ ашагъысына бир бакъ-аджакъ олса бизни мутлакъа корерлер!» дедим.

Бунунъ узьре:



*«Эй Эбу Бекир! Учюнджилери Аллах олгъан эки киши акъкъында не ичюн къоркъасын?»* - буюрды. (Бухари, Федаилуль Асхаб, 2, Менакъыб, 45; Муслим, Федаилус-Сахабе, 1)



Меккедеки он учъ йыллыкъ теблигъ ве иршад мюджаделесинден сонъ, Аллах Расули -салляллаху алейхи ве селлем-ге экинджи бир магъара оларакъ косътерильген Севр, Хирадан фаркълы оларакъ башкъа бир дерс ичюн эди<sup>185</sup>. Иляхий сырлар ве къудрет акъышларыны коръмек, инсан ве кяинат китабындаки иляхий икмет ве къудрет акъышларыны окъумакъ ичюн эди. Иляхий сырларгъа гъаркъ олма ве къальбий инкишаф эттирме дерс ханеси эди. Бу мусафирлик, учъ кунъ, учъ гедже сюрди. Ялынъыз дегиль эди. Аркъадашы, пейгъамберлерден сонъ кяинатнынъ энъ устюни олгъан Азрети Эбу Бекир эди. Азрети Эбу Бекир, Онынънен магъарада учъ кунъ аркъадашлыкъ япмакъ шерейф, иззет ве фазилетине эрген, «экиннинъ экинджиси» олгъан эди. Варлыкъ Нуры, бу азиз аркъадашына:

لَا تَحْزَنْ إِنَّ اللَّهَ مَعَنَا

**«...Кедерли олма; Аллах бизим иле берабердир!...»** (эт-Тевбе, 40) буюрмакъла, айны заманда Аллах иле берабер олманынъ кейфietини телькъин эте эди. Бу, гизли зикир талимининъ ильк башлангъычы ве гонъюл-лернинъ Аллахкъа ачыларакъ раатлыккъа эрмеси эди.

Яни Севр магъарасы, къулны сонъсуз сырлар фезасындан, Аллахкъа алып бараджакъ ве темель къальбий талимнинъ башлангъыч мекаяны оладжакъ ве бу иляхи ёлджулыкънынъ ильк басамагъы оладжакъ эди.

Азрети Пейгъамбер -салляллаху алейхи ве селлем-нинъ къальб алеминдеки сырларны умметине ачмасы, ильк дефа Азрети Эбу Бекир -радиаллаху анх- иле бу магъарада башлагъан, къыяметке къадар девам этеджек Алтын Сильсиле<sup>186</sup>нинъ ильк алкъасы олгъандыр. Иман, кучюни Онъа олгъан севгиден алгъандыр. Бутюн улвий ёлджулыкъларнынъ

<sup>185</sup> Севр – башкъа бир тедрис мекаяны эди. Хирада иман атылгъан, Севрде исе кучленген имандан сонъра ихсан ве тасавуф тухумлары экильген эди. Бу косътере ки, инсан озъ къальбини башта шариатны яшамагъа алыштырмасы керек, бундан сонъра да тасавуфий яшайышкъа кучъ къазаныр.

<sup>186</sup> Алтын сильсиле – алтын зынджыр.



темели, Онъа олгъан муаббеттир ве Аллаһнынъ ризасына барманынъ тек ёлу, Онъа муаббет иле нокъталангъандыр. Чюнки севгининъ шарты, ашкънынъ къануны, севильген кишиге дуюлгъан муаббет ве о ашкътан долайы о кишининъ севген шейлерни де севмектир. Муаббетнинъ тазе тутулмасы да рабыта иле мумкюндир.<sup>187</sup> Бу иляхи муаббети, хам идракъ-ымызнен къаврамакъ мумкюн дегиль. Ашагъыдаки шу адисенинъ, эр гонъюльге кенди уфкъу ве кучю ольчюсинде тесир этеджеги къанаатындамыз:

Азрети Пейгъамбер -салляллаху алейхи ве селлем-нинъ:

*«—Эбу Бекирнинъ малындан истифаде эткеним къадар башкъа ич бир кимсенинъ малындан файдаланмадым...»* ифадеси къаршысында, Эбу Бекир -радиаллаху анх- козь яшлары ичинде:

«—Мен ве малым, ялынъызджа Сеннинъ ичюн дегильми я Расулюллах?!» (Ибн-и Мадже, Мукъаддима, 11) деп кендисини эр шейинен бе-рабер Азрети Пейгъамбер -салляллаху алейхи ве селлем-ге адагъаныны косьтергендир.



Севр магъарасында Аллаһ Расули -салляллаху алейхи ве селлем-, бир ара мубарек башларыны Азрети Эбу Бекир -радиаллаху анх-нынъ тизлерине къююп хафиф бир юкьугъа далгъан эдилер. О эснада Эбу Бекир -радиаллаху анх-, магъарада кендилерине чокъ якъын бир ерде кучюк бир делик корьди. Эр анги бир зарарлы ашерат чыкъып да Азрети Пейгъамбер -салляллаху алейхи ве селлем-нинъ джаныны аджытмасын деп, аман аягъыны Аллаһ Расулини уяндырмадан о деликнинъ усьтюне къойды.

Иляхи бир имтиан оларакъ, керчектен бир муддет сонъ тюшондже-синде акълы чыкъты. Зира бир йылан, Азрети Эбу Бекирнинъ аягъыны шиддетли бир шекильде тишледиди ве зеэрини акъытты. О буюк сахабининъ джаны о къадар янды ки, Расулюллах -салляллаху алейхи ве селлем-уянмасын деп ич къыбырдамады, амма козьлеринден тюшкен козьашларыны тутамды. Ойле ки, бу дамалардан бир танеси Аллаһ Расули -сал-

<sup>187</sup> Рабыта акъкъында тафсилатлы малюмат ичюн бакъ Осман Нури ТОПБАШ, *Имандан Ихсана ТАСАВВУФ*, Истанбул 2002, с. 249-257.





ляллаху алейхи ве селлем-нинъ мубарек бетине тюшти. Бунинъ узьре уянган Азрети Пейгъамбер -салляллаху алейхи ве селлем-:

*«–Не бар, я Эбу Бекир? Не олды?»* деп сорады.

Азрети Эбу Бекир -радиаллаху анх-:

*«–Бир шей ёкъ, я Расулюллах!»* деди, амма Расулюллах -салляллаху алейхи ве селлем-нинъ исары узьре меселени анълатты. (Бейхаки, *Делаил*, II, 477; Ибн-и Кесир, *эль-Бидае*, III, 223)

Аллах Расули -салляллаху алейхи ве селлем-, аман мубарек тюкю-риклерини йылан тишлеген ерге пармакъларынен сюрди. Даа о анда Эбу Бекир -радиаллаху анх-нынъ аджысы тынды ве Аллаһтан шифа берильди.

Зайыф бир риваетке коре бу адисе долайысынен Аллаһ Расули -салляллаху алейхи ве селлем-, йылангъа сорады:

*«–Бу иши не ичюн яптын?»*

Йылан да шойле деди:

*«–Я Расулюллах! Мен йыллардыр Сизни корьменинъ асрети иле шу кучюк деликте беклеп тура эдим. Там арзума наиль оладжакъым вакъыт, ёлумнынъ къапангъаныны корьдим. Анджакъ муаббетимнинъ шиддетине даянамайып оны тишлемек зорында къалдым.»*

Бу весилеиен шаир, Аллаһ Расули -салляллаху алейхи ве селлем-нинъ мадде ве мана оларакъ шифа бергенини ве Онъа дост олгъанларнынъ бундан истифаде этеджегини беян этмек узьре шойле дер:

*Досту гер зехр-и мар ичсе олур аб-ы аят,  
Хасмы сув ичсе дёнер эльбетте зехр-и маре сув*

*(Эгер Расулюллах -салляллаху алейхи ве селлем-нинъ досту олгъан кимсе, йылан зезри ичсе, о зезр, кендиси ичюн бир аят сувы олур.*

*Анджакъ О Юдже Пейгъамберге душман олгъан кимсе, сув биле ичсе, о сув кендисине бир йылан зезри олур. )*

Бу акъикъатны косьтерген дигер бир мисаль да Азрети Омернинъ заманында олгъандыр. Шойле ки:

Ривает этильгенине коре Бизанс императоры, бир эйи ниет оларакъ Азрети Омерге душманларыны ёкъ этмекте файдалы оладжакъ чокъ къу-



ветли бир зеэр йиберди. Яшайышлары боюнджа араларында интригалар-нен кечкен Бизанс императорлары ичюн чокъ табиий олгъан бу зеэрлеме ишине Азрети Омер -радиаллаху анх- хош бакъмаз. Оны кетирген эль-чининг огюнде зеэр шишесини элине алыр ве садедже бир бисмиллях чекип олгъаны киби оны ичер. Зеэрнинг ич бир тесири корюльмез<sup>188</sup>.

Бу адиселер, яни Аллахнынгни изни иле зеэрнинг тесиринден кьор-чаланмакъ, анджакъ Аллах Расули -салляллаху алейхи ве селлем-нинг ёлундан кеткен ве Онынгни айнайлешкен мустесна къулларгъа аит бир кейфиеттир.

Азрети Омер -радиаллаху анх- халифелиги заманында базылары-нын кендисини Азрети Эбу Бекирден устюн туткъанларыны эшиткен-дже:

«—Валлахи, Эбу Бекирнинг о геджеси, Омернинг бутюн кьоранта-сындан даа хайырлыдыр! Кене Эбу Бекирнинг о куню, Омернинг бутюн кьорантасындан даа хайырлыдыр! Расулюллах -алейхисселям- магъа-рагъа кетмек ичюн эвден чыкъкъаны заман, Эбу Бекир Онынгы янында эди.» дегендир. (Хаким, III, 7/4268)



Бу эснада Азрети Эбу Бекирнинг къызы Эсма, Севр Магъарасына аш кетирир; огълу Абдуллах исе бабасынын эмири узьре эр гедже Севр магъ-арасында оларнынгы янында кечирир, танг атмадан янларындан айрылып, геджени санки Меккеде кечирди киби косьтерир эди. Сонг дередже зеки ве къабилиетли бир генч олгъан Абдуллах, куньдюз де Къурейш мушрикле-рининг арасында булуныр, Пейгъамбер Эфендимиз -салляллаху алейхи ве селлем- акъкъында сёйленген шейлерни диньлер, план ве тузакъларыны Варлыкъ Нурына хабер берир эди.

Азрети Эбу Бекирнинг азатлысы Амир бин Фухейре де Эбу Бекирге аит къойларны, Меккелилернинг чобанларынен берабер отлар эди. Сабах оларнен бирликте чыкъар, акъшам дёнюшинде исе явашлар ве чобанлар-дан кериде къалып, гедже къаранлыгъы басынджа, къойларнен бирликте Севр магъарасына дёнер эди. Пейгъамберимиз ве азиз досту, ичеджекле-ри сютни бу къойлары сагъаракъ алыр эдилер. Сабах эртенден Меккеге къайткъан Абдуллахнынгы аякъ излерини де къойларнынгы излеринен си-

188 Мустафа бин Халил эз-Загърави, *Рисалетуль-Бесмеле*, с. 42. Бу китап, зеэрни ичкен Халид бин Велид -радиаллаху анх- оларакъ кечмектедир.



лер, бельгисиз алгъа кетирир эди. (Ибн-и Хишам, II, 99; Бухари, Менакыбуль Энсар, 45; Хейсеми, VI, 53)

Учь куньдир Аллахнынъ Расулини арагъан мушриклер, артыкъ Оны булмакътан умют кескен эдилер. Абдуллахтан мушриклернинъ, кендилеринден умют кескенини хабер алгъан Расулюллах -салляллаху алейхи ве селлем-, дёрдюнджи кунь девелерге минерек ёлгъа къоюлдылар. Бу ёлджулыкъ, догъуп буюгени топракълардан бир айрылыш олгъаны ичюн Аллах Расули -салляллаху алейхи ве селлем-нинъ кедерленмесине себеб олды. Чюнки о Мекке-и Мукерремени чокъ севе эди. Нитеким бир дефасында Хазбере мевкъийине келгендже девесини токътатып Меккеге айланды ве шойле буюрды:

*«Валлахи сен, Аллах къатында бельделернинъ энъ хайырлы ве энъ севгили олгъанысын. Чыкъарылгъан олмаса эдим, сенден чыкъмаз эдим.»* (Ахмед, IV, 305; Тирмизи, Менакыб, 68/3925)

Кене бир дефасында Меккеге хитабен:

*«Не гузель бир бельдесинъ, манъа не къадар да севимлисинъ. Шает къавмим мени сенден чыкъармаса эди, сенден башкъа бир ерни юрт тутмаз, юва къурмаз эдим.»* (Тирмизи, Менакыб, 68/3926)

Юдже Пейгъамбернинъ бу кедерине, иляхий вахийнен теселли кельди:

إِنَّ الَّذِي فَرَضَ عَلَيْكَ الْقُرْآنَ لَرَادُّكَ إِلَىٰ مَعَادٍ

**«(Расулим!) Къуранны (окъумакъны, теблигъ этмекни ве онъа уймакъны) санъа фарз къылгъан Аллах, эльбетте сени (кене) дёнюлджек ерге дёнюреджек. Де ки: Раббим ким хидаетни кетиргенини ве ким ап-ачыкъ бир сапыкълыкъ ичинде олгъаныны энъ яхшы билдидир.»** (эль-Къасас, 85)

Бу ифаделер, къайтып дёнеджеклерини мужделей, айны заманда Мекке фетхининъ ильк алямети оларакъ Аллах Расули -салляллаху алейхи ве селлем-нинъ гонъюлиндеки кедерни севинчке денъиштире эди.



Мекке иле Медине арасы 400 километрелик бир ёлдыр. О заманлар деве юрюшинен секиз кунде кетиле эди. Ёллар узун, ава сыджакъ, къумлар алев алев эди. Пейгъамберимиз ильк йигирми дёрт саат ич токътамадан ёлларына девам этти.

Азрети Эбу Бекир тиджарет макъсадынен заман заман Шамгъа кетип кельгени ичюн пек чокъ киши оны танырды. Бу ёлджулыкълары эснасында да таныгъаны бириси иле къаршылаштыкъча:

«—Эй Эбу Бекир! Кимдир шу онюндеки зат?» деп Фахри Кяинат Эфендимизни сорагъанларгъа:

«—Реберим! Мангъа ёл косътере!» диерек темкин ве тедбири эльден быракъмаз, бу сёзю иле де: «О мангъа хайыр ёлу косътере!» демек истерди. (Ибн-и Сад, I, 233-235; Ахмед, III, 211)

Расулюллах -салляллаху алейхи ве селлем-, Эбу Бекир эс-Сыддыкъ ве азатлысы Амир бин Фухейре иле бирликте Абдуллах бин Урейкъыт<sup>189</sup> реберлигинде Къудейд мевкъийинде булунгъан бир чадыргъа бардылар. Бу чадыр Умму Мабедке аит эди. Кендиси келип кечкен ёлджуларнынъ сув ве ашайджакъ ихтияджларыны къаршыламагъа чалыша эди. Мединенинъ мукаддес ёлджулары да Умму Мабедтен сют истедилер. Чадырда Умму Мабеднинъ гъает зайыф бир къою бар эди ки сютю ве ягъы олмакъ шойле турсун, сюрюге къатыларакъ отламагъа кетеджек кучю ёкъ эди. Бу себепле чадырнынъ бир кошесинде къалгъан эди. Расулюллах -салляллаху алейхи ве селлем- къойны сагъмакъ ичюн изин истегенинде Умму Мабед:

«—Анам бабам сана феда олсун! Шает онда сют тапсанъ сагъ!» деди.

Севгили Пейгъамберимиз, Аллаһ Тааланынъ берекет бермеси ичюн дуа эткен сонъ бисмиллях чекерек озъ эллернен о кунъ о къойдан пек чокъ сют сагъды.

Умму Мабед -радиаллаху анха-нынъ бильдиргенине коре о къой, Азрети Омернинъ халифелиги заманында мейдангъа кельген къургъакълыккъа къадар яшады.

Умму Мабед:

189 Абдуллах бин Урейкъыт о эснада мушрик эди, факъат эмин ве ишанчлы бир кимсе эди. Сонградан мусульман олып олмагъаны билинмей. Мусульман олгъаны акъкъын-даки риваетлер даа къуветлидир.



«–Ер юзюнде айванлар ашайджакъ бир шей тапалмагъаны вакъыт биз оны акъшам сабах сагъар эдик.» дер эди.

Расулюллах -салляллаху алейхи ве селлем- о ерден айрылгъандан сонъ чадыргъа къоджасы Эбу Мабед кельди. Чадырда сют корьгендже айретле:

«–Эй Умму Мабед! Бу сют не ерден кельди? Къойлар узакъта, эписи де къысыр, бу ерде исе сагъыладжакъ айван ёкъ! Бу не ал?» деп сорады.

Ханымы:

«–Бугунъ бизге мубарек бир зат кельди. Шойле шойле гузель аллары бар эди» деп о кунъ корьгенлерни анълатты.

Къоджасы:

«–Аман шу затны манъа тариф эт!» дегенде, Умму Мабед, Варлыкъ Нурынынъ шемаилини шойле тариф этти:

«–О ойле бир кимсе эди ки озю гузель, юзю нуруний, ахлякы гузель ве мисальсиз эди. Кендисинде ич бир айып олмайып бильакис сонъ дередже хош эндамлы ве гузель сымалы эди. Козюнде сиялыкъ, кирпичлеринде чокълукъ, сесинде незакет бар эди. Козюнинъ беязы гъает без, къарасы гъает къара ве сюрмелийди. Къашларынынъ уджу индже, сачлары къою сия эди. Герданы узун ве юксек олып сакъалы сыкъ ве хафиф узун эди.

Сускъаны заман, раат ве эйбетли олур, къонушкъаны заман да, гузель, кулер юзлю ве татлы тилли олур эди. Сёзлери санки тизильген инджи киби олып, агъзындан татлы татлы акъар эди. Сёзю ачыкъ, акъ иле батылны гъает эйи айырыр эди. Не аджизлик сайыладжакъ дереджеде аз, не де быкътыраджакъ къадар чокъ эди.

Узакътан корюльгени заман, инсанларнынъ энъ эйбетлиси ве энъ гузели, якъынына кельгендже де инсанларнынъ энъ татлысы эди. Орта бойлу олып, бою не узун не де къыска эди. Санки бир фидан эди ки фиданлар арасында оськен, гузеллиги оларнынъ усьтюне чыккъан эди. Янында бир такъым аркъадашлары бар эди. Бир шей сёйлегени заман дикъкъатнен динълерлер, бергени эмирлерни ерине кетирмек ичюн гъайрет этер эдилер. Хызмет ве урьмет корьген бири эди. Бетинден кулюмсемеси тюшмез эди. Кимсени айыпламаз ве азарламаз эди.»

Эбу Мабед бу гузель сыфатларны эшиткендже емин этип:



«—Бу зат Къурейш къабилесинде чыкъкъан Пейгъамбердир. Онынъ иле берабер олып кендисине аркъадашлыкъ этмекни не къадар истер эдим. Кене де бир ёл тапсам буны Муакъкъакъ япаджагъым!» деди.

О куньлерде Меккеде саиби билинмеген бир сеснинъ, Умму Мабеднинъ чадырына кельген мусафирлерни макътагъан шиирлер окъугъаны дуьлды. Хатифтен кельген ве бу шиирни дуйгъан Хассан бин Сабит де, пейгъамберлери араларындан чыкъып кеткен къавмнинъ зараргъа огърагъаныны ве О Пейгъамбернинъ Мединеде хидаетни яйып Аллаһнынъ келямыны окъугъаныны анылаткъан бир шиир иле джевап бергендир. (Ибн-и Сад, I, 230-231; VIII, 289; Хаким, III, 10-11)

Бу бахтлы къоранта, эп бирликте Ислямгъа киререк сахабилик ше-рефине наиль олдылар.



Пейгъамберимизни бир тюрю тапамагъан мушриклер, ким тапса буюк мукафатлар ваде эттилер. Бу ваделернен козьлери къамашкъанлар да, ёлларгъа тюштю. Суракъа бин Малик булардан бири эди.

Суракъа, Аллаһ Расули -салляллаху алейхи ве селлем-ге раст кельди. Оны корюр корьмез атыны хызландырды. Факъат бирденбире атынынъ аякълары къумларгъа комюльмеге башлады. Кендиси де ерге тюшти.

Не къадар огърашса, къумдан чыкъмагъа ве Пейгъамбер -салляллаху алейхи ве селлем-ге догъру янашмагъа кучю етмеди. Узун бир заман огърашкъан сонъ акълы башына кельди; пешман олды. Аллаһ Расулунинъ аффыны тиледи. Азрети Пейгъамбер де дуа этти. Бу дуа берекетинен Суракъанынъ аты къумлардан къуртулды. Бу муджизени корьген Сюракъанынъ, о аныда къальб алеми денъишти ве Расулюллахкъа самимий бир дост олды. Пейгъамберимизнинъ ерини гизли тутмакъ ичюн кери къайтты. О тарафкъа кеткенлерни де кери чевирди. (Муслим, Зюхд, 75)

Къулакъларында Аллаһ Расулунинъ муждеси чынълай эди:

«—Эй Суракъа! Кисранынъ билезиклерини такъынаджагъынъ, къушагъыны къушанаджагъынъ ве таджыны киеджегинъ заман кендини насыл ис этеджесинъ?»



Иран фетхинде Кисранынъ билезиклери, къушагъы ве таджы Мединеге кетирильгени заман, Азрети Омер Суракъаны чагъырып буларны онъа такъты ве:

«–Эй Суракъа! Эллерини котерип «Аллаһу экбер! Хамд олсын о Аллаһкъа ки, буларны мен инсанларнынъ Раббисим! деген Кисра бин Хурмуздан чыкъарып Мудлидж огъулларындан Суракъа бин Маликке такътырды!» де!» буюрды. (Ибн-и Эсир, *Усдуль-Гъабе*, II, 332; Ибн-и Хаджер, *эль-Исабе*, II, 19)

Пейгъамбер Эфендимиз Гъамим мевкийине кельгенинде, Бурейде бин Хусайб ве къавми иле къаршылашты. Оларны Ислямгъа давет этти. Бунынъ узъре олар да Аллаһ Расулине теслим олды ве Ислямгъа кирдилер. Варлыкъ Нуры Бурейде -радиаллаху анх-къа о гедже Меръем Суресининъ баш тарафыны огретти. (Ибн-и Сад, IV, 242)

Бурейде башындаки без сарыгъыны чёзерек:

«–Я Расулюллах! Мусааде буюрсанъыз, байракъдарынъыз олайым!» деди.

Бойледже Къуба коюне къадар Аллаһ Расули -салляллаху алейхи ве селлем-ге байракъдарлыкъ япты.

Бурейдеден сонъ, Шамдан дёнген тиджарет кervанына расткельдилер. Ичлеринде Зубейр бин Аввам да бар эди. Зубейр, Расулюллах -салляллаху алейхи ве селлем-ге ве Азрети Эбу Бекирге без машлахлар кийдирди. (Бухари, Менакъыбуль Энсар, 45)

Пейгъамберимиз Мединеге догъру адым-адым якълаша эди. Мушриклернинъ Варлыкъ Нурыны ольдюрмек ичюн эр кесни ортагъа къойдылар. Амма бу ве дигер пек чокъ техликелерге рагъмен, О кене вазифесини япмагъа девам эте, ёлда къаршылашкъан кимселерге Ислямны анълата эди. Асхабы кирамдан Сад эд-Делиль<sup>190</sup> -радиаллаху анх- шойле анълатыр:

«–Хиджрет эснасында Аллаһ Расули, Эбу Бекир иле берабер бизге кельди. О сырада Эбу Бекирнинъ бир къызы, янымызда сют анасында

190 Бу мубарек сахаби, Мединеге кеткен кестирме ёлуны Эфендимизге косътерип, Рекъубе ёлу узеринде реберлик япкъаны ичюн, «Делиль» сыфаты иле мешур олды.




эди. Расулюллах -салляллаху алейхи ве селлем- къыска ёлдан Мединеге бармакъ истеди. Биз кендисине:

«—Бурасы Рекубенинъ Гаир ёлудыр. Бу ерде Эслем къабилесинден Муханан деп билинген эки хырсыз бардыр. Истесен оларнынъ узерине биз барайыкъ.» дедик.

Расулюллах -салляллаху алейхи ве селлем-:

«—Сен бизни оларнынъ янына алып кет!» деди.





Бунинъ узъре ёлгъа къоюлдыкъ. Рекубе дагъыны ашып энмеге башлагъанымызда, о эки хырсыздан бири аркъадашына:

«—Бу зат Йеменлидир.» дей эди<sup>191</sup>.

Варлыкъ Нуры оларны янына чагъырып Ислямны анълатты ве мусульман олмаларыны истеди. Олар да мусульман олдылар. Аллах Расули -салляллаху алейхи ве селлем- исимлерини сорады:

«—Биз Муханан (ашаа корюльген эки кишимиз).» дедилер.

Расулюллах -салляллаху алейхи ве селлем-:

«—*Билъакис, сиз Мукреман (шерефли эки кимсесинъиз).*» буюрды ве муждеджи оларакъ оларны огюнден Мединеге кетмелерини эмир этти.» (Ахмед, IV, 74)

### Бекленген Мубарек Ёлджу

Бу сырада Мединелилер, Расулюллахнынъ ёлгъа чыкъкъаныны хабер алгъан эдилер. Онынъ ёлуна бакъаракъ асрет иле беклей эдилер, къаршыламакъ ичюн шеэрнинъ тышына къадар чыкъа ве беклей эдилер.

Ниает Пейгъамберликнинъ он дёртюнджи сенеси 12 Ребиульэвель базар эртеси куню<sup>192</sup> бир сес бутюн мусульманларнынъ къулакъларында севинч янкъысы япты:

«—Бекленген мубарек ёлджу келе!»

Бу муждели хабер иле текбир сеслери бутюн Мединени чынълатмагъа башлады.

Мусульманлар сияларыны къушандылар. Кими атлы, кими джаяв мукъаддес мусафирни къаршыламагъа къоштылар.

Бекленген мубарек къафиле, иляхий имаенен Медине якъынларындаки Къубагъа улашкъанында, орталыкъ къайнады, джиан севинчке толды.

191 Бу сёз иле Фахри Кяинат Эфендимизнинъ Меккели олгъаны къаст этильди. Чюнки Мекке Тихаме больгесинде, Тихаме де Йемен сынырлары ичинде сайыла эди. Бу себеп иле Кябеге «эль-Кябетуль-Йеманийе» дейильди. (Ибни Эсир, *эн-Нухайе*, V, 300)

192 Миллядий 622 сенесининъ сентябрь айына раст келир.



Тепелерден «Талеаль-бедру алейна»<sup>193</sup>нынъ якъыджы намелери, далгъа далгъа семаны оре, гонъюллерни джоштура эди. Тарих, о андан итибарен къыяметке къадар мейдангъа келеджек вакъиаларны фихрист-лейджек бир хиджрет такъвими башлата эди.

Къаршыламагъа кельген мусульманларнынъ чокъу, къиянатнынъ бар олма себеби, Алемлернинъ Эфендиси, Азрети Мухаммед Мустафаны даа эвель коръмедиклери ичюн танымай эдилер. Бир муддет Эбу Бекир Сыдыкъ Эфендимизни, Пейгъамберимиз зан эттилер.

Азрети Пейгъамбер -салляллаху алейхи ве селлем- суса эди. Узерине кунеш кельгендже, Эбу Бекир -радиаллаху анх- аман къалкъып Оны урбасынен кольгелемеге башлады. Мусульманлар анджакъ о заман Варлыкъ Нурыны таныдылар. (Бухари, Менакъыбуль Энсар, 45)

Медине, бу куньден сонъ, Ислямиетнинъ инкишаф ве теракъкий мекаяны ве кузъгюси олды. Имансызлыкънынъ къаранлыкъ юзю, бу хиджретнен солды. Месджиди Саадет ве Месджиди Къуба, ульвий бир мана къазанып къыяметке къадар бу мубарек хиджретнинъ къудси мекаяны ве хатырасы оларакъ къалды.

Энсар, Мухаджирине мал ве мулклерини арз этерек: «Иште малым; ал, ярысы сенинъ!..» деди. Федакярлыкъта инанылмаз бир Ислям къардашлыгъынынъ темели бойледже атылды. Медине, Ислям тарихиндеки ольмез мевкъийге ве ёкъ олмаз итибарына саип олды. Мединеде эзанлар, рамазанлар, байрамлар, зекятлар, муаребелер умметке нумюне ве мисаль олды.

Варлыкъ Нуры Къубада булунгъаны эснада Амр бин Авф Огъууларындан Кульсум бин Хидмнинъ эвинде мусафир къалды. Расулюллах -салляллаху алейхи ве селлем- бу ерден чыкъаракъ Сад бин Хайсеменинъ эвине кетер, о ерде мусульманларнен отурур, субет этер эди.

Сад бин Хайсеме -радиаллаху анх- бекяр олгъанындан Мухаджирлернинъ бекярлары онынъ эвинде къалдылар. Бу себепле Сад -радиаллаху анх-нынъ эвине «Мензилуль-Уззаб: Бекярлар Эви» денильди. (Ибн-и Хишам, II, 110; Ибн-и Сад, I, 233)

<sup>193</sup> Ай узеримизге догъды.



Расулюллах -салляллаху алейхи ве селлем- Къубада къалгъаны кунь-  
лерде дженазелерни алып барыр, хасталарны зиярет этер, даветлерге къа-  
тылыр эди.

Эбу Саид эль-Худри -радиаллаху анх- асхабнынъ хассасиетини косъ-  
терген, о куньлерге аит бир хатыраны шойле накъиль этер:

«Расулюллах -салляллаху алейхи ве селлем- Мединеге янъы кельге-  
ни вакъыт бизден бири олюм тѣшегинде экенде барып кендисине хабер  
берир эдик. О да келир хастанынъ башында турар, истигъфар этер эди.  
Ольгендже де янындакилерле берабер къайтар эди. Базан да дженазе ко-  
мюльгенджеге къадар беклерди.

Кендисине замет бермектен эндише дуяракъ арамызда шойле къо-  
нуштыкъ:

«—Хастамыз ольгенджеге къадар Аллах Расулине биршей сѣйлемей-  
ик. Вефат эткендже кендисине сѣйлермиз. Бойледже О, не ёрулыр не де  
заман гъайып этер.»

Бойле япмагъа башладыкъ. Хастамыз ольгендже кендисине кетер ха-  
бер берир эдик, о да келир намазыны къылар, истигъфарда булуныр, кери  
дѣнер эди. Базан да дженазе комюльгенге къадар беклер эди.

Бир муддет бу шекильде яптыкъ. Даа сонъ:

«—Валлахи бойле де япмайыкъ. Бу да Расулюллахны болдурта.  
Дженаземиз олгъанында оны Расулюллах -салляллаху алейхи ве селлем-  
нинъ эвининъ къапысына алып кетейик, о ерде намаз къылдырсын. Бу,  
Онынъ ичюн даа къолай олур.» дедик ве ойле яптыкъ.

Хадиснинъ рависи Мухаммед бин Омер дей ки:

«Бу себептен о ерге «дженазе намазынынъ къылынгъаны ер» анъла-  
мында «мусалля» денди. Дженазелер эп о ерге алып кетиле эди. Аллах  
Расулюнинъ вефатындан сонъ да бу адет девам этти. (Ибн-и Сад, I, 257)

Аллах Расули -салляллаху алейхи ве селлем- Къубада экенде, Азрети  
Али -керремаллаху веджхех- де, кендисине бергени эманетлери ерине  
теслим этип оларгъа етишти.



Асхабы кирамнынъ Варлыкъ Нурына ве Онынъ хатыраларына косъ-тергенлери муаббет, джошкъу ве азаметини пек чокъ риваетте мевджут-тыр. Бера бин Азиб<sup>194</sup> -радиаллаху анх-, бабасынынъ эр фырсаатта, Аллах Расулине аит бир хатыраны динълеме арзусыны шойле анълатыр:

«Эбу Бекир Сыддыкъ -радиаллаху анх-, бабамдан он учъ дирхемге бир мейва сатын алды ве:

«—Берагъа сёйле де оны бизим эвге алып барсын.» деди.

Бабам:

«—Хайыр! Мангъа Расулюллах -салляллаху алейхи ве селлем-нинъ Меккеден Мединеге насыл хиджрет эткенини анълатынджагъа къадар олмаз.» деди.

Бунынъ узьре Эбу Бекир -радиаллаху анх- хиджрет ёлджулыгъыны узун узун анълатты.» (Бухари, Асхабун-Неби, 2; Ахмед, I, 2)

### **Темеллери Таква Иле Атылгъан Месджид: Къуба Месджиди**

Хиджрет ёлджулугъынынъ ильк дурагъы олгъан Къубада Аллах Расули -салляллаху алейхи ве селлем-, Амр бин Авф Огъулларында он дёрт гедже мусафир олды. Иште мешур Месджиди Къуба, бу эснада япылды. Азрети Пейгъамбер -салляллаху алейхи ве селлем- де, месджид-нинъ иншасында биззат чалышты.

Къуба Месджиди, Ислямда инша этильген ильк месджиддир. Хиджрет киби муим бир адисе эснасында бина этильгени ичюн онемли бир ерге саиптир. Бу месджид, Къурани Керимде:

لَمَسْجِدٍ أُسِّسَ عَلَى التَّقْوَى مِنْ أَوَّلِ يَوْمٍ...

«... (Мединеге хиджретнинъ) Ильк куньден такъва узерине къурылгъан Месджит» (эт-Тевбе, 108) шеклинде зикр этильгендир.<sup>195</sup>

194 **Бера бин Азиб** -радиаллаху анх- Энсардан олып лагъабы Эбу Аммаредир. Хиджрет-тен эвель мусульман олды. Ухуд дженкинден башлап бутюн дженклерге къошулды. Хиджретнинъ 73- сенесинде Куфедэ вефат этти. Учъ юзьден чокъ хадис ривает этти.

195 Азрети Умер даа сонъ, Хиджретни такъвим башлангычы япкъанда бу аети керимедеки «ильк куньден» ифадесине даянгъандыр.



Эбу Хурейре -радиаллаху анх-:

فِيهِ رَجَالٌ مُّحِبُّونَ أَنْ يَتَطَهَّرُوا وَاللَّهُ يُحِبُّ الْمُطَهَّرِينَ

**«Онда темизленмекни севген адамлар бар. Аллах да чокъ темизленгенлерни север.»** (эт-Тевбе, 108) аетининъ де Къуба халкъы акъкъында назиль олгъаныны бильдиргендир. (Тирмизи, Тефсир, 9/3099; Эбу Давуд, Тахарет, 23/44; Ибн-и Мадже, Тахарет, 357)

Хиджрет эткен ильк мухаджирлер Къубагъа баргъанларында, Амр бин Авф Огъуларынынъ хурма къурутма ерини азырлап о ерде намаз къылмагъа башладылар. Эбу Хузейфенинъ азатлы къулы Салим, Къуранны энъ гузель окъугъан ве бильген кимсе олгъаны ичюн ильк Мухаджирлерге о имамлыкъ япа эди. (Ибн-и Сад, III, 87; IV, 311)

Варлыкъ Нуры, бу сааны кенишлетерек Къуба Месджидини инша этти. Месджид каре шеклинде олып ольчюлери 32Х32 метре эди. Аллах Расули -салляллаху алейхи ве селлем-, Къубалылардан таш кетирмелерини истеди, олардан бирини алып къыбле тарафына къояракъ, Эбу Бекир ве Омер -радиаллаху анхума-нынъ да айны шекильде сыранен таш къоймаларыны истеди.

Месджиднинъ иншасында энъ буюк гъайретни, Аммар бин Ясир косьерди. Бунынъ ичюн онъа «Ислямда ильк месджид бина эткен» денильгендир. (Ибн Хишам, II, 114)

Абдуллах бин Реваха да эм чалышыр эм шиир сёйлер, бойледже муминлернинъ талгъынлыгъыны хафифлетирди. (Кямил Мирас, *Теджрид Терджемеси*, X, 106)

Месджиднинъ муеззини асхабы кирамдан Сад эль-Къурази -радиаллаху анх- эди.

Къуба Месджидинде, Мединедеки дигер докъуз месджитте олгъаны киби Ислямны огретме ишлери девам этер, Пейгъамбер Эфендимиз бу ерге эр келишлеринде буны контроль эте эди. (Хамидуллах, *Ислям Пейгъамбери*, II, 771)

Кяинатнынъ бар олманынъ себеби, эки джианынъ саадет ребери Эфендимиз -салляллаху алейхи ве селлем-, Джумаэртеси кунълери



фелерде олса эди биле девесини о ерге улашмакъ ичюн кене суреджегини ифаде этер эди. (Ибн-и Сад, I, 245)

Къуба Месджиди, Азрети Осман ве Омер бин Абдульазиз тарафындан кенъишлетилди. Даа сонъ бир чокъ дефа тамирленди. 1245/1829 йылында Султан II. Махмуд тарафындан къурулгъан тек минарели ве тюз таванлы Месджид, Сауди Арабиستان укюмети тарафындан йыкъылып къуббелери ве чифт минарели оларакъ къурулды.

### Рануна Вадисинде Ильк Джума Намазы

Ниает Къубада он дёрт кунълик бир мусафирликтен сонъ Аллаһ Расули -салляллаху алейхи ве селлем- ве онынънен берабер олгъанлар, Мединеге арекет эттилер. Кунълерден джума эди. Уйле вакъты «Рануна» вадисине барылгъан, намаз вакъыты кирген эди. Аллаһ Расули -салляллаху алейхи ве селлем- девесинден энди. О сырада, Ислямнынъ кучюни косътерген алямет оларакъ «джума намазы» фарз къылынган эди. Оны къылдырды ве шу хутбелерни окъуды:

#### 1. Хутбе:

«—Эй инсанлар!

*Ольмеден эвель тевбе этинъ; фырсаат эльде экенде гузель ишлер ишлемеге бакъынъ! Гизли-ачыкъ болджа садакъа бермек ве Аллаһны чокъ чокъ зикр этмек иле Раббинъизнен аранъызны тюзельтинъ! Бойле япарсанъыз, рызыкъ ве ярдым корер, къачыргъан шейлерни эльде этерсинъиз.*

*Билинъиз ки Аллаһ, бу йылынъызнынъ бу айында, бу ерде сизге къыяметке къадар «джума намазы»ны фарз къылгъандыр. Адиль олсун-олмасын, башында бир имам олса меним сагълыгъымда я да менден сонъ эр ким кучюк корюп я да инанмайып бу намазны быракъса, онынъ эки якъасы бир арагъа кельмесин! Ве Аллаһ, онынъ ишлерини онъдан кетирмесин! О кимсенинъ башкъа намазы ёкътыр, къабул олмаз; анджакъ тевбе эткенлер бунынъ тышында... Чюнки ким тевбе этсе, Аллаһ онынъ тевбесини къабул этер.» (Ибн-и Мадже, Икъаме, 78)*

«Эй инсанлар!

*Сагълыгъынъызда ахиретинъиз ичюн азырлыкъ корюнъиз! Муакъкъакъ эр бириниз оледжек ве сюрюсини чобансыз быракъаджакъ—*



*тыр. Сонъ Аллаһ, онъа терджимансыз ве вастасыз оларакъ дейджек ки: «Меним Расулим келип де сизге эмирлеримни бильдирмедими? Мен санъа мал-мульк бердим, нек чокъ эйиликлер ве ихсанлар бердим; сен кендинъ ичюн не кетирдинъ?»*

*Бу суаль иле къаришылашкъан эр кес, сагъ ве сол тарафкъа бакъад-жакъ бир шей коръмейджек, огюне бакъынджа исе джеэннемни коред-жек...*

*О алда уянынъыз! Кимнинъ ярым хурма иле озюни атештен къорчаламагъа кучю етсе, оны япсын! Ким ки о ярым хурманы тапмаса, баре татлы бир сёз сойлеп эйилик этмеге чалышсын! Чюнки бир эйиликке он къаттан еди юз къат къадар севаб берилир.*

*Аллаһнынъ селямы, рахмети ве берекети узеринъизге олсун!» (Ибн-и Хишам, I, 118-119)*

## 2. Хутбе:

*«—АллаһкъахамдэтеримвеОнданярдымтилерим.Нефислеримизнинъ шерринден ве ишлеримизнинъ яманлыгындан Аллаһкъа сыгъынырым. Аллаһнынъ догъру ёлгъа къойгъаны кишини кимсе о ёлдан чевиремез; сап-тыргъаныны да кимсе догъру ёлгъа кетиремез.*

*Шехадет этерим ки, Аллаһтан башкъа илях ёкътыр. О, бирдир; ортагъы ёкътыр. Сёзлернинъ энъ гузели Аллаһнынъ китабыдыр. Аллаһ, кимнинъ къальбини Къураннен гузеллешитирсе ве оны куфюрден сонъ Ислямгъа кирсетсе, о да Къуранны башкъа сёзлерден усьтюн тутса, иште о кимсе къуртулгъандыр!*

*Догърусы Аллаһнынъ китабы, сёзлернинъ энъ гузели ве энъ тесир-лисидир.*

*Аллаһнынъ севгенини севинъиз! Аллаһнынъ Сёзюнден ве Оны зикр этмектен усанманъыз. Аллаһнынъ келямындан къальбинъизге тарлыкъ кельмесин! Чюнки Аллаһнынъ келямы, эр шейнинъ энъ юдже олгъаныны айырыр. Амеллернинъ хайырлысыны, къулларнынъ энъ сайлавлы олгъан пейгъамберлерни, икяелернинъ энъ гузель ве ибретлилерни анълатыр<sup>196</sup>. Хелял ве харамны ачыкълар.*

196 Къурани Керимнинъ учъте биринден чокъу пейгъамбер икяелеридир. Къуран икяелерининъ икметлери ичюн бакъынъыз Осман Нури Топбаш, *Небилер Сильсилеси*, 1,





*Сиз анджакъ Аллахъа ибадет этинъиз ве Онъа ич бир шей ортакъ къошманъыз! Ондан акъкъы иле сакъынынъыз! Япкъанынъыз эйи ишлерни тилинъизнен догъруланъыз! Аллахнынъ келямы иле бирбиринъизни севинъиз! Муакъкъакъ билинъиз ки Аллах, ахтынынъ бозулмасына гъадаб этер.*

*Аллахнынъ селямы узеринъизге олсун!»* (Ахмед Джевет Паша, *Къысас-ы Энбия*, I, 98)

Бу хутбелер, Ислямнынъ итикъад, ибадет, ахлякъ, муамелят киби мевзуларынен диннинъ умумий бир хулясасы укмюндедир.

Джума намазынынъ Хиджрет эснасында фарз къылынмасы, мусульманларнынъ джемаат алына кельмелери керек олгъанына ишарет эте.

### **Мединеде Эйджанлы Беклейиш**

Расулюллах -салляллаху алейхи ве селлем-, Къубадан Мединеге аретке этеджеги заман, дайылары олгъан Неджджар огъуллаарына хабер йиберди. Олар да сияларыны къушанып кельдилер ве Азрети Пейгъамбер -салляллаху алейхи ве селлем- Эфендимизге селям беререк:

«Эминлик ичинде девелеринъизге мининъиз!» дедилер. (Бухари, *Менакъибуль Энсар*, 46)

Джума намазындан сонъ Аллах Расули -салляллаху алейхи ве селлем-, девеси *Къасвагъа* минди, Азрети Эбу Бекир, Неджджар огъуллаары ве дигер мусульманларнен берабер Мединеге кирдилер.

Эки Джиан Кунеш, Имамунъ Энбия<sup>197</sup> –алеихимусселям- Эфендимизни мусафир этмек шерефинден марум къаладжакъларыны анълагъан Къубалылар, Ондан айрылыш кедери иле:

«Я Расулюллах! Бизден усангъанынъ ичюнми, ёкъса бизим эвимизден даа хайырлы бир ерге кетмек ичюнми бу ерден айрыласынъ?» дедилер.

Пейгъамберимиз -салляллаху алейхи ве селлем- Азретлери:

*«Манъа Мединеге кетмем эмир этильди!»* буюрып кендилеринден разы олгъаныны бильдирди. (Диярбекри, I, 339)

---

Истанбул 2004, с. 11-28.

197 **Имам-уль энбия** – Пейгъамберлернинъ имамы.



Мединели бутюн муминлер, Аллах Расулини мусафир этме арзусы ичинде эдилер. Эр кес Оны эвине алып бармагъа джан ата ве бу хусу-ста бирбирлери арасында тартышып тура эдилер. Бунынъ узъре Аллах Расули -салляллаху алейхи ве селлем- девеси Къасваны къаст этип:

*«Айванны быракъынъ, ёлундан чекилинъ; о эмир астындадыр (не ерде токътайджагъы онъа бильдирильди)!»* буюрды. (Ибн-и Хишам, II, 112-113)

Чюнки, садедже бу шекильде ич бир кимсенинъ гонъюли къырылма-дан бу меселе ал этиледжек эди.

Нитеким мубарек деве, бир эки ерде ятып тургъан сонъ Халид бин Зейднинъ (Эбу Эйюб эль-Энсарининъ) эвининъ огюнде токътады ве ерге эгилип отурды. Эбу Эйюб, тарифсиз бир севинч ичинде Расулюллах -салляллаху алейхи ве селлем-ни:

*«Буюрунъыз эй Аллахнынъ Расули! Эвимни шерефлендинъиз!»* диерек эвине давет этти.

Расулюллах -салляллаху алейхи ве селлем-, Эбу Эйюб -радиалла-ху анх-нынъ эвине догъру кельгенде Неджджар огъуллаарынынъ кучюк къызлары даре чалып къаршысына чыкып:

نَحْنُ جَوَارٍ مِنْ بَنِي النَّجَّارِ يَا حَبَّاذَ مُحَمَّدٍ مِنْ جَارِ

*«–Неджджар огъуллаарынынъ къызларымыз биз!»*

*Азрети Мухаммеднинъ къомишусы олмакъ не буюк бир шерефтир!»* диерек нагъмелер окъудылар.

Гонъюллер султаны Пейгъамберимиз -салляллаху алейхи ве селлем-, оларгъа:

*«–Сейленъ бакъайым, мени севесинъизми?»* деп сорады.

Олар да:

*«–Эбет я Расулюллах, Сени чокъ севемиз!»* дей эдилер.

Оларнынъ неше ве севинчлеринен къувангъан Варлыкъ Нуры -салляллаху алейхи ве селлем- де:



«—Аллаһ биле я, Валлахи, мен де сизлерни севем! Валлахи, мен де сизлерни севем! Валлахи, мен де сизлерни севем!» буюрды. (Ибн-и Мадже, Никъах, 21; Диярбекри, I, 341)

Бера бин Азиб -радиаллаху анх- буюра ки:

«—Мен, Мединели инсанларнынъ, Расулюллах -салляллаху алейхи ве селлем-нинъ келишине севингенлери къадар, башкъа бир шейге къувангъанларыны корьмедим! Бутюн Мединелилер буюк-кучюк, къадын-эркек ёлларгъа ве эвлернинъ дамларына чыкъаракъ ве:

«—Небиюллах кельди! Я Мухаммед! Я Расулюллах! Я Мухаммед! Я Расулюллах!» деп бакъыра эдилер.» (Бухари, Менакъыбуль Энсар, 45; Муслим, Зухд, 75)

Энес бин Малик Азретлери де:

«—Мен Расулюллахнынъ Мединеге киргени куньден даа гузель, даа нурлу бир кунъ корьмедим, О кельгенинде бутюн Медине айдынлыгъа гъаркъ олды.» дегендир. (Ахмед, III, 122; Тирмизи, Менакъыб, 1/3618)

Мединели мусульманлар Аллаһ Расули -салляллаху алейхи ве селлем-нинъ Мединеге келишинден дуйгъан къуванчларындан бир деве къурбан эттилер. (Ахмед, III, 301)

Шаир, мусульманларнынъ Варлыкъ Нурына олгъан муаббетлерини не гузель ифаде этер:

*Аман лафзы Сеннинъ исм-и шерифин иле Мусавидир*

*Анынъ ичюн ашыкъын зикри «аман»дыр я Расулюллах*

«Аман» иле «Мухаммед» сёзю эбджед эсабыннен 92ге мусавийдир. Ашыкънынъ «аман!» деп эр айкъырышында аслында Азрети Пейгъамберни анъмакъта олгъаныны сёйлемектедир.

Хиджрет иле Пейгъамберликнинъ Мекке деври къапанып, Медине деври башлады.



## МУНДЕРИДЖЕ

### СЁЗ БАШЫ / 7

### КИРИШ / 11

Ислямнынъ анълашылмасы ве яшанмасында	
Пейгъамбер аятынынъ эмиети .....	11
Ислямнынъ догъувында Арабистаннынъ бешик оларакъ	
сечилиювининъ икмети .....	17
Уммуль-Къура: Мекке .....	20
Кябенинъ тарихы ве мукъаддеслиги .....	26
Кябенинъ иляхий къорчалавда олгъаныны косътерген ибретли	
бир адисе: Филь вакъиасы .....	33
Ибрахим -алейхисселям- ве ханифлик .....	35

### БИРИНДЖИ БОЛЮК

#### ПЕЙГЪАМБЕРЛИКТЕН ЭВЕЛЬ АЗРЕТИ МУХАММЕД / 41

АЗРЕТИ ПЕЙГЪАМБЕРНИНЪ ДОГЪУМЫ ВЕ БАЛАЛЫГЪЫ .....	43
Мухаммедий Нур .....	43
Пейгъамбер эфендимизнинъ пак сою .....	48
Азрети Пейгъамбернинъ бабасы Абдуллах иле анасы	
Аминенинъ эвленюви .....	49
Пейгъамбер Эфендимизнинъ бабасы Абдуллахнынъ вефаты .....	52
Пейгъамберимизнинъ келишини мудждедеген хабер ве адиселер .....	52
Ульвий тешриф ве бу эснада юзь берген алельхусус аллар .....	63
Пейгъамбер Эфендимизнинъ исимлери .....	67



Сют анасына берильмеси .....	68
Биринджи Шерх-и Садр: Юрегининъ ачылмасы адисеси .....	73
Медине ёлджулугъы ве анасынынъ вефаты .....	75
Къартбабасы Абдулмутталибнинъ имаеси .....	76
Эмджеси Эбу Талибнинъ имаеси .....	78
Экинджи Шерх-и Садр: Неби юрегининъ мерхамет, шефкъат ве рахметнен толдырылмасы .....	80
АЗРЕТИ ПЕЙГЪАМБЕРНИНЪ ЯШЛЫГЪЫ .....	82
Пейгъамбер Эфендимизнинъ иляхий къорчалавнен буюмеси .....	82
Пейгъамберимизнинъ къой бакъувы .....	85
Эмджелеринен берабер ёлджулыкълары .....	87
Рахип Бахиранин къаршылашувы ве Бахиранинъ тасдикълары .....	88
Хильфуль фудуль .....	92
Расулюллах Эфендимизнинъ тиджарий аяты .....	94
Рахип Настуранынъ Тесбити .....	97
Азрети Хатидже иле эвилиги .....	98
Аллах Расулининъ бирден зияде эвленюви ве бунынъ икметлери .....	100
Пейгъамберимизнинъ Зейд бин Харисени азат этип эвлятлыккъа алувы .....	107
Эфендимизнинъ Азрети Алини янына алувы .....	109
Пейгъамберимизнинъ эвлятлары .....	109
Кябеде хакемлик .....	111
Къусс бин Саиденинъ хитабы .....	114
Хира магъарасында инзивагъа чекилюв .....	116
Балалыкъ ве яшлыкъ деврининъ талили .....	119

## ЭКИНДЖИ БОЛЮК

### НУБУВВЕТНИНЪ МЕККЕ ДЕВРИ / 123

НУБУВВЕТНИНЪ МЕККЕ ДЕВРИ .....	125
--------------------------------	-----

Вахийнинъ Башлангычы: Садыкъ Тюшлер .....	125
ПЕЙГЪАМБЕРЛИКНИНЪ ИЛЪК УЧЪ ЙЫЛЫ:ГИЗЛИ ДАВЕТ ДЕВРИ .	127
Илък вахий ве вахийнинъ кесильмеси .....	127
Вахийнинъ Акъикъаты ве Келиш Шекиллери .....	134
НубювветвеРисалет .....	145
Пейгъамберлернинъ сыфатлары .....	147
Пейгъамберимизнинъ Инсан Олышы .....	161
Умми Олушы ве Икметлери .....	164
Хилье-и Саадет .....	167
Вахийнинъ текрар башламасы .....	175
Биринджимусульманлар .....	177
Даруль-Эркам: Илък мусульманларнынъ маарифветасили .....	186
ПЕЙГЪАМБЕРЛИКНИНЪ ДЁРДЮНДЖИ СЕНЕСИ .....	188
Эмиралгъаншейни ачыкъла: Энъ Якъынларны Инзар Эт .....	188
Сафа тепесинде Къурейш къавмини Ислямгъа давет этмеси (Пейгъамберлигининъ 4. йылы) .....	193
Теблигънинъ Эмиетиве Услуоби .....	200
Ислям теблигъи ве миссионерлик .....	215
Эбу Лехеб иле къарысынынъ Азрети Пейгъамберге къаршы япкъанарекетлери .....	216
Меккелилернинъ узлашма гъайретлери (Пейгъамберликнинъ 4-джейылы) .....	219
Къурани Керимнинъ муджизелери ве динълегенлер узериндеки тесири .....	227
Мушриклернинъ Къурангъа Къаршы Тавырлары .....	239
Расулюллахкъа ве Къурангъа къаршы сучламалар .....	245
Ишкендже деври .....	250
Мусульманларгъа Сабыр ве Себат Телькини .....	261
ПЕЙГЪАМБЕРЛИКНИНЪ БЕШИНДЖИ СЕНЕСИ .....	266



Хабешистан Хиджрети .....	266
Гъараник Меселеси .....	268
Экинджи Хабешистан Хиджрети .....	271
ПЕЙГЪАМБЕРЛИКНИНЪ АЛТЫНДЖЫ СЕНЕСИ .....	274
Къурейшнинъ Неджашиден Мухаджирлерни Кери Истемеси .....	274
Азрети Хамзанынъ Мусульман Олмасы .....	279
Азрети Омернинъ мусульман олмасы .....	284
НУБУВВЕТНИНЪ 7-9-джи СЕНЕЛЕРИ: БОЙКОТ ЙЫЛЛАРЫ .....	290
Мушриклернинъ мусульманларны ёкъ этюв сиясети:	
учъ йыл сюрген бойкот .....	290
Бойкотнынъ битмеси .....	294
Шакъкъ-ы Къамер: Айнынъ экиге ярылмасы муджизеси .....	297
Пейгъамберимизнинъ Эр Алда Теблигъге Девам Этмеси .....	299
ПЕЙГЪАМБЕРЛИКНИНЪ ОНУНДЖЫ СЕНЕСИ .....	303
Кедер сенеси: Азрети Хатидже ве Эбу Талибнинъ вефаты .....	303
Таиф ёлджулыгъы .....	307
Бензерсиз бир Мерхамет ве Рахманий Теселлилер .....	309
Джинлернинъ Варлыкъ Нурындан Къуран Динълейип	
Иман Этишлери .....	311
Мухтелиф Къабилелернен корюшмеси ве	
Оларны Ислямгъа Давети .....	316
Пейгъамберимизнинъ Азрети Севде Иле Эвлилиги .....	323
ПЕЙГЪАМБЕРЛИКНИНЪ ОН БИРИНДЖИ СЕНЕСИ .....	325
Акъабе корюшмеси .....	325
Учюнджю Шерхи Садр (кокюснинъ ярылмасы):	
Мираджгъа Азырлыкъ .....	326
Махбубнынъ Хабибине Олгъан Эшсиз Икрамы: Мирадж .....	327
Мирадждан Бир къач Нокъта .....	341

Мираджнынъ Акислери .....	341
ПЕЙГЪАМБЕРЛИКНИНЪ	
ОН ЭКИНДЖИ ВЕ ОН УЧЮНДЖИ СЕНЕЛЕРИ .....	345
Биринджи Акъабе Бейаты .....	345
Мусаб бин Умейрнинъ Муаллим Оларакъ	
Йиберильмеси ве Мединенинъ Къуранла Фетиhi .....	346
Экинджи Акъабе Бейаты .....	349
Мекке Деврининъ Тахлили .....	356
Меккеде Энген Аетлернинъ Хусусиетлери .....	357
Пейгъамберлернинъ Сонъ Чареси: ХИДЖРЕТ	
Хиджретке Изин Берильмеси ве Мединеге Хиджрет .....	361
Мушриклернинъ Суикъаст Планы .....	365
Четин Ёлджулыкъ .....	369
Бекленген Мубарек Ёлджу .....	383
Темеллери Таква Иле Атылгъан Месджид: Къуба Месджиди .....	386
Рануна Вадисинде Ильк Джума Намазы .....	389
Мединеде Эйджанлы Беклейиш .....	391





